

P. a
13 53

6.

23

The Library of the
Wellcome Institute for
the History of Medicine

MEDICAL SOCIETY
OF
LONDON
DEPOSIT

Accession Number

Press Mark

COMMENTARIES

ON THE HISTORY OF THE UNITED STATES

OF AMERICA

BY JAMES MADISON

IN TWO VOLUMES

LONDON

PRINTED BY J. JOHNSON, ST. PAULS CHURCH-YARD

1792

IN TWO VOLUMES

LONDON

PRINTED BY J. JOHNSON, ST. PAULS CHURCH-YARD

1792

IN TWO VOLUMES

LONDON

PRINTED BY J. JOHNSON, ST. PAULS CHURCH-YARD

1792

IN TWO VOLUMES

LONDON

PRINTED BY J. JOHNSON, ST. PAULS CHURCH-YARD

1792

IN TWO VOLUMES

LONDON

IX₄

COMMENTATIONES

SOCIETATIS REGIAE SCIENTIARVM

GOTTINGENSIS

AD A. c1o1occcxc1 ET XCII.

VOLV MEN XI.

SOCIETY OF LONDON MEDICAL



CVM FIGVRIS.

GOTTINGAE

TYPIS JO. CHRISTIAN. DIETERICH.

c1o1occcxciii.

COMMENTATIONES

SOCIETATIS REGIAE SCIENTIARUM

GOTTINGENSIS

AD A. CLASSEM ET XII

VOLUMEN XI



MDCCCXXXIII

GOTTINGAE

Typis Jo. Christiani Dieterici
elaboratum



In tot tantisque rerum humanarum vicissitudinibus et in hac voluntatum studiorumque, etiam inter eos, qui in Societatem coierunt, inconstantia et mutabilitate, Commentationes Societatis nostrae post Commentarios veteres, IV. Voll. atque novos, inde ab anno huius saeculi LXIX et LXX per VIII Volumina continuatos, nunc sub Commentationum nomine usque ad *Volumen undecimum* procedere, habemus quod gratulemur. Complectitur hoc volumen Commentationes an. XCI. et XCII. recitatas; quarum argumenta paullo post subiiciemus, ubi pauca ea, quae ad Societatis res spectant, breuiter commemorauerimus. Sunt autem acta annorum XCI et XCII. quorum ratio est reddenda.

Directoris vices annuas gessere inde ab auctumno XC. *Abr. Gotth. Kaestner*, XCI. *Io. Chph. Gatterer*, nuncque per annum, quem viuimus, classis physicae senior *Henr. Aug. Wrisberg*.

Vt ad laetiora viam parem, prius aduersa commemorare placet. Grauiissimum vulnus inflictum est anno superiore

riore erepto rebus mortalibus immortalis nominis Principe, Duce Brunsvico-Luneburgensi FERDINANDO, Praeside honorario: quo ornamento ac praesidio suo orbata Societas luctum suum et desiderium testata est confesso sollenni et elogio recitato; quo ipso declaravit Societas et pietatem et gratam memoriam, quam in se desiderari passi sunt forte alii multo maioribus beneficiis obstricti Principi munificentissimo.

Qui per annum XCI. numero Sodalium et Amicorum subducti fuerint, iam in praefatione superioris voluminis expositum est. Anno XCII. obitus Sodalium fama accepimus *Maximiliani Hell* Astronomi Imp. Reg. Viennae, *Antonii Louis* Professoris Academiae Chirurgicae Parisiensis eique a secretis litteris; ad eundem annum referenda est mors nuper nuntiata *Petri Remigii Francisci Willemet*, botanices studiis clarissimi, qui in Indiam ad Dynastam Tippos Saib profectus, ut ei medicus ordinarius esset, in vrbe Seringapatnam obiit.

Progrediamur ad laetiora: in quibus quidem primo loco memoranda sunt incrementa Societatis.

Loco honorario adscriptus est *Dietericus Henricus Ludouicus de Ompteda*, M. Britann. Regi a consiliis secretis Legationum et ad Comitatus S. R. I. Legatus, vir ingenio, litteris, meritis, spectatissimus.

Adscriptus porro est Sodalitio in classe physica *Ge. Franciscus Hoffmann* M. D. medic. et botanices Professor P. O. a cuius doctrina scientiaeque studio ardentissimo cum alia, tum botanices, incrementa et ornamenta expectamus nostris confessibus communicanda.

In Sodalium exterorum numerum ex amicorum numero transcripti sunt: primo in terris Brunsvico Luneburgensibus degentes tres viri praestantissimi *Lebrecht Frid. Benj. Lentin* M. D. Medicus aulae et urbis Luneburgensis Physicus; *Lud. Alb.*

Alb. Gebhardi, Regi M. Britann. a Consiliis, Academiae equestris Luneburgensis Professor; *Io. Hieronymus Schröter*, Praefecturae Lilienthalensis principe loco curator; inter Sodales autem in exteris terris versantes retulit Societas claritate nominis conspicuum *Antonium de Zach*, Ducis Principis Saxon. Gothani astronomum.

In *Amicorum* ordinem recepti sunt: *Io. Baptista Lechevalier*, professione ad Troadem inspiciendam clarus; *Ioachimus Schwarzkopf*, M. Britann. Regi a secretis cancellariae principalis, illo tempore a secretis legationis ad Regem Borussiae; *Frid. Henricus Linck*, M. D. Chemiae, historiae naturalis et phys. Professor Rostochiensis; *Godofr. Ern. Groddeck* et *Io. Henr. Bartels* I. V. D. olim, cum ciuitati nostrae academicae adscripti essent, Societatis assessores.

Et haec quidem per decursum anni XCII. Videndum nunc est de *Quaestionibus ad disceptandum per hos annos propositis* earumque successu, ut appareat, fueritne ille spe et expectatione nostra maior an minor.

Constituta erat in Nouembrem anni XCI. quaestio a classe mathematica: a).

Quomodo se habeat obliquae resistentiae quantitas ad angulum inclinationis, accuratius et plenius ostendi, etiam ut superficiebus curuis applicari possit. Idque, siue in fluido, cuius sola spectatur inertia, et forte lentor, siue in aere.

Oblata est Societati commentatio teutonice scripta appositis verbis: *ratione et experientia*: de qua suo tempore iudicium Societatis accurate expositum est. b)

In Nouembrem a. XCII. a classe historica:

Res Traiani imp. ad Danubium gestae, partim ex geographicis et historicis scriptoribus, partim ex monimentis antiquis illustrandae.

a 3

Con-

a) v. praef Vol. X. p. VIII sq. *Gel. Anzeigen* 1789. p. 2003 sq.

b) v. *Gel. Anz.* 1791. p. 1979 — 1985.

Concurrerunt certamine duo athletae viribus, studiis et arte eximii, palma vterque dignissimus: alter cum dicto: *Quanquam o! alter cum verbis: magis in studiis homines timor, quam fiducia decet.* Cum diu dubitatum esset, vter vtro potior haberetur, cum vtrique sua laus, alteri in hac, alteri alia in re maneret, ex orationis cultu et narrationis facilitate petita est ratio, cur praeferretur prior illa: *Quanquam o! c).* Auctorem ea habuit virum doctissimum M. Conradum Mannert, Gymnasii Norimbergensis Collegam, Geographiae antiquae Graecorum et Romanorum Vol. I. II. III. clarissimum. Eum autem, qui ad praemium multa cum laude accessit, esse accepimus Christianum de Engel, Leutschouia, Nobilem Hungarum, in Cancellaria aulica Vindobonensi stipendia facientem, olim ciuibus nostris academicis adscriptum: d) cuius commentatio vt prelo subiecta euulgetur, ad litterarum utilitates spectare existimamus.

Quaestiones oeconomici argumenti nunc memorandae veniunt. Pronuntiatae fuerant in an. XCI.

in Iulium quidem: e)

Was ist die Ursache, warum, wenigstens in vielen Theilen von Deutschland, Zierrathen an öffentlichen Gebäuden, Brücken, Geländern, Monumenten, Meilensäulen, Bäume und Bänke in Alleen u. d. aus leerem Muthwillen öfter, als in Italien und andern Ländern, verdorben werden? und wie läßt sich diese, wie es scheint, nationale Unart am sichersten und geschwindesten ausrotten?

Cum in plerisque Germaniae terris vulgo fieri videas, vt ornamenta aedificiorum publicorum, viarum, pontium, loricæ ambulationum, arbores, folia et hemicyclia in locis publicis aliaque huius generis, proteruorum hominum petulantia vitientur ac mutilentur, multoque id frequentius euenire putetur inter nostrates quam aliis in regionibus, v. c. in Italia: quaeritur: quanam subesse videri possit causa huius malitiae Germanorum ingeniis tam familiaris, et quibus modis ei possit occurri strenue et efficaciter?

Cum

c) Gel. Anz. 92. p. 1954. 5.

d) Gel. Anz. 93. p. 49.

e) v. praef. Vol. X. p. XI.

Cum magnus numerus concertantium prodiisset, inter plures, qui aequis fere viribus congressi erant, palma adjudicata est scriptioni, cuius auctor mox pronuntiatus est Jo. Iac. Cella, Principis Nassouio-Weilburgensis munium regiminis Director ad Weilburgum. f)

in Nouembrem: g)

Wie sind Landstädte, die weder Mauern, noch Wälle haben, mit den geringsten Kosten dergestalt zu beschließen, daß niemand unemerkt herein - und herauskommen könne?

Oppida per terras sparsas sine muris valloque aliâ munitione, quâ ratione possunt illa minimis impensis sepi, includi, cingi ac circumdari ullo aliquo praecinctionis, loricae, septi vel clausuri genere, ita, ut ingressus egressusque nemini pateat ab aliis inobservatus?

De iis, quae ad hanc quaestionem in medium prolata sunt, remittimus eos, qui cognoscere volent, ad iudicium in Recens. litt. h)

In annum XCII.

in Iulium mensẽ: i)

Ist es auch in Niedersachsen vortheilhaft, statt der hölzernen Röhren, wodurch das Wasser unter dem Straßenpflaster einiger Städte weggeleitet wird, thönerne Röhren zu nehmen, und wie würden sich die Kosten der Anlage und Unterhaltung derselben zu jenen verhalten?

Potesne ut aliis in locis ita in Saxonia quoque inferiore proficuum videri, canalibus ligneis, quibus aqua subter viis lapide constratis per urbes ducitur, tubos substituere figulinos, et quaenam, comparatione inter utrumque genus instituta, expensarum alterius ad alterum ratio et proportio tum in parando tum in tuendo deprehenditur?

in

f) v. Gel. Anz. 1791. p. 1313 — 19.

g) v. praef. Vol. X. p. XI.

h) Gel. Anz. 91. p. 1985 — 88.

i) praef. Vol. X. p. XI.

Missis ad nos commentationibus praemium assignari
haud potuit k)

in Nouembrem: l)

*Wie oder unter welchen Umständen können die mannigfaltigen As-
securanzanstalten dem Staate schaden, und wie läßt sich diesem Scha-
den am sichersten vorbeugen?*

*Quibus modis et in qua temporum rerumque conditione, varia instituta
praestandi periculi, ad quod obligant se seu singuli seu societates, fide
interposita, damnum afferre possunt reip. et huic damno quibus consi-
liis potest occurrere?*

Desideriis Societatis nulla commentationum ad eam
missarum satisfacere visa est m).

Nec tamen deerit Societas virorum doctorum studiis
in posterum, si modo ea aut excitare aut acuerere contigerit.

*Primariarum quaestionum iam quarto abhinc anno vul-
gata erat haec: n)*

a physica classe in Nouembrem a. XCIII. de discrimine
inter bilem cysticam et hepaticam:

*Desiderat Regia Societas, ut experimentis sollicite institutis et cum
fide enarratis eruatur ac demonstretur, quodnam intercedat, si indo-
lem partium utramque constituentium, et rationem, qua inter se mistae
sunt, species, inter bilem cysticam et hepaticam vulgo sic dictam discri-
men? An eadem sit bilis indoles ex mammalibus, quae ex avibus,
amphibiis vel piscibus petita? An eadem bilis carnivororum, quae
phytophagorum et omnivororum? An eadem animalium ruminantium,
quae non ruminantium bilis indoles? Si non sit eadem, quae discre-
pantia, si ad partes constituentes respicias? Et quae exinde tum con-
sectaria in explicanda bilis functione et vi salutari, tum quae caute-
lae in applicandis his cum bile animalium captis ad corpus humanum
experimentis, fluant.*

Die

k) v. Gel. Anz. 92. p. 1193. 4.

l) v. praef. Vol. X. p. XII.

m) v. Gel. Anz. 92. p. 1955 — 58.

n) Gel. Anz. 1789. p. 2005. Praef. Vol. X. p. X.

Die Königl. Gesellschaft wünscht durch eigene, sorgfältig angestellte und getreulich erzählte Erfahrungen erforscht und erwiesen zu sehen, was den Unterschied zwischen der sogenannten Blasen- und Lebergalle in Absicht auf ihre Bestandtheile und die Art ihrer Mischung ausmache? Ob die Galle in Säugthieren eben so beschaffen sey, als in Vögeln, Amphibien und Fischen? in fleischfressenden eben so, als in grasfressenden, und solchen, die ihre Nahrung aus beyden Naturen wählen? in wiederkäuenden eben so, als in nicht wiederkäuenden? Ist sie es nicht, worin liegt der Unterschied in Absicht auf ihre Bestandtheile? und was lassen sich für Folgerungen für die Bestimmung der Galle im thierischen Körper, und für ihre Heilskraft, was für Vorsichtsregeln bey der Anwendung der mit Galle anderer Thiere angestellten Versuche auf den menschlichen Körper daraus ableiten?

a mathematica classe in Nouembrem a. XCIV. de compositione aquae: o)

Quum doctrina de compositione aquae, a plurimis licet summo cum plausu recepta, iis, quibus solida ac explorata naturae cognitio magis quam speciosa phaenomenorum quorundam ordinatio ac in iis tradendis grata quaedam facilitas arridet, dubiis adhuc haud leuibus obnoxia esse videatur, optat Societas Regia: institui experimenta noua eaque luculentissima ac mathematicis rationibus suffulta, quibus illa aut stabiliri aut confutari queat.

Da die Lehre von der Zusammensetzung des Wassers, des großen Beyfalls ungeachtet, womit man sie an den meisten Orten aufgenommen hat, dennoch allen, denen es mehr um gründliche Kenntniß der Natur, als bloß um eine gewisse in die Augen fallende Zusammenstellung mancher Phänomene oder um gefällige Leichtigkeit bey dem Vortrage derselben zu thun ist, noch großen Zweifeln unterworfen zu seyn scheint: so wünscht Königliche Societät neue, einleuchtende und durchaus auf genaue Messungen gegründete Versuche angestellt zu sehen, wodurch diese Lehre entweder widerlegt, oder völlig bestätigt werden könnte.

ab

o) v. Gel. Anz. 1792. 31 St. p. 361 — 366.

ab *historica* classe in Nouembrem an. XCV. indicta est quaestio:

Eruatur ac demonstretur ex urbium tabulariis scriniisque priatorum et ex ipsis etiam libris tam editis quam manuscriptis: quem quantumque utilitatis fructum ex inita cum foederatis Hanseaticis societate ceperint terrae, quas Georgius III. magnae Britanniae rex potentissimus in Germania possidet.

Es soll aus Stadtarchiven und Privatsammlungen, so wie auch aus gedruckten und handschriftlichen Nachrichten ausfindig gemacht und gezeigt werden: welche und wie große Vorthelle König Georgs III. deutsche Staaten aus ihrer Verbindung mit der Hanse gezogen haben.

In singulas quaestiones propositum est cum victoriae (hoc est, eius, quod verum est, inuenti) laude et honore, praemiis omnibus potiore, praemium *L. aureorum ducatorum*. Tradendae sunt commentationes ante Kal. Octobres cuiusvis anni, in quo ea de quaestione certabitur.

Restant quaestiones *oeconomici* argumenti XCIII. in Iulium M. p)

Die bequemsten und wohlfeilsten Mittel kranken Armen in den Städten die nöthige Hülfe zu verschaffen.

Quibus modis ac rationibus facillime leuissimoque sumtu egenis aegrotantibus in oppidis subueniri possit.

in Nouembrem: q)

Ist ein wahrer Schaden für den Staat zu besorgen, wenn die willkührliche Vertheilung oder Verkleinerung der Bauerhöfe (jedoch bey gleichförmiger Vertheilung der darauf haftenden Abgaben und Pflichten) ohne Einschränkung erlaubt wird?

Fac permissum esse, fundos promiscue et pro lubitu diminuere ac dispertiri, salua tamen aequali dispertitione vectigalium agri et munium praestandorum, quaeritur: sintne vera detrimenta inde metuenda summae reipublicae?

XCIV. in Iulium: r)

Kann auch bey der Niedersächsischen Landwirthschaft das Getraide, zu Ersparung der Scheunen, in Feimen gelegt werden, und wie können

p) v. Gel. Anz. 1791. p. 1319. praef. Vol. X. p. XII.

q) v. Gel. Anz. 1792. p. 1194.

r) *ibid.*

nen die dabey vorkommenden Schwierigkeiten am besten gehoben werden?

Num, ut aliis in terris, ita in re rustica Saxoniae inferioris morem sequi consultum est, ut, ne horrea necesse exstruere sit, frumenti mergites in agri area in metas (Feimen nostrates appellant) congerantur? et, si consultum sit, quomodo occurri potest difficultatibus, quas talis frumenti acervus et congeries habere solet?

Ex Sodalibus ordinariis XI. et extraordinariis IV. in confessibus publicis commentationes recitarunt hi:

anno XCI.

sequentes, quorum nomina iam sup. Vol. X. praef. p. xiv. xv. fuere adscripta:

Januarii viii. A. H. L. Heeren *Graecorum notitia Indiae et commercia cum Indis* Commentatio altera: nunc expressa Vol. XI. *Hist.* p. 63 sq.

— xxix. Th. Chr. Tychsen *de religionis Zoroastricae apud exterarum gentes vestigiis* P. I. nunc expressa Vol. XI. *Hist.* p. 112.

Martii xii. H. A. Wrisberg *Varietatum angiologicarum particula I.*

— xxvi. Io. Glieb Buhle *de studii graecarum litterarum inter Arabes initiis et rationibus.* nunc expressa Vol. XI. *Hist.* p. 217.

Aprilis xi. Abr. Gotth. Kaestner *de fornicum superficiebus et solidis computandis.* Vol. X. *Math.* p. 104.

Iunii iv. *Elogium Murray.* Vol. X. sub f.

Iulii xxx. C. G. Heyne *de serioris aetatis operibus quae sub Imp. Byzantinis facta memorantur.* Excusa Vol. XI. *Hist.* p. 39.

Septembr. xxiv. *Elogium Michaelis.* Vol. X. sub f.

Octobr. xxii. Io. Frid. Gmelin *Experimenta lapidis Circonii analysis, et plumbi cum cupro misturam spectantia; nec non descriptio floris cacti Peruviani.* s) Excusa Vol. XI. *Phys.* p. 1.

In hoc substituit noster recensensus in praefatione superioris Voluminis p. xv.

b 2

d. xix.

s) *Gel. Anz.* 1791. p. 1817.

d. xix. Nouembris Io. Chph. Gatterer: *an Russorum, Polonorum ceterorumque populorum Slaucorum originem a Getis siue Dacis liceat repetere. t)* Expressa Vol. XI. Hist. p. 167.

d. xvii. Decembr. Chph. Meiners de Graecorum gymnasiorum utilitate et damnis. u) Vol. XI. Hist. p. 260.

an. XCII.

d. xiv. Aprilis Abr. Gotth. Kaestner de stellae polaris usu recentiore geographico. x) (Vol. XI. Math. p. 3.)

d. vii. Iulii Tho. Chr. Tycho de numis Hasmonaeorum paralipomena. y) (Vol. XI. Hist. p. 15.)

d. iv. Augusti A. H. L. Heeren Romanorum notitia Indiae et commercia cum Indis. Pars prior. z) (Vol. XI. Hist. p. 91.)

d. xxv. Augusti Io. Glieb Buhle de philosophorum graecorum ante Aristotelem in arte logica inuenienda et perficienda conaminibus. a) (Vol. XI. Hist. p. 234.)

d. xv. Septembr. Io. Frid. Gmelin experimenta magnesia nigrae connubium cum plumbo, antimonio, atque arsenico spectantia nec non analysis minerae ferri Lauterbergensis via humida facta. b) (Vol. XI. Phys. p. 22.)

d. xx. Octobr. Elogium Ferdinandi Ducis Brunsvic. Luneb. Praefidis honorarii. c) (Vol. XI. f.)

d. xxiv. Nouembr. Chr. G. Heyne de interitu operum antiquae et serioris artis sub Impp. Byzantinis. (Seruatur Vol. XII^o). Eodem die exposita ab eo Memorabilia Societatis per superiorem annum.

d. xxix. Decembr. Io. Chph. Gatterer: *An Prussorum, Lithuanorum ceterorumque populorum Letticorum originem a Sarmatis liceat repetere. d).* (Seruatur Vol. XII^o.)

Communicarunt cum Societate obseruata sua, fatisque fecerunt nomini seu Amicorum seu Sodalium et professioni necessitudinis coniunctionisque cum Societate

inde

t) v. Gel. Anz. 92. p. 1673.

u) Gel. Anz. 93. p. 17.

x) v. Gel. Anz. 92. p. 997.

z) ibid. p. 1465.

b) ibid. p. 1625.

d) Gel. Anz. 93. p. 73.

y) ibid. p. 1337.

a) ibid. p. 1769.

c) ibid. p. 1785.

inde a medio a. XCI. e)

Io. Hieron. Schröter, tum ex amicis, postea Sodalis Soc. *Fragmenta selenotopographica. f)*

Gotthard Chph Müller *experimenta super mensura interuallorum per sonum. g)*

Henr. Matth. Marcard Sodalis Soc. *de natura incrustationis piscinae mirabilis apud Baias. h)*

Guil. Meisner architectonices studiis probatus illustrauit *Scamillos impares apud Vitruuium. i)*

Tobias Lowitz *super saccharo ex melle. k)*

a. XCII.

Io. Hier. Schröter Sodalis Soc. *Observationes supra rotatione Veneris circa axem. l).*

Eiusdem Commentatio super concentratione speculi in telescopio. m)

Antonii de Zach Sodalis Soc. *Observatio obscurati Iouis a Luna. n)*

Io. Hieron. Schröter *Observatio super atmosphaera Veneris. o).*

Eiusd. Observ. duae de atmosphaera Lunae. p)

Lebr. Frid. Beni. Lentin Sodalis Soc. *Tentamen vitiis auditus medendi. q)* Vol. XI. *Phys.* p. 39.

Balthasar L. B. de Campenhausen *delineatae mappae geographicae imperii Russici sex, diuerso respectu habito. r)*

Io. Reinh. Forster Sodalis Soc. *de Cortice Swieteniae rubrae s. febrifugae. s)*

Videmur hoc ipso commentationum et observationum communicatarum recensu nostro, et memoracione honorifica in Recenss. nostris litterariis disertius facta, fatis declarasse, quam grata nobis sint Sodalium et Amicorum coniuncta

b 3

cum

e) Nam superiorum mensium copias iam praef. Vol. X. p. xvii. exposuimus.

f) *Gel. Anz.* 1791. p. 1393.

h) *ibid.* p. 1881.

k) *Gel. Anz.* 1792. p. 177.

m) *ibid.* p. 705.

o) *ibid.* p. 769.

q) *ibid.* p. 849.

s) *ibid.* p. 2057.

g) *ibid.* p. 1593.

i) *ibid.* p. 1993.

l) *ibid.* p. 241.

n) *ibid.* p. 745.

p) *ibid.* p. 857.

r) *ibid.* p. 1777.

cum nostris studia: Quandoquidem omnino in condendae conditaeque Societatis consiliis hoc erat primum, ut non modo proferrentur in publicum studiorum, in interiores litteras descendantium, fructus; verum ut accenderentur etiam, tanquam mutuo conflictu et attritu, Sodalium studia, utque hoc exemplo, tanquam fomite, corriperentur et excitarentur, acuerenturque, tanquam cote, aliorum, qui in litteris habitant, ingenia. Iacere enim studia, ubi nulla sint studiorum praemia *t*); iacere ingenia, ubi nullae blandiantur laudis ac famae illecebrae, nec honoris et commendationis vlla spes affulgeat; testabuntur facile omnes, qui in iis provinciis viuunt, in quibus nullus litteris honos habetur: Expectandum itaque est, magnum in humanitatem et in litteraturam conferri beneficium, cum ingeniorum et studiorum inter nos incitamenta ac laudes publice proponantur. Auertat numen, ne vnquam in ea tempora incidamus, ut et nos in affluentibus omnium litterarum copiis fastidium ad inertiam perducatur, et alios incessat pestifer ille omnis pulchrae laudis neglectus, famae litterariae contemptus, et animi ad lucrum et fordes depressa illiberalitas. Dudum euiluit litterarum dignitas quaestu mercenario contaminata; videndum itaque est, ne ad opificinarum et tabernarum mercedes paullo post litterae detrudantur.

Gottingae M. April. clol ccxciii.

t) Quod apud Tacitum An. XI, 7. *sublatis studiorum pretiis etiam studia peritura.*

I N D E X

C O M M E N T A T I O N V M

V O L V M I N I S V N D E C I M I .

Praefatio C. G. Heynii ————— pag. I -- XIV

Commentationes physicae:

Io. Frid. Gmelin de Circonio lapide, de plumbi cum cupro con-	p. I.
nubio et de Caëto Peruuiano —————	
Eiusdem Experimenta magnesiaë nigrae connubium cum plum-	
bo, antimonio atque arsenico spectantia —————	22
Lebr. Frid. Beni. Lentin tentamen vitiiis auditus medendi	39
Io. Frid. Blumenbach Decas altera collectionis suae craniorum	
diuersarum gentium illustrata —————	59 — 71

Commentationes mathematicae:

Abr. Gotth. Kaestner de stellae polaris vsu recentiore geo-	p. I
graphico —————	
Io. Hier. Schröter Observatio de oculo Tauri a luna tecto	30
Eiusd. Descriptio telescopii XIII. pedum c. obseruatt.	32
Abr. Gotth. Kaestner de curuis aequidistantibus —	38 — 74

Commentationes historicae et philologicae:

Chr. G. Heyne priscae artis opera, quae Cpoli extitisse memo-	p. I
rantur. —————	
<i>Seçtio I.</i> —————	23
<i>Seçtio II.</i> —————	
Eiusd. ferioris artis opera quae sub Imperatoribus Byzantinis	
facta memorantur. —————	39
<i>Seçtio I.</i> —————	53
<i>Seçtio II.</i> —————	
A. H. L. Heeren de Graecorum de India notitia et cum Indis	
commerciis. Commentatio altera —————	63
Eiusd. de Romanorum de India notitia et cum Indis commer-	
ciis. Commentatio prior de India Romanis cognita —	91
	Th.

Th. Chr. Tychsen de religionum Zoroastricarum apud exteras gentes vestigiis. Commentatio <i>prior</i>	_____	p. 112
Eiusd. de numis Hasmonaeorum paralipomena	_____	152
Io. Chph. Gatterer de Slavorum origine Getica seu Dacica		167
Io. Glieb Buhle de studio graecarum litterarum inter Arabes		217
Eiusd. de philosophorum graecorum ante Aristotelem arte logica		234
Chph. Meiners de Graecorum gymnasiorum vtilitate et damnis	_____	260-276
Memoria Ferdinandi Ser. Ducis Brunsv. Luneb. Praefidis ho- norarii	_____	1-8

Tabulae aeri incisae.

Ad Commentationes physicas:

Io. Fr. Gmelin de Caëto Peruiiano tab. I. II. III.	ad p. 16
Lebr. Frid. Beni. Lentin tentamen vitiis audites medendi	
tab. I. instrumentum ad repur-	gandas tubas Eustachianas ad p. 51.
Io. Fr. Blumenbach Decas altera Craniorum tab. XI.	p. 59.
	XII. p. 61.
	XIII. p. 64.
	XIV. p. 65.
	XV. p. 66.
	XVI. p. 67.
	XVII. p. 69.
	XVIII. p. 69.
	XIX. p. 69.
	XX. p. 77.

Ad Commentationes mathematicas:

A. G. Kaestner de stellae polaris usu	tab. I. ad p. 8.
_____ de curuis aequid.	tab. II. ad p. 41.

Ad Commentationes historicas:

Th. Chr. Tychsen de numis Hasmon.	tab. I. ad p. 155.
-----------------------------------	--------------------


COMMENTATIONES

SOCIETATIS REGIAE SCIENTIARVM
GOTTINGENSIS

CLASSIS PHYSICAE

TOM. XI.

AD A. MDCCCXCI. ET XCII.



JO. FRID. GMELIN
COMMENTATIO
DE
CIRCONIO LAPIDE, ET PLVMBI
CVM CVPRO MISTVRA,
NEC NON DE CACTO PERVVIANO.

D. XXII. OCT. MDCCCXCI.

I. *De circonio lapide.*

Ex quo sui generis esse gemmam circonium, haecenus non nisi in insula Zeylan deprehensum, tum exactius externae faciei scrutinium, tum accurata per chemicam artem instituta inuestigatio docuit, meo quoque animo iniectum est desiderium, artificijs chemicis in illum lapidem inquirendi, et meis ipsius oculis terram illam ipsi propriam intuendi. Liceat igitur, quod in hoc labore memoratu dignum vidi, breuibus enarrare.

Erant autem lapilli, quibus in hoc examine vsus sum, virescentis, flauicantis, rubelli, subfusci coloris, omnes rotundati, vt tamen in duobus circiter formae magis regularis vestigia adhuc superessent. Pondus specificum, in statera hydrostatica valde sensili scrupulose coniunctissimo mihi *Lichtenbergio* definitum, aequabat, pondere specifico aquae distillatae = 1000 posito, 4304, vt igitur paulo inferior esset eo quod *Brissonus* (qui = 4416), *Klaprothius* (qui = 4615) et *Wernerus* (qui = 4700 inuenit), attribuerunt, tamen et nunc praeter

spatum ponderosum reliquos lapides non metallicos fere omnes superet noster lapis. Multum omnino conuenit et modus, et ordo, quem in hoc labore secutus sum, cum eo quem Viri Clariss. *Wiegleb* et *Klaproth* obseruarunt; ego quoque lapides in catillo terreo purissimo igne vffi ita, vt toti canderent, et candentes in aquam frigidam conieci, idque negotium eadem ratione aliquoties iteraui, verum tam in hac laboris parte iam quaedam expertus sum, quae illi certe non annotarunt, quam in reliquo operandi modo studio recessi, in eo potissimum, quod acida iam tentarem, antequam lapides cum alcali fixo igni expositi fuerant, et quod non in solo salis communis acido tentando acquiescerem, sed cum vitrioli quoque et nitri acido tractarem.

Exper. I.

Sumfi igitur primo circonii drachmam dimidiam et dicto modo bis ad candorem vsque igni expositam atque in aqua refrigeratam fragiliorem et fissurarum plenam, chartae crassiori multiplici inuolutam, suadente quoque Clar. *Klaproth*, in mortario ferreo contudi, et postea in mortario in officina *Wedgewoodii* ex argilla puriori igne indurata fabrefacto in pollinem tenuissimum comminui; erat hic puluis rufescens, eiusdem adhuc ponderis, quam quidem lapides, antequam igni exponebantur, vt igitur mea haec obseruatio propius accedat ad obseruationem *Klaprothii*, qui post quartam candefactionem 300 lapidis grana vix quartam grani partem perdidisse refert, quam quidem ad *Wieglebii* obseruationem, qui post eundem laborem quater repetitum ex 240 granis lapidis quatuor periisse perhibet.

Pulueri huic infudi in vase vitreo olei, quod vocant, vitrioli depurati vnciam mediam, et, humore omni expulso, alteram adhuc vnciam mediam; humore denuo ignis vi expulso massa remanebat alba; huic massae tamdiu et tantam aquae bullientis copiam infudi, vt tandem omnis saporis expers iterum defundi posset; quod aqua non soluerat, siccaui; aequabat pondere 23 grana; amiserant ergo lapilli grana septem, vt igitur vitrioli acidum purum calore adiutum in circonium, quamuis alcali fixi ope nondum apertum ac reclusum, agere, partes eius dissoluere atque extrahere videatur.

Exper. II.

Exper. II.

Alteri circonii drachmae dimidiae simili ratione exustae, refrigeratae, contusae ac comminutae infudi aquam fortem, quae neque efferuescentiam excitauit, neque aliam mutationem induxit; instruxi focum, vt bulliret, donec omnis humor dissipatus esset, infudi recentem aquam fortem, denuo ignis vi expuli omnem humorem, et superstiti siccae materiae ingessi aquam distillatam feruidam, quae perparum soluere videbatur; inieci omnem chartae griseae filtri in formam adoptatae, transtillauit per chartam liquor flauus, qui ab instillato acetosellae sale per cineres clauellatos in salem medium conuerso et aqua distillata soluto perparum turbidus reddebatur, terrae igitur calcariae, quam Cl. *Wiegleb* in circonio deprehendit, nihil aut perparum extraxisse videbatur, quum autem correctum sanguinis lixiuium infunderem, multum sedimenti caerulei dimisit.

Quum per hoc lixiuium nihil amplius sedimenti illius praecipitari conspicerem, vitrum in quiete reliqui, et defuso, sedimento omni in fundo collecto, limpido latici instillaui lixiuium ex cineribus clauellatis paratum, quo facto sedimentum rufescens in fundo coit, quod sollicito elotum atque exsiccatum grana 5 pondere aequabat.

Puluis lapideus ipse, quem aqua fortis intactum reliquerat, aqua feruida copiosissima iterato affusa elotus et siccatus pondere multum imminutus erat; coxi nunc cum vitrioli, quod vocant, oleo rectificato, quod extemplo fuscum inde nanciscebatur tinctum; perrexī eo igne, donec materia exsiccata penitus sicca erat, erat autem partim pulverulenta ex griseo fusca, partim ex granis crySTALLINIS limpidis, quasi arenae purioris aggregata: Aqua distillata, quam feruidam huic materiae infudi, statim obfuscabatur, atque instillato sanguinis lixiuio correcto, multum sedimenti caerulei dimittebat. Qui supra hoc sedimentum stabat, liquor limpidus et excolor, cum lixiuio cinerum clauellatorum adfuso multum efferbuit, denuo tinctus, et initio quidem turbidus, at concussio vitro iterum clarus, vt tamen, quum lixiuium instillare pergerem, rufescentes dimitteret floccos, qui eloti atque exsiccati obscurius tingebantur, et bina grana pondere aequabant.

Pulvis lapideus sollicite elotus et siccatus post hanc cum vitrioli acido coctionem pondere aliquot granorum diminutus erat. Coxi denuo cum eodem acido depurato, donec omnis humor expulsus erat; at vix aliquid effecisse videbatur; sollicite enim per aquam distillatam feruidissimam elutus pulvis vix aliquid de pondere suo amiserat, aqua ipsa nequaquam inde tincta, ab instillato tamen sanguinis lixiuio sedimenti caerulei pauxillum dimittente.

Nunc demum ad artificium confugi, vt lapidis materiam ulterius recluderem, ab immortali *Bergmanno* iam commendatum, a Clariss. *Klaproth* emendatum; superstitem scilicet lapidis materiam cum sex partibus salis caustici ex alcali minerali purati trititando commistam in catillo ex porcellana confecto per sesquihoram igni exposui ita, vt totus canderet, vix in contactu vasis liquefcere inciperet, et adhaereret: Massam superstitem fuscam aqua distillata feruidissima primo emolliui, postea tantam eiusdem sensim copiam infudi, donec aqua penitus insipida rediret: Aqua, huic lotioni adhibita ab aqua forti instillata paulatim sedimentum deposuit, quod elotum et siccatum granis tribus pondere aequale erat.

Pulvis lapideus post hanc cum sale caustico ignitionem et factam sollicite elutriationem superstes fuscus, arenae quasi granulis albis interspersis, quater cum aqua forti adfusa, ita vt omnis humor expelleretur, coquebatur; aqua fortis, stramineo colore infecta rediit, et ab instillato quidem sanguinis lixiuio pauxillum sedimenti caerulei, ab infuso cinerum clauellatorum lixiuio nihil dimisit, vt igitur hoc experimento ferri solam materiam extraxisse videatur aqua fortis.

Caerulei Berolinensis omnis in altera hac experimentorum serie praecipitati pondus aequale erat granis sex.

Pondus autem superstitis lapidis grana septem aequabat.

Exper. III.

Tertiam eiusdem lapidis drachmam mediam similiter bis ignitam bis in aquam frigidam conieci; explorato lapillorum pondere inueni granum vnum iam amisisse; igni tertia adhuc vice exposui, vt pariter toti canderent, et candentes in aquam frigidam ingessi;

et

et expertus sum, exsiccatos $\frac{3}{4}$ grani adhuc perdidisse: Vnde ergo hoc experimenti huius, suo euentu propius ad experientiam Cl. *Wieglibii* accedentis, discrimen, si cum Cl. *Klaprothii* meisque ipsius prioribus tentaminibus compares? Vtrum lapillis ipsis non semper idem tenor? An a peregrinis immixtis? an ab ignis gradu et duratione diuersa deriuanda illa differentia? Experti tamen erant lapides a Cl. *Klaprothio* inuestigati ignem, per horam vnā et dimidiam continuum, lapilli a me tentati ignem per horam dimidiam efficacem: Pondere igitur decrescere potius debebant illi, quam mei.

Fragiliores ex hoc primo experimento lapides chartae crassae multiplici inuolutos in mortario ferreo pistillo ferreo contudi, et in mortario ex argilla puriori igne indurata fabrefacto in pollen tenerimum comminui, atque in vitreo vase cum aqua forti tamdiu coxi, donec omne humidum abiisset; puluerem superstitem rufescentem denuo cum aqua forti coxi; refrigeratam defudi, et, quod supererat infusa multoties aqua distillata, feruida elui; siccatum pondere aequabat modo 23 grana.

Aqua fortis autem rutilo colore tincta, aqua illa ad eluendum adhibita, temperata, ab infuso cinerum clauellatorum lixiuio multum efferbuit, et, non parum turbata sedimentum fuscum dimisit, quod sollicite elotum et siccatum granum $1\frac{1}{4}$ pondere aequauit; in hoc sedimentum salis communis acidum sat forte, quamuis calore adiutum, post aliquod temporis spatium nihil valere visum fuit; sedimento potius, humore etiam omni dissipato, fusci coloris tenacissimo, quem quoque nitro liquato et candenti ingestum, non detonando, pertinaciter seruauit: Non ergo color ille a materia quadam inflammabili, non a ferri calce, quam salis communis acidum facile soluit; an forte calx magnesia nigrae, paucae aluminis terrae iuncta?

Materiam lapidis ab aquae fortis efficacia superstitem cum tribus drachmis salis caustici vulgaris terendo commistam in vase saxonico ex porcellana confecto igni exposui ita, vt et canderet, et in contactu vasis liquefcere inciperet; massae superstiti refrigeratae toties et tantum aquae distillatae bullientis infudi, donec aqua omnis saporis expers iterum defundi posset; aqua elutriandae huic massae adhi-

adhibita ab instillata aqua forti paucissimum modo sedimentum dimisit: Massa elota ipsa, postquam penitus siccata erat, ex rufescenti alba, 22 grana pondere aequabat; hanc massam in vase vitreo coxi per aliquot horas cum salis culinaris acido, quod ab instillato ad saturationem vsque cinerum clauellatorum lixiuio sedimentum sensim deposuit, primo albidum, sed postquam penitus elotum et siccatum erat, rufescens, pondere granis sex aequale; sedimentum hoc aqua distillata denuo humectatum conieci in lixiuium causticum bulliens, et per aliquod adhuc temporis spatium cum eo coxi; at perparum sedimenti in hoc lixiuio dissoluebatur; hoc enim ab instillato salis communis acido vix nubes contraxit; portionem ■ lixiuio intactam scrupulose elotam cum acido vitrioli paululum diluto digessi; sed hoc vix vltra granum materiae soluebat; ex hac solutione ignis vi expulso omni humido, supererat massa fusca quasi gelatinosa ad aërem deliquescent, humore attracto denuo per ignis violentiam dissipato, vt superfluum sine dubio acidum abstraherem, vini spiritum purissimum (alcohol vulgo vocant) infudi, qui tamen perparum inde tingebatur; quod defuso spiritu restabat, in aquam distillatam ingessi, quae, magna portione superstita, alteram tamen partem soluit; haec solutio per filtrum separata limpida atque excolor leni calore exhalans, et in loco deinde frigido asseruata, bis cryсталlos exhibuit exiles, nitidas, albas, prismaticas, retis in modum inter se contextas, facillima in aqua et salua solutione ■ selenite et alumine, sapore non amaro, sed acidulo et subadstringente a sale amaro distinctissimas, illis vero simillimas, quas ex eodem lapide acidi eiusdem ope impetrasse se asserit Cl. Klaproth.

Puluerem lapideum a salis communis acido intemeratum, qui, postquam elotus atque exsiccatus erat, 17 grana pondere aequabat, denuo cum cinerum clauellatorum granis triginta tribus in vase myrrhino vssi ita, vt totus canderet, et, vbi vas contingebat, liquescere inciperet; refrigeratam massam infusa multoties aqua distillata feruidissima (quae postea ab acido nitri instillato vix $\frac{1}{4}$ grani sedimenti praecipitatam dedit) omni sale orbatam, pondere vix imminutam denuo cum acidi salis communis vncia dimidia coxi, igni tamdiu exponendo, donec omne humidum expulsum erat, eumque laborem,

laborem, recentis acidi eandem semper copiam recipiendo, ter repetii; materiem, quae nunc sicca remanebat, tamdiu aqua distillata feruida elui, donec haec insipida plane defunderetur; aqua huic labori impensa ab ingesto per guttas salis communis acido floccos albos dimisit, qui sollicite eloti siccatique granis duobus pondere aequales erant.

Pulueris lapidei, quae nunc adhuc supererant, grana quindecim iterum cum cinerum clauellatorum drachmis quatuor et granis triginta sex terendo commista in vase ex porcellana misnica vsto, ita exussi, vt et penitus canderent, et in contactu vasis liquefcere inciperent; massam superstitem artificio iam toties memorato elui, aqua lauandae illi adhibita ab ingesto salis communis acido iterum turbata. Puluerem lapideum hoc vltimo labore pondere vix diminutum aliquoties ita vt saepius bulliret, et tribus primis vicibus omnem humorem ignis vi dispellerem, cum acido salis culinaris digessi; quod defusum et aqua ad eluendam materiam superstitem adhibita temperatum ab instillato cinerum clauellatorum lixiuio sedimentum dimisit, quod elotum siccatumque granum vnum pondere aequabat.

Puluerem lapideum, granis 14 pondere aequalem, iterum cum drachmis tribus alcali mineralis fatiscentis triturando exacte mistum perinde ac prius exussi; aqua distillata feruida, extrahendo ex massa superstitite omni sali adhibita, a salis acido instillato non turbata, puluerem lapideum reliquit pondere vix imminutum. Cum bis denuo, ita, vt quod remanebat, siccum esset, cum salis acido ad ebullitionem vsque digereretur, et acidum cum ea lapidis parte, quam forte soluerat, largissimo aquae distillatae feruidae riuo extraheretur, paratum ex cineribus clauellatis lixiuium, huic acido liquori instillatum aliquid terrae praecipitauit, quod elotum siccatumque granum dimidium ponderabat.

Quae supererant pulueris lapidei grana tredecim (vt igitur grani iacturam fecisse pateat) cum alcali mineralis fatiscentis drachma vna et dimidia conterendo permixta igni iterum exponebantur, vt canderent et colliquefcere inciperent; massa refrigerata aqua distillata feruida omni sale exuta exhibuit pulueris adhuc grana tredecim, quae

cum falis acido iterum calori bullienti exposita huic materiam suppetabant, quae instillato cinerum clauellatorum lixiuio sedimentum terreum grani vnus exhibebat.

Puluis grani vnus pondere imminutus cum drachma dimidia alcali mineralis fatifcentis igni violentiori expositus partim certe in vitrum durum, nitidum, at nonnihil opacum confluxerat.

Elucescere igitur ex hisce meis periculis videtur, patere vtique, antequam falis lixiui ope referetur eius compages, acidis mineralibus circonium, quamuis potentius agant in lapidem, qui vna cum hoc sale igne tortus erat, plus valere in eo dissoluendo, et partibus, quae acidum subeunt, extrahendis acidum vitrioli et nitri, quam quidem acidum falis communis, neque tantam illi infixam esse terrae filiceae cum acidis non coeuntis copiam, quantam quidem deprehendisse se in suo huius fossilis examine, asserit Clar. *Wiegleb a)*; terrae amarae, quam idem Cl. Vir reperisse se in hoc lapide testatur, ego ne vllum quidem inueni vestigium; nullum quoque occurrit mihi in hac experimentorum serie phaenomenon, ex quo terram nikeli metallicam inhaerere, iure meo colligere poteram, quam tamen ferreae calci infixam animaduertit Clar. *Klaproth b)*; terrae aluminaris et calcariae vix leuissimum vestigium videre mihi licuit; pauxillum vero magnesia nigrae inesse, sunt aliqua experimenta, quae suspicionem mouent; ferreae calcis et ego multum deprehendi, et elicere quoque contigit singularem illam terram, quae ad aluminis quidem terram quam proxime accedit, at, quod lixiuio caustico non soluatur, et cum vitrioli acido progeneret salem facillime aqua soluendum, multum ab ea discrepat.

II. De plumbi cum cupro connubio.

Fuere iam dudum, qui ex ingenti cupri iaponici pondere collegerunt, et hoc et coloris, qua alia cupri genera superat, elegantiam ab immisto plumbo proficisci. *Plinii* iam aetate plumbum cum cupro colliquatum fuisse, plures testantur eo aeuo vulgatae metallorum

a) Apud Clar. *Crell* chemische Annalen 1787. fasc. 8. p. 139 sqq.

b) Schriften der Berlin. naturf. Ges. Vol. 9. p. 162.

rum mixturæ, quarum componendi parandique modum ille *c)* refert. Ad conficiendum metallum ollarium quatuor vel quinque cupri partibus unam plumbi admisceri, asseuerat summe Reuerendus *Watson d)*; artifices, qui typis litterarum liquandis occupantur, plumbo præter antimonium addere quoque cuprum, commemorat *Wasserberg e)*, et metallo tormentario stanni loco sæpius adiici plumbum, testis est *Ill. Succow f)*, qui posterior *g)*, aequè ac *B. Wallerius h)* fidem faciunt, connubium vtriusque metalli facillime contingere; hic præterea *i)* enunciat, ductilitatem neutrius metalli ab isto coitu diminui; *B. Baume k)* autem ex plumbatione, quam vocant in vstrinis, ostendit, coniugium istud parum stabile esse, quum mediocris ille aestus, quo plumbum liquatur, ei dissoluendo iam sufficiat. Quod si *Illustr. Achard l)* in numerosissimis experimentis, in quibus cuprum alia atque alia ratione cum ferro et plumbo colliquare annisus est, nonnisi metallum fragile, vtpurimum porosum, rarius aequabilis texturæ, obtinuit, culpam non latuisse in plumbo, tam certum est, quam quod certissimum.

Quamuis nulla plane mihi affulgeat spes, fore, vt hac plumbi cum cupro mixtura metallum enascatur, ad conficienda ex eo vasa in culinis, pharmacopoliis aliisque officinis, in quibus materiae interno vsui destinatae parantur, sine periculo adhibenda idoneum, poterat tamen eiusmodi mixtura iis mercibus adhiberi, in quibus virulenta sua efficacia nocere nequaquam potest, mercibus, quarum prærogatiua omnis in nitore externo vilique pretio nititur, tametsi me non fugiebat, plumbum illud, ex lithargyrio impetratum, et ex hoc cupri labe inquinatum aëri obuium facillime maculas contrahere.

Liquabam igitur primo scobis cupreae partes duas plumbi in bracteas distenti parti vni inuolutas in catillo terreo intus puluere

B 2

carbo-

c) Histor. mund. l. 34. c. 8 et 9.

d) Chemical Essays 4. p. 135.

e) Institut. Chem. I. §. 524.

f) Oeconomische und technische Chemie §. 744.

g) l. m. c. §. 142.

h) Physische Chem. II. 3. Cap. 23.

§. 21. n. 4.

i) l. m. c.

k) Chymie experiment. et raisonn. 2. pag. 670.

l) Samml. versch. Abhandl. I. pag. 224. 226.

carbonum loricato et postea eodem puluere penitus repleto igne follis duplicis vi aucto; catillus refrigeratus massam obtulit pro potiori parte aequabilem, mallei ictus impune ferentem, et lima facile radendam; colore tamen potius pallidior induta comparebat, quam exaltato, quod quidem posterius expectari poterat, si altior cupri iaponici tinctus plumbo intermixto deberetur. Ponderus specificum huius massae aequabat, pondere aquae pluviae = 1000 posito = 8,530.

III. *Achard*, quando eandem vtriusque metalli rationem sequebatur, tam felici esse non contigit, ut aequabilem ex utroque misturam obtineret *m*); an forsan eo, quod sebo, quo superiniecto metalla contexerat, nimis celeriter deflagante, plumbi portio in calcem et vitrum abierat, mistura paulisper porosa ex igne rediit? facilius successit experimentum, cum tres, quatuor aut decem cupri partes cum vna plumbi commisceret *n*), ut tamen, posteriorem quoque rationem sequens, ob plumbi particulas exustas et in vitrum conuersas massam adipisceretur paululum porosam; ferrum additum, etiam si larga cupri portio interueniret, cupri cum plumbo coniunctioni *o*) obstitit; similiter antimonium, si eius portio tertiam cupri partem aequans accederet *p*), quum e contrario idem antimonium, modo eius portio sextam aut decimam cupri partem non excederet *q*), aequae ac stannum *r*), zincum *s*) et wismuthum *t*), cupro larga manu misturae adiecto, nominatis vero metallis eadem copia, quae plumbi erat, siue vnum alterumue, siue duo simul *u*) adderentur, combinationem promouerent, nisi plumbum et stannum tripla ratione superaretur a cupro *x*).

Alterum experimentum cepi, aequalem vtriusque metalli copiam commiscendo; metalla videbantur aequabiliter coniuncta; mistura malleo obtemperabat ita, ut in tenuissimas bracteas distendi posset, lima facile radebatur, difficilius tamen, quam plumbum meracum;

m) Recherches sur les propriétés des alliages métalliques. Berl. 1788. 8.

p. 2. 3.

n) l. m. c. p. 2-5.

o) l. m. c. p. 62-65. 186-191.

p) l. m. c. p. 86. 87.

q) l. m. c. p. 88. 89.

r) l. m. c. p. 78. 79.

s) l. m. c. p. 80-83.

t) l. m. c. p. 84-87.

u) l. m. c. p. 204-211.

x) l. m. c. p. 76. 77.

racum; poliendo eximium nanciscebatur nitorem, cupreus color plumbeo intermicabat.

Vero simile est, sebi iusto perniciores combustionem, et generatim nimium aestum in causa fuisse, cur Ill. *Achard y)* ex utroque metallo, eadem ratione inter se iuncto massam acquireret non aequabilem, sed plumbi in vitrum commutati glomerulis scatentem; hac quoque utriusque metalli ratione posita ferrum, quacunque ratione adiectum *z)*, ipsis adeo aliis metallis superaccedentibus *a)*, iunctioni obstabat, nisi parti vni cupri, ferri ac plumbi admistae fuerint aut decem antimonii *b)*, aut vna antimonii aut arsenici simul *c)*, aut praeterea vna stanni *d)* vel wismuthi *e)*; posterioribus his conditionibus metalla demum in vnam aequabilem confluxerant massam.

Stannum vero, nisi decupla utriusque alterius metalli ratione adiectum *f)*, aut zinco *g)*, aut aequali reliquis metallis copia wismutho *h)* addito impeditum, cupri cum plumbo coniunctioni fauebat *i)*, quae etiam feliciter successit, si praeter stanni decuplum *k)* zincum *l)* quoque aut wismuthum *m)*, aut quacunque etiam ratione stannum additum fuerit, zinci, aut wismuthi decupla portio, aut praeterea vna pars antimonii *n)*, aut arsenici *o)*, aut aequalis copia antimonii, arsenici, zinci, wismuthi et stanni *p)* accederet.

Zincum autem, si cum aequali copia utriusque alterius metalli *q)*, aut sex eius partes cum vna alterius utriusque metalli *r)* igni expositum, aut praeterea adhuc wismuthum *s)* vel arsenicum *t)*

B 3

adiectum

- y)* l. m. c. p. 2. 3.
z) l. m. c. p. 62-65.
a) l. m. c. p. 186-193. 258-261.
 278-281. 286-289.
b) l. m. c. p. 192. 193.
c) l. m. c. p. 260. 261.
d) l. m. c. p. 278. 279.
e) l. m. c. p. 280. 281.
f) l. m. c. p. 80. 81.
g) l. m. c. pag. 204. 205. 258. 259.
 284-289.
h) l. m. c. pag. 206. 207. 264. 265.
 284. 285.

- i)* l. m. c. p. 78. 79.
k) l. m. c. p. 204-209.
l) l. m. c. p. 204. 205.
m) l. m. c. p. 206. 207.
n) l. m. c. p. 264. 265.
o) l. m. c. p. 282. 283.
p) l. m. c. p. 288. 289.
q) l. m. c.
r) l. m. c. p. 82. 83.
s) l. m. c. p. 208. 209. 264.-269.
 284-287.
t) l. m. c. p. 212. 213. 284-287.

adiectum fuerit, huic connubio obstabat; quae tamen difficultas evanuit, si zinci (et similiter wismuthi) decem partes cum vna vtriusque alterius *u*) coniungerentur, aut zinci portione decupla, antimonii pars vna *x*), vel zinci portione simplici, antimonii partes decem *y*) adderentur, aut aequali zinci, cupri et plumbi parti eadem stanni vel wismuthi *z*), vel arsenici *a*), vel antimonii *b*), vel omnium simul *c*) adiceretur.

Neque wismuthum ipsum hanc cupri cum plumbo coniunctionem impedit *d*), nisi eadem, quae wismuthi, stanni quoque *e*), atque antimonii *f*) portio superaccedat.

Antimonium facile cum aequali plumbi cuprique copia coibat *g*), nisi wismuthum adiceretur *h*).

Minus fauebat huic aequabili coniunctioni arsenicum *i*), accedente tamen wismutho *k*), vel antimonio *l*) feliciter successit.

In tertio, quod cepi, periculo, duas plumbi partes cum vna cupri confudi; minus aequabiliter couisse videbatur vtrumque metallum; mistura ceteris paulo fragilior erat, lima facile radebatur, colorem plumbeum potissimum prae se ferebat, cupreo tamen internitente. Pondus specificum aequale erat 9950, pondere aquae = 1000 posito.

In eodem experimento ab Ill. *Achard m*) instituto, metalla frigefacta a se inuicem discedere videbantur; ego tamen vitri particulas metallicis intersitas animaduvertere non potui.

In quarto experimento plumbi partes tres cum vna cupri commiscui; in hoc quoque tentamine aequae ac eundem euentum vidit Ill.

- u*) l. m. c. p. 210-213.
- x*) l. m. c. p. 212. 213.
- y*) l. m. c. p. 212. 213.
- z*) l. m. c. p. 264 sq.
- a*) l. m. c. p. 282. 283.
- b*) l. m. c. p. 282. 283.
- c*) l. m. c. p. 288. 289.
- d*) l. m. c. p. 82. 87. 206. 207. 214. 215. 264-267. 282. 283. 288. 289.
- e*) l. m. c. pag. 206. 207. 284. 285. 288. 289.

- f*) l. m. c. pag. 212. 213. 266. 267. 284-287.
- g*) l. m. c. p. 86-89. 206-213. 264-267. 282. 283. 288. 289.
- h*) l. m. c. pag. 212. 213. 266. 267. 284-287.
- i*) l. m. c. p. 90. 91. 208. 209. 212. 213. 284. 285. 288. 289.
- k*) l. m. c. p. 214. 215. 282-285.
- l*) l. m. c. p. 214. 215. 284. 285.
- m*) l. m. c. p. 2. 3.

Ill. *Achard* *n*), tam aequabiliter, quam quidem in primis experimentis non confusa erant, ambo metalla; mistura erat mollis et flexilis, colore potius ad plumbum, quam ad cuprum accedens, aëri exposita, nitorem cito amittens.

Hac etiam ratione habita ferrum coniunctioni obstitit *o*), neque fauebat stannum *p*), zincum *q*) aut antimonium *r*); fauebat vero wismuthum *s*).

Vt quintum tentamen instituerem, quatuor plumbi partes cum vna cupri coniunxi; mistura, perinde ac in eodem experimento, ab Ill. *Achard* *t*) capto, erat aequabilis, colore, mollitie, ductilitate potius plumbo similis, ponderis specifici = 10550.

Vt sextum experimentum caperem, sex plumbi partibus vnam cupri adieci; mistura erat aequalis, et colore, nitore, mollitie, ac flexilitate vix ■ plumbo meraco discernenda.

Hanc etiam rationem quando sequebatur Ill. *Achard*, ferrum *u*), perinde ac zincum *x*), stannum *y*) et antimonium *z*) coniunctioni obstitit; fauebat autem potius wismuthum *a*).

Tandem duodecim plumbi partes cum vna cupri colliquavi; impetraui metallum aequabilissime mistum, plumbo quidem, si ad colorem et nitorem respicias, simile, at paulo durius, ponderis specifici = 10420.

Non tentauit hanc vtriusque metalli rationem Ill. *Achard*, sed decem plumbi partes cum vna cupri confusae metallum ei exhibuerunt texturae aequabilis, interno nitore plumbum referens *b*), verum hac quoque ratione coniunctum metallum aegre tulit ferrum *c*), licet superaccederet stannum *d*), aut zincum *e*), aut wismuthum *f*), aut anti-

n) l. m. c. p. 2. 3.

o) l. m. c. p. 62. 63.

p) l. m. c. p. 76. 77.

q) l. m. c. p. 80. 81.

r) l. m. c. p. 86. 87.

s) l. m. c. p. 84. 85.

t) l. m. c. p. 4. 5.

u) l. m. c. p. 64. 65.

x) l. m. c. p. 82. 83.

y) l. m. c. p. 78. 79.

z) l. m. c. p. 88. 89.

a) l. m. c. p. 84. 85.

b) l. m. c. p. 4. 5.

c) l. m. c. p. 64. 95.

d) l. m. c. p. 186. 187.

e) l. m. c. p. 188. 189.

f) l. m. c. p. 190. 191.

antimonium *g*); neque fauebat coniunctioni stannum *h*), antimonium *i*), aut zincum *k*), mirifice vero fauebat wismuthum, siue solum *l*), siue stanno *m*), siue zinco *n*) nuptum; obstitit potius zincum stanno *o*) aut antimonio *p*) nuptum, aut hoc cum wismutho antea coniunctum *q*).

Patet igitur ex his periculis, alia quidem atque alia ratione cuprum liquatione neſti poſſe plumbo, et neſti poſſe ſine ductilitatis iactura notabili, at plumbum cupri conſortio neque nitorem, neque durabilitatem, neque coloris elegantiam acquirere maiorem, et ne duritiem quidem tantam, quanta a cupri, durioris metalli, connubio exſpectari poterat, et quantam plumbum ab aliorum duriorum metallorum copula nanciſcitur.

III. *De cacto peruuiano.*

Liceat chemicis hiſce obſervationibus aliam ſubiungere botanicam, in planta peruuiana inſtitutum, in noſtris quidem hortis vel potius caldariis haud infrequente, at in noſtro climate tam raro flores promente, vt neque B. noſtro Collegae *Murrayo* per longum illud temporis ſpatium, quo hortum regium publicum curabat, florentem conſpicere tam felici eſſe contingeret, neque ullus eorum Botanico- rum, qui plantae ipſius mentionem iniiciunt, quos ego quidem noui, floris iconem coloratam, aut, ſi nuperiores demum Cel. *Swartzii* *r*) curas exceperis, qui ſtirpem in ſolo natali floridam obſeruauit, accuratam ſatis deſcriptionem exhibeat.

Exſtat vtique imago ſtirpis ligno exſculpta iam apud *Oviedum* *s*), ea tamen et floribus fructibusque orba, et adeo manca, vt in quamcunque aliam cerei angulati erecti vel euphorbiae fruticofae aculeatae ſpeciem

g) l. m. c. p. 192. 193.

h) l. m. c. p. 78. 79.

i) l. m. c. p. 88. 89.

k) l. m. c. p. 82. 83.

l) l. m. c. p. 86. 87.

m) l. m. c. p. 206. 207.

n) l. m. c. p. 210. 311.

o) l. m. c. p. 204. 205.

p) l. m. c. p. 212. 213.

q) l. m. c. p. 214. 215.

r) Obſervationes botanicae, quibus plantae Indiae occidentalis illuſtrantur. Erlang. 1791. 8. p. 200.

s) Gonzalez Hernandez de Oviedo hiſtoria general de las indias. Madrit. 1535. l. 8. c. 24. fol. 86.



J. F. Gmelin de circonis.



J. J. Gmelin de vicinis.



J. F. Gmelin de circonis.

Handwritten text, possibly a signature or date, located in the bottom left corner.

speciem perinde quadrat: Prostat alia apud *Lobelium t)*, vti vulgo quidem salutatur, habitum plantae vtique felicius exprimens, verum similiter florum expers, ligno quoque excisa, atque adeo imperfecta, vt numerum et decursum angulorum in trunco prominentium vix hariolari ex ea liceat, ea tamen a *I. Gerardo u)*, *I. Theodoro Tabernaementano x)*, et *C. Durante y)* repetita: vix melior his icon, quam *Hermannus z)* exhibuit; alia aeri incisa occurrit apud *du Tertre a)*, at pariter flore destituta; omnibus his sane longe praecellit plantae eiusque quidem florentis ex relictis *Plumierii* laboribus petita, a *I. Burmanno b)* publici iuris facta imago, ea tamen neque vmbris adiectis, neque coloribus illustrata.

Quibus omnibus pensitatis non ingrata plane et Vobis, et exteris quoque Botanicis operam me nauaturum esse spero, si plantae flores vitae fugacissimae protrudentis tum fidam iconem, tum adaequatam descriptionem proponam.

Est autem illa

Cactus (peruianus) longus suboctangularis: angulis obtusis. *Linnaei System. natur. Edit. XIII. P. 2. vol. 1. p. 764. n. 9.*

Cactus erectus longus suboctangularis: angulis obtusis. *Linn. spec. plant. ed. 3. 1764. 8. p. 667. n. 9. Hort. upsal. p. 120. v. Royen prodr. Lugdb. p. 279.*

Cactus nouemangularis longus erectus: angulis obtusis. *Linn. hort. Cliffort. p. 181.*

Cactus cylindraceus erectus fulcatus maior summitate obtusus; aculeis confertis. *Brown. natur. and civil histor. of Jamaica. p. 238. n. 8.*

Cactus

t) Icones stirpium seu plantarum tam exoticarum, quam indigenarum. Antwerp. 1591. P. 2. p. 25. n. 1.

u) Herball with brasse cutts in colours. London 1597. fol.

x) Kräuterbuch. fol. Frankfurt 1623. 2. p. 386.

y) Herbario nuouo. Rom. 1584. fol.

Comment. Phys. T. XI.

z) Paradis. batav. Lugd. Bat. 1698. 4. p. 114.

a) Histo. generale des Antilles habitées par les Francois. à Paris. 4. T. II. 1667. t. 2. f. 4.

b) Plant. americanae. Amstelædam 1757. fol. fasc. I. t. 191.

Cactus octangularis erectus, angulis compressis; spinis absque tomento confertis. *I. Burmann ap. Plumier plant. americ. fasc. 8. pag. 185.*

Melocactus monoclonos, flore albo, fructu atropurpureo. *Plumier catal. pl. p. 19. Tournefort inst. rei herb. Paris. 1719. 4. app. pag. 653.*

Cereus crassissimus, fructu vtrinque rubro. *Sloane catalog. plant. jamaic. p. 169 et histor. of Jamaic. 2. p. 157.*

Cereus erectus fructu rubro non spinoso. *P. Hermann paradis. batav. pag. 114. Boerhaave index hort. Lugd. Batav. 4. P. 1. 1727. pag. 293.*

Cereus erectus maximus americanus hexangularis flore albo radiato. *Bradley histor. plant. succulent, Londin. 4. Dec. 1. 1716. p. 1.*

Cereus peruanus spinosus fructu rubro nucis magnitudine. *C. Bauhin. Πιναξ theatr. botan. Basil. 1623. 4. p. 458.*

Cereus peruianus. *I. Theodor. Tabernaementani Kräuterbuch. Frankfurt am Mayn. fol. 1623. 2. p. 386.*

Cereus spinosus. *I. Gerard herball. London 1597. fol. et Dalechamp histor. plantar. generalis. Lugd. 1587. fol. p. 1829.*

Ficoides f. *Ficus americana cerei effigie spinosa et angulata.* *P. Hermann florae lugduno-batauae flores. Lugd. Bat. 1690. 8. p. 137. et hort. acad. Lugduno-Batauus. Lugd. Bat. 1697. 8. p. 256.*

Euphorbium. *C. Durante Herbario nuouo. Rom. 1584. fol.*

Euphorbii arbor cerei effigie. *M. Lobel, ic. 2. p. 25.*

Flambeau ou Cierge épineux. *du Tertre histor. des Antilles. 2. p. 132. Frézier relation d'un voyage de la mer de Sud. Amsterd. 8. T. 1. 1717. p. 46.*

Unos cardos altos y derechos mayores que lanças duomas, y aun como picas luengas quadrados y espinosos; a los quales llaman los christianos Cirios, porque parescan cirios o haches de cera, excepto en las espinas. *Oviedo historia general de las indias l. 8. c. 24. fol. LXXXV.*

Sponte

Sponte nascitur illa planta in vniuersa meridionali Americae parte, e. gr. in regno Chilensi, in quo Molina *c*), et in insulis huic obuersis, v. g. in insula, ■ S. Catharina denominata, in qua *Frézier*, in Hispaniola, in qua *Oviedo*, in Iamaica, in qua nuperius *Swartzius*, et generatim in omnibus Antillis, in quibus *du Tertre*, *Browne*, *Sloane* eam conspexerunt, *Swartzio* testante in apricis aridissimis obuia, si fidem aliis adhibeas, siluas montesque amans.

Truncus, quales in patria stirpis plures iuxta se inuicem positi ex vna radice prodeunt, succulentus, erectus, viridis, aphyllus, in nostra planta 21 - 22 pedes altus (variā et frequentem hastae altitudinem tribuit *Oviedo*, 8 - 15 pedum *Frézier*, 5 - 6 pedum *du Tertre*, orgyalem et duplo maiorem, diametrum duorum et trium adeo pollicum *Swartzius*), ramos emittit duos, alternatim fere positos (simplicem describit *Plumier*, subsimplicem *Swartz*, ramos emittere in patria refert *du Tertre*, et indigitat imago, tum ab eo, tum ■ *Lobelio* exhibita), angulos repandos obtusos, in nostro certe exemplo septem (sex tantummodo numerat, si quidem nostram hanc plantam intelligat, *Bradley*, octo *du Tertre*, *Plumier*, *I. Burmannus*, *van Royen*, *Linnaeus*, nouem *posterior* in horto Cliffortiano, decem *Swartz*, vt valde probabile sit, variare angulorum prominentium numero, forsan vnam interdum eandemque stirpem pro alia atque alia aetate, et credibile, coquimbanum cactum *d*), vix nisi maiori aculeorum longitudine et angulorum numero denario ■ peruuiāno discedentem, meram huius esse varietatem), si summam eius partem exceperis, aculeis prominentibus orbam, per intervalla exigua aculeorum (in patria patentium subpollicarium 8 - 10) nigrorum, in nostra certe planta, (in patria ad basin lana alba et fusca obuolutorum) lanugine vix vlla interueniente stellae in modum dispositorum fasciculis armatos, sulcis intermediis fere trigonis determinatos, ostendit.

Prodierunt ex hoc trunco fere medio (in summa parte prouenire narrat *Plumier*, et loquitur imago, quam adiunxit, in angulis

C 2

extre-

c) Versuch einer Naturgesch. von Chili überh. Leipz. 1786. 8. p. 145.

d) *Molina* l. c. p. 146.

extremitatum vidit *Swarts*, frequentes conspici in patria, facile dabo) hac aestate sub angulo recto (verticali potius situ enascentes delineat *Plumier*), bini flores sessiles (qui in patria vidit *Swarts*, bipollicares, elongatos, basi ovatos, rubicundos describit), alter sub Maii finem, alter initio Augusti.

Calix superus, longus, tubulosus, cylindricus, inermis, longitudinaliter sulcatus, constans squamis circiter viginti appressis, imbricatis, ovatis, conuexis, glabris, mucronatis, succulentis, multum ultra medium connatis sursum longitudine incrementibus, infimis vix apice liberis; superioribus magis acuminatis atque elongatis, marginis membranacei parte maxima et apice rubellis.

Corolla calice vix longior: petalis circiter viginti lanceolato-linearibus, acutis, longis, integerrimis, basi connatis, apicem versus et margine rubescentibus, ex calice progredientibus ordine quasi duplici: interiori longiori albo; exteriori ex albo virescente (ex viridi pallide flavescere flores, aliorum, ut videtur, testimonio fretus, memorat *P. Hermann* parad. batav. p. 114).

Stamina 862 ego quidem numeravi (ultra mille in patria stirpis *Swarts*) petalis breviora: *Filamenta* longa inaequalia quasi flaccida, albida, filiformia, calici inserta: infima eaque brevissima, summae tubi eius parti, et proprio quasi corpore tubi interiora muniente, singula quasi ex nodulo prodeuntia. *Antherae* oblongae, obtusae, erectae, incumbentes, lutescentes (albidas in patria conspexit *Swartz*).

Germen viride ovatum, ad trunci angulum sessile, horizontale, extrinsecus quasi cum calice continuum (in patria squamis imbricatis subspinosis margine lanatis tectum). *Stilus* cylindricus satis crassus et rectus ex ochroleuco virescens, longitudine staminum (praelongum et reliquas floris partes longe superantem describit et delineat *Plumier*). *Stigmata* (in meo certe exemplo, stigma enim quinquefidum describit et delineat *Plumier*, stilum in duodecim lacinias fissum testatur *Swarts*) sedecim filiformia, subulata, aequalia.

Bacca, florem hunc excipiens, quam ego quidem non vidi, si alios sequaris, inermis est, intus sanguinea, unilocularis, polysperma,

sperma, ouato-oblonga, vt nunc cum ficu, (quemadmodum *Frezier*) nunc cum iuglande immatura (quae quidem similitudo apud *Frezier*, *C. Bauhinum* et *Oviedum* occurrit), nunc cum ouo gallinaceo (prouti *P. Hermann*) comparent auctores, initio quidem rubra, at, si plenam assecuta fuerit, maturitatem, ex atro purpurea, eodemque colore contrectantis digitos et gustantis labia inficiens, ingentis interdum magnitudinis, saporis, si *du Tertre* fidem adhibeas, fatui, verum, *Oviedo* asseuerante, dummodo matura sit, boni, quamuis parum aestimata, et vix ab incolis prouinciae Nicaraguae et Terrae firmae comesta, (quem quoque in vsum adhibent fructum Iamaicae incolae, qui stirpe ipsa ad sepes firmandas vtuntur), feminibus subrotundis nidulantibus referta.

JO. FRID. GMELIN
 EXPERIMENTA
 MAGNESIAE NIGRAE CONNVBIVM
 CVM PLVMBO,
 ANTIMONIO ATQVE ARSENICO SPECTANTIA,
 NEC NON
 ANALYSIS MINERAE FERRI LAVTERBERGENSIS
 VIA HVMIDA FACTA,
 REGIAE SCIENTIARIVM SOCIETATI
 IN CONSESSV D. XV. SEPT. MDCCXCII. HABITO OBLATA.

Magnesiae nigrae, siue, vt loqui hodiernum malunt, magnesi, de cuius in aliis metallis, quibuscum coit, immutandis potentia alias iam dixi, efficaciam vltius exploraturus, ea pro serie experimentorum nunc commemorandorum elegi, quae et ipsa facilius liquantur, ignis violentiae quamuis mediocri exposita, et alia metalla, alias difficiliter liquanda, sibi coniungendo in fluidum statum reducant; plumbum videlicet, cuius in cuprum, argentum, aurum potentia neminem in vstrinis non plane hospitem fugit, quod prius metallum attinet, nuperioribus Ill. *Achard* a) periculis confirmata, stibium siue vt vulgo vocant, antimonii regulum, tum frequenti artificum in depurando auro versantium experientia, tum numerosis Ill. *Achardi* experimentis testibus simili efficacia in aurum, argentum, cuprum b) ferrumque c) pollens, vtrumque haecenus, quantum ego quidem noui, cum magnesia nigra non tentatum d) et arsenicum, cuius

a) Recherches sur les propriétés des alliages métalliques p. 2 - 5.

b) ibid. p. 24. 25.

c) ibid. p. 26. 27.

d) Non nominat certe B. *Bergman* in diff. om white Jern-malmer. §. VII. D. nec Cl. *Hjelm* Kongl. Svensk. Acad. nya Handl. för år 1785.

cuius adminiculo reliqua metalla omnia, licet fusionem pertinacissime renuentia, non cuprum *e*) modo et ferrum *f*), inter omnes iam dudum, nuperius ex Ill. *Achardi* quoque periculis liquet, sed ipsam adeo platinam *g*) et magnesiā nigram *h*) liquefieri edocti sumus.

Quum stannum facillime cum magnesiā nigra copulari expertum se esse testatur B. Bergman *i*), plumbum et facili in igne fluxu, et fixiori, sit venia verbo, indole quam proxime ad illud accedens, eandem copulam appetiturum esse, iure meo speravi; fatendum tamen, me, ut laboris compendium nanciscerer, forsā quoque ad emendandam plumbi in artificum operibus mollitiem, vtile futurum, me non magnesiā, ut vocant, regulum recepisse, sed magnesiā ipsam carbonum pollini tenuissimo intertrito mistam, cuius ope calx ista metallicam sibi sumere naturam, et eodem igne cum plumbo, cuius consortio in statum liquidum deduci facilius poterat metallum tantopere refractarium, coalescere queat.

Cepi autem experimenta in catillis Hassiacis, ratione a Cl. *Hjelm* *k*) proposita intus loricatis, magnesiā nigrae pollinem tenuissimum, cum dimidia carbonum pariter in puluerem subtilissimum comminutorum, si ad pondus respicias, parte terendo mixtum cum parcissima olei ex napi seminibus expressi copia subactum, foueae fundo catilli imprimendo, igni leniori folle fuscitato exponendo, ut primum oleum fumum eructare cessabat, plumbum iniicienda, vacuum adhuc catilli spatium carbonibus contusis replendo, et per tres circiter horae quadrantes folli duplicati ope ignem fortissimum subministrando.

Exper. I.

Magnesiā nigrae grana quindecim modo memorato cum carbonum puluere et oleo subacta catillo dicta ratione praeparato ingessi,
et

e) *Achard* l.c. p. 16. 17. et Samml. v. Abhandl. I. p. 228.

f) *Achard* recherches &c. p. 26. 27. et Samml. v. Abhandl. I. p. 228.

g) *Achard* Samml. v. Abhandl. I. p. 233.

h) *Bindheim* Schr. Berl. Gesellsch. naturf. Freunde. 9. p. 117. 129.

i) l. m. c.

k) Kongl. Svensk. Vetensk. Acad. nya Handl. för 1785. tr. 2. p. 141 sq.

et fumo cessante plumbi vnciam dimidiam superinieci. Habui peracto labore plumbum quadraginta granis pondere auctum, vt igitur iam ex eo suspicioni locus sit, magnesia pauxillum plumbi materiem penetrasse, quamuis plumbum neque colorem neque nitorem neque mollitiem suam immutasset.

Exper. II.

Idem experimentum, ceteris paribus, cum plumbi drachmis tribus repetitum, ponderis in plumbo pariter augmentum monstrauit, granis duodecim aequale, at notabilis, si quidem ad externas dotes respicias, in plumbo ipso mutatio haud videbatur contigisse.

Exper. III.

Et ne haec quidem accidit in plumbo mutatio ponderis aucti, quum binas plumbi drachmas eadem ratione praeparatas et commistas igni commissem.

Exper. IV.

Quum experimentum cum plumbi drachmis duabus et dimidia magnesia, ceteris laboris partibus simili ratione institutis, repeterem, plumbum quidem, si exteriorem faciem, nitorem, mollitiem spectes, vix mutatum, at, si ad pondus respicias, granis quatuor auctum rediit.

Immersum erat in his experimentis plumbum pulueri nigro, magnesiæ carbonum pulueri intertritæ referente; qua de re vt certior essem, scrupulum huius pulueris in vitreo vase cum spiritu salis communis per aliquot horas (a prima iam infusione foetor, qualis a sulphuris hepate, assurgebat) coxi, donec omne fluidum dissipatum esset; superstiti materiae denuo spiritus salis drachmas duas infudi, quas, postquam iterum per aliquot horas igni expositae erant, parte potiori nondum dissoluta, eleganti rutilo colore tinctas per chartam griseam traieci, et, eo pacto depuratas atque per aliquod adhuc tempus, vt pars humoris auolaret, ignis vim expertas, ceterum limpidissimas rutilasque primo cum aqua, salem communem dissolutum continente, quae nihil mutauit, tum cum lixiuio ex cineribus clauellatis parato, tentauit; vtrimum primus lixiui riuus incidit,

incidit, ingens mox efferuescentia nata, et liquor turbari coepit, quem laborem quum continuarem ac repeterem, vsque dum nulla amplius oriretur efferuescentia, collecta est in fundo vasis sedimenti rufescentis sat ingens copia, quod et colore, quem prae se ferebat, et atro-caerulescente tinctu, quo boracem, cum qua tubi ferruminatorii ope colliquabatur, inficiebat, tum ferri, tum magnesiae calcem manifestabat.

Exper. V.

Neque mutatum fuit plumbum, si externas eius dotes respicias, quum eius drachmas duas cum binis magnesiae scrupulis et carbonum puluere, eadem ceteroquin ratione, tractarem; auctum tamen fuit eius pondus granis octo.

Plumbum hoc immersum erat pulveri ex atro sordide virescenti, cuius indolem vt penitus cognoscerem, infudi eius scrupulo dimidio spiritus salis drachmas duas; eructavit mox fortissimum, qualem sulphuris, vt vocant, hepar, odorem, quum diutius cum acido commistum reliquisset, et calori subinde exposuissem, aureo colore inficiebatur liquor, et transeundo per chartam griseam in polline interposito liberatus, ab instillato cinerum clauellatorum lixiuio turbatus fuit, et puluerem in fundum dimisit rufescentem, qui exsiccatus in flauum potius vergebat colorem, et cum borace fusus globulum vitreum exhibebat nigricantem.

Exper. VI.

Plumbi drachmas duas quum cum vna magnesia nigrae et carbonum puluere simili ratione tractarem, rediit quidem ab experimento plumbum granis septendecim pondere auctum, at cetera non mutatum.

Exper. VII.

Pariter auctum quatuordecim granis plumbi pondus inueni, quum drachmas eius binas cum binis magnesiae drachmis, intertrito carbonum puluere, ignis ope combinare tentarem; at, quod reliqua, haud quaquam mutatum erat.

Exper. VIII.

Vix alius fuit effectus, quum loco drachmarum duarum magnesia nigrae vnciam mediam sumsissem; increuerat tamen plumbi pondus granis quindecim.

Huius plumbi grana 48 inieci in aquae fortis, quam vulgo artifices nuncupant, duplicis, verum per argentum depuratae, vnciam, quae, etsi initio calore non adiuta, insigni cum efferuescentia mox aggrediebatur plumbum, et sensim, calore extrinsecus applicato accedente, dissoluebat; subsedit tamen multum magmatis albi.

Liquor per chartam griseam transpluendo ab hoc sedimento liberatus limpidissimus omnique colore orbis ■ sale communi in aqua soluto ingesto in lactei coaguli speciem subito coit; perrexi instillare muriam, donec liquor, qui quiescendo et sedimentum suum dimittendo pelluciditatem recuperauerat, ab infusa iterum muria non amplius turbaretur. Liberata eo pacto ■ plurima plumbi sui parte solutio cum lixiuio ex cineribus clauellatis confecto obtulit sedimentum puluerulentum ex leuiter rufescente album, coram tubo ferruminatorio cum borace in globulum ex flauescente fuscescentem confluens.

Magma illud album, in plumbo per aquam fortem dissoluto subsidens, coram tubo ferruminatorio flammae candelae in cochleari argenteo expositum in globulum confluxit partim vitreum virescentem, partim lithargyrii aemulum.

Plurima pars illius magmatis aqua distillata bulliente soluebatur, et soluta ab infuso cinerum clauellatorum lixiuio puluerem album in fundum dimittebat. Superstitit tamen alia pars, aquae connubium pertinaciter renuens, et in aëre siccata fordidum, ac quoad partem nigrum colorem adsciscens.

Exper. IX.

Haud mutatum inueni plumbum, quum drachmas eius duas cum magnesia nigrae drachmis sex et carbonum puluere recensita ratione igni committerem.

Exper. X.

Exper. X.

Quum autem plumbi drachmas duas cum magnesia vncia vna et carbonum puluere fortiori paulo igne quam quidem in prioribus periculis, vssissem, plurima puidem plumbi pars in calcem fuit conuersa, at magnesia quoque minutissimi globuli hinc inde conspiciantur in maiores paulo massulas colliquati, cohaesione tamen adeo debili, vt leui pressione separari possent: Neque tamen tam felici esse mihi contigit, massulas hasce fundendo cum borace in vnum maiorem globulum congregare.

Exper. XI.

Quum plumbum metallica iam facie indutum difficilius nubere magnesia nigrae, priora experimenta docerent, in mentem mihi venit, melius forte successurum hoc tentamen, si plumbum pariter calcis formam prae se ferens, et eodem igne, quo magnesia nigra, eadem carbonum ope, in metalli indolem redigendum cum vtroque coniunctum ignis violentiae subiicerem.

Terendo igitur lithargyrii drachmam integram, magnesia nigrae drachmam, et carbonum drachmam mediam, singula prius seorsim in tenuissimum pollen comminuta, miscui, et foco in furno anemio per dimidia horae spatium substrato ita exposui, vt catillus totus quantus canderet.

Catillo refrigerato, quicquid continebat, exemi, inueni medium inter eumque creberrimum puluerem nigrum granula glebularumque metalli instar nitentes, et curatius examinatas plumbi haud mutata indolem monstrantes; pondere autem aequabant non nisi grana quindecim.

Elucescit, vt mihi quidem videtur, ex hisce periculis, subire quidem pauxillum magnesia plumbum, at difficilime, eo quidem igne, qualem hic substravi, et qualis in officinis artificum atque vstrinis administrari solet, ea copia cum plumbo combinari posse magnesiā, vt notabilis inde in plumbo contingat mutatio, vt molle et politura debilem tantummodo nitorem acquirens metallum eius consortio paulisper indurescat, et, si quidem politura accedat, maiorem

ne durabiliorem nanciscatur splendorem, quamvis inficias ire nolim, magnesiā, metalli facie perfectiori iamiam conspicuam, qualis tamen magnis in massis vix vllō igne in vstrinis aut artificium focis obuio obtineri potest, facilius forsan, et perinde ac cum stanno coire.

Quod ad sequentia experimenta spectat, cum metallis igne fortiori longe facilius fumi specie auolantibus instituta, vt eorum fugam auerterem, non solum leniorem paulisper ignem adhibui et per breuius temporis spatium, sed etiam, postquam fumus ex oleo exiens cessauerat, et vacua catilli pars carbonibus contusis repleta erat, vitri adhuc comminuti stratum vel aliquot strata superinieci; non potui tamen ea cautela euitare, quo minus in plurimis horum experimentorum tum catilli margo superior, tum tegminis interior facies, tum materiae catillo contentae superficies calce alba in altum acta effloresceret.

Quum regulum antimonii cum magnesia tentarem, regulum antea comminutum exactissime cum magnesia et carbonum puluere commistum atque cum oleo subactum catillo ingessi.

Exper. XII.

Sumsi igitur primo stibii siue reguli antimonii vnciam dimidiam, et magnesia nigrae grana quindecim: Habui labore peracto plurima quidem grana manifeste metallica pulueri nigro innidulantia; at nullam massam notabiliiori paulo volumine conspicuam; partem igitur horum granorum vna cum puluere nigro adhaerenti boracis vstae parti dimidia et carbonum pulueri intertritā denuo leni igni exposui; impetraui eo modo globulum sat ingentem metalli, textura, nitoris specie, colore, fragilitate antimonii regulum perfecte referentem, praeter globulos metallicos eiusdem indolis, at minores, scoriae nigrae spongiosae innidulantes.

Huius metalli scrupulum vnum inieci in vas vitreum, quod spiritus salis communis sesquidrachmam continebat; exposui foco, vt per aliquod temporis spatium bulliret; surrexere bullae; perrexi, donec omnis fere humor dissipatus esset; adfudi denuo acidi salis drachmam, eiusque efficaciam saepius calore bulliente auxi: Habui
sic

fic liquorem aureo fulgore coruscantem, qui cum aqua distillata confusus lactis colorem et opacitatem induebat, et sensim floccos albos in fundum dimittebat, luculentissimo iudicio, stibii metallum hoc vulgari salis culinaris acido solutum fuisse. Liquorem sedimento omni delapso limpidum atque excolorem cum lixiuio ex cineribus clauellatis parato commiscui; denuo turbatus sensim dimisit puluerem album coram tubo ferruminatorio igni expositum nigrescentem et in globulum confluere renuentem.

Exper. XIII.

Vix alius fuit experimenti euentus, quum, ceteris paribus, stibii a sulphure suo liberati et metalli formam perfectiorem induti reciperem drachmas tres; innumeri etiam heic globuli metallici albi innidulabantur leuiter cohaerenti pulueri nigro; quum partem horum globulorum cum borace eodem modo tractarem, qui in praegressi experimenti enarratione dictus est, vna cum scoriis nigris hinc inde ex atro virescentibus obtinui massulas maiores et globulos stibii metallo exactissime similes.

Exper. XIV.

Minores fuere adhuc globuli metallici, ita vt in glebulis illis nigris ex carbonum et magnesia puluere conflatis et laxè inter se cohaerentibus intersiti nitorem variabilem atque obumbrantem exhiberent, quum idem experimentum, ceteris paribus, cum antimonii metallici et puri drachmis duabus iterarem: Quum partem harum glebarum cum interspersis granis metallicis adiecta boracis parte dimidia colliquare ignis vi niterer, globuli quidem paullo maiores et fueto antimonii metallici nitore conspicui comparebant, in maiores vero massas cogi renuebant.

Exper. XV.

Similis fere fuit euentus, quum, ceteris paribus, periculum cum drachma vna antimonii, vt vocant, regulini caperem: Obtinui tamen ex his glebulis, quum eas boracis parte dimidia addita igni exponerem, massulas metalli argenteo nitore spectabilis, verum fragilis, maiores.

Exper. XVI.

Vix discrepavit effectus, quum, ceterum eandem plane rationem sequendo, antimonii drachmam cum magnesia scrupulo et carbonum pulvere commistam igni committerem, nisi velis, puluerem illum nigrum, in praecedentibus experimentis quasi conferruminatum, heic nequaquam cohaesisse.

Pars huius materiae, addita boracis parte media in catillo liquata, exhibuit massam arcte satis cohaerentem, heic digitos tangentes inquinantem, illic duriores scoriarum aemulam, innidulantibus hinc inde paulo maioribus globis materiae vere metallicaе, antimonii regulum colore, textura, nitore referentis, refertam.

Exper. XVII.

Idem fere fuit euentus, nisi velis, materiam hinc inde paulo arctius cohaesisse, quum antimonii sulphure suo exuti drachmam cum media magnesia drachma, ceteris paribus, tentarem.

Liquando huius portionem cum boracis vstae parte dimidia, impetraui quidem pariter aliquid pulueris, nequaquam aut saltem laxae satis cohaerentis, portionem scoriarum nigrarum hinc inde virescentium, at praeter has quoque materiam metallicam, nonnullis quidem globulis externa facie antimonii indolem ostendentibus conspicuam, cetera vero satis cohaerentem, duram, et, quum lima tentaretur, tum textura tum colore ab hac discrepantem.

Exper. XVIII.

Quum drachmae antimonii drachmam integram magnesiae adiecissem, ceterum eodem pacto, quo in praegressis experimentis, operatus, non habui finito labore et refrigerato catillo, nisi puluerem nigrum innumeris globulis metallicis antimonii plenum.

Pars huius cum dimidia boracis vstae parte iterum igni exposita portionem exhibuit puluerulentae suae indolis tenacem, alteram in scorias nigras colliquatam, globulis metallicis argentei nitoris immerfis plenam.

Exper.

Exper. XIX.

Antimonii drachma cum binis magnesia drachmis simili modo tractata exhibuit paucos globulos metallicos in puluere nigro abundantissimo dispersos.

Neque metallici nitoris maiores massas accepi, quum portionem huius materiae boracis media parte intertrita, igni exponerem, borace quamuis hinc inde in scoriarum nigricantium speciem conuerfa.

Exper. XX.

Eundem fere comperi successum quando drachmam antimonii cum tribus magnesia drachmis ignis violentiae dicto modo exposui; rariores tamen multo glebulae metallico nitore insignitae in puluere illo nigro occurrebant.

Neque euidentius sese manifestabant, quum portionem huius pulueris cum media boracis parte igne funderem, licet in hoc quoque experimento borax hinc inde calore atro perfunderetur.

Exper. XXI.

Neque diuersus multum fuit euentus, quum antimonii drachmam cum magnesia vncia dimidia eodem modo igne tractarem; vidi tamen in scoria nigra, quam fundendo portionem huius materiae cum boracis parte dimidia obtinui, plures miculas metallicas, colore suo antimonium referentes.

Si quid igitur ex paucis his experimentis colligere licet, antimonii quoque regulus tentatum hac via cum magnesia nigra conu-
bium inire recusat; quod certe magnesia subiit antimonium, prouti experimentum XII edocet, tam parcum esse videtur, vt ne vllam quidem notabilem mutationem inducere antimonio valeat.

Arsenicum cum magnesia nigra coniuncturus sumsi eius calcem, siue quam vulgo vocant, arsenici farinam, sperans fore vt carbonum puluere largius intertrito, eodem igne, quo magnesia nigra in metalli formam redacta cum hac coeat: subactam igitur cum pauco oleo et carbonum puluere arsenici calcem et magnesiam aequali pondere mistam foueolae fundo loricati intus catilli impressae immerfi, leniori primo igne vsus, vt primum vero fumum oleosum eructare desiit,
carbo-

carbonum puluere vacuum adhuc catilli spatium repleui, superin-
iectis praeterea, vt arsenici fugae quendam obicem ponerem, vitri
contusi aliquot stratis. Eadem summa arsenici volatilitas me per-
mouit, vt misturam illam per breuius multo temporis spatium, per
horae modo quadrantem, igne, eoque quidem, si cum praegressis
experimentis comparaueris, leniori torquerem. Non potui tamen,
ea quamuis circumspectione adhibita, impedire, quo minus, surgen-
tibus fumorum alium redolentium nubibus satis superque id testan-
tibus, plurima arsenici pars auolaret.

Exper. XXII.

Calcis arsenici vnciam dimidiam magnesia nigrae granis quin-
decim atque aequali carbonum in pollen comminutorum ponderi
intertritam et cum oleo subactam igni dicta ratione exposui. Habui
tamen finito labore et refrigerato catillo nihil nisi puluerem nigrum
hinc inde in exiles massas nigras, inter quas etiam dilutiori et cine-
reo potius colore tinctae occurrebant, conglomeratum; metallici nito-
ris, globulorum metallicorum ne vestigium quidem.

Exper. XXIII.

Quum ceteris periculi conditionibus iisdem arsenici tres tantum-
modo drachmas reciperem, euentus fuit idem, nisi velis, pauciores
multo massulas coagmentatas, et inter eas nullas cinereas remansisse.

Exper. XXIV.

Idem accidit, quum arsenici binas tantum drachmas cum
magnesiae granis quindecim et carbonum puluere enarrato supra
modo igne vrgerem.

Exper. XXV.

Neque obtinere aliquid metallica facie conspicui tam felici esse
contigit, quum vnam modo drachmam arsenici dimidiae magnesia
drachmae et carbonum pulueri intertritam commemorato modo ignis
vim experiri iuberem; massulae nigrae rariores in puluere obuiae,
leni digiti frictione in granula dissiliebant, neque figura, neque nitore
metallicam indolem monstrantia.

Exper.

Exper. XXVI.

Neque alius fuit experimenti euentus, quum vtriusque calcis tam arsenici, quam magnesia nigrae partes aequales sumsissem. Puluis ille niger, hinc inde in glebularum coagmentatus, in catilli foueola superstes, salis communis spiritui acido iniectus, cuius efficacia adhibito extrinsecus calore augebatur, partim soluebatur, rutilo illum colore tingens: Idem spiritus aureo colore coruscans a lixiuio ex cineribus clauellatis parato infuso dimisit sedimentum ex rufescente in fordide album colorem vergens, quod siccatum ac prunis iniectum nullum arsenici fumum eructauit.

Exper. XXVII.

Haud mutata fere remansit magnesia nigra, quum drachmas eius binas cum vna calcis arsenici drachma et carbonum puluere terendo commixtas, reliquis conditionibus iisdem foco exposuissem.

Exper. XXVIII.

Idem euenit, quum reliquo miscendi operandique modo non mutato, magnesiae vnciam mediam periculo subiicerem.

Cum ex his tentaminibus sole clarius elucesceret, arsenicum eum ignis gradum nequaquam sustinere, quo ad fundendum et in metalli speciem perfectiorem redigendum magnesium opus est, neque attractionis vinculum vllum inter vtrumque metallum intercedere, neque consuetis et in tractandis aliis metallis felici cum successu adhibitis artificiis praeuerti arsenici fugam posse, inuitus quamuis, metuens quippe, ne portio magnesia, tam difficulter perfectiorem metallicam formam induentis in scorias abeat, ad idem artificium confugi, quo alii ad figendum arsenicum, et cum aliis metallis v. c. cupro colliquandum, quo nuper demum Ill. *Achard* ad liquefaciendam platinam, quo nuperius Cl. *Bindheim* 1) ad ipsum hoc magnesia metallum igne liquandum vsi sunt, in eo tamen ab hoc recedens, vt neque magnesium aëre, vt vocant, fixo praegnans, neque magnesium metallico iam nitore conspicuum, sed magnesia crudam, qualis ex fodinis Ilefeldensibus eruitur, subtilissime tamen comminutam, tentarem.

Exper.

1) l. c. pag. 117.

Exper. XXIX.

Sumfi igitur magnesia huius drachmam, quam cum aequali copia calcis arsenici, cinerum clauellatorum et carbonum in tenuissimum puluerem contusorum commistam et cum oleo subactam in catillo recensito iam saepius modo praeparato per horam dimidiam igni exposui.

Neque tamen sic globulos metallicos impetrare potui; plurima utique pars massae in fundo catilli superstitis conglutinata erat, ex scoriis heic laete virentibus, illic atris conflata, interlucente tamen hinc inde micula metallica, atque intermistis glebulis dilutius tinctis, quae digito pressae in plura granula discedebant, quali forma magnesia metallum in eiusmodi experimentis non raro comparet.

Vix hinc sperandum, magnesiam, nisi forte aëre fixo satiatam aut in metallicam formam redactam eo artificio liquari in officinis cum fructu et constantia posse.

Nota est metallicolis nostratibus tum insigni, qua tellus eum gignit, copia, tum ferri, quod vulgari modo ex ea excoquitur, siue sola, siue vna cum aliis mineris furno committatur, vitio, ferri minera in montibus Hercyniae pago Lauterberg vicinis Knollen dictis ex terra eruta, haematitac rubri utique species, ferri ditissima, vt, teste Generosiff. *de Trebra* ex centum libris eius largiatur octoginta, verum ob vitium ferri ex ea eliquati atro carbone notata et contempta.

Quam minerae ferro abundantis labem perpendenti mihi operae pretium visum fuit in eius causam inquirere, quam aut in gradu calcinationis, (calcis enim forma indutum inhaerere minerae, mihi perquam probabile fuit), aut, quod maiorem veri speciem prae se ferebat, in materie quadam arctius coniuncta delitescere mihi persuasum habebam, sperans fore, vt detecta eius naevi causa et variato secundum indolem huius causae coquendi modo egregium tamen ferrum obtineri ex ea possit; non enim a sola minerae conditione, sed a modo potius et cura, qua in vstrinis tractatur, pendere ferri et bonitatem, et multifaria vitia, tot edocuerunt ac edocent adhuc in officinis metallorum obuia exempla.

Magnes

Magnes quidem minerae in subtilissimum pollen comminutae admotus particulas quasdam attraxit, ex drachma circiter grana sex, et vitrioli, quod audit, oleum, cuius drachmae tres aquae distillatae sesquiuncia temperatae cum vncia huius minerae coquebantur, vix aliquid effecit, vt tamen liquor per chartam griseam traiectus fuscum parumper tinctum monstraret, addita largissima quamuis aqua adhuc pellucidus, quod quidem non obtingit, quando ferrum phosphoratum acidum intrauit.

Patebat igitur, non eo quidem statu inesse ferrum, quo a vitrioli acido diluto facile dissoluitur; idem tamen obtinet circa plurimas ferri mineras, egregium ferrum largientes.

Quare magis credibile erat, in materie firmitus ferro intertexta latere causam mali. Poterat inesse, praeter terras, quas vocant, simplices, sulphur, arsenicum, zincum, phosphori acidum, magnesia nigra; his enim in ferri mineris haud raro, aliquando magna copia contentis, contaminatum post excoctionem ferrum, ductilitatis potissimum iacturam facere, neminem nisi tironem metallurgiae, fugere potest.

Inspersi ergo minerae puluerem tenerrimum prunis ardentibus; verum neque vaporem vllum, ex quo arsenicum, aut sulphur augurari, neque flammam, ex qua posterius, neque lucis illam speciem, ex qua zincum aut phosphorum arguere possis, animaduvertere potui.

Drachmas duas minerae in subtilissimum puluerem tritae in vitro consueto, cuius orificium argilla obturatum erat, igni violentissimo per tres horas continuo exposui: Ne hilum quidem eius in sublimem actum erat; quod supererat in fundo vitri, scrupuli dimidii pondere increuerat, coloris obscurioris quidem, quam antea, at nequaquam nigri.

Confirmare hinc videtur hoc periculum, quod iam ex priori conieceram, neque sulphure neque arsenico inquinatam esse in hac minera ferri calcem, et tantum abesse, vt aliquid de suo perdiderit, vt potius aucta fuerit pondere ferri minera. Patet porro, non tantopere praeualere magnesiae calcem, vt eius indolem sequens minera igne violentiori vsta nigredinem indueret.

Qua de re vt certior fierem, vnā huius minerae partem in subtilissimum pollen conuersam cum tribus nitri vulgaris pari ratione comminuti partibus terendo mistam in catillo terreo puro tam diu igne vssi, donec non liquefieret modo, sed multum aëris vitalis emitteret: Liquatam materiem effudi; postquam frigore denuo coit, erat dura, coloris profunde violacei, aut ex violaceo fusci, et in puluerem rudiorē contusa, aquam fontanam, in quam iniiciebatur, rubore, eoque tamen cito euanido perfundebat, vt igitur pauxillum magnesi subesse, iure tuo exinde colligas.

Vt partes hanc mineram componentes certius expiscarer, drachmas eius duas in tenuissimum puluerem versas et per cribrum traiectas vi dissoluenti spiritus acidi ex sale communi extricati, primo nullo adhibito, post autem substrato igne ita vt tandem bulliret, exposui; erant autem spiritus vnciae binae; quod ab huius actione supererat, denuo similiter tractaui cum eiusdem acidi vncia; sesquidrachmam ab huius actione superstitem, cum aquae fortis, quam duplicem vocant, vnciis duabus, residuum ab hoc tentamine puluerem adhuc, et tertia demum vice cum recentis ceterum eiusdem aquae fortis vnciis duabus, quam haec superstitem reliquit portionem, cum spiritus salis communis dilutioris vnciis duabus, et residua nunc adhuc grana viginti octo cum media aquae fortis modo dictae vncia spiritus salis drachmis duabus temperata tractaui. Restabant nunc peracta elotione atque exsiccatione minerae grana septem.

Acidis cum minera tractatis confusis, ac, postquam aqua diluta erant, drachmis duabus vncias septendecim pondere superantibus, quum sanguinis quod vocant, lixiuium instillarem, turbabantur, leuiter virescebant, et sedimentum dimittebant, quod, quum aqua per aquam fortem leui acore imbuta et leni calore adiuta irrigarem, ponderis plurimam partem amisit, suo igitur tum colore, tum in aqua acidula solubilitate magnesi calcem subesse ostendit.

Quum primo hoc sedimento separato idem lixiuium iteratis riuus infundere pergerem, delapsum est in fundum multum sedimenti partim profunde caerulei, partim (quasi ex ochroleuco magnesi et caeruleo ferri committum esset) ex albo virescentis.

Quum

Quum tandem additum sanguinis lixiuium non amplius turbare videretur illum liquorem, tentavi lixiuium, ex carbone tartari crudi refrigerato et contuso paratum, illud tamdiu affundendo, donec cessans efferuescentia saturationem peractam loqueretur: Cecidit sic in fundum multum pulticulae albidae, praeter terram metallicam simplicem quandam adhuc inhaerere minerae manifestans.

Vt, quaenam sit illa terra, explorarem, repetii experimenta; coxi minerae in tenerrimum pollen conuersae drachmam septies semper cum recenti aquae fortis, quam duplicem nominant, vncia spiritus salis communis drachmis duabus temperata, ita vt tandem non superarent, nisi grana sex, nondum omni colore priua.

Color rutilus multum ferri soluti intrasse acidum loquebatur; infudi nunc iteratis vicibus lixiuium ex carbone tartari crudi conflatum, eum laborem continuando, donec turbari non amplius liquorem conspicerem; quo absoluto omnem materiam in chartam griseam filtri forma indutam conieci; remansere sic, postquam omnis liquor per chartam transstillarat, et donec omne sal elutum esset, aqua distillata feruida multoties superadfusa erat, materiae exsiccatae partim ferrugineae partim atrae grana septuaginta, vt igitur forsan ab aëre fixo, sali alcalino adhaerente sedecim granis aucta esset materia, antea in aqua regis soluta.

Hanc materiem igitur, vt inuestigare, an dictam ab alumine terram contineret, cum lixiuio caustico coxi, cui tinctum spadiceum impertiebatur: Vt experirer, an aliquid eius lixiuium ingressum sit, instillaui per guttas aquam fortem; mox inde turbatum dimisit in fundum floccos subfuscis, qui, quum infundere aquam fortem pergerem, sensim adeo incresebant, vt elutriati atque exsiccati scrupulum dimidium pondere aequarent; sextam idcirco minerae partem constituere videtur terra aluminis.

Lixiuum ab hisce floccis defusum humoris parte plurima dissipata exhibuit crystallos; alias figura sua prismatica, et facta, quum prunis inspergerentur, detonatione, nitri indolem prodentes, alias tabulares in carbonibus ardentibus decrepitantes, et peractam quidem

per vitrioli acidum ferri solutionem nequaquam, elapsis vero aliquot horis aquam calcis, in quam iniectae erant, turbantes, vt haud levis subnascatur acidi phosphorei ab alcali attracti, in minera itaque haerentis, suspicio.

Quae supererant ■ coctione cum lixiuio grana quinquaginta tria vna cum aquae fortis duplicis vncia calori bullienti exposita plurimum cum hac efferbuerunt: Vt magnesium, quod inesse suspicabar, tanto facilius solueret, iniecto parca manu gummi arabico ignem auxi: solutio rutilo colore fulgebat, neque ■ vitrioli, quod vocant, oleo, neque ■ sale acetosellae cineribus clauellatis saturato turbata, vt igitur nec terram ponderosam, nec calcariam continere videatur.

A sanguinis autem lixiuio instillato plurimum sedimenti principio virescentis, post caerulei dimisit.

Remansit tamen pars praecipitati huius sedimenti post diuturnam coctionem indissoluta, forsan per nitri acidum nimis calcinata, post elotionem atque exsiccationem granis quatuor pondere aequalis, quae postquam seui portio super ea deflagrauerat, ■ magnete trahabatur.

Coniuncta igitur videtur in hac minera ferri calx praeter pauxillum acidi phosphorei cum portione magnesi et terrae ab alumine denominatae, quae vtique ferri liquationem difficiliorem reddere, et, quod certe priora duo attinet, ferrum ipsum, quando illi iuncta manent, corrumpere queunt, vt tamen intermixto, dum in forno igni concreditur, larga manu lapide calcario, aut alia minera ferrifera eiusdem terrae ferace, obstaculum illud semoueri, labem illam sanari posse, spes alluceat.

T E N T A M E N
VITIIS AUDITVS MEDENDI,

MAXIMAM PARTEM
NOVISSIMIS ANATOMICORVM ET CHIRVRGORVM
INVENTIS ADSTRVCTVM

DIIVDICATIONI
SOCIETATIS REGIAE SCIENTIARVM GOTTINGENSIS

SVBMITTIT
LEBRECHT FRIDERICVS BENIAMIN LENTIN
SODALIS SOCIETATIS

Quos machinarum, organon auditus constituentium, penitior fugit cognitio; qui humorum, neruos hic vndiquaque ambientium, ortum, exitum, atque naturam ignorant; et valde memorabiles ramorum nerueorum inter se complicationes, obiter tantum considerant; metastasium multiplices modos, et ipsius consensus inopinatum toties vim negligunt; atque congestionum varias accessiones, non satis curiose perpendunt — horum fane supellectilem, in diiudicandis et sanandis auditus vitiis, nimis curtam, et nimis angustis circumscriptam cancellis esse debere, palam est: Sacra enim ubi cessat remedia largiri Empiria, ibi medicus incassum tentata molimina auersa facie relinquere cogetur.

Diu fane me vssit, mutila, totiesque fallax methodus, si nomen vnquam meruit, qua ego quondam utebar, si in abstrusissimis hisce Maeandris, aliquid quoddam mutare deberem, quod tamen vana tantum suspicabar opinione, minime vero praeceunte ratione intellexeram. Res itaque manebat multoties proh dolor! immota, adeo, ut operosas manus in sinum refundere cogerer. Et si vnquam, fauente

fauente fortuna, facilem se quandoque praebente, vnus furdorum alterue, sensum, qui omnem societatis neſcit copulam, recuperasset, decem forſan aliis, idem fruſtra parabam medicamen: et tamen per tot tentamina, tenebris minime eripiebar, quarum fines, muros quaſi palpando, fruſtra quaefiueram.

Hinc operoſiorem quidem, tutiorem tamen viam, aperire ſum anniſus, qua refractariis quibusdam huius organi morbis mederi poſſem. Hanc viam, O eximii artis medicae Antiſtites! Veſtrae diiudicationi eo conſilio reuerenter ſubmitto, vt beneuola manu, mihi, in tenebricoſo naturae Labyrintho forſan oberranti, lucem anteferatis, et collatis iudiciis, ~~rem~~ tam abſtruſam illuſtrare adiuuetis.

Superuacuuſ foret in ſtudiis longus labor, ait Quintilianus, ſi nihil liceret melius inuenire praeteritis. Hancce ſententiam haud inepte, partim ad eximios, longos, et ferrea conſtantia ſuſtentatos labores, illorum Anatomicorum, quorum ſolertiſſima induſtria, myſteria, quae natura ſatis diu ſub petroſo tegmine abſcondidit, in lucem protraxit; partim vero ad nouas methodos, hiſce inuentis ſuperſtruendas, applicari poſſe reor. Cis nimirum tympana, medicinae aliquam vim, minus erudita turba, in auditus vitia quidem conceſſit, trans vero hos limites, credidit, ingenio humano negatum eſſe, morbis medicinam parare. Videamus igitur, an plane non liceat, vitia auditus quod attinet, meliorem inuenire praeteritis medelam, et vltra haecenus cognitos limites exporreſtam.

Vobis, Viri illuſtriſſimi! omnia ea, quae Cottunni, Scarpa, Walther, Mekel, Geoffroy, Mascagni, Cruikſhank, Bleuland, Sömmerring, alique ex anatomicorum numero, ſuſpenſiſſima manu, et oculorum acie lentibus cryſtallinis aucta, detexerunt, diſuſo repetere calamo, vanitatum non infima foret cenſenda, quippe ſupremum medicorum Tribunal, non eget rerum affatim cognitarum enumeratione; interim tamen, ea ſaltem ex nouiſſimis anatomicorum inuentis nominare licebit, quae me ad propoſitum finem propius adduxerunt. Primum locum merentur, propagines abſorbentium vaſorum, quae aquulam acuſticam e receptaculis, accipiunt, et ad
bonam

bonam eorundem partem exporrecta per membranam, quae inferiorem cranii superficiem vestit ¹⁾ per foraminula cranii, et ossis inprimis occipitis emittunt ²⁾, aliam vero huius aquulae partem, sinibus lateralibus, et venae iugulari impertiunt ³⁾.

Ab altera autem parte, arteriae, ab interna Carotide, et a cervicali Vieussenii natae, ramo vnico vel bifido, septimi paris comite, veniunt in Labyrinthum, cuius vestientem membranam, et neruosum septum percurrunt ⁴⁾, ibique vaporem, in aquulam acusticam demum mutatum, continuo, et eodem modo, ac in aliis corporis cavitatibus id fit, exhalant.

In hoc systemate, variorum auditus vitiorum causam delitescere, vnusquisque comprehendet, quem vsus, necessitas, et incolumitas huius transitoriae secretionis, et quanti momenti sit ipsius aquulae sinceritas, haudque interrupta eius promptitudo, allucet. Arcanum hucusque multis fuit commercium, in infantibus inprimis obseruandum, inter externam ossis occipitis, vel nuchae supernam regionem, cum auribus: hi nimirum sub sic dictis Achoribus, madorem, quo alias squalebant, tum accipere solent, cum hae sordidae scaturigines, vel suapte natura, vel in congrui remedii interuentu, resiccauerint.

Legi hic merentur quae habet Cruikshank in the Anatomy of the absorbing Vessels of the human Body, the second edit. Lond. 1790 p. 203, inquiens: The occipital absorbents, or those accompanying the occipital artery, terminate in a gland, or glands, on, or behind the mammillary process, and hardly ever wanting; these glands often swell to a very large size, inflame and suppurate, from the affection of their absorbents in the Tinea capitis, a disease often
owing

¹⁾ Mascagni Vasc. lymph. hist. Part. II. Tab. XXVII. Fig. III.

²⁾ l. c. fol. 138.

³⁾ ib. conf. quoque Meckel in diss. de Labyrinth. p. 53. not. et Cottunni de Aquaeduct. aur. intern. §. LV. p. 99. Superfluous Labyrinthi humor, in sinum lateralem durae matris exoneratur, quod eo probabilius est, quo propior vena orificio aquaeductus cochleae est. Vid. Tab. I. fig. 5. Vt f. huc etiam pertinent duo rami lit. g.

⁴⁾ Cottunn. de aquaed. §. XXXI. p. 50.

owing to neglect in not washing Childrens heads every day, from their birth, till they have passed their second year. The wash should be soap and cold water. These absorbents terminate at last in the plexus of the neck, accompanying the external and internal jugular vein.

In variis grauioris auditus, vel incipientis adeo surditatis casibus, vbi neque vitium in meatu auditorio, vel tympano, neque in Eustachianis tubis haerebat, vel illitu mercuriali, in os occipitis antearasum, vel vlcerationibus diuturnis hic excitatis, vel denique linimento ex spiritibus volatilibus frequentius applicato, si non omnem auditum restituere, malum tamen valde lenire potui. Non enim lymphae soli, sed etiam vasis, quae interdum singulari egent stimulo, mali causa tribuenda ⁵). (Nimis memorabilis est ex Cruikshankii eximio opere locus, quin ipsius verba transcribere nequeam. That the Brain has absorbents, scribit pag. 204, I am perfectly certain; for I have seen absorbent Glands in the foramen caroticum, which, from this situation, could not belong to any vessels, but such as are coming down from the brain: I have seen this particularly in scrophulous abscess of the Brain; I found Glands of the Neck swelled with affection of the brain, in the living body, and I found the abscess after death.)

Signa huius causae laesae auditionis, hic melius quidem ab iis quae non sunt, quam e contrario, et positius desumuntur. Est autem in oculis aliquid, quod curiosius intuenti, aliquam vitii huius clan-

⁵) vid. Mascagni Vas. lymph. hist. fol. 138. Not. a. et Tab. XXVII. Fig. III. Et si praesentiam horum vasorum, atque naturae intentionem, absorptum e tela cellulosa durae matris humorem, labyrintho ipso tradere, non negauerim, imo ambabus amplectar; tamen Cottunni sententiae malim subscribere, qui receptaculum, pro recipienda superflua. et ex Labyrintho iam emissa aquula acustica adesse docet, minime vero vt ill. Meckelius in diff. de Labyrinthi auri internae contentis, p. 53 suspicatur, ea intentione fabrefactum "ne vnquam humor in partibus Labyrintho continuis desit" cum retrogrado motu a receptaculo ad Labyrinthum nequaquam deferri possit. Exporriguntur quidem haec vasa absorbentia ad membranam receptaculum constituentem, verum absque quod in receptaculum aliquid humoris deponant, cuius nec vsus aliquis, nec quaedam necessitas esset; sed hoc conductore in ipsum Labyrinthum, ibidemque vaporis exhalandi causa, feruntur.

clandestini suspicionem suppeditare potest: arcana enim quandoque aures inter et oculos subest harmonia; prout Hippocrates suo tempore, in Libro de diebus iudicatoriis obseruauit: et aeger inquit, auribus non acute audit, saepe etiam oculis non videt. Similem Obseruationem exhibuit cel. Wathen ⁶⁾ vbi visus derepente restituebatur, postquam iniectionibus in tubas Eustachianas, surditas erat sanata ⁷⁾: sympathica quoque fuit auditus et visus hebetudo, quae nephriticos paroxysmos semper praecedebat ⁸⁾.

Generatim vero multiplex, si hunc vasorum nexum spectem, parata est occasio, medicamentis eo penetrandi, quo manus attingere nequit, idque cum probabiliore spe fausti successus, si Venam iugularem, in alias plethoricis, antea secueritis: abeunt nimirum, vt modo adduxi, vasa receptaculi absorbentia, et trunci sinuum lateraliū, qui pariter ramulos absorbentes, coniunctim cum venulis labyrinthis, accipiunt, in venam iugularem.

Vtiliter quoque hanc venam pertundi curauī, in chronicis sanguinis ad caput congestionibus, quae toties in minoribus vasis refractarias stases, et interdum polyposas adeo in sinibus concretiones, struunt. Et si quidem hoc adminiculo, causa perpetuae congestionis, minime plenarie remoueri possit, quippe quae, si non in abdomine, ignorantiae toties in chronicis tractandis asylo, tamen oppido non raro, exemplo tot phthisicorum, in ipso pectore latet, quin in pedibus adeo gignitur, tamen per rapidiorem sanguinis exitum, per venam, in ipsius Labyrinthi propinquitate, tūsam, mobilia omnia in minimis vasculis fieri, valde est probabile; hinc saltem spissitudinis quotidianum augmentum, maior ad vasa adhaesio, si non tollitur, tamen remoratur. Sed de Congestionibus infra sigillatim.

Est quoque magnum auxilium in exulceratione regionis ossis occipitis, vbi faciei ingens ille dolor, a Fothergillio primum descriptus, diu, breuissimis, longioribusue intervallis, aliquem torfit. Portio nimirum dura septimi paris, postquam per, inconcinne sic

F 2

dictum,

⁶⁾ Phil. Transact. Vol. XLIX. art. 35. p. 213. 255. 1755.

⁷⁾ vid. quoque Samml. auserl. Abh. 14ter B. I St. pag. 9.

⁸⁾ Richa Constit. epid. Taurin. Ann. 1720. §. 58.

dictum, Aquaeductum Fallopii, relicto osse petroso, exiuit, faciei, parotidibus, introrsumque linguae, et Laryngi ramos, faciei autem numerosissimos impertit. Transcendendo autem os petrosum, et subintrando Aquaeductum Fallopii, exiguum ramum reflectit, quem *Bertin* ⁹⁾ descripsit, alium autem pro efformanda Chorda Tympani dimittit ¹⁰⁾. In neruo duro solo eiusque vltimis ramificationibus, rationem huius torturae delitescere, me habeo persuasum, etsi modum, nulla probabili coniectura queam assequi, nec ausim, nisi a iuuante remedio aliquid luminis accedat. Non autem faciem, priuatim sibi sumit, hic dolentissimus dolor, sed etiam maximo cruciatuum augmento, in linguae radicem, vel quandoque in tympani membranam ruit, et musculus Eustachii ibidem, Folliue, tanta tendit vi, vt aeger pauimentum pedibus percellere, mox clamores edere, moxque morsui lacrimas miscere cogatur. Hancce dolorum Tyrannidem Opio, Tincturae Asae foetidae mixto, aurique funditus intruso, non solum mitigare, sed etiam per continuatum huius remedii vsum abigere potui.

Otalgiae valde absimilis est, illius doloris ratio. Haec infantilem fere priuatim infestat aetatem, in sola aure, absque inflammatione vel praeunte vel concomitante, persistit, etsi inflammationem, delirium, conuulsiones, et adeo mortem ipsam habeat pedissequam ¹¹⁾; vno veluti tramite aegri a dolore tenentur adeo, vt caput, obtorto collo, ad latus vnum alterumue retrouertere, et aurem dolentem ab omni attactu tutam reddere cogantur. Huncce dolorem, spasmo tribuendum, succo recente e ruta hortensi expresso, aurique indito, infallibili experimento vici. Dolorem autem faciei, exulceratione ossis occipitis, per cantharides excitata, vltra suturas lambdoideas vtrinque exporrecta, diuque sustentata, plus simplice vice, et quidem illico lenire, et vt spes affulget constanter abigere potui. Dominus I. decimum in annum iam huncce dolorem incomparabili patientia tulerat, et adhuc testem se praebet, quotuplicia consilia et
remedia,

⁹⁾ *Traité d'Oséologie*. T.I. p. 66. à Par. 1754.

¹⁰⁾ Plura huius nerui fila detexit Loefseke in *Obs. nat. med. chir. iconibusque illustrauit*. Berol. 1754.

¹¹⁾ R. A. Vogel prael. §. 170. p. 125.

remedia, pertinacissimum hocce malum eluserit, et quam prompte per vnicum epispasticum, occipitio superdatum, diutiusque nutritum, abs indissolubili hucusque vitae suae proh dolor! comite, liberatus fuerit. Me sane! si nexui vasorum supra memoratorum, nihil tribuere velimus, lateret, leuaminis promptitudo pariter, ac eius perseuerantia *).

Alio loco et tempore, Deo otia largiente, integram huius morbi historiam et medendi methodum tradam: hic saltem meminisse sufficiet, hocce remedio, et aliis supra memoratis externe applicandis, recta quasi via, in vasa praecipue ex absorbentium genere, ex intimis Labyrinthi recessibus orsa, maximo aegrorum emolumento, agi posse.

Prout Visus maximam partem integritati humorum oculi debetur, sic Auditionis acies, ■ debita secretionem et excretionem huc pertinentium humorum, saluo machinularum ordine, dependet. Ex ill. Cottunnii et Meckelii toties repetitis experimentis didici: omnem labyrinthi cauernulam, non exceptis canalibus semicircularibus, et cochlea, aquula limpidissima refertam esse, per quam vndae sonorae, molli, in vsum huius sensus praepanso neruo, impertiuntur. Hanc aquulam iam in tenella aetate a statu naturali recedere, Hallerus iam pridem docuit ¹²⁾, cum eam, alioquin limpidissimam, rubellam fuisse obseruauerit. Huncce rubellum colorem, partui laboriosiori soli tribuendum, eo magis suspicor, cum sugillationum a tali partu, in capitibus praesertim incuneatis, non vnus inueniatur modus. Interim tamen, ■■ auditui obesse possit, haec praeternaturalis aquulae conditio, natura iam dudum prospexit: sunt enim ambo illi Aquaeductus, cochleae et vestibuli, in neonatis ampliores ¹³⁾, vt itaque fecula haec sanguinolenta ocys excerni, et in receptaculum demitti possit. Liberiori demum reddito, post partum circulo sanguinis,

F 3

lumina

*) Vix finito autem, inter armistitia, quarto mense, nuper fugatus hostis, ex insidiis quasi prorupit, et renouatis ictibus, vix recreatum a doloribus miserum, perculit. Interim tamen, per breuiore reuersiones, aliquoties tantum inuasit, tumque iterum per longius temporis interuallum aegrum dimisit. (Haec scripti Mense Ianuario 1793.)

¹²⁾ Elem. Physiol. T. V. p. 410.

¹³⁾ vid. Cottunni l.c. §. LXVII. p. 123.

lumina horum vasorum exhalantium, ad debitam diametrum se iterum recipiunt. Haec aquula¹⁴⁾, limpidissima, et glutinoso-aquea, absque intermedia secretionis machinula¹⁵⁾, ex ultimis arteriarum osculis, roris instar emissa, et leuissimam ut Hallerus l.c. vidit, ab affuso spiritu vitrioli, inspissationem tantum subiens; haec, inquam, aquula, ex communi sanguinis alveo scaturiens — numne vitia originaria etiam accipiet, et hisce sensibilissimis partibus, — nudo fere nervo adsperget? nervo, qui non est nisi medullae cerebri tenerrima propago, et si telam, ex interiore periostei lamina tantum natam, nervum molliter ambientem, araneorum telae fragiliorem excipias, propemodum nudo? Feretne nervus, auditioni dicatus et alii quam sincerissimo insipidoque humore inassuetus, lixiviiosam forsan, et ardentem aquulae conditionem, absque auditionis detrimento? ¹⁶⁾

Sicut varia simulacra, retina irritata, oculos obuolitant, vel in gyrum mouentur, sic irritato molli nervo, soni percipiuntur, qui non sunt. Heic sane! latere videtur vna saltem causarum, falsae nimirum sonorum haud existentium perceptionis, et haud dubie ratio obauditionis, circa crissum potissimum confinia obuiae. Detis quaeso huic aquulae maiorem tantum spissitudinem, quam ut vinci a motu stapedis libere possit, et habebitis obauditionis causam: augeatis huncce spissitudinis gradum vsque eo, ut stapes ab vna, et tympanum minus fenestrae rotundae, ab altera parte, in aquulam minime agere possint, et nascetur vera surditas. Attribuatis aquulae, quamquam pellucidae vnam alteramue acrimoniarum, sero sanguinis in quibusdam propriam, et non mirabimini, si ex aucta in his locis, vel labefacta oscillatione fibrarum membranacearum, expansiones nerui mollis vestientium, falsae sonorum perceptiones oriantur, ut quoti-

¹⁴⁾ Meckel Diff. de Labyrinth. §. XIV. p. 26. §. XV. p. 27 et §. XVI. p. 29.

¹⁵⁾ Prim. Lin. Phys. Gotting. 1765. p. 82. Nr. 194.

¹⁶⁾ vid. quoque Fr. Hofmanni Med. Consult. T. VII. Dec. V. Cas. III. p. 282. Confirmari videtur haec hypothesis experimento, quo tremor sonorus, quem digitus inadefectus, orae vitri, *aqua purissima* repleti, circumgyrando imprimit, aquae undulatum impertit, quas (sc. undulas) vero, *aqua falsa*, vel *metallica solutione* impraegnata, accipere minime apta reperitur. Vid. Halles fortgesetzte Magie. 4 Band Seite 236.

quotidie occurrere solet in catarrho laborantibus, vel quibus foetidus foetensque pedum sudor, se in sanguinis massam recepit, vel scorbutica labe, arthriticaue inquinatis, imo in acidum ructantibus.

Hanc obauditionis et surditatis causam eruere, et extra omnem dubitationem ponere, res difficillimae indaginis esse quidem videtur; interim tamen, si animum ad omnia ea, *quae res non est*, primum adpulerimus, et morbos praegressos, vniuersalem huius corporis, et speciatim oculorum constitutionem, modum, incrementum, remissiones, et quae alia sunt obseruanda, considerauerimus, prono quasi alueo ad veram mali sedem deuoluemur, et tunc praemissis generalioribus, decerni facile poterunt ea remedia, quae topico malo debentur. Hic solummodo praemonitum habere cupio: nullo non tempore animaduertendum esse prius, an aliquid consensualis vel metastatici, vel demum venerei, vel rheumatici quid subsit, quam vitio auditionis remedia parare inchoemus. Frustra enim quoduis molimen impendetur, quamdiu ab aliunde quasi allata materia, nondum exterminata, vel alicubi locorum latens irritamentum suffocatum fuerit. Tunc autem cum omnia velut praeparata erunt, multum iuuaminis expectandum est, ab inunctione Vnguenti cuiusdam mercurialis ¹⁷⁾ partim in superficiem ossis occipitis, partim vero in processum mastoideum. His autem praemitti debet appositio vtrobique, hirudinum, quibus ex ipsa sede mali sanguis educatur.

Nec superuacuum est flumen aetheris electrici, methodo quam Dn. Blizard ¹⁸⁾ et praeter hunc Hartmann ¹⁹⁾, Lindhuld ²⁰⁾, Spengler ²¹⁾, Tib. Cavallo ²²⁾, Bertholon de St. Lazare ²³⁾, Selle, plurimique

¹⁷⁾ Huinsmodi remedia iam Fonscka, Consult. 58. T. II. et cum hoc Laz. Riverius, Prax. med. L. III. Cap I. de surditate, proposuerunt.

¹⁸⁾ The London medical Journal for the Year 1790. Part the first. p. 31 sq.

¹⁹⁾ Die angewandte Elektrizität bey Kr. des m. Körp. Erf. 1779.

²⁰⁾ Schwed. Abhandl. auf das Jahr 1752. 14ter B. S. 312. 313. 15ter B. 1753. S. 141. 142.

²¹⁾ Br. und Erf. der elektr. Wirk. in Kr. III. Br. p. 34. 35.

²²⁾ Ueber die Theorie und Anw. der medic. Elektr. Weissenf. und Leipzig 1788. p. 398 u. f. p. 401 in surditate metastatica electricismum praeprimis commendat.

²³⁾ Medicina clinica p. 401.

mique alii memoriae reliquerunt. Mihi autem arridet plurimum machinamentum Blizardi, per quod flumen electricum, filo ferreo susceptum, in meatum auditorium dirigitur, et ab altera parte, per stylum argenteum tubae Eustachianae intrusum, cuspidē lignea, instar aurae flatus, iterum euocatur. Interim cum electricum flumen haud interceptum iter peramet, consultius fore existimem, si flumen in Tubam Eustachianam immitteretur, et ex superficie ossis occipitis iterum euocaretur: est enim internum tubae ostium, fenestrae rotundae obuium.

Magnam vtilitatem hic sicco praetereo pede, quam in his, et in aliis morbis chronicis, vel adeo in talibus, qui ab inertia vel obstructione vasorum minimorum proficiscuntur, combinatio electricismi, sub externa applicatione vaporum volatilium spondent, v. c. Spiritus Terebintinae, formicarum, Olei tartari foetidi, Ambrae, Moschi, Camphorae, ipsiusque spiritus Salis ammoniaci, vel Aetheris multifariam cum volatilibus impraegnati. Habuit iam, huius adhibitionis modi, aliquam ideam Cel. Mazars de Gazelle, qui lanam mollem, camphora affricatam, membro huic vel illi circumdedit, aegrum sellae insulatae imposuit, et taleolo ferreo plano, pariter vitreo manubrio munito, auram electricam (par friction) euocavit, vel versa vice aegrum ea impregnauit. Augetur enim electricismo actio vasorum, velocitasque circuli humorum per vasa minima adeo, ut copiosior transpirationis, salinae, imo catameniorum effluxus inde sit sequutus. Copia profecto experimentorum requiritur, antequam aliquid determinati stabiliri possit, et temporis, otiique penuria est, qua maxime impediatur, ut hisce experimentis instituendis, non omnis vacare possim. Digna certe scrutinio res est! imprimis cum per experimenta nondum satis constet: anne debilitata per vim et diuturnitatem morbi, et fere sufflamina vis motrix, irritabilitatem vocant, per admissam auram electricam refocillari, et per id ipsum reactio corporis in quoduis miasma, cui debellando vires saepe desunt, reuificari, et tunc amica medicinae intercessione, quam accipere toties impos est exanimata natura, denuo refulciri possit?

Sed mitto haec vota, et me ad aliam obauditionis causam verto, quae in Tubis Eustachianis frequenter subsistit.

Sicut

Sicut natura, aquulae acusticae, exitum per aquaeductus stravit, sic aëri in cauitate tympani stanti, per Tubas Eustachianas liberum non solum transitum parauit, sed etiam eo prospexit, ne vitiatum forsan, per infortunium vel morbum, maiori tympano, desit alia succedanea via, per quam audienda, molli, in Labyrintho praeccluso, neruo impertiri possint. Audiunt eiusmodi Surdaſtri quidem, hiantibus ore et narium pinnis, sed quantum mihi obseruare contigit, vocalium tantum tonos, dum interponendos consonantes, e labiorum, dentium, et linguae motu colloquentis, solo aspectu discernere nituntur. Hinc vero etiam est, quod eiusmodi homines, auersa facie et oculis, vel in tenebris, audiant quidem, at non percipiant²⁴⁾. Destructo nimirum vel dislocato machinularum ordine, quo omnis articulorum et praecisorum sonorum modus, originali conformis vel aemulus, per officulorum auditus concatenationem, fenestrae ouali reddendus erat, palam esse videtur, ~~omnem~~ sonorum vel vocum articulationem, simul periri debere; toni vero perceptionem ceu solius cochleae opus²⁵⁾, etiamnum integram manere. Magni itaque facienda est, minoris tympani, tubarumque Eustachianarum, ceu instrumentorum auditus succedaneorum, quae nobis natura in subsidium dedit, integritas. Tympani nimirum minoris, fenestrae rotundae praepanſi, cuius accuratissimam descriptionem nobis Ill. *Ant. Scarpa*, in eleganti tractatu, de structura fenestrae rotundae auris, et de Tympano secundario, Mutinae 1772, et nuper recusum, et per anatomen comparatam, vberimis disquisitionibus donatum dedit, tanta est vtilitas, vt prouida natura, quo ab externis saltem iniuriis, hanc ad sensum auditus viam muniret, haec acustica instrumenta, haud improuiso modo, in abditissimis locis exstruxerit, orificia autem tubarum ita collocauerit, vt ore aperto et naribus, vtrinque obuia, satisque tamen ab iniuriis externis tecta essent et velata. Interim tamen oppido haud raro alterutram tubarum, modo ambas, vel proprio, vel alieno vitio labefactari posse, vberior docuit experientia. Sic anginae, et varia glandularum colli, vel ex scrophuloso

²⁴⁾ Huic item corradat Obs. in auserl. Abh. 7 B. pag. 585.


²⁵⁾ vid. Cottunni de Aquaed. §. XCII. p. 171.

phuloso vel venereo miasmate nata vitia; et catarrhi narium, facillime ad fauces, et alterutram tubarum transeunt: tubae ipsae, folliculis mucosis praeditae, vbi inflammantur tument, et earum lumen coalescit, muco tenui in verum gluten mutato, quae demum obduratio, diu interdum post superatum morbum, susurru et graui auditu indicantibus, remanere solet, nisi fortuito per sternutationem, oscitationem, tussim, deglutitionem, aëris violento modo in tubas pressionem, vel adeo per vomitum, soluatur. Verum enim vero, interdum ne hisce quidem moliminibus, haud inepte imitandis, referendae sunt, conglutinatae per mucum tubae, sed manu ministra opus est: hinc aliam atque aliam excogitare coacta est humana industria, methodum, qua integritas tubarum restitui possit. Sic cl. Sims ²⁶⁾, experimento casu fortuito nato, comprobauit, se tubas Eustachianas, sola violenta expiratione, clausis labiis oris et naribus, tubas versus adacta aperuisse, et hoc reiterato molimine, auditum abolitum restituisse. Cl. Wathen ²⁷⁾ iniectionibus per nares, in tubas factis, pluries obices mucosos vicisse scribit. G. ten Haaf, se recta veluti via, in altum adacto velo palatino, cuspidem syringae absque incommodo in orificium patulum tubae inseruisse, et hoc artificio eandem repurgauisse ²⁸⁾. Harum methodorum suam cuius vtilitatem esse, equidem non negaverim, interim tamen, si considero, ab vna parte vim, pulmonibus inferendam, vasis encephali et oculorum, dum aër expiratione reddendus, alicubi exire nesciens, Tubas Eustachianas, glutine refertas intrare, et obstaculum impermeabilitatis abigere cogitur, et perpendo difficultates, quae se operationibus a Wathenio et ten Haaf propositis, obiiciunt, et ab altera parte, indociles aegros mihi cogito; angustioribus saepe naribus et ore praeditis, et demum inscitiam plurimorum proh dolor! Chirurgorum, qui interdum de repurgandis
Tubis

²⁶⁾ Merkw. Abh. der zu London 1773 errichteten medic. Gesellsch. Iter B. S. 20. Nouum tamen hoc non est. Idem consilium iam dedit Morgagni v. d. S. u. d. Urs. d. Kr. Iter B. S. 648. n. 7.

²⁷⁾ Merkw. Abh. der zu London 1773 errichteten medic. Gesellsch. Iter B. S. 20. Nouum hoc non est. Idem consilium iam dedit Morgagni v. d. Sitz u. d. Urs. d. Kr. Iter B. S. 648. n. 7.

²⁸⁾ Phil. Transact. Vol. XLIX. p. 1. 1755. vel germ. Idiom. Wiederherst. d. Gehörs etc. Altenb. 1788.



A.A. *Virgula argentea.*

B. *Lamina oratenuis foraminulis pertusa.*

C. *Frustulum spongiae marinae.*

Tubis Eustachianis ne somniarunt quidem, in computum duco, sane simplicissimum instrumentum, applicatu facile, scopoque etiamnum respondens, toties in votis habui, quoties impedimentorum vnum alterumue, modo memoratorum, magis compositum apparatus, non admitteret.

Stylum itaque, argenteum, in eius apice in laminulam cusum, et pluribus, pro assuendo spongiae frustulo, foraminulis, oratenus pertusam, quem Vobis, quo melius intelligar, delineatum transmittito, (vid. Tab.) eo consilio sic aptari curavi, vt pro rerum exigentia, vel Mixturam ■ Tincturae saponis Vnciis quatuor, Spiritus Salis Ammoniaci drachmis velut duabus acuatam, vel vinum antimoniatum, vel denique vbi venerei quid subsit, solutionem mercurialem Plenckii, ope *spongiae assutae*, tubis Eustachianis, primis diebus *leni*, dein vero *fortiore affricu* applicare, et per id mucum quadantenus dissolvere, tubas quodammodo irritare, vel stagnantes humores in ipso affecto loco, quantum licet alterare, et quasi emungere et extergere possim. Facilius hoc adminiculo Tubae, earumque orificia attinguntur, et mucositates *deorsum* exire coguntur, cum per qualemcunque iniectionem sursum vrgeantur. Applicatio spongiae, vsui saltem syringae consultius praemittetur, imo eiusmodi repurgatio tubae, iniectiones per processum mastoideum institutas, quarum Iasserus auctor est, anteire deberet ²⁹). Excitatur quidem per spongiae applicationem, vomiturius et screatus, verum enim vero per huiusmodi molimina, solutio et extricatio obstruentis muci, inde magno-pere adiuuatur.

G 2

Matu-

²⁹) Legi, hanc operationem quod attinet, merentur ea, quae in Sammlungen auserl. Abh. 14 B. 1 Stück S. 1 sq. ex Abhandl. der Schwed. Akad. d. W. auf das Jahr 1789, 3tes Qu. N. III. IV et V. prostant. Miror tamen, Dnum. Iasserum, nouitio illo militi (S. 1) qui surditatem ab vlcere crurum, ■ quatuor iam annis exsiccato, acceperat, vlcera artificialia, in pristino exulcerationis loco, in crure, Schmuckero duce, iterum non excitasse.

Huc quoque pertinet Fielitz in ill. nostri Richters Chir. Bibl. qter B. p. 555. Generatim autem ill. Murray in l. c. processuum mastoideorum fabricam optime descripsit, simulque magno ingenii acumine hanc operationem diiudicauit.

Maturitatem omnem nondum adepta est methodus Iasseri, per perforatum processum mastoideum, talia apozemata iniicere, quae infarctus mucosos et cauitate tympani et tuba Eustachiana eluere valent. Nec autem semper tutum est id tentare, vt notatum inuenio in l. m. c. p. 9 vt iam taceam triste ex Hafnia exemplum. Attamen non in omnibus subiectis eadem quoque reperitur sensibilitas. Iniectionum in modo dictum processum mastoideum, crebrius institutarum, testis fui, vbi foemina e stirpe nobilium, ne hilum quidem doloris, vel alius incommodi, ab huiusmodi iniectionibus, in fauces se iterum effundentibus, pateretur.

Vitia auditus *consensualia* fere cuncta, ex cruditatibus ventriculi et intestinorum oriuntur, vnde etiam repetendae sunt, multiplices hypochondriacorum et hysteriarum, de sonorum haud existentium querimoniae. Neque ratio latet, si ex anatomicis in animum reuocemus, neruum intercostalem, et quintum, cum neruo duro septimi paris, anastomosi coniungi, et communis insuper neruorum externi meatus auditorii, et intercostalis, et quinto pari sit origo ³⁰⁾. Non mirandum itaque, qui fieri possit, quod a vermibus in intestinis nidulantibus, molestissimi tinnitus et aurium susurrus nasci possint, quorum plura exempla prostant in van den Bosch ³¹⁾ et v. Phelsum ³²⁾; contra vero, et globulo vitreo meatui auditorio funditus intruso, paralyses, et cateruam malorum natam esse, cuius historiam et Fabricio Hildano accepimus ³³⁾; plura quoque Tissot, de consensu aurium cum reliquo corpore consignauit ³⁴⁾, et Rahn ³⁵⁾. Sic quoque, Germaniae decus, Fridericus Hofmannus ³⁶⁾ susurrum aurium, acido in ventriculo hospitanti tribui, et Boerhaave ³⁷⁾ susurrum aurium

³⁰⁾ Meckel Diff. de Labyr. §. 64 et §. 104.

³¹⁾ Hist. constit. verm. p. 291.

³²⁾ Hist. Ascarid. path. p. 203.

³³⁾ Obs. et Cur. Chir. Cent. I. Obs. IV. p. 44. Edit. Bas. 1706.

³⁴⁾ von den Nerven. 2 B. 2 Th. p. 208.

³⁵⁾ Mirum inter caput et viscera abdominalia commercium. Gott. 1771. §. XX.

³⁶⁾ Med. Consult. P. I. Dec. II. Cas. IV. p. 135. P. V. Dec. II. Cas. IV. p. 115 et Thom. Thomson. med. Rathpf. überf. v. Marcard S. 8.

³⁷⁾ In Consult. med. Vol. II. p. 61.

aurium post vomitus biliosos illico desisse vidit. Insuper vero Hippocrates ³⁸⁾ inquit: "in surditatibus et torpore, de naribus aliquid stillare difficultatis aliquid habet, vomitus his conueniet, et alui turbatio." Sic quoque dolores artuum inferiorum surditate solutos vidit ³⁹⁾ et deliria praedicit in febribus, si aegris aures tinnunt, nisi febris critico modo decurrat ⁴⁰⁾. Haec autem surditatis species, haemorrhagia narium soluitur, sin minus, per omnem vitam manet. Conferantur quoque quae ex Galeni Libr. III. de compos. med. C. I. Lazarus Riverius, Prax. med. Cap. II. p. 277 habet, et Selle med. clin. p. 398. Item R. A. Vogel Prael. §. 424.

Interim prout natura vbique, ita et hic, vbi de morbis aurium agitur, semper sibi similis est, et copulamnectere sciuit, morbos consensuales inter, et *metastaticos*, medium quasi inter utrosque modum tenens: cuius rei eximia exempla prostant in Fr. Hofmanni med. rat. Syst. Tom. IV. Part. II. Sect. II. Cap. X. De colore et spasmu otalgico p. 499 nec non in de Moneta Heilkur des Bisses toller Hunde &c. Lips. et Varsov. 1789. p. 115 item in Abhandl. von der Verbindung der Luftseuche mit dem Scharbock von *Schraud* Wien 1791. p. 56. 57. Consensum vero, qui abdomen inter et aures constat, vices non vno mutare modo, Hippocratis testimonio pariter confirmatur, vbi Sect. IV. Aphorismorum, Aphorismo 28 dicit: Alui profluuium biliosum surditate tollitur, et hanc tollit; nec non in Libr. de Crisibus pag. 398 vbi surditas cum doloribus artuum inferiorum vices mutabat, cuius rei exemplum quoque prostat apud Zacutum Lusitanum Prax. med. admir. Lib. II. Obs. 169. Sic ab vna parte aurium vitia, non solum corporis quemcunque fere alium locum in consensum trahere ⁴¹⁾, sed ab altera quoque, corporis non-

G 3

nullae

³⁸⁾ Coac. praenot. Cap. V. edit. Halleri p. 259.

³⁹⁾ Libr. de Cris. p. 380.

⁴⁰⁾ Eod. Libr.

⁴¹⁾ Pechlini Obs. Lib. II. p. 45 vbi quidam aurem externam digito ne quidem tangere potuisset, absque statim insequente ventriculi morsu vel vomitu. Conf. quoque in Ephem. Nat. Cur. Dec. III. Ann. VI. Obs. 182 et Ann. I. Obs. 194. prostant exempla, de Vomitu per musicam excitato. Sic Tissot vidit surdum, qui aurem, quoties scalpserit, dolorem toties in lingua sentit. Idem tussim. von den Nerven p. 413 plura exempla leges penes eundem auct. ■ pag. 409 - 434.

nullae adfectiones, auditionis vitia, imo si diutius consensuale malum duravit, *proprios* inde aurium morbos prouocare possunt. Prout nimirum ex aliis Medicorum obseruationibus liquet; morbos inter initia mere consensuales, in vere metastaticos, migratione materiae per parenchymata et membranorum continuitatem facta, demum transire. Est enim membrana Tubae v. c. Eustachianae, membranae, Oesophagi, ventriculi et intestinorum continua ⁴²⁾). Lymphaticorum vasorum, mirando modo inter se, et per interspersarum glandularum myriadem complicata retia, itus suos reditusque habent; ipsae denique et numerosissimae glandulae, corporis reticularis Valsalvae, Zonae instar, canalem auditorium cartilagineum pro secernendo cerumine aureo cingentes, saepissime numero metastatico modo pus, interdum graueolentissimum in se suscipiunt, non sine periculo subsequuturæ tympani maioris et ossiculorum destructionis. Ipsa denique membrana, Tubarum Eustachii internas superficies vestiens, folliculis mucosis perinde ac Schneideri tunica narium ⁴³⁾) munita, metastasibus inprimis catarrhalibus, imo subinde venereis ⁴⁴⁾) lacteis ⁴⁵⁾) nec minus herpeticis ⁴⁶⁾) obuia est. Generatim aures idemtidem omnibus metastasium modis ac quidem oculi patent, quatenus nempe iter aliunde allatae materiae, per praepansas vias membranarum fit. De reliquo, si quid peregrinorum vitiorum est, quorum culpam aures, insontico modo, luere debent, id, si neque proprio vitio, neque consensui neruorum, neque metastasibus debetur, id inquam *congestionibus*, quibus *multum periodici* inest, et *oscillationi* vel si *mauultis vibrationi solidorum vitiosae*,tribuendum esse puto.

Vnde

⁴²⁾ Langhans de Consensu partium. C. H. §. 103.

⁴³⁾ Hall. in comment. in Boerh. aph. de auditu Cap. 378. not. e. Hall. Physf. de aud. §. 485. Valsav. Cap. 2. p. 32. Fig. XIV. vid. quoque Hartmann l. c. 162 Erf. S. 290. Morgagni vonden S u. U. d. Kr. 1 B. 14 Br. p. 637.

⁴⁴⁾ Clift. Wintringham de morb. quibusd. Comment. Lond. 1782. Fonscka Consult. 58. T. II. et Astruc de morb. ven. L. IV. C. I. §. VIII. et L. IV. C. III. §. VIII.

⁴⁵⁾ Ex Mauduyt Bertholon de St. Lazare p. 401.

⁴⁶⁾ Carrere Vid. Samml. auserl. Abhandl. 6 B. S. 481 et Fr. Hofm. in Consult. T. XI. Dec. IV. Cas. I.

Vnde fiant Congestiones? et quid sint? sicco hic pede praetere-
 rre possum, si paucis tantummodo attigisse licuerit, in modo con-
 gestionum quidpiam inesse, ex quo, per coniecturam quasi ad earun-
 dem causam concludi possit. Fiunt nimirum congestiones ad caput,
 seorsimue ad aures, vel per periodos ⁴⁷⁾ menstruas siue lunares,
 sexui sequiori potissimum propriae; vtut e masculino genere haemor-
 rhoidariis interdum quoque accedunt; vel quotidianas accessiones
 habent, et tum vel a digestionis clandestino vitio, vel ab atmosphae-
 rae mutata sensibili temperie, et transpirationis negotio labefactato,
 quod debiliorum corporum vitium esse solet; vel alternis diebus,
 imo per quaternarios redit, et tum febris cuiusdam intermittentis
 pedissequae vel sociae censendae; vel catarrho sunt iunctae, et tunc
 vespertinis horis exasperantur, matutinis vero, vel de integro cessant,
 vel saltem remittunt; vel cum anni temporibus redeunt abeuntque,
 prout arthriticorum, imo et haemorrhoidariorum et eorum mos est,
 quibus cutis variae defoedationes solemnes sunt, sub herpetis, viti-
 liginum aliarumue efflorescentiarum facie venientes. Imo ipsum
 conceptionis et gestationis tempus ⁴⁸⁾ auditum mutauisse compertum
 est. Est quoque alternatio aciei auditus, dependens ab aëris quoti-
 dianis qualitatibus; ab humiditate, siccitate, et aliis temperiei mu-
 tationibus, a quibus, ceu ab innato irritabilitatis gradu, vix aut ne
 vix quidem muniri possunt eiusmodi subiecta ⁴⁹⁾.

Abeunt autem tales congestionum vicissitudines, tractu tempo-
 ris, in veras et difficulter resolubiles Stases, auditioni non vno
 modo et tempore nocituras, nec vnquam iterum remissuras, nisi
 temporius hisce medeatur; et quidem prout Hippocrates iubet: nisi
 suapte natura id fiat, vel haemorrhagia narium, vel abscessu, vel
 denique diarrhoea, hirudinibus, vlceribus artificialibus, vel alui tur-
 bationibus, id tentandum esse. Par consilium suggessit Ill. Störck
 Ann. med. I. et II. 1760 et 1761 p. 7. Interim, quamquam diffi-
 culter

⁴⁷⁾ Vid. Casimir Medicus Geschichte periodischer Krankh. iter B. §. XXXI.
 pag. 101 seq.

⁴⁸⁾ Breslauer Samml. 1726. p. 487. Act. N. C. Vol. II. p. 179.

⁴⁹⁾ Vid. Herm. Boerhaave inst. med. §. 851.

culter sananda sint eiusmodi perennia, et vetustatem nata vitia, tamen praescisse iuuat, vnde sint, et quae sit eorum origo.

Est etiam aliquid ad auditum suscitandum, in Oscillatione vel Vibratione solidarum partium, organon auditus vel proprie constituentium, vel proxime ambientium, et quidem non e contiguitate ossium solum petendum, sed e continuitate membranarum et ipsius cutis, quatenus caput, facies, et media circiter colli regio ~~in~~ firmitus vel laxius teguntur: modus quo sensus Tactus et Auditus adeo confluent, ut neutro horum hic sint praecisi fines. Non erubesco fateri, mechanismum, quo sonorum nonnulli modi, per mollia cutis strata usque ad ipsum auditionis focum, propagari possint. Verissima tamen res est. Sic in D. Pietro da Castro (de Colostro Cap. III. p. 18) relatum legi, caluum quendam surdumque, aliter non audiuisse, quam vocem in ipsius verticem dirigendo et Panarolus (Pentecost. IV. Obs. XVII. p. 121) vidit puerum duodecim annos natum, qui non audiebat, nisi a tergo interrogatus. Alium senem, ■ iuuentute surdastum, nunc vero vera Cophosi prehensum noui, qui vocem satis distincte percipiebat si in genam vtramuis vox deringeretur, cum alias nullius soni, neque fortissimarum vociferationum perceptionem haberet, ore etiam si ad aurem ipsam applicato. Experimenta iam taceo, quibus cel. Jorriesen⁵⁰⁾ cum patre suo, ab aliquot annis surdo, mediante virgula ferrea colloquianectere potuit. Aliam aliamque methodum proposuit Jo. Paulus Baumer⁵¹⁾, et eadem intentione nob. de Fischer⁵²⁾ affricu olei succini reiterato in verticem, debiliorem a laxitate tympani auditionem sanare docuit, et simul inculcauit, verticem, praemissa eius repurgatione, ope saponis viridis, ad hunc scopum praeparari debere. Alium ■ natiuitate surdum et mutum, filium agricolae recordor, qui plane nullius soni erat particeps, quam per manuum plausus, etiam inopinato et quidem

⁵⁰⁾ Diff. sist. ~~nonne~~ methodi, surdos reddendi audientes, physicas et medicas rationes. Praef. Buchner. Hal. 1757.

⁵¹⁾ In Prodrómo methodi surdos ■ natiuitate faciendi audientes et loquentes. Erf. 1749.

⁵²⁾ Tr. de senio eius gradibus morbis et acquisitione. Erf. 1754. p. 123 et 125.

quidem ■ tergo solum excitatos, vel in eodem situ, per campanae ictum. Nec oscillatio ex vno capitis hemisphaerio in alterum transversim transit, sed ortu adscripta manet: neque etiam in sanis hominibus vnquam deest. Munite quaeso! experimenti captandi causa, caput pileo, e lana fabrefacto, margineque rotundo praedito; prehendite oram marginis binis digitis, pollice et indice, prosequimini continuo tractu prehensam digitis oram, et animaduertetis strepitum, a dextri v.c. hemisphaerii ora venientem, sola dextra aure, et vbi diametrum longitudinalem cranii digitis eritis transgressi, ■ dextra sinistrorsum, illico strepitus sola sinistra aure percipietur: debilius, quo remotius ab aure, fortius, quo propius, vel quod perinde est, quo acutior angulus, vel quo longior radius ab ortu strepitus est, eo debilius erit eius perceptio. Talis autem strepitus ab adstantibus vix ac ne vix quidem percipi potest. Certe intentionem perceptionis huiusmodi soni, auditui soli nequaquam adscribendam esse autumo, sed vbertatem perceptionis eadem ratione Tactui, saltem quo ad partem, deberi, qua Gustus per Olfactum, consensu omnium, exaltatur.

Eandem, ast hebetiorem oscillationis promptitudinem, natura impertiit Genis vtrisque, et colli ei superficiei, quae musculos sternomastoideos et splenius vtrinque tegit: in hoc debiliore, in illo autem exactiore gradu, quam leui per digitum excitato scalpitu, ipsi experiri poteritis. Minutias autem venari ne videar, reticere non debeo, me, caeteris paribus, ex superstitie plus minus oscillationis perceptione, vel ■ parte ossium vel mollium partium, aliquam spem recuperandae auditionis haurire solere, quamquam eiusmodi subiecta, naturali ad labyrinthum via, sonorum percipere possint nihil: supponere tunc posse, ratus, oscillationis audibilis exactitudinem esse illibatam, hinc quoque actionem neruorum vasorumque valere, et per eam secretionem aquulae acusticae, in cuius subsidium natura plane dedit nihil.

Restat inuictorum hucusque vitiorum auditus multiplex cohors, quorum tribus nominatim consignauit Boerhaavius in instit. med. Lugd. Batav. 1720. §. 850 seq. ad cuius profligationem autem eruditior demum allaborabit posteritas: veniet enim, vt cum L. A.

Seneca loquar, veniet tempus, quo posteri nostri tam aperta nos nescisse mirentur. Mihi impraesentiarum sufficiet, fructus nonnullos, quos anatomicorum coluit industria, in vtilitatem aegrorum decerpisse, et Vestra, ad quam adspiro, mei conaminis approbatio. Multa quidem, cum difficillima sit diagnosi, imprimis circa *ordinem* in eruendo statu, nati vel nascentis cuiusdam vitii auditionis, et circa *remediorum delectum* et *adhibitionis ineundum tramitem*, ne quid praepostere fiat, haberem proponenda, quae vero, cum mihi tempori, aegrorum solamini destinato, sit parcendum, ea iam in sinu recondam, quaeque, si olim a negotiis magis vacuus ero, et haec placuerint, in publicum proferam. Vt Epimetrum adiiciam, ocyus cognito absorbentium vasorum systemate, inde ab anno 1789 quo Beyträge zur ausübenden Arzneywissenschaft edideram, tribus aliis tabe pulmonali confectis, ope fonticulorum, in ipsius diaphragmatis et costarum verarum systemate excitatorum, vitam seruare potui. Adeat, si quis rationem huius methodi penitus eruere velit Cruikshankii Anatomy of the absorbing Vessels the second Edit. eiusque Tab. I. Et quidni in multis abdominalibus morbis, duce eodem vasorum et femoribus ordine, iidem fausti euentus sint augurandi?

INFINITA CERTE INQVIRENDA RESTANT!

Boerhaave prael. de Auditu §. 564.

Luneb. mens. Decembr. 1791.



XVI. Cingari genuini.

JO. FRID. BLUMENBACHII
 DECAS ALTERA COLLECTIONIS
 SVAE CRANIORVM
 DIVERSARVM GENTIVM ILLUSTRATA.

D. 11. FEBR. MDCCXCIII.

Cum praeter ea quae in fronte superioris commentationis praemonui de instituti ratione vltro exponenda non sint quae habeam, ad ipsam statim nouae decadis craniorum enarrationem me accingo et supellectile mea ita delectae vt et hic aequae in priore illa, diuersitatis tum formae craniorum tum gentium maxime ab inuicem diffitarum rationem haberem; eundem et hic ordinem seruaturus generis humani varietatum cuius expositionem itidem priori decadi praemisi.

* * *

VARIETATIS PRIMAE SPECIMINA
 TERNA.

XI. CINGARI GENVINI.

(— Tab. XI. —)

Memorable specimen quod inter rariora collectionis meae refero. Quamquam enim Cingarorum natio a quaternis fere inde seculis numerosis cohortibus vniuersam fere peruagetur Europam, in erratico tamen et syluestri quod agunt vitae genere quo ipsos modo plagio infantes rapuisse constat, modo etiam alii vagabundi erronea castra eorum sequuntur, progeniem eorum diuersimode mixtis

H 2

paren-

parentibus ortam passim a natio corporis habitu deflexisse mirum non est. Vnicam tantum Europae regionem nouimus in qua primigenia Cingarorum stirps impermixta degit, Transsylvaniam scilicet, et maxime quidem Colosiensem cum vicinis comitatibus. Rara ergo est opportunitas genuinum eiusmodi hominis cranium acquirendi; et ipse per bina circiter lustra frustra in id incubui, donec demum curante cl. PATAKI Med. Dre. Claudinopolitano eo potirer cuius curatam iconem tab. XI. exhibet.

Caput est osseum famosi latronis ex eorum quidem Cingarorum numero quos *incolas* vocant vt a nomadibus vagis distinguant, qui vero aestiuo tempore in syluis quas viae publicae transeunt viatoribus insidiari, tum et rapinae causa nundinas frequentare solebat, donec a. 1791. captus Claudinopoli in carceribus diem suum obiret.

Genuinum istius nationis characterem gentilitium tam luculenter prae se fert hocce cranium vt saepius iam Transsylvani qui collectionem meam curatius inspexerunt, primo statim intuitu illud ad Cingarum genuinum pertinere, declararent.

Characteres primarii: Facies oblonga. Frons parua, fornicata. Arcus superciliares pone glabellam valde prominentes. Orbitae admodum profundae. Olfactus officina amplissima, conchis mediis vtrisque in bullas insignes inflatis et sinibus SANTORINIANIS excauatis. Dentes grandes, molares inprimis ingentes. Mandibulae aliquantum prominulae.

Alia obseruata: Suturae, maxime occipitales eleganter flexuosae. Foramen occipitale fere quadratum. Condyli ad latera eius valde conuexi. Palatum alte fornicatum; ossis palatini lamina horizontalis perampla.

Singularis plane est similitudo quae vniuersum habitum huius cranii et capitis ossei mumiae Aegyptiacae intercedit quod Decadis I. tab. I. exhibui: quae certe tanta est vt et me primo intuitu commoverit et ab omnibus aliis qui collectionem meam craniorum curatius inspe-



Skull of a human being



XIII. *Tatari casanensis.*

inspexerunt, illico agnita sit; cum inter 64 crania peregrinorum extra Germaniam populorum quae iam possideo nullum extet ■ quo Cingaricum hocce propius absit si formam eius in vniuersum spectes, quam ipsum istud quod dixi medicatum veteris Aegyptii.

Et quamquam non is ego sim qui ex singulo eiusmodi specimine de gentium origine coniectari audeat; memorabilis tamen ea similitudo vtique videtur et aliorum virorum quibus plures Cingaros genuinos videndi occasio datur, attentione digna. Notum enim est plures viros doctos a binis fere inde retro seculis, et nuper maxime cl. GRISELINUM, variis argumentis originem Cingarorum aegyptiacam probare studuisse, cui quidem opinioni ab aliis et quidem ex professo et singulari egregio libro a cl. GRELLMANNO grauia argumenta opposita et Cingaros ex Indica potius peninsula deriuatos esse nouimus. At enim vero quodsi eorum rationem habemus, quae doctissimus MEINERS collega coniunctissimus de Aegyptiorum cum Indis affinitate demonstrauit, facile patet, ipsam quoque istam quam diximus craniorum similitudinem exinde intelligi posse, nouumque exinde accedere pondus sententiae VOLNEII viri acutissimi, quam nuper de vi argumentorum ex physiognomia gentium petita ad originem eorum computandam, tulit a).

* * *

XII. TATARI CASANENSIS.

(— Tab. XII. —)

Elegantissimum cranium vt tot alia summae et assiduae liberalitati Perill. Baronis DE ASCH debeo. Viri iuuenis est quod praeter alia os occipitis a sphenoideo adhuc separatum, tum dentium integerrimae ne hilum adhuc deletae testantur coronae, vniuersum vero caput osseum eximia conformationis pulcritudine et nescio qua mol-

H 3

litie

a) *Voyage en Syrie et en Egypte* T. I. p. 75. — “on peut poser en principe, „que la physionomie est une sorte de monument propre en bien des cas à „constater ou éclaircir les témoignages de l’Histoire, sur les origines des „peuples.”

litie singulari conspicuum est vtpote quod comparando id cum aliis barbarorum hominum craniis laeuore naturali excellit quo partes eleganter inuicem quasi confluunt: in vniuersum nil asperi, horridi &c.

Characteres primarii: Os frontis amplum, modice fornicatum; arcus superciliares neque protuberantes, neque glabella depresso distinctae, sed aequaliter inuicem coniuncti; nasi ossa neque depresso neque aquilina, sed pulcra directione a fronte descendunt; planum semiorbitale in temporibus non aspera linea terminatum sed sensim cum frontis et verticis ossibus confusum; superior dentium ordo prae inferiore per vniuersum ambitum aliquantum prominens; incisores superiores cum vicinis caninis reliquis pro portione maiores, omnes vero vtriusque ordinis symmetrici et contigui; maxillae denique inferiori mentum prominulum et inferior alarum lateralium margo paulisper extrorsum flexus.

Alia obseruata: protuberantia occipitalis externa nulla; sutura lambdoidea dens circ. officulis Wormianis distincta; maxilla inferior vbi alueolos dentium molarium continet insigniter crassa.

Comparando cranii huius elegantiores habitum et conformationem cum characteribus quos vulgo ■ naturalis historiae nuperis scriptoribus Tataricis hominibus tributos videmus, ingenter istum ab his differre deprehendimus. Quodsi enim v. c. accuratissimum ceteroquin ERXLEBENIUM *b)* audimus, hic Tataricam humani generis varietatem quam expresse tum ab ea quae borealis Asiae incolas complectitur, tum ■ Transgangetana distinguit, praeter alia facie plana lataque, naso breui crasso et dentibus longioribus interstitiis maioribus insignem ait. Facile vidi virum egregium post tot alios hanc Tataricae gentis picturam mirum quantum a naturae veritate abhorrentem a BUFFONIO mutuasce, hunc vero praeter reliquos testes ad PETR. BERGERON editorem collectionis itinerum medio quod vocant aeuo ■ MARCO POLO aliisque in Asiam susceptorum, prouocare *c)*.

Detexi

b) *Syst. regni animalis* cl. I. pag. 1 sq.

c) *Hist. nat.* T. III.

Detexi denique primarium fontem ex quo et hic Tatarorum suorum descriptionem hausit, vnde sensim in tot alios libros deriuata est: epistolam nempe YVONIS cuiusdam NARBONENSIS Clerici, a. 1243 Vindobonae ad GIRALDUM archiepiscopum Burdegalensem datam et a coaetaneo suo MATTHAEO PARIS Monacho Albanense anglo *historiae* quam vocat *maiori* insertam. Agit ea “*de horribili vastatione inhu-
manae gentis, quam Tartaros vocant*” qui ipsis istis temporibus in Pannoniam quoque et ipsam Vindobonam inuaserant, et post atrocium facinorum ab ipsis perpetratorum narrationem, corporis quoque eorum habitum sequentibus describit, quae, cum eo quem diximus modo tot tantorumque anthropologorum a BUFFONII inde temporibus errori ansam praebuerint ex ipsius PARISI chronico *d*) rarius obuio transcribere operae pretium erit:

„Habent autem Tartari,, (— verba sunt YVONIS —) „pectora
„dura et robusta, facies macras et pallidas, scapulas rigidas et
„erectas, nasos distortos et breues, menta proëminentia et acuta,
„superiorem mandibulam humilem et profundam, dentes longos et
„raros, palpebras a crinibus usque ad nasum protensas, oculos
„inconstantes et nigros, aspectus obliquos et toruos, extremitates
„ossosas et neruosas, crura quoque grossa, sed tibias breuiiores,
„statura tamen nobis aequales; quod enim in tibiis deficit, in su-
„periori corpore compensatur.,,

Haec NARBONENSIS noster. At enim vero curatius rem pensanti facile patet eum plane non de genuinis Tataris loquutum esse sed de gente mirum quantum ab his diuersa, Mongolis scil. s. Calmuccis quibus praeter nomen quo tum temporis veniebant et adhuc dum passim cum Tataris male confunduntur *e*), nihil omnino cum his commune erat: adeoque omnes istos characteres qui toties ab historiae

d) MATTHAEI PARIS *historia maior*, editore WIL. WATS. Lond. 1686. fol. pag. 530.

e) Adeant quorum interest originem erroneae huius confusionis nosse, vnde Tatarorum nomen ad Mongolicas gentes transferri cepit, JO. EBERH. FISCHER *coniecturas de gente et nomine Tatarorum* inter *Ej quaeſtiones Petropolitanas* p. 46 sq. it. *Ej. Sibirische Geschichte* T. I. p. 28 sq. 142 sq.

historiae naturalis auctoribus Tataris tributae sunt, ad diuersissimam Mongolorum nationem pertinere. Tataros contra nouimus formosos homines venusto et symmetrico vultu conspicuos qualem et ipsum quod exhibemus cranium adhuc refert a Calmuccorum simo et repando vultu (qualem tum prior Decas tum infra explicandae tabulae exhibent) longissime abhorrens.

* * *

XIII. KIRGISAE - CAISACCI.

(— Tab. XIII. —)


Donauit me hocce quoque cranio aequae ac altero quodam eiusdem gentis, Perill. DE ASCH cui vtrumque Orenburgo miserat cl. Dr. SANDEN medicus Vfensis. Ambo capita sunt seniorum istius gentis (*Starschini* vocantur) et vel ideo maxime memorabilia, quod si iunctim spectentur et comparentur siue minoris momenti differentiis recesso, vniuerso habitu ad amissim inuicem conueniant, et vnum eundemque characterem gentilitium prae se ferant.

Characteres primarii: Habitus inter Tataricum et Mongolicum ferem edius; facie quidem ad iugalia ossa satis lata, superficie malari ossium maxillarium complanata, cui scilicet nulla impressa est fouea: fronte vero angustiore quam in Mongolicis craniis esse solet, orbitis quoque profundioribus, minus quam in his superne hiantibus. Glabella tumide protuberans: nasi dorsum arctiore iugo decurrens: et quidem magis quam in Mongolorum capitibus, prominens.

Alia obseruata: Lamina ossium palatinorum horizontalis angustissima. Orbitalium parietes superior, interior et inferior qui nempe ab ossibus frontis, cribriformi et maxillaribus formantur, tenuissimi, ossea eorum substantia hinc illinc plane resorbta, senio puto; senis enim fuisse praeter alia suturarum fere omnium coalitus monstrat.

* * *


VARIE-



XIII. *Kirgisae - Caisacci.*



THE PICTURED MOUNTAIN



XIV Calmucci secundi.

VARIETATIS SECVNDAE SPECIMINA TERNA.

XIV. CALMVCCI *secundi.*

(— Tab. XIV. —)

Integrum huius Calmucci sceletum ■ Cl. KARPINSKI Professore Petropolitano paratum, itidem munificentiae generos. B. DE ASCH acceptum refero.

Characteres primarii: Globosa fere caluariae forma; facies lata et depressa; frons explanata; iugalia ossa extrorsum prominentia; orbitae amplissimae, patulae; arcus superciliares elatae; habitus totius cranii quasi inflatus et tumidus.

Alia observata: singularis cranii leuitas; ossium palatinorum lamina horizontalis amplissima; processus mastoidei quasi in bullas inflati; introitus canalis lacrymalis amplissimus; narium apertura angustior, obliquitate deformis.

Respondet vniuersus huius cranii habitus in vulgus notissimae Calmuccicae physiognomiae et perfecte omnino conuenit cum icone Caluariae Calmucci quam Jo. BENJ. DE FISCHER olim exhibuit f); mirum vero quantum imo vt nil supra abhorret ab ea quam in opere desideratissimi CAMPERI posthumo super linea faciali g) pro eiusdem gentis capite osseo exhibitum, eiusque formam pro norma quasi ideali maximae partis habitatorum orbis nostri terrauei per vniuersam nempe Asiam, Americam borealem et mare pacificum quoque ad antipodes vsque nostros Nouae Zeelandiae incolas, declaratum videmus. At enim vero vt posteriorem hanc opinionem sicco praeteream pede quae vix quemquam assentientem habebit cui ingentis istius

f) *Diff. osteologica*, praefide GAUBIO defensa, de modo quo ossa se vicinis accommodant partibus. Lugd. Bat. 1743. 4. tab. I.

g) *over het Verschil der Wexens trekken*. Ultraj. 1791. 4. tab. I. fig. 4. tab. III. fig. 3.

Comment. Physf. T. XI.

istius partis globi nostri homines eorumque natiuae varietates paulo cognitae sunt; id vnice monuisse sufficiat, mihi persuasum esse cranium istud potius ad diuersissimam ■ Calmuccis hominum varietatem, ad Aethiopem nempe pertinere. Quamquam enim nulla gentilitia nationum forma tam constans et perpetua sit, quin multimodis lufibus defleat, vt v. c. inter nostrates Europaeos passim Aethiopicum habitum aut Calmuccicum referentes videamus, ipsa tamen Calmuccorum capitis forma isti Aethiopum tam plane opposita et contraria est, et CAMPERI contra figura, de qua nobis sermo est, tam genuinum et quasi idealem exhibet Aethiopem, vt nullus plane dubitem, casu nescio quo deceptum fuisse virum meritissimum, adeoque in opere isto egregio praeter Europaeorum et bina Aethiopum crania nullius plane alius gentis osseum caput exhiberi.

* * *

XV. IACVTAE.

(— Tab. XV. —)


Rarissimum cranium vtpote ex remotioribus Sibiriae terris advectum. Itidem indefessa Generosi ASCHIADAE munificentia ad me peruenit. Irkutzkum primo attulit cl. KRATZSCH chirurgus summam exercitus curans; hinc vero Petropolin secum tulit illustris LAXMANUS Russorum Imperatrici ab aulae consiliis.

Characteres primarii. In vniuersum prope abest ab illo Calmucci cranio quod priore Decade exhibui. Forma ipsi fere quadrata. Orbitae vaegrandes amplissimo osse cribriformi ab inuicem disiunctae; glabella tumide prominens; nasi ossa coarctata et superne in acutiorum apicem confluentia; verticis ossa vtrinque in tubera elata.

Alia obseruata. Senio confecti hominis caluariam esse, mandibulae magnam partem edentulae, et suturae pleraeque deletae docent. Quid quod et faciei ossium, nasi sc. et vnguis, et maxillarum et iugalium suturae s. vt vulgo in his ossibus vocari solent, harmoniae, rariore exemplo conferbuerunt.


* * *

Disputa-



XV. *Iacutae.*





XVI *Tungusae*

Disputatum est inter antiquitatum septentrionalium auctores ■ quam generis humani varietate deriuandi sint Iacutae? an scilicet ad Mongolicam (quae mihi secunda est ex quinariis istis in quae vniuersum genus humanum maxime ad naturae veritatem diuidi posse, censeo) anne potius ad Tataricam (quam ad primam istarum varietatum refero). Tam corporis forma quam animi indole ex vtrisque quasi compositos esse alii monuerunt *h*). Cranium quidem de quo agimus, manifeste Mongolicum characterem prae se fert, et respondent huic similitudini Jo. G. GMELINI obseruationes qui Iacutas sibi visos Calmuccis quod ad faciei formam, nasum simum, oculos angustos v.c. comparat *i*), facile vero ab altera etiam parte intelligitur quomodo etiamsi Iacutorum aborigines ad Tataros pertinuerint, temporis tamen progressu connubiis cum Mongolicis populis, quorum stemmata, Tungusae v.c., hodiernum Iacutorum terras ad Lenam fluuium peruagantur, passim plus minus ab horum natiuo habitu ipsis admixtum fuerit.

* * *

XVI. TUNGUSAE.

(— Tab. XVI. —)

Pretiosissimum itidem ob remotissimam vnde venit orbis partem, ASCHIADAE Gener. curae vt tot alia quibus collectio mea superbit, debeo. Tungusae est, et quidem ex iis qui vulgo ■ *rangiferis* appellantur (— *Rehnhier-Tungusen* —). Nomen ipsi erat *Tschewin Amureew* ex *Gilgegirskio* stemmate nato, qui 350 leucarum Russicarum (Verstas vocant) distantia ab vrbe Bargusin degebat, anno vero 1791. sibi ipsi gulam fregit, ideoque cl. SCHILLING, chirurgus exercitus primarius Werchnelldinski illinc mittebatur vt de laesione

I 2

mortis

h) Cf. cl. GEORGI *Beschreibung aller Nationen des Russischen Reichs*. Petrop. 1776. 4. pag. 264.

i) J. G. GMELIN *Reise durch Sibirien v. 1733 - 43*. Gott. 1751. T. I. p. 77. — „In der Gestalt des Gesichts glichen die Jacuten den Kalmucken. Sie hatten nämlich eine platte Nase, kleine Augen und ein fast rundes Angesicht.“ —

mortis causa ex lege disquireret, qui cranium autochiri secum reportavit et ASCHIO perill. transmisit.

Characteres primarii: Habitus perfecte Mongolicus: facie plana ad arcus zygomaticos latissima, fronte depressa &c. Olfactus officina amplissima. Occiput mirum in modum retro eminens ita ut protuberantiae occipitalis externae distantia a dentibus incisioribus superioribus 9 pollices Lond. aequaret.

Alia observata: Ossis frontis pars media inferior cui glabella proxime subiecta est, depressior, quasi foueae planioris forma; crista longitudinalis ossium vnguis in acutissimam laminam osseam excurrens; processus pterygoidei exteriores in alas latissimas expansi, ita ut dexter cum ala parva INGRASSIAE quae foramini spinoso ad spinam sphenoidalem apposita est, confluat et foramen magnum commune formet.


*

*

*



XVIII. *Aethiopsis quarti.*





XVIII. *Aethiopsis quinti Congensis.*





XIX. Aethiopsae Guineensis.

VARIETATIS TERTIAE
SPECIMINA TRIA.XVII. *AETHIOPIS quarti.*

(— Tab. XVII. —)

XVIII. *AETHIOPIS quinti Congensis.*

(— Tab. XVIII. —)

XIX. *AETHIOPISSAE Guineensis.*

(— Tab. XIX. —)

Prius istorum craniorum (— Tab. XVII. —) debeo fauori anatomici summi CASP. FR. WOLFFII Professoris Petropolitani celeberrimi. Aethiopis est quem ipse ante aliquot annos anatomico cultello subiecerat, et qui perenni spasmo musculorum manducationi inferuentium dextri lateris laborasse videtur, vnde maxilla inferior dextrorsum paulo distorta est.

Alterum (— Tab. XVIII. —) quod Congensis hominis est, acceptum refero medico illustri et longe meritissimo cl. REINEGGS, augustissimae Imperatricis collegio a consiliis. — Vtrumque itidem Perill. Bar. DE ASCH cura ad me peruenit.

Tertio vero (— Tab. XIX. —) me donauit vir egregius meique amantissimus, STEPH. JO. VAN GEUNS, illustris MATTHAEI fil. Professor medicinae Vltraiectinus celeberrimus. Aethiopissae est, Guineae natae, Bataui ciusdam concubinae, quae aetatis anno 28^o Amstelodami diem suum obierat.

Praestantissimam exhibent seriem, maxime si cum tribus istis aethiopum craniis comparantur, quae priore Decade exhibui, vtpote quae luculenter demonstrant, genuinos aethiopes si craniorum formam spectes non minus certe, imo vero magis passim inter se ipsos ab inuicem differre, quam nonnulli eorum a multorum Europaeorum capitis forma differunt.

Ita enim v. c. secundum ordine (— Tab. XVIII. —) proxime ab Europaea conformatione abest vtpote cuius mandibulae longe minus quam in reliquis duobus (— Tab. XVII et XIX. —) prominent; nasi contra ossa magis quam in his et proprius ad Europaeorum similitudinem porrecta sunt, et s. p.

In priore inferior maxilla prae superiore prominet; in tertio contra haec prae illa.

Olfactus officina priori insigniter angustata, reliquis duobus perampla.

Ipsa nasi ossa isti perexigua, singulariter arcta; secundo contra proluxa, tertio prae reliquis latiora.

Secundo arcus superciliares cum glabella ad nasi radicem valde protuberantes; priori minus; tertio omnium minime, glabella scil. plana et patula leniter ad nasum descendente.

Palatum et limbus alveolaris secundo latior, reliquis angustior.

Isti maxilla inferior alta, reliquis humilis, depressa.

Isti angulus maxillaris magis ad perpendicularum excurrans, reliquis longe obtusior.

Isti mentum depressum vt sub foraminibus mentalibus vtrunque angulum formet, rotundatum contra in reliquis.

Taceo reliquas totius conformationis diuersitates primo intuitu ex adiectis iconibus dignoscendas.

Id vero obiter adiecisse liceat, in altero isto (— Tab. XVIII —) oram foraminis maxillaris postici anteriorem vtrunque in spinosum aculeum ascendere, proxime ab angulo inferiore processus pterygoidei externi latissime expansi distantem.

*

*

*

VARIE-



XX. *Feminae caribaeae*
ex insula Sti Vincentii.

VARIETATIS QVARTAE SPECIMEN.

XX. FEMINAE CARIBAEAE EX INSVLA
STI VINCENTII.

(— Tab. XX. —)

Coronidem impono huic decadi prodigioso plane cranio feminae eiusdem gentis cuius virile alterum superiorem dissertationem ornat. Superbit quidem et hocce rarissimo specimine museum meum munificentia eiusdem Perillustri viri et magni omnis historiae naturalis promotoris, JOSEPHI BANKS, Baroneti, Reg. Soc. Lond. praesidis dignissimi, cui et alterum illud acceptum refero.

Horridam et fere monstrosam huius capitis distortionem non nisi artis opus esse, violente scil. et perennis tam in fronte quam in nucha pressionis per se patet, et luculenter ea confirmat, quae ad calcem prioris decadis de eo argumento contra CAMPERI aliorumque obiectiones monui. Gratissimum vero insuper accidit, cum post editam istam decadem dissertatio cl. AMIC Med. Doctoris apud Guadelupenses, de Caribaeorum capitis forma prodiret, qua importunam cl. ARTHAUD dubitationem curata descriptione et iconismo fasciarum et puluillorum refellit, quibus barbari isti insulani infantum suorum capita ceu vdum et molle lutum (vt cum PERSIO loquar) in gratam ipsis depresso et repandam formam fingunt. Quorum puluillorum machinamenta ita comparata sunt vt cranii huius formae ad amissim respondeant, quae quidem ex icone adiecta tam luculenter patet vt vltiore explicatione praeter ea quae priore decade ad alterum Caribaei cranium attuli, non egeat.

COMMENTATIONES

SOCIETATIS REGIAE SCIENTIARVM
GOTTINGENSIS

MATHEMATICAE CLASSIS

TOM. XI.

AD A. c1515ccxci. ET xcii.

COASTAL TOWNS

WINDWARD SIDE OF OAHU

DECEMBER 1914

1915

BY J. H. HARRIS

DE
STELLAE POLARIS VSV
RECENTIORE GEOGRAPHICO

IN CONSESSV

D. XIV. APRIL. CIOIOCCXCII.

LEGIT

ABRAHAM GOTTHELF KAESTNER.

Stella quam *polarem* vocamus nec olim hoc nomen meruit, nec semper retinebit. Propter regressum punctorum aequinoctialium, polus mundi, circa polum eclipticae quem immotum sumunt, volvitur, periodum absoluens, tempore ducentis saeculis longiore *). Interea, ad fixam locum suum non mutantem, vel propius accedit, vel ab ea recedit. Ita, circa Hipparchi tempora magis distabat ab extrema caudae vrsae minoris, quam ab alia quacunque eius asterismi, quod legi potest in *Petauii* dissertationibus ad Uranologium, Libro II. cap. III. et oculis subiici, in coeli quale erat aevo Graecorum et Romanorum pictura *Bodii* (*Vorstellung der Gestirne* Berlin 1782; Tab. XXXIII.) *Fournier* refert (*Hydrographie* L. X. c. 26.) olim nautas stellae polaris loco adhibuisse penultimam caudae Draconis, quae quam propinqua tunc polo fuerit, *Bodii* delineatio ostendit.

A 2

Stella

*) Dom. de la Lande sur la précession des équinoxes, Mem. de l'Ac. des Sc. 1781; p. 337; regressum punctorum aequinoctialium centum annis ponit $1^{\circ} 23' 45''$, incertitudine non nisi 5 secundorum. Hinc poli periodus colligitur annorum $25791 \frac{1}{67}$. Confer III. *astronomische Abhandlung* 498.

Stella polo propinqua, primo intuitu, monstrat meridiani positum, incertitudine, non maiore quam est stellae a polo distantia, potest autem multum diminui haec incertitudo, si sequamur per aliquod tempus motum diurnum stellae adscendentis vel descendentis, unde colligi potest, propiusne accedat ad meridianum, an ab eo recedat.

Saeculo decimo *Gerbertus* Magdeburgi horologium fecit illud recte constituens considerata per fistulam quandam, stella nautarum duce. Sunt verba *Ditmari Merseburgensis Chron.* lib. VI. (p. 399, ed. Leibnitii 1707. fol.) Horologium id, rotis instructum fuisse, quae pondus agigaret, asserunt, qui illum *Ditmari* locum citant, ut *Benedictinus Alexander* de horologiis (*Dom. Iacob Alexanders Abh. von den Uhren, übersf. v. Berger. Lemgow 1738; p. 17 et 375*). Ad automaton constituendum, stella nautarum dux, quid contulerit, ex eo intelligitur, quod olim, ut adhuc fit ab agricolis, tempus noctis ex stellarum situ aestimatum sit, quo, adhuc initio Saeculi XII. monachos Cluniacenses ad peragenda officia nocturna excitatos esse narrat idem *Alexander*. Situs stellae in diurno suo, accuratius ope fistulae diiudicari poterat quam oculo nudo, ipsa forte stellae altitudo et eius azimuthum quodammodo definiri, sicque pro illo tempore satis exacte sciri hora noctis. Non dubito horologium etiam ad solem meridianum ordinatum fuisse, sed automata eius aetatis, certe non seruarunt motum aequabilem quem *Tycho* in illis desideravit, quibus elapsis posthaec saeculis quinque utebatur, *Hugenius* demum saeculo superiore, in auxilium vocata mathefi sublimiore, obtinuit. Itaque suspicor stellae observationem, horologii correctiones indicasse. *Gerbertus* post *Papa Sylvester II.* mathefios scientia ita claruit, ut, stupor coetaneorum, crediderit, eum talia non nisi diaboli auxilio praestare. Geometriam illius descripsi sub initium dissertationum geometricarum. (*Geometrische Abhandlungen I. Samml. Gött. 1790; n. l.*) Adiecit illi problema satis difficile, inveniendae lineae meridianae ex tribus umbris gnomonis eadem die proiectis, sed in codice ex quo *P. Bernardus Pez* edidit Geometriam, inscitia librarii omnia turbata sunt ut sensus nullus erui possit. Soluit problema *Franciscus a Schooten* sub finem exercitationum mathematicarum. (*Fr. a Sch. Exerc. Math. Libri V. Lugd. Bat. 1657; Lib. V. Sect. 28.*)

Fistula illa ad stellam nautarum ducem directa, admonet me imaginis quam in Codice monasterii *Scheyrensis* vidit *Mabillonius*.
(10.)

(*Io. Mabillonii iter Germanicum et Io. Launoi de Scholis celebriorib. c. praef. Io. Alb. Fabricii. Hamb. 1717; p. 54.*) Exhibet illa *Ptolemaeum* qui sidera contemplatur instrumento nostris tubis opticis simili, quatuor ductus habente. Id instrumentum, certe non pertinet ad illa quae inde a Galilaei temporibus Admouere oculis distantia sidera nostris, itaque solum visui certius dirigendo destinatum esse potuit.

Stellae polaris ope, planum meridiani vero proxime definire docet *dom. de la Lande* (*Astron. ed. II. §. 162*), qui positus deinde, vt fere omnia in Astronomicis, sub initium obiter cognita, continuatis laboribus, accuratius noscitur.

Id recentioribus temporibus, ad obiectorum terrestrium situs translatum est. Ex altitudine stellae polaris quouis tempore, scitur quem angulum cum meridiano contineat planum verticale in quo est stella, azimuthum vocant. Igitur, si porro detur angulus quem cum hoc plano verticali continet aliud in quo est obiectum terrestre, eius etiam azimuthum cognoscitur. Eo vsus est *dom. Roy* cum REGIO sumtu mensuras institueret quae mutuum situm obseruatorum *Grenouicensis* et *Parisini* definirent, et alia plura, ad Angliae inprimis geographiam pertinentia docerent.

Haec cum breuiter indicata legerem, methodum euoluere libuit. Adhibet vero inprimis azimuthum maximum, quod circa illud altitudines parum mutantur. Itaque computaui, cui altitudini illud respondeat, et quae possint ex obseruatis altitudinibus colligi.

Dom. le Gendre Academiae Regiae Parisinae obtulit dissertationem pertinentem ad labores trigonometricos, quos ingreditur figura telluris. (*Memoire sur les operations trigonometriques dont les resultats dependent de la figure de la terre par M. le Gendre; Histoire de l'Ac. R. des Sc. année 1787; av. les memoires p. 352 des Mem.*) Docet, quae scire oporteat, gradus terrestres mensurantes, aut superficiei terrestris magnam partem, cuius curuitas negligi non possit. Ipse adfuit dominis *de Cassini* et *Mechain* in definiendo mutuo situ litorum quae sibi obuertuntur Galliae et Angliae. Nudas autem formulas exhibet, nunquam demonstratione munitas, raro exemplis illustratas. Prima illarum, angulo cuius crura ad horizontem inclinantur, respondentem computat angulum horizontalem. Eam olim,

in schedis Tobiae Mayeri legi et demonstratione munitam edidi. Sequuntur plures quae spectant ad arcus in superficie terrae, et triangula sphaerica illis contenta. Finem dissertationi imponunt (*Calculs relatifs aux observations de l'étoile polaire*; n. XIII. p. 380) effectus refractionis in observationibus stellae polaris. Polum ipsum refractione attolli, et circa hunc polum, paulo altiore quam est verus, stellae quae ob refractionem apparent loca, esse in ellipsi, cuius axes definiuntur. Deinde, mensurari terrestris obiecti distantias a vertice, et a stella, et hinc obiecti azimuthum computari. Quae omnia, cum *d. le Gendre* enunciaret saltim, et mihi certe paulo obscurius, explicanda sumsi et causas illarum reddendas.

Articulus I.

Formulae pertinentes ad motum diurnum stellae polo propinquae.

1) Si sint: altitudo poli = ϵ ; stellae declinatio = δ , altitudo = n , angulus parallacticus σ , azimuthum a meridiani parte septentrionali computatum = α , angulus horarius = τ ; ex triangulo in cuius apicibus sunt vertex, polus, et stella, dantur quantitatum relationes reperiundae apud eos qui astronomiam sphaericam tractant. Formulas dedi in libro meo: *Astronomische Abhandlungen I. Sammlung III. Abh.* sub initium. Eas huc transfero, ita mutatas vt loco declinationis adhibeam distantiam a pole, $\phi = 90^\circ - \delta$. Ita sunt

$$2) \text{ I) } (\sin \frac{1}{2} \tau)^2 = \frac{\cos \frac{\phi + \epsilon + n}{2} \cdot \sin \frac{\phi + \epsilon - n}{2}}{\sin \phi \cdot \cos \epsilon}$$

$$\text{II) } (\sin \frac{1}{2} \alpha)^2 = \frac{\sin \frac{\phi - \epsilon + n}{2} \cdot \sin \frac{\phi + \epsilon - n}{2}}{\cos n \cdot \cos \epsilon}$$

$$\text{III) } (\sin \frac{1}{2} \sigma)^2 = \frac{\sin \frac{\phi - \epsilon + n}{2} \cdot \cos \frac{\phi + \epsilon + n}{2}}{\cos n \cdot \sin \phi}$$

$$\text{IV) } \cos \tau = \frac{\sin n - \sin \epsilon \cdot \cos \phi}{\cos \epsilon \cdot \sin \phi}$$

$$\text{V) } \cos \alpha = \frac{\cos \phi - \sin \epsilon \cdot \sin n}{\cos n \cdot \cos \epsilon}$$

$$\text{VI) } \cos \sigma = \frac{\sin \epsilon - \cos \phi \cdot \sin n}{\sin \phi \cdot \cos n}$$

3) In

3) In prioribus tribus formulis constantes sint $\varepsilon \pm \varphi$ et $\varepsilon - \varphi$, quae semel computatae aliis aliisque altitudinibus adhibentur.

Azimuthum maximum

4) Locum habet vbi circulus verticalis tangit diurnum, adeoque angulus ad stellam parallacticus, est rectus. Vnde (2; VI) sinus altitudinis $= \frac{\sin \varepsilon}{\cos \varphi}$.

5) Dicatur azimutho maximo respondens altitudo $= H$; ipsum azimuthum maximum $= A$, et angulus horarius respondens $= T$.

6) Ex triangulo ad stellam rectangulo (4) est $\sin A = \frac{\sin \varphi}{\cos \varepsilon}$.

7) In (2; IV), numerator est $\frac{\sin \varepsilon}{\cos \varphi} - \sin \varepsilon \cdot \cos \varphi = \frac{\sin \varepsilon \cdot (\sin \varphi)^2}{\cos \varphi}$ itaque $\cos T = \text{tang } \varepsilon \cdot \text{tang } \varphi$.

8) Ex 4; 6; est $\sin H \cdot \sin A = \cos T$ vnde $\sin H = \frac{\cos T}{\sin A}$.

9) In tabulis, paruorum arcuum sinus et tangentes accuratius reperiuntur quam illorum cosinus. Igitur si stellae a polo distantia sit parua, computentur primo A , T , (6; 7) ex quibus habetur H (8).

$$\text{Et hinc, } \cos \varphi = \frac{\sin \varepsilon}{\sin H}.$$

10) Si habeantur logarithmi sinuum et tangentium pro arcubus paruis per singula secunda progredientibus, hinc etiam habetur $\log \cos \varphi$. Ea de re v. infra (54; 55).

11) Est etiam ex triangulo rectangulo (4) $\sin T = \frac{\cos H}{\cos \varepsilon}$.

Angulus horarius rectus fig. 3.

12) In triangulo ad M rectangulo est $\cos ZM = \cos ZP \cdot \cos PM$ hoc est $\sin \text{altitud.} = \sin \varepsilon \cdot \cos \varphi$ quod etiam habetur ex (2; IV.)

$$\text{Item (11) } \sin \text{alt.} = \frac{(\sin \varepsilon)^2}{\sin H}$$

$$\text{pro azimutho } \text{tang } PZM = \frac{\text{tang } \varphi}{\cos \varepsilon}$$

$$\text{pro angulo ad stellam } \text{tang } ZMP = \frac{\cot \varepsilon}{\sin \varphi}$$

$$\text{Est etiam } \sin \text{altitud.} = \frac{\text{tang } \varepsilon \cdot \sin \varphi}{\text{tang } PZM}.$$

Altitudo

Altitudo aequalis elevationi poli fig. 4.

13) Sit tunc stella in diurni sui puncto I; Itaque trianguli sphaerici crura sunt aequalia $ZP = ZI = 90^\circ - \epsilon$; basis $PI = \phi$, quam si bissecet perpendicularum ZK , est $\cos ZK = \frac{\sin \epsilon}{\cos \frac{1}{2} \phi}$. Porro ex hoc triangulo erit $\sin PZK$, seu sinus dimidii azimuthi $= \sin \frac{1}{2} PZI = \frac{\sin \frac{1}{2} \phi}{\cos \epsilon}$. Pro angulo horario est $\cos ZPI = \tan \epsilon \cdot \tan \frac{1}{2} \phi$.

14) Horarius hic, minorem habet cosinum positium quam T (8) adeoque illo maior est.

Anguli horarii definiti fig. 5.

15) Sit BSMIO, dimidium diurni stellae, erunt horarii
 ZPS, indefinitus
 ZPM, pro angulo ad polum recto (12)
 ZPI, pro altitudine, eleuat. poli aequali (13)
 ZPO, pro azimutho maximo (7).

De transitu stellae per meridianum.

16) Is quomodo computetur ex differentia ascensionum rectarum solis et stellae, notum est: praecepta calculi exactioris simul et facillioris ostendi in *nouis Commentariis Societatis*; T.I. ad ann. 1769; 1770; p. 102 seq.


17) In computo illo cogitatur stella quae occidit, et transitus eius per meridianum intelligitur nobis conspicuus. Ergo circumpolaris stellae, quam bis spectamus in meridiano, transitus, his regulis docetur *superior* a quo 12 horis primi mobilis distat *inferior*.

18) Ceterum, transitus illos obiter computare plerumque sufficiet obseruatore vt sciat quando accedere ad obseruationem debeat. Reperiuntur etiam, ex obseruata altitudine quauis (2; 1) aut ex altitudinibus ad vtramque meridiani partem aequalibus.

Obseruatam altitudinem subducta refractione ad veram reduci debere.

19) Ipsum quidem azimuthum refractione non mutatur, fig. 1. quae stellam ex loco vero S transfert in apparentem s. Sed, si apparens distantia a vertice, loco verae adhibetur, azimutho ex illa computando loco PS, adhibenda esset Ps, primum ex refractione computanda. Cui labori parceretur, reducta distantia apparente ad veram.

Horum



Kaestner de stell. polar.



Horum vsus in definiendo positu obiectorum terrestrium.

20) Sit L locus in quo obseruatur, eius linea meridiana HLR , R quidem versus boream, H , versus austrum. Illam nondum sumo cognitam.

21) Obseruata altitudine stellae dum locus eius in sphaera est S , detur plani verticalis in quo *apparet* stella sectio Lm cum horizonte loci (20) in eodem plano est S (19).

22) Itaque computato azimutho ex altitudine, datur qui azimuthum hoc exhibet, mLR angulus, et adeo positus lineae meridanae.

23) Planum verticale in quo *apparet* obiectum terrestre secet horizontem in Ln recta.

24) Itaque dantur anguli nLm et nLR qui vltimus est azimuthum obiecti.

24) Consultum est vti stellae azimutho maximo, quoniam, circa illud tempus quo contingit, ex maximi natura, azimutha paucis minutis minus mutantur, quam alio quouis.

25) Si obseruentur aequales stellae altitudines ad vtramque meridiani partem, siue illae respondeant azimuthis maximis, siue aliis quibusuis aequalibus, habetur lineae meridanae positus absque calculo, vsitata astronomis methodo.

26) Postulatur igitur, altitudinibus capiendis instrumentum, quod in horizonte indicet positum cuiusuis plani verticalis in quo capitur altitudo, adeoque quadrans aut instrumentum ei aequipollens, cum circulo azimuthali quem vocant, praeter illum tubum qui ad stellam dirigitur, alium adesse oportet qui ad obiectum terrestre dirigitur, illumque ita applicatum, vt constet quantum angulum intercipient, planum verticale per obiectum et planum verticale per stellam.

27) Si stella non nisi noctu aut in crepusculo obseruari possit, rectarum Lm , Ln , positus diuersis horis definiuntur, nisi forte obiectum terrestre igne indicetur.

28) Si vero tubi quo altitudines sumuntur ea sit perfectio vt stellam etiam interdiu ostendat, vtriusque rectae positus simul reperiuntur.

29) Tale organum describit *S. Vince, Treatise on practical astronomy* (Cambridge 1790. cap. 9.) Construxit *Ramsden* adhibuit dom. *le Roy* in operationibus *Regio* sumtu institutis pro definiendo mutuo situ obseruatoriorum Grenouicensis et Parisini.

Comment. Mathemat. T. XI.

B

De

De stellae distantia a polo.

30) D. *Vince* (29) prima die Ianuarii 1787; ait illam fuisse $1^{\circ} 49' 8''.8$; annuae praecessionis effectum in declinationem esse 19,55 secundorum, pro distantia polari subtrahendum.

31) Si regressus annuus aequinoctiorum cognitus statuatur, angulus eclipticae vel constans, vel data lege parum variabilis, latitudo stellae constans, habentur formulae pro effectu eius regressus in rectascensionem et declinationem, quales exhibui III. *astronomische Abhandl.* §. 473.

32) Regressum saecularem dom. *de la Lande Mem. de l'Ac. des Sc.* 1781; p. 337; ponit $1^{\circ} 23' 45''$, incertitudine quam ait secunda 5 non superare. Ex eius numeris, annuus regressus colligitur $50'', 25$, incertitudo annua $= 0'', 05$; quae non impedit pro proxime vero adhiberi annum regressum $50\frac{1}{3}$ secundorum quo duce d. de la Lande in *Astronomiae suae* ed. II. §. 2701; usus sum in citata dissertatione astronomica.

33) In: *Connoissance des Temps* pour 1792, sub initium additamentorum, habentur Tabulae praecessionis a d. de *Lambre* computatae quas etiam ingreditur planetarum actio, calculo d. de la *Place* definita. Formulas tradit primo exacte veras, deinde, quae plerumque sufficiant.

34) Igitur, datis pro anno aliquo stellae locis in sphaera, quales forte tunc ex observationibus innotescebant, facile videtur colligere mutationes quas subierunt tempore dato.

35) Formulae quae vsui adhibentur, incrementum annum longitudinis, velut differentiale aliquod considerant. Id, pro declinationis mutatione ducitur in sinum obliquitatis eclipticae et cosinum adscensionis rectae; vnde semper producitur declinationis annua mutatio minor 50 secundis (32).

36) Rectascensionis mutatio, duas partes continet, primam omnibus stellis communem, secundam cuius stellae propriam. Hanc factor ingreditur tangens declinationis, magna pro stella polo propinqua; igitur annua rectascensionis mutatio, multo maior esse potest 50 secundis.

37) Ita ex calculo d. de *Lambre* in *conn. d. T.* 1792; stellae polari tribuuntur, sub initium anni

asc.

$$\begin{aligned} \text{asc. r.} &= 12^{\circ} 37' 56'' \\ \text{var. ann.} &= 186 \\ \text{decl.} &= 88 \quad 11 \quad 48 \\ \text{var. an.} &= \pm 19,6 \end{aligned}$$

38) Vnde intelligitur, recte se habere quae d. Vince tradit (30). Nostro certe aeuo. Nam ex iis quae docui III. *astr. Abh.* §. 498; tribus adhuc et quod excurrit saeculis, polus accedit ad stellam polarem, quae ipsa si locum suum in vniuerso non mutet nec obliquitas eclipticae varietur, tunc minimum a polo distabit quantitate $27' 19''$, deinde magis magisque, vt terricolis, polaris esse desinat.

39) Igitur, vsui praesenti satis exacte noscitur distantia stellae a polo. An idem valeat de rectascensione, dubitari possit, propter insignes eius mutationes. Esset vero rectascensionis vsus in computando stellae transitu per meridianum. Igitur, si quid video computus obiter indicat tempus quo ad obseruandum transitum astronomus accedat, non vero crediderim, computatum transitum obseruati loco tuto adhiberi.

40) Habet stella polaris id incommodi, quod pro illa, relatio inter positus ad aequatorem et ad eclipticam, difficilior exactis numeris exhibeatur, quoniam, et declinatio eius et longitudo, prope ad quadrantem accedit. In qua re explicanda, plurimum et acuminis geometrici, et industriae adhibuit, dom. Io. Bernoulli cum fratre Daniele, in duabus de stella polari dissertationibus, *Nouveaux Memoires de l'Ac. Roy. de Prusse*, 1774; p. 370 et 1775; p. 280. Tres aliae *Eiusdem*, de stellis circumpolaribus Mem. 1778; p. 203 inprimis ad historiam astronomiae sinensis pertinent.

50) A dom. de la Caille in libro iam rariori: *Fundamenta Astronomiae* (Par. 1757) traduntur pag. 233 et 238; pro initio anni 1750, stellae polaris

$$\begin{aligned} \text{adsc. r.} &= 10^{\circ} 40' 56,0'' \\ \text{decl.} &= 87 \quad 58 \quad 2,4 \\ \text{longit.} &= 85 \quad 4 \quad 12,0 \\ \text{latit.} &= 66 \quad 4 \quad 21,0 \end{aligned}$$

51) In his, aut quae proxime ad illa accedant, coniungendis, cum plurimum operae posuissent Bernoullii omnimodum consensum obtinere non potuerunt, etiam tabulis trigonometricis maximis quae exstant adhibitis.

§2) Qui his numeris adhibere velit formulas quas *Eulerum* sequutus tradidi *II. astronomische Abhandl.* cap. III. sentiet non euitari posse cosinus arcuum paruorum, quorum logarithmi in vulgaribus tabulis, etiam in Gardineri amplioribus, saepius post repetitis, non satis distinguuntur, quoniam hi logarithmi in primis septem figuris decimalibus parum, aut nihil differunt.

§3) Ex $\frac{\sin v}{\tan v} = \cos v$; vtique reperitur $\log \cos v$, si sinus et tangentis logarithmi dentur. Itaque videtur ex tabulis vbi habentur logarithmi quos dixi pro angulis paruis per singula secunda progredientibus, reperiri cosinum logarithmos. Sed si logarithmi non exhibeantur nisi in septem figuris decimalibus, adeo parum differrent, qui ad sinus et tangentes pertinent, vt nullo vsui sint pro logarithmis cosinum.

§4) Si vero habeantur sinuum et tangentium logarithmi in pluribus figuris, dabunt cosinum logarithmos exactiores.

Ex tabulis *Gellibrandi* in Trig. Brit. pro arcu 3' est

$$10 \mp \log \sin = 16,9408473168$$

$$\log \tan = 6,9408474822$$

$$\log \cos = 9,9999998346$$

In tabulis ipsis figuras quas calculus hic dedit, sequuntur 3290; Ex hibentur enim logarithmi sinuum in figuris 14 decimalibus, sed tangentium, nunnisi in figuris 10.

In tabulis minoribus, *Vlacquii*, *Strauchii* $\log \cos 3'$ in loco decimali septimo habet 6, quae figura iusto minor est cum vel ex logarithmis sinus et tangentis quos haec tabulae exhibet colligatur 8, quam figuram etiam habent *Gardineri* tabulae.

§5) Iam, etsi ex tabulis maioribus, vt illis *Gellibrandi*, habeatur logarithmus cosinus arcus alicuius parui, exactior, parum tamen id proderit ad calculum reliquum logarithmicum. Cum enim quod exactius est huius logarithmi contineatur figuris septimam decimalem sequentibus non poterit iungi aliis logarithmis ad tot figuras non excurrentibus. Igitur tunc demum vsui est, si omnium linearum trigonometricarum logarithmi habeantur in pluribus figuris vt in Trig. Brit. Neque tamen hae tabulae suffecerunt *Bernoullio*, et fere eo inclinatur, vt naturales sinus ex *Pitisci* thesauro adhibendos censeat.

§6) Quo-

56) Quomodo eliminari possint arcuum paruorum cosinus docuit *Patricius Murdoch*, explicaui id in *V. Astron. Abh.* art. 7. Similia habet, etiam *Bernoullio* citatus *Lambert Astronomisches Jahrbuch* für 1778; *Sammlung* n. 27. et applicat initio quaestionis de comparandis inter se stellae alicuius relationibus ad aequatorem et ad eclipticam, sed rem non absoluit. Hic sufficiat, retulisse, quae difficultates superandae sint, illa tractanti.

Artic. II.

Exemplum calculi.

1) Stellae polaris, in libro: *Connoissance des Temps*; pro initio anni 1791; traditur rectascensio = 50 M. temp.

declinatio = $88^{\circ} 11' 28''$

igitur $\phi = 1 \quad 48 \quad 32$

$\frac{1}{2} \phi = \quad 54 \quad 16$

2) Gottingae $\epsilon = 51^{\circ} 31' 54''$

complement. $38 \quad 28 \quad 6$

3) Hinc altitudines stellae polaris

maxima = $\epsilon + \phi = 53^{\circ} 20' 26''$

minima = $\epsilon - \phi = 49 \quad 43 \quad 22$

Limites altitudinum possibilium stellae.

Azimuthum maximum art. I; 4. II.

4) $10 \quad \mp \quad \log \sin \phi = 18,4992171$

$\log \cos \epsilon = 9,7938476$

$\log \sin A = 8,7053695$

$\log \tan \epsilon = 10,0998875$

$\log \tan \phi = 8,4994336$

$\log \cos T = 8,5993211$

$10 \quad \mp \quad \log \cos T = 18,5993211$

$\log \sin A = 8,7053695$

$\log \sin H = 9,8939516$

$10 \quad \mp \quad \log \sin \epsilon = 19,8937352$

$\log \cos \phi = 9,9997836$

B 3

5) Hinc

5) Hinc habentur

$$A = 2^{\circ} 54' 30''$$

$$T = 87 \quad 43 \quad 20$$

$$H = 51 \quad 34 \quad 3$$

Tabulae quae continent arcuum paruorum singula secunda, exhibent A, et T; Ex tabulis manuscriptis de quibus locutus sum in praefatione libri mei *Astronomische Abhandlungen II. Samml.* sumsi H. In iisdem tabulis $\log \cos \phi$ reperitur congruens illi quem calculus mihi dedit in primis septem locis decimalibus, tabularum logarithmi occupant decem. V. tamen art. I. 10.

Azimuthum maximum contingit ante vel post culminationem
5 H 20 M 53 S 20 T.

Angulus horarius rectus art. I. 12.

$$6) \quad \log \sin \varepsilon = 9,8237352$$

$$\log \cos \phi = 9,9997836$$

$$\log \sin \text{alt} = 9,8234888$$

$$10 \mp \log \tan \phi = 18,4994336$$

$$\log \cos \varepsilon = 9,7938476$$

$$\log \tan \text{azimuthi} = 8,7055860$$

$$10 \mp \log \cot \varepsilon = 19,9001124$$

$$\log \sin \phi = 8,4992171$$

$$\log \tan ZMP = 11,4008253$$

$$\text{altitudo} = 51^{\circ} 29' 26''$$

$$\text{azimuth} = 2 \quad 54 \quad 22$$

$$\text{angulus ad stellam} = 87 \quad 43 \quad 30$$

qui reperitur, tangentis logarithmum subducendo a 20.

Altitudo aequalis elevationi poli art. I; 13.

$$7) \quad 10 \mp \log \sin \frac{1}{2} \phi = 18,1982412$$

$$\log \cos \varepsilon = 9,7938476$$

$$\log \sin \text{dim. az} = 8,4043936$$

$$\log \tan \varepsilon = 10,0998875$$

$$\log \tan \frac{1}{2} \phi = 8,1982953$$

$$\log \cos \text{horarii} = 8,2981828$$

$$\text{azim. dimid} = 1^{\circ} 27' 14''$$

$$\text{azimuthum} = 2 \quad 54 \quad 28$$

$$\text{anguli horarii complem} = 1 \quad 8 \quad 18$$

$$\text{angulus horarius} = 88 \quad 51 \quad 42$$

Azimu-

Azimuthum respondens altitudini pro lubitu adsumtae art. I. 2; II.

8) Sume $n = 51^\circ$

$$\text{Est } \varepsilon - \phi = 49 \ 43 \ 22$$

$$\phi - \varepsilon \mp n = 1 \ 16 \ 38$$

$$\text{dimid} = 0 \ 38 \ 19$$

$$\varepsilon \mp \phi = 53 \ 20 \ 26$$

$$\phi \mp \varepsilon - n = 2 \ 20 \ 26$$

$$\text{dimid} = 1 \ 10 \ 13$$

$$\log \sin \frac{1}{2} (\phi - \varepsilon \mp n) = 8,0471048$$

$$\log \sin \frac{1}{2} (\phi \mp \varepsilon - n) = 8,3101361$$

$$16,3572409$$

$$\log \cos \varepsilon = 9,7938976$$

$$\log \cos n = 9,7988718$$

$$19,5927694$$

$$\text{subduc a } 36,3572409$$

$$16,7644715$$

$$\text{dimid} = 8,3822357$$

$$\frac{1}{2} \alpha = 1^\circ \ 22' \ 54'' -$$

$$\alpha = 2 \ 45 \ 48$$

9) Dum altitudo (8) crescit $34' \ 3''$; (4) respondens illi azimuthum quantitate $8' \ 42''$ crescit ad maximum.

Artic. III.

Demonstratio formularum dom. le Gendre.

1) Sit P polus verus, cuius altitudo $= L$, distantia a vertice $ZP = 90^\circ - L$, stellae \blacksquare polo hoc distantia vera $PA = PM = PB = a$ angulus horarius computatus a transitu per meridianum inferiore, $APM = t$; distantia a vertice $ZM = v$. Intelliguntur A, B, in meridiano. Igitur stellae \blacksquare vertice distantia maxima $ZA = 90^\circ - L \mp a$ minima $ZB = 90^\circ - L - a$.

2) In triangulo sphaerico ZPM dantur, angulus quem nominaui variabilis $= 90^\circ - t$, contentus lateribus aequae datis, constantibus. Hinc computantur reliqua formulis *Euleri* quas exhibui *II. astr. Abh. II. C. §. 88*; sunt

$$\begin{array}{c|c|c|c|c|c|c} \text{ibi} & a & A & b & c & B & C \\ \text{hic} & v & 180^\circ - t & 90^\circ - L & a & M & Z \end{array} \quad \text{adeoque.}$$

3) \cos

$$\begin{aligned}
3) \quad \cos v &= -\cos t \cdot \cos L \cdot \sin a \mp \sin L \cdot \cos a \\
&\quad \sin t \cdot \cot L \\
\tang M &= \frac{\sin a \mp \cot L \cdot \cos a \cdot \cos t}{\sin t \cdot \tang a} \\
\tang Z &= \frac{\cos L \mp \tang a \cdot \sin L \cdot \cos t}{\sin t \cdot \tang a} \\
\text{item, propter } \cos t &= 1 - 2 \cdot (\sin \tfrac{1}{2} t)^2; \cos v = \sin (L - a) \mp 2 \cdot \\
&(\sin \tfrac{1}{2} t)^2 \cdot \cos L \cdot \sin a.
\end{aligned}$$

$$\begin{aligned}
4) \quad \text{Item, ex III. astr. Abh. 9.} \\
\cos Z &= \frac{\cos a - \sin L \cdot \cos v}{\sin v \cdot \cos L} \\
\cos M &= \frac{\sin L - \cos a \cdot \cos v}{\sin a \cdot \sin v} \\
&= \frac{\sin L \cdot \sin a \mp \cos t \cdot \cos L \cdot \cos a}{\sin v} \\
\text{Nec non } \sin M &= \frac{\sin t \cdot \cos L}{\sin v}
\end{aligned}$$

$$\begin{aligned}
5) \quad \text{Ex (3) fit} \\
(\sin v)^2 &= [\cos (L - a)]^2 \\
&\quad - 4 \cdot \sin (L - a) \cdot (\sin \tfrac{1}{2} t)^2 \cdot \cos L \cdot \sin a \\
&\quad - 4 \cdot (\sin \tfrac{1}{2} t)^4 \cdot (\cos L \cdot \sin a)^2
\end{aligned}$$

Vnde extracta radice habetur sinus, et diuiso sinu per cosinum, tangens.

$$\begin{aligned}
6) \quad \text{Si sit } a \text{ paruus prae } L, \text{ in (5) negligi potest terminus vltimus,} \\
\text{et est vero proxime} \\
\sin v &= \cos (L - a) \\
&\quad - 2 \cdot \tang (L - a) \cdot (\sin \tfrac{1}{2} t)^2 \cdot \cos L \cdot \sin a
\end{aligned}$$

$$\begin{aligned}
7) \quad \text{Tunc fere} \\
\tang v &= \frac{\cos (L - a) - 2 \cdot \tang (L - a) \cdot (\sin \tfrac{1}{2} t)^2 \cdot \cos L \cdot \sin a}{\sin (L - a) \mp 2 \cdot (\sin \tfrac{1}{2} t)^2 \cdot \cos L \cdot \sin a}
\end{aligned}$$

De effectu refractionis.

8) Sumo: in altitudinibus maioribus refractiones esse fere vt tangentes verarum a vertice distantiarum.

9) Id deducitur ex lege refractionum Bradleiana, quam explicat dom. de la Lande Astronomie Liv. XII. editionis secundae §. 2203 sequ. Is quidem loquitur de apparentibus distantis et tangentem quam-

quamuis tripla refractione minuit: facile autem intelligitur, apparenti veram posse substitui, et negligi triplum refractionis.

10) Dicatur ω vel w , refractione pertinet ad altitudinem veram aequalem eleuationi poli.

11) Ita est $\cot L : \tan v = w$ ad refractionem debitam distantiae v , a vertice; haec igitur refractione $= Mm = \tan L \tan v. w$.

12) Ponantur stellae quarum loca vera in sphaera sunt P, A, B ; attolli refractione in p, a, b ; Etsi enim stella nulla in polo sit, potest tamen haec refractione considerari vt comparetur cum aliis.

13) Ex (11) sunt

$$\begin{aligned} Aa &= \tan ZA. \tan L. w \\ &= \frac{1 \mp \tan L. \tan a}{1 - \cot L. \tan a}. w \end{aligned}$$

$$\begin{aligned} Bb &= \tan ZB. \tan L. w \\ &= \frac{1 - \tan L. \tan a}{1 \mp \cot L. \tan a} \end{aligned}$$

$$\begin{aligned} 14) Aa - w &= \frac{(\tan L \mp \cot L). \tan a. w}{1 - \cot L. \tan a} \\ &= \frac{\tan a. w}{\sin L. \cos L. (1 - \cot L. \tan a)} \end{aligned}$$

similiter

$$w - Bb = \frac{\tan a. w}{\sin L. \cos L. (1 \mp \cot L. \tan a)}$$

15) Est autem a paruus, et L mediocris, igitur in diuisoribus (14) negligi potest factoris vltimi pars secunda.

16) Si statuatur $a = 2^\circ$; $L = 52^\circ$ reperitur $\cot L. \tan a = 0,02728$. Est autem a re vera minor, L variatur, et calculus facile instituitur pro quouis eius valore.

17) Sumto (15) et scripto arcu paruo loco tangentis eius, habentur differentiae (14) quaelibet $= \frac{a. w}{\sin L. \cos L}$

$$\begin{aligned} 18) \text{ Igitur } pa &= a - Aa \mp w; pb = a - w \mp Bb; \text{ quaeuis} \\ &= a - \frac{2. a. w}{\sin 2. L} \end{aligned}$$

Inuestigatio quantitatum; pm, Ppm. (fig. 8)

19) Sumo figuram M P p m pro plana, rectilinea.

20) In illa dantur $PM = a$; Mm (11) Pp (10; 12) M (3; 4) $MPp = 180^\circ - t$ (2).

$$21) Pm^2 = a^2 - 2. a. Mm. \cos M \mp Mm^2.$$

22) In hac aequatione paruum est Mm prae a ; igitur neglecto eius quadrato, habetur proxime $Pm = a - Mn. \cos M$.

23) Potest in latere dextro aequationis secundus terminus minor fieri tertio, si M fiat recto propinquus: sed vel euanescente hoc termino, sumeretur $Pm = a$; neglecto $\frac{w^2}{2. a}$ quod tunc accederet.

$$24) \text{Itaque (21) } Pm = a - \tan L. \tan v. \frac{(\sin L. \sin a \mp \cos t. \cos L. \cos a). w}{\sin v} \text{ ex (4).}$$

$$25) \text{In parte quae subducitur, id quod ducitur in } w \text{ est (3)} \\ \tan L. \frac{(\sin L. \sin a \mp \cos t. \cos L. \cos a)}{\sin L. \cos a - \cos t. \cos L. \sin a}$$

$$26) \text{Quod diuiso numeratore et denominatore per } \sin L. \cos a, \\ \text{abit in } \frac{\tan L. \tan a \mp \cos t}{1 - \cos t. \cot L. \sin a}$$

27) Vbi loco tangentis et sinus arcus parui (1,) scribi potest arcus ipse.

$$28) \text{Quod si fiat, et negligatur huius arcus parui quadratum, est} \\ \text{quam proxime } \frac{1}{1 - \cos t. \cot L. \sin a} = 1 \mp \cos t. \cot L. a$$

$$29) \text{Id multiplicatum in numeratorem (26) dat (28)} \\ [\tan L \mp (\cos t)^2. \cot L] a \mp \cos t$$

$$30) \text{Quod ducitur in } a; \text{ est} \\ \tan L \mp \cot L - (\sin t)^2. \cot L \\ = \frac{2}{\sin 2. L} - (\sin t)^2. \cot L$$

$$31) \text{Itaque (25) fit} \\ \left(\frac{2}{\sin 2. L} - (\sin t)^2. \cot L \right) a \mp \cos t$$

32) Tan-

32) Tandem ergo (24)

$$P_m = a - \left(\frac{2}{\sin 2. L} - (\sin t)^2 \cdot \cot L \right) \cdot a \cdot w$$

$$- \cot t \cdot w$$

$$= a \cdot \left[1 - \left(\frac{2}{\sin 2. L} - (\sin t)^2 \cdot \cot L \right) \cdot w \right]$$

$$\left[- \cot t \cdot \frac{w}{a} \right]$$

33) Vnde $\frac{1}{P_m} =$

$$\frac{1}{a} \cdot \left[1 \pm \left(\frac{2}{\sin 2. L} - (\sin t)^2 \cdot \cot L \right) w \right]$$

$$\left[\pm \cot t \cdot \frac{w}{a} \right]$$

Pro sinu mPM.

34) Est ille $\frac{M_m \cdot \sin M}{P_m}$

35) Diuidendus est (11; 4) $\frac{\sin L \cdot \sin t}{\cot v} \cdot w$

Is ducitur in valoris (33) reperti partem illam quae w non continet, quoniam huius quantitatis quadratum negligitur. Vnde

$$\sin mPM = \frac{\sin L \cdot \sin t \cdot w}{\cot v \cdot a}$$

36) Ex (3) hic est

$$\cot v = \sin L - \cot t \cdot \cot L \cdot a$$

$$= \sin L \cdot (1 - \cot t \cdot \cot L \cdot a) \quad \text{vnde}$$

$$\frac{1}{\cot v} = \frac{1}{\sin L} \cdot (1 \pm \cot t \cdot \cot L \cdot a)$$

37) Ergo

$$\sin mPM = \frac{\sin t \cdot w}{a} \pm \sin t \cdot \cot t \cdot \cot L \cdot w$$

38) Ponatur $L = 45^\circ$; ex tabulis refractionum est $w = 57''$; Valoris (37) pars secunda, maxima fit pro $t = 45^\circ$, et tunc est $= \frac{1}{2} \cdot 57'' = \frac{1}{2} \cdot 0,0001381$. Pars prima pro refractione hac semper minor est quam $\frac{1}{50} = 0,0166...$ quoniam a maior est gradu; Haec

igitur pars prima sola, semper dat aliquid minus sinu 59' et id parum augetur accedente parte secunda.

Pro L maioribus, refractio fit minor aequae ac cot L;

Igitur mPM semper adeo parvus est, ut ipse quidem substitui possit sinui suo, cosinus eius vero poni = 1.

$$\begin{aligned} & \text{39) Est} = \frac{\cos mPp}{\cos MPp \cdot \cos MPm} \\ & \quad \pm \sin MPp \cdot \sin MPm, \text{ quod fit (19; 37; 38)} \\ & - \cos t \pm (\sin t)^2 \cdot (1 \pm \cos t \cdot \cot L \cdot a) \cdot \frac{w}{2} \end{aligned}$$

$$40) \text{ Est} = Pm^2 \pm Pp^2 - \frac{pm^2}{2} \cdot Pm \cdot Pp \cdot \cos pPM.$$

41) Vnde, neglecto Pp^2 , fit

$$\begin{aligned} pm &= Pm - Pp \cdot \cos pPM \\ \text{quod ex (32; 39) negligendo quadratum ipsius } w; \text{ fit} \\ &= a - \frac{2 \cdot a \cdot w}{\sin 2 \cdot L} \pm (\sin t)^2 \cdot \cot L \cdot a \cdot w \\ & \quad - \cos t \cdot w \\ & \quad \pm \cos t \cdot w \end{aligned}$$

42) Igitur

$$pm = a - \frac{2 \cdot a \cdot w}{\sin 2 \cdot L} \pm (\sin t)^2 \cdot \cot L \cdot a \cdot w$$

quod vocabo a. (1 \pm R. w)

43) Fac $t = 0$ vel 180° , fit

$$pa = a - \frac{2 \cdot a \cdot w}{\sin 2 \cdot L} = pb, \quad \text{vt (18)}$$

44) Fac $t = 90^\circ$ vel 270° , fit

$$\begin{aligned} pm &= a - \frac{2 \cdot a \cdot w}{\sin 2 \cdot L} \pm \cot L \cdot a \cdot w \\ &= a - \tan L \cdot a \cdot w. \end{aligned}$$

Differentia inter angulum mpP et t.

45) Age ipsi PM parallelam per p quae ipsi Pm occurrat in S. Est PpS = t, PSp = mPM, vnde mSp = $180^\circ - MPm$, igitur, differentia quae quaeritur, est mpS = x, et $\sin x = \frac{mS}{pm}$.

46) In

46) In triangulo PpS est

$$\sin PSp : \sin PpS = Pp : PS \quad \text{hoc est}$$

$$\sin MPm : \sin t = w : PS$$

47) Ita Pm — PS seu

$$mS = \frac{Pm. \sin MPm - w. \sin t}{\sin MPm}$$

48) Valor $\sin mPM$ (37) ductus in ipsius Pm (32) partem quae non continet w; praebet $\sin t. w \mp \sin t. \cos t. \cot L. a. w.$

49) Igitur in (47) diuidendus est $= \sin t. \cos t. \cot L. a. w.$

$$50) \text{ Et } \sin x = \frac{\sin t. \cos t. \cot L. a. w}{pm} \quad (45)$$

51) Ex (42) est $\frac{1}{pm} = \frac{1}{a} (1 - R. w)$ igitur, neglecto, quod in

hoc calculo semper negligitur, est $\sin x = \sin t. \cos t. \cot L. w$ qui, cum sumi possit pro angulo ipso, est

$$52) Ppm = t \mp \frac{1}{2}. \sin (2. t). \cot L. w$$

Relatio inter angulum t, distantiam stellae a vertice, et distantiam eiusdem a vertice in meridiano.

53) Primum, si non consideretur refractio, quaestio est: Ex datis t, v, reperire $ZA = 90^\circ - (L - a) = m$

Quaero igitur $\sin (m - v)$ posito a tam paruo, vt sinus eius quadratum negligi queat.

54) Ex (3) est

$$\cos v = \cos m \mp 2. (\sin \frac{1}{2} t)^2. \cos L. \sin a$$

$$\text{item (6)} \quad \sin v = \sin m - \frac{2. \cos m. (\sin \frac{1}{2} t)^2. \cos L. \sin a}{\sin m}$$

$$\text{Hinc } \sin (m - v) = \frac{2. (\sin \frac{1}{2} t)^2. \cos L. \sin a. \left(\sin m \mp \frac{(\cos m)^2}{\sin m} \right)}{\cos (L - a)}$$

55) Propter a paruum est $\frac{\cos L}{\cos (L - a)} - \frac{1}{\cos a \mp \tan L. \sin a}$ proxime $= 1$; et eodem sensu $\sin (m - v) = 2. (\sin \frac{1}{2} t). \sin a.$

56) Ita posito $t = 180^\circ$ habetur $\sin(m - v) = 2. \sin a$; hoc est, positis arcubus parvis in locum sinuum $m - v = 2. a$ vt decet.

57) Si adhibeatur stellae distantia a vertice refractione apparens, cogitari potest vt M attollitur in m, etiam P attolli in p; et PM mutari in pm, angulum vero Ppm parum differre a t (52) vt vtriusque sinus idem sumi queat. Ita distantiae apparenti a vertice Zm additur $\frac{2. (\sin \frac{1}{2} t)^2. \cos L. r}{\cos(L - r)}$ quod oritur in (54) scribendo r loco a.

Stellae polaris diurnum ob refractionem apparentem haberi posse pro ellipsi.

58) *Lemma.* Sit m in ellipsi, (fig. 9) cuius centrum p; dimidius axis maior, horizontalis ph = f, minor, verticalis pg = g; angulus variabilis apm = n; pm = z; quaeritur relatio inter rectam ex centro ellipseos, et angulum quem continet cum axe minore.

59) *Sol.* Demisso in axem maiorem perpendiculo mq, est abscissa ex centro pq = z. sin n, et ordinata mq = z. cos n; Igitur ex natura ellipseos

$$z^2. (\cos n)^2 = g^2 - \frac{g^2}{f^2}. z^2. (\sin n)^2$$

$$z^2. [(\cos n)^2 \mp \frac{g^2}{f^2}. (\sin n)^2] = g^2$$

$$z^2. (f^2 - (f^2 - g^2). (\sin n)^2) = f^2. g^2$$

$$z^2 = \frac{g^2}{1 - \frac{f^2 - g^2}{f^2}. (\sin n)^2}$$

Haec vera sunt pro ellipsi quavis.

60) Iam ponatur $\frac{f^2 - g^2}{f^2}$ quantitas exigua, cuius quadratum negligi possit.

$$61) \text{ Tunc } z^2 = g^2. [1 \mp \frac{f^2 - g^2}{f^2}. (\sin n)^2] \text{ et } z = g. [1 \mp \frac{f^2 - g^2}{2. f^2}. (\sin n)^2]$$

62) Iam transferantur haec ad ante reperta; fit

$$f = a - \tan L. a. w \quad (44)$$

$$g = a - \frac{a. w}{\sin L. \cos L} \quad (43)$$

$$n = t \mp \sin t. \cos t. \cot L. w \quad (51)$$

63) Itaque, neglecto w^2 ; habetur

$$f^2 = a^2 - \frac{2 \cdot a^2 \cdot \sin L}{\cos L} \cdot w$$

$$g^2 = a^2 - \frac{2 \cdot a^2 \cdot w}{\sin L \cos L}$$

$$f^2 - g^2 = 2 \cdot a^2 \cdot w \cdot \cot L$$

$$\frac{f^2 - g^2}{f^2} = 2 \cdot w \cdot \cot L$$

$$\frac{f^2 - g^2}{f^2} (\sin t)^2 = 2 \cdot w \cdot \cot L (\sin t)^2$$

$$z = a - \frac{a w}{\sin L \cos L} \mp 2 \cdot a \cdot w \cdot \cot L (\sin t)^2$$

Valor ipsius pm (44).

64) Intelligitur portionem superficiei sphaericae in qua est diurnus apparens adeo parvam sumi, vt pro plano haberi possit, similiter propter aberrationem lucis, et nutationem dicuntur stellae ellipses describere quae utique in superficie sphaerae quatenus curua est existere non possunt.

65) Cogitari etiam posset planum sphaeram tangens in P , vel p , et in illud proiectio punctorum m . Quod operae precium faceret, si haberentur haec puncta accuratius quam factum est determinata.

De obiecto terrestri. (fig. 10.)

66) Stellae polaris locus verus in sphaera sit M ; eo momento angulum interceptum inter eam et obiectum terrestre, metiatur in sphaera arcus $EM = z$, potest enim obiecti terrestris locus in sphaera statui E . Eiusdem distantia a vertice sit $ZE = \beta$.

67) Ponitur dari tempus \square transitu stellae inferiori, Δ adeoque APM angulum, et hinc $ZM = v$ (4).

68) Ita in triangulo sphaerico ZME , ex datis lateribus habetur EZM angulus; stellae vero azimuthum MZP , habetur ex ZP , PM , ZPM ; Ergo EZP , azimuthum obiecti terrestris.

69) Sit obiecti a polo vero distantia $PE = \lambda$, quae secet stellae parallelum in M .

70) In triangulo sphaerico: PEM , latus PE minus est summa reliquorum, parum vero ab hac summa deficit si M est ipsi F propinquum.

71) Dic

71) Dic angulum $EP A = \gamma$; vnde $MPE = t - \gamma$;

72) Ex MPE , PM , PE , quaere EM . Est III. *astr. Abhandl.* Cap. I. 89.

$$\begin{array}{c} \text{ibi} \mid a \mid A \mid b \mid c \\ \text{hic} \mid EM \mid t - \gamma \mid a \mid \lambda \end{array}$$

$$\begin{aligned} \cos EM &= \cos(t - \gamma) \cdot \sin a \cdot \sin \lambda \mp \cos a \cdot \cos \lambda \\ &= \cos(\lambda - a) - 2 \cdot \left(\sin \frac{t - \gamma}{2} \right)^2 \cdot \sin \lambda \cdot \sin a \end{aligned}$$

73) Hinc $(\sin EM)^2$

$$\begin{aligned} &[\sin(\lambda - a)]^2 \mp 4 \cdot \cos(\lambda - a) \cdot \left(\sin \frac{t - \gamma}{2} \right)^2 \cdot \sin \lambda \cdot \sin a \\ &- 4 \cdot \left(\sin \frac{t - \gamma}{2} \right)^4 \cdot (\sin \lambda \cdot \sin a)^2 \end{aligned}$$

74) Neglecto termino ultimo habetur proxime vero

$$\sin EM = \sin(\lambda - a) \mp \frac{2 \cdot \cos(\lambda - a)}{\sin(\lambda - a)} \cdot \left(\sin \frac{t - \gamma}{2} \right)^2 \cdot \sin \lambda \cdot \sin a$$

75) Hinc calculo, illi in (74) simili

$$\sin[EM - (\lambda - a)] = \frac{\left(\sin \frac{t - \gamma}{2} \right)^2}{\sin(\lambda - a)} \cdot 2 \cdot \sin \lambda \cdot \sin a$$

76) Arcu cui respondet hic sinus, subducto ex EM , habetur EF .

77) Erit autem EF distantia minima obiecti a stella, contra EF^* maxima si FPF^* sit diameter diurni stellae. Ad quam maximam facile transferuntur quae de minima ostendi.

Comparatio calculorum, cum iis quae habet Dom. le Gendre.

78) In figura qua utitur d. l. G. AMB est *apparens* diurnus stellae polaris, et P *polus apparens*, BPA pars meridiani, a , vera distantia stellae polaris a polo, (*vero*) t angulus APM , si parallelus non mutaretur refractione. Igitur, ob refractionem, ait locum M ita determinari

$$APM = t \mp w \cdot \sin t \cdot \cos t \cdot \cos L$$

$$PM(r) = a - \frac{a \cdot w}{\sin L \cdot \cos L} \mp a \cdot w \cdot \cot L \cdot (\sin t)^2$$

79) Sunt hae formulae quas ostendi. (52; 42) D. l. G. de causis illarum nihil habet praeter ea quae (78) retuli. Itaque viam qua ad illas perueniatur, non solum non ostendit, sed fere abscondit.

Contra,

Contra, si vt ego feci, P, A, M, B, referantur ad parallelum verum, et addatur figura PpmM, intelligitur quomodo iter dirigendum sit.

80) Ellipsin motu ob refractionem apparente describi, asserit et axes eius eos esse quos (58..63) computauit.

81) Si distantiae stellae polaris a vertice obseruatae sint, ante aut post transitum inferiorem per meridianum, cuius distantiae addi debere correctionem

$$\frac{2. \sin r. \cos L. (\sin \frac{1}{2} t)^2}{\cos (L - r)}$$

vt habeatur distantia meridiana.

Si vero obseruationes factae sint versus transitum superiorem, vt habeatur distantia meridiana a quauis obseruata subduci debere

$$\frac{2. \sin r. \cos L. (\sin \frac{1}{2} t)^2}{\cos (L \mp r)}$$

Pertinere vero t ad differentiam inter momenta obseruationis, et transitus per meridianum. Igitur pro formula secunda, significabit angulum non magnum inde a transitu superiori computatum.

82) Primam harum formularum ostendi (65). Altera hinc facile deducitur, adhibendo transitum superiorem.

83) Harum obseruationum pluribus institutis, et medio sumto ex iis quae singulae praebent haberi punctorum A, B, distantias a vertice, [scilicet quas ipse sic vocat (78)]. Earum summae dimidium, dare distantiam poli *apparentis* a vertice cui si addatur refractione w, obtineri complementum latitudinis geographicae loci. Dimidium differentiae earundem distantiarum, dare semidiametrum verticalem

AP cui si addatur $\frac{a. w}{\sin L. \cos L}$ haberi veram stellae a polo distantiam.

In meis signis $\frac{1}{2}. (Za - Zb) = bp$

Iam $bp \mp \frac{a. w}{\sin L. \cos L} = a$ (18)

84) Sub initium calculi sumi posse $r = a$, et ipsis L, a, tribui valores semper veris satis propinque cognitos; deinde, correctos valores ipsarum L et a, adhibendos esse, correctionibus exactius computandis. Valorem ipsius r semper poni posse $= a$, obseruationes enim, non magis hora integra a transitu per meridianum distare debere, itaque $2. (\sin \frac{1}{2} t)^2$ semper esse quantitatem exiguam.

85) Obiecti terrestris, notam esse sumit distantiam a vertice, obseruatas etiam, plures distantias a stella polari, circa id tempus quo stella obiecto proxima est. Hinc quaerenda proponit, azimuth obiecti eiusque distantiam a polo apparente.

86) Quod vt obtineatur, pro initio calculi minimam distantiarum obseruatarum, addendam esse radio PF (fig. 10 quae hic ad apparentia ob refractionem loca pertinet) qui poni possit $= a$; ita primum aliquem valorem haberi, qui parum a PE differat. Iam, in triangulo sphaerico ZPE, dari tria latera, ZE, obiecti a vertice distantiam, ZP, complementum altitudinis poli apparentis, et PE; hinc obtineri ZPE, cuius supplementum ad 180 gradus esse primam ad angulum EPA approximationem.

Itaque dictis, distantia EP = E et angulo EPA = γ , haberi valores ipsis E et γ propinquos.

87) His positis, si fit EM distantia obseruata in vicinia puncti F; t, respondeat tempori obseruationis inde a transitu per meridianum in A, subtrahendam esse ab EM correctionem

$$\frac{2. \sin r. \sin E}{\sin (E - r)} \cdot \left(\sin \frac{t - \gamma}{2} \right)^2$$

vt obtineatur distantia EF non omnino breuissima, sed quae sensibilibus a breuissima non differat.

88) Addito ad EF, radio

$$FP = a - \frac{a. w}{\sin L. \cos L} \pm a. w. \cot L. (\sin \gamma)^2$$

obtineri valorem ipsius EP.

89) Quamlibet obseruationem ita reductam, dare valorem ipsius E. Ex illis omnibus sumto medio, cognosci E valde exacte. Deinde, in triangulo EZP, ex tribus lateribus, reperiri angulum ad verticem, azimuthum loci terrestris.

90) Vt obtineatur aliquid exactius, correctiones computandas esse ex elementis magis exactis, vbi sumere liceat

$$r = a - \frac{a. w}{\sin L. \cos L} \pm a. w. \cot L. (\sin t)^2$$

Hunc autem nouum calculum euitari posse si primus ipsius E valor correctione indeterminata augeatur.

91) Si

91) Si dubium aliquod sit, de tempore transitus per meridianum, etiam t augeri posse quantitate indeterminata, vt intelligatur quantum ab hoc errore mutetur exitus calculi, et quomodo id corrigi possit per obseruationes extremas, quae sint veluti species altitudinum correspondentium.

92) Si obseruationes institutae sint ad punctum F^* , vbi maxima est stellae ab obiecto distantia tempus computari a transitu superiori per B, angulum γ hic BPF^* definiri vt ante, ex primo aliquo valore distantiae $EP = E$ proximo, ad distantiam obseruatam inter obiectum, et punctum aliquod paralleli apparentis M^* addita correctione

$$\frac{2. \sin r. \sin E}{\sin (E \mp r)} \cdot \left(\sin \frac{t - \gamma}{2} \right)^2$$

Hinc obtineri ipsius E valorem magis exactum, et tandem azimuthum, ad quod inuestigandum haec omnia tendunt.

93) Inde a 66..77, euolui quae pertinent ad obseruatas obiecti terrestris distantias a poli, et stellae, locis *veris* in sphaera. Ex his facile deducuntur quae d. I. G. habet de *apparentibus*.

Ita ostendi (75) quantum EM, mihi, distantia obseruata obiecti a loco vero stellae, excedat minimam, si excessus hic paruus sit.

Ibi veri diurni radium appello a, et λ obiecti distantiam a polo vero.

Quae si ad apparentia transferantur, abeunt a, λ in r, E, ita formula mea (75) in eam dom. I. G. (87).

A qua cum reliqua omnia pendeant, patet causas eorum quae docet d. I. G. contineri 66..77.

94) Omnia quae habet dom. *le Gendre* sub titulo: *Calculs relatifs à l'observation de l'étoile polaire*, verbotenus fere transtuli 78...92; nihil omisi quod quomodocunque ad negotium propositum faciat. Hinc iudicabunt lectores mei quid in demonstrandis formulis praestiterim. In vsum qui transferre voluerint, non discent ex ipso d. I. G. scripto quae forte apud me desiderent.

95) Vnico exemplo formulas suas illustrat, quod addo, tum, ne quid eius omittam, tum vt quomodo litterae formularum, numeris explicandae sint, ostendam. Est illud, dimidiorum axium ellipsis (62) pro eleuatione poli Parisina. Eam notam sumit, ego vtar $L = 48^\circ 50' 10''$ duobus secundis minore quam traditur, ne frustra calculum operosiores reddam sumendis partibus proportionalibus.

Ipse d. *le Gendre* pro hac eleuatione poli sumit $w = 49''{,}5$; et $a = 1^{\circ} 49'$.

96) Itaque primo computo a. w. Erat vero in hoc producto, arcus qui metitur stellae \blacksquare polo distantiam, scriptus loco tangentis suae (18). Igitur, vel restituenda est tangens, vel arcus longitudo exprimenda est in partibus semidiametri. Quod vltimum faciam

$$\begin{array}{r} \log 109 = 2,0374265 \\ \log 1' = 0,4637261 - 4 \\ \hline \log \blacksquare = 0,5011526 - 2 \\ \log 49,2 = 1,6919651 \\ \hline 0,1931177 \end{array}$$

Hic logarithmus pertinet ad numerum secundorum, quem continet productum a. w. Estque is numerus = 1,559.

$$\begin{array}{r} 97) \text{ Iam } \log a. w = 0,1931177 \\ \log \text{ tang } L = 0,0583290 \\ \hline 0,2514467 \end{array}$$

$$\begin{array}{r} 98) \log \sin L = 0,8766969 - 1 \\ \log \cos L = 0,8183679 - 1 \\ \hline 0,6950648 - 1 \\ \text{Sub duc ab } 0,1931177 \\ \hline 0,4981529 \end{array}$$

99) Logarithmus (97) pertinet ad 1,784 ille (98) ad 3,148. Iam (62) ab \blacksquare subducta priore quantitate habetur dimidius axis maior, horizontalis, subducta secunda, dimidius axis minor, verticalis.

100) Dom. *le Gendre* ait, dum circulus diurnus stellae in ellipsin abit, diminui radium verticalem $3''\frac{1}{8}$; horizontalem $1''{,}8$.

101) Dom. *le Gendre* sub initium dissertationis suae p. 352 vbi loquitur de angulis quorum plana inclinata sunt, reducendis ad horizontales, addit reductionem hanc, saepe ad plura secunda increfcere; “et de la naissent des triangles infiniment peu courbes, dont le calcul exige des regles particulieres. Car, en les considerant comme rectilignes, on negligeroit le petit excès de la somme des trois angles sur 180 degrés, et en les considerant comme sphériques les côtés seroient changés en très petits arcs, dont le calcul ne seroit ni exact, ni commode par les tables ordinaires.”

102) Reductionum de quibus quaeritur formulas, reperi in Manuscripto *Tobiae Mayeri*. Quae illarum exacta sint principia, et quomodo ex his principiis deducantur, vero propinqua, (nihil illorum legi a *Mayero* traditum, nudas solum formulas) ostendi in libro meo *Astronomische Abhandlungen I. Samml.* (Gott. 1772) I. Abh. §. 168 seq. Vfus sum trigonometria sphaerica, quae quantaecunque sint crurum ad horizontem inclinationes quaestioni respondet, magnae vero praeter alios casus, occurrunt in geometria subterranea, qua de re egi in: *Anmerkungen über die Markscheidekunst* (Gott. 1775) 12 *Anmerk.* Formulae generales quas praebet trigonometria sphaerica, positis crurum inclinationibus ad horizontem exiguis, abeunt in *Mayerianas*, quod ostendi in dissert. citata *Astron.* et §. 206, differentiam inter angulum in plano inclinato et horizontalem qui illi respondet, in minutis secundis computare docui. Quod ibi tradidi omnino idem est cum formula dom. *le Gendre* p. 354; art. II. dissertationis suae, *Reduction d'un angle à l'horizon* nisi quod aliis litteris vtar. Iam, in via qua ad has formulas perueni, nulla offendi *triangula infinite parum curua* nisi, praeter consuetudinem ita appellantur triangula sphaerica laterum exiguorum, vbi licet arcus, tangentibus et sinibus substituere.

103) Obiter moneo, *Mayerum* construendae reductioni suae scalam excogitasse, quam explicat *Alb. Lud. Frid. Meister*, in Commentationibus Societ. nostrae Scient. ad ann. 1785; 1786; *Class. Math.* p. 75.

104) Tradit etiam dom. *le Gendre* formulam pro excessu summae angulorum trianguli sphaerici exigui supra duos rectos art. V. diss. suae pag. 358. De illa egi in *Geometrische Abhandlungen zweyte Sammlung* (Gott. 1791) 33 Abh. §. 10 seq.

105) Admonuit me horum, quod hic, vbi de effectū refractionis agitur, ope figurae PpmM, quasi plana rectilinea esset considerata (19) ea omnia repererim quae dom. *le Gendre* asserit Igitur, quo pertineant *triangula infinite parum curua*, suis regulis computanda non intelligo.

OCVLVM TAVRI, (ALDEBARAN) A LVNA TECTVM

OBSERVAVIT

JO. HIER. SCHROETER

LILIENTHALII, D. I. NOV. MDCCCXCII.

Vtebar telescopio Herscheliano catadioptrico VII pedum apparatus qui 74; 95; tandem 161 vicibus augerent, cum paulo ante quam contingeret occultatio, maximo quod dixi augmento adhibito, limbus lunae, item nucleus fixae satis terminati apparerent, et hic quidem, adiecto falso splendore, diametrum ostenderet secundorum 2; 5; 3. Gratum paulò antequam contingeret ingressus spectaculum praebebat, fortior fixae lux, cum lunae amoeniore comparata.

Cum machina quae projectas imagines metitur, stellam ostenderet adhuc 30 secundis ab orientali lunae limbo distantem, minuto scilicet temporis ante ingressum, lucem eius animaduerti omni consueta vi oculum ferire. Quantum fieri poterat attendebam, an forte dum stella proxime ad lunam accedebat, diminueretur lucis intensitas, nihil vero eius animaduvertere potui. Contra, sole iam orto, quam distinctissime vidi, stellam nullum omnino lucis decrementum passam, adgredi limbum lunae.

Ab eo momento, incipiebam quadrantes secundorum numerare, cum appareret mihi quidem inexpectatum, sed quod aliis contigisse, et sibi ipsi Lipsiae 17½ venerem in luna videnti, refert *Kaestner* Elem. Astronom. §. 190.

Scilicet, non statim evanescebat stella, sed fulgente nucleo velut ante limbum lunae transire videbatur, certe duobus aut fere tribus secundis in disco lunae conspicua, cum simul limbum lunae, et stellam, distincte viderem. Post, nullo, vel lucis vel diametri decre-

decremento, subito disparuit, fluente tempore quod dimidium secundum vix excederet.

Contigit autem ingressus stellae omnino disparentis tempore vero

7^h 32' 47'', 8

Id tamen tempus paucis secundis incertum pronuncio neque enim mihi contigit 31. Oct. aut 1. Nov. solis altitudines correspondentes nancisci, culminationem solis 1; 4; 5; 6; Nov. observaui altitudines correspondentes demum 4; 5. Emerfionem stellae, nubes sparsae occultabant. Dies qui praecedebant, nubili erat, immerfioni observandae fauebat coelum illo tempore matutino ferenum.

Haec stellae in limbo lunae visio, sitne solum tribuenda radiis in retina annulum circa distinctam imaginem formantibus, an faciat ad illam aliquid, etiam atmosphaera lunae, non definio, poterit vero haec observatio comparata cum similibus aliquid ad illustrandam hanc quaestionem conferre. Intelligitur saltim, cur lucis decrementum minus sentiatur cum fulgens stella primae magnitudinis ad lunam accedit, quam cum ad illam accedunt fixae exiguae.

JO. HIER. SCHROETER
 DESCRIPTIO
 TELESCOPII XIII PEDVM,
 ET OBSERVATIONVM EIVS OPE
 IN SATVRNO ET LVNA INSTITVTARVM.

Speculum debetur artifici felicissimo *Schradero* fratrum iuniori Professori Chiloniensi. Primum est in Germania elaboratum, et in terris sub GEORGIO III. Rege et Electore felicibus. Licebit eam ob causam Societati Regiae, de structura eius referre, et de observationibus quibus primo loco adhibitum est.

Tubus et fulcrum, ex illa ligni specie fabrefacta sunt, quae *Mahagony* dicitur, eo artificio, ut instrumentum a me solo, nullius auxilio adhibito, in quemuis situm facile collocetur, et in illo firmetur, onus autem trium ad minimum centenariorum, absque flexura aut tremore feratur, etiam mediocri vento immotum resistens. Tubus est prisma cuius sectio basi parallela est octogonum, longitudo, pedum londinensium (illis vtor) tredecim cum dimidio, diameter exterior digitorum tredecim, asserum crassities trium quartarum digiti, iuncturae in superficie interiore pluribus angulis firmatae.

Speculum cauum ex metallo albo et denso, politurae perfectae, quoduis obiectum, nativo colore exhibet. Pondus eius simul cum receptaculo quo continetur, est circiter librarum 26, diameter digitorum 10 cum semisse superficiei vero politae chorda maxima digitorum nouem cum semisse, Figura tam propinque ad parabolicam accedens, ut radii axi paralleli, remotiores et propiores ad idem punctum reflectantur. Ita augmento mediocri vsque ad 700 adhibito, integrum speculum chordae $9\frac{1}{2}$ digitorum luci aduenienti obiectum licet. Radios obiectorum propinquorum terrestrium, colligit in distantia pedum XIII digitorum IV, fixarum, in foco pedibus XII digitis VIII distante.

Specu-

Speculum vt fieri solet, eximi potest. Excogitaui tamen capsulas, quae relictum in tubo tueantur.

Fulcrum et mechanismus illi iunctus, maxime imitantur ea quae *Herschelius* telescopiis VII et X pedum adhibuit, nisi quod hic ratio habita sit oneris multo maioris ferendi et regendi, et quaedam intra minus spacium commodius peragendi.

Luminis intensitatem et augendi vim, experientia fultus, duplas iudico, earum quas septempedalis *Herschelii* mihi exhibuit, obiectis minoribus facilius reperiundis iunxi huic telescopio dioptricum achromaticum, digitorum triginta.

Primo telescopii huius vires in obiectis terrestribus tentauit, neque enim atmosphaerae conditio coelum spectare permittebat. In distantia passuum CXL lego litterarum characteres minores, apparatu qui MDCC vicibus auget, speculi superficie integra patente $9\frac{1}{2}$ digitis, absque vlla nebula.

VENIO AD COELESTIA.

I. *Saturnus.*

Ad illum telescopium hoc direxi 26. Decembris 1792 vsus apparatu qui fere tercenties auget. Planetam maxime lucidum, et distinctum spectabam, per aerem vaporibus plenum, ipsas nubes. Apparebant, Fasciae eius, australis, lata, nebulae similis, item vicina borealis, multo magis lucens reliqua saturni superficie; vtraque aequae distinctae ac Iouis fascias ope telescopiorum vidi quibus hucusque vsus sum, ea magnitudine, vt si quae loca fuissent eo tempore in Saturni superficie, aut magis lucentia, aut obscuriora, certus sim illa me non latere potuisse.

Erant autem quae prae reliquis attentione digna mihi videbantur.

Primum quidem, quod quam distinctissime apparebant, *umbrae* alia quidem, quam globus saturni, versus partes australes et boreales proiciebat in annulum, alia, quam annulus parte ad boream ante globum prominente, proiciebat in globum. Vidi enim, nihil ea de re ante cogitans, vtriusque umbrae colorem obscurum in terminos incertos desinentem interspersis pluribus exiguis inaequalitatibus, vt inprimis versus austrum et orientem, terminus lucis et umbrae in annulo, velut monticulis confitus appareret.

Comment. Mathemat. T. XI.

E

Deinde,

Deinde, Annulum duplicem vidi, interuallum annulorum lumine orbum inde a maxima sua latitudine, angustius fieri, itaque licuit oculis sequi interuallum vsque ad lineam quae illud bissecat: aliam lineam circularem obscuram, qualium plures Short memorat, non animaduerti.

Illo momento quo Saturnum contemplabar, adeo non memineram inuenti *Herscheliani*, vt duplicem annulum fallacia quadam suspicarer mihi exhiberi, donec ipse experirer, quae in recentissimo *ea* de re scripto refert *).

Interuallum obscurum, multo minus distincte apparebat in annuli dimidio *praecedente* occidentali, quam in *sequente* orientali. Id mecum *Schraderus* animaduertit, et ambo iam videramus die 2 Septembris cum speculum 12 pedum examinarem, vidi etiam postea, telescopio VII ped. hoc autem non nisi eo loco, quo latissimum apparet interuallum lumine orbum. Ea persequi atmosphaerae status non permisit.

Decembris 31. hora 5 vespert. cum ad breue tempus serenesceret, saturnum contemplabar speculo IV pedum *Herscheliano*, quod denuo poliuerat *Schraderus*; augmento CXXXIV, imagine summe distincta, certissime agnoscebam interuallum lumine orbum, sed *non nisi ea parte, qua amplissimum proiicitur, orientali.* Orientalis annuli terminus a reliqua annuli latitudine, fissura obscura velut separatus apparebat. *In parte occidentali exiguum animaduvertere licuit vestigium certitudine et distinctione multo minore.*

Ianuarii 1793; die 18; hora 6 vesp. iam telescopiis *Herschelianis* VII et IV pedum vestigium interualli lumine orbi, *utrinque* apparebat *aeque latum*, quod confirmabat telescopium XIII ped. fere CCC vicibus augens. Hoc telescopio, lumine multo fortiori, vidi id interuallum, *ab utroque extremo paulatim angustius fieri angustissimum versus boream ante medium globi, et versus austrum post globi medium, in utroque vero latere, latitudinis circiter eiusdem.*

Mutationem quam tanta euidentia telescopia plura ostenderunt, nemo fallaciam pronunciabit. Iam cum obseruationibus meis contuli citatum *Herschelii* scriptum. In illo *Herschelius* ait latitudines annulorum, interioris et exterioris esse in ratione 805 : 280, partium quibus

*) On the ring of Saturn, and the fifth satellite upon its axis. Phil. Trans. Vol. LXXXII.

quibus haec ratio exprimitur 115, tribuit interuallo lumine orbo. Addit: "Interuallum lumine orbum semper eiusdem latitudinis sibi visum esse, id non eo sensu accipi debere, vt excludantur omnino, *latitudinis mutationes exiguae* tum eius interualli, tum annuli ipsius. Tales se obseruasse, et proxime esse de illis loquuturum, haec autem discrimina, *visum fere fugientia*, forte a causis pendere quae ad scopum quem sibi iam praefixum habebat, non pertineant."

Herschelius Saturno plerumque adhibet telescopia sua maxima, pedum 20 et 40. His interuallum lumine orbum, vtcunque angustum, ob lucis quam reflectunt maiorem vim, acute semper cernitur. Minorum telescopiorum vim effugere potest id interuallum, vbi angustius est, itaque altera parte magis distingui.

Neque impedit analogia quam in operibus creatoris animaduertimus, mutationum harum aliquid, tribuere ellipticae figurae, aut eccentricitati.

Mihi ne vltius haec examinarem obfuit tempestas nubila. Maiora ab *Herschelio* expectanda sunt. Monendi quoque sunt ii quibus praestantium telescopiorum vsus concessus est.

Anni qui currit die 18 Ianuarii vidi *umbras*, globi Saturnini, et annulorum, similiter *gibbis inaequales*. Inprimis animaduerti id in vmbra, quam ad austrum et orientem globus iaciebat in exterioris annuli particulam aliquam prominentem. Plura videre tempestas impediuit.

Cum societati physicae Berolinensi obseruationes saturni exhiberem, quas anno 1790 edidit, iam suspicabar, australem saturni superficiem, aequae ac lunae australem, montium iugis asperiores esse boreali. Haec *Herschelii* obseruationes, telescopia quadraginta pedum institutae, meisque multo praestantiores, confirmant; simul annulum circa axem verti docuerunt. Iam, *umbrae in annulum proiectae*, terminus *gibbis inaequalis* globum saturni montosum esse indicat.

II. Obseruata, in lunae superficie, vbi noctem lux a terra veniens illustrat.

Telescopium XIII pedum prima vice versus lunam direxi d. 14 Ian. a. c. hora 5 vesp. cum aetas lunae esset dierum 2; horarum 7 apparatu vsus qui 136 vicibus augeret. Facies autem lunae cui nox erat, clara et distincta apparuit, apparuerunt in illa partes tum clariores tum obscuriores ipsae superficies griseae et illarum

vmbrae, iam dilutiores iam spissiores. Exigua, quae tubo septempedali, summa attentione quaerens vix reperiēbam, iam ita oculos feriebant, ac si a sole illustrata per nubes contemplerer. Ita v. c. Plato et quae ipsi vicina sunt, se mihi offerebant, illa autem dum tubo septempedali vtor, operose quaerenda sunt, nec, nisi quoad partes maiores distinguuntur.

Iam, denuo confirmabantur omnia, quae in fragmentis selenographicis et alibi scripsi; de effectu lucis a terra ad lunam reflexae. Aristarchus, Manilius, Menelaus, Seleucus, fortiori suo lumine oculos feriebant, quod quidem inde ab anno 1787 frequentius mihi contigerat, sed etiam praeter hos iam notos, multa alia minora, quae cum nossem vicinis magis splendere, tamen luce debiliore fugiebant telescopium septempedale. Illis accuratius definiendis tempus non dabat aer nubilus.

Ianuarii die 18, paucis horis ante primam quadraturam, telescopio 13 pedum, Aristarchum et exigua vicina debilius splendentia, item Grimaldi superficiem obscuram, distincte agnoscebam in parte lunae cui nox erat, septempedale certum illorum vestigium non ostendebat.

Herschelius Trans. Philos. Vol LXXXII. p. 27 refert, lunam totam in umbra telluris latentem 22 Oct 1790 observasse se telescopio XX pedum, quod 360 vicibus augeret. In pluribus disci punctis, vidisse puncta rubescente luce splendentia, exigua, quae tamen ut diutius observaret et loca illorum determinaret, lunae, etiam obscuratae splendor, non permittebat. Eorum vidit ad minimum CL, lux illarum, parum cedebat Aristarchi luci. Addit non satis notam nobis esse lunae superficiem, ut causas, splendoris, similitudinis, et coloris horum punctorum reddere valeamus.

Et ego, eandem lunam in umbra terrae merfam consideraui, telescopio meo septem pedum, vicibus 74 et 160 augente. Vidi, praeter splendentem Aristarchum ad minimum viginti puncta lucida, pleraque rotunda, lumine rubescente, quale telluris atmosphaera, lunae trans mittebat.

Quod telescopium quo utebar multo minus lucis reflecteret praestantiori illo *Herschelii*, id commodum mihi praebuit ut nullo oculorum periculo, sequi potuerim has luculas per umbram terrae transeuntes.

Ante

Ante vero, topographiae comitis nostri intentus, saepius examinaueram superficiem eius cui nox erat.

Itaque certissime agnoui in his punctis lucentibus, maiorem splendorem iugorum annulos formantium, et craterum, quorum loca, in maculis lunae notis indicabam *).

Duplo aut triplo plures agnouissem telescopio XIII pedum.

Haec iam sufficiant ostendendo, quantum augmenti Astronomia exspectet, a telescopiis praestantioribus, et adeo ab arte atque industria *Schraderi*.

*) *Berlinisches Jahrbuch für 1794; 124 S. Selenotopographische Fragmente §- 479; not. 2.*

DE
CVRVIS AEQVIDISTANTIBVS
LEGIT
ABRAHAM GOTTHELF KAESTNER
c l o c c x c i i i .

Parallelas *rectas* vocat *Euclides* quae, cum in eodem plano sint, in infinitum productae, nunquam concurrunt.

Eodem sensu, *curvas parallelas* dici non posse, manifestum est. Nam exempli causa, super eodem axe describi possunt parabola et hyperbola, versus easdem partes in infinitum excurrentes, nullum punctum commune habentes; quas nemo parallelas appellauerit.

Circuli in sphaera paralleli, intelliguntur non in eodem plano sit, sed in planis parallelis. *Theodosius* sphaericorum auctor, ne quidem definit parallelos circulos, sed vbi primo illos nominat Lib. II. Prop. I. ratiociniis vtitur, quae ad plana illorum pertinent, non ad peripherias.

Rectis parallelis contingit, perpendiculara interiecta habere aequalia, quam ob rem *aequidistantes* appellantur. Id si in curuis etiam locum habeat, easdem *aequidistantes* recte vocaueris.

Manifestum autem est, circulorum concentricorum, non puncta saltim quae sunt in eadem recta ex centro communi, perpetuo radiorum differentia distare, sed etiam tangentes ad illa puncta. Simile quid euenit parallelorum in sphaera punctis, in eodem maximo per polos sitis.

Maueamus autem in eodem plano. Quamcunque curuam in quouis puncto tangit recta, puncti quod curuam describit, directionem in illo loco exhibens. Quae huic rectae vbi tangit, perpendicularis est, normalis curuae vocatur. Igitur si in singulis normalibus inde ■ data curua, sumantur distantiae aequales, orietur curua cui eadem rectae erunt normales, et huius curuae ac datae, elementa

menta iisdem normalibus terminata, perpetuo eandem distantiam seruabunt. Hanc igitur curuam datae *aequidistantem* iure appellaueris.

Leibnitius tamen *parallelas* vocauit. Talem ducem cur non sequar causas reddidi. Egit vero de illis *Leibnitius* obiter et semel, quantum mihi constat in Actis eruditorum Lipsiensibus. Locum citauit in Prop. I. art. 55.

De la Hire ubi docet quae figurae sint dandae rotarum dentibus vt paxillos rotundos aequabiliter vrgeant, curuas ab epicycloide deducendas, indicat, non omnino describit. *Parallelas* epicycloidis, appellauit, cum ante decem annos et quod excurrit in confessu societatis de rotarum dentibus secunda vice agerem, et illarum constructiones exhiberem. (Commentat. Soc. R. Sc. T. V. ad 1782.)

Huic curuarum aequidistantium in mechanicis vsui, alium addendi anno superiore occasionem dedit *Reinhardus Woltmann* V. Cl. Reip. Hamburgensi ab Architectura hydraulica, qui olim cum Göttingae moraretur, industriam et ingenium doctoribus probauit, innotuit etiam nostrae societati dissertatione oeconomica quae praemio proposito digna iudicabatur *).

Domuum parietes, nemo ignorat terminari planis verticalibus parallelis, turrim rotundam, muro contineri cuius interior et exterior superficies, sint cylindrorum rectorum eundem axem habentium. Iam cogitetur exterior muri superficies insistere, curuae a circulari diuersae ellipticae forte; tunc, vt murus perpetuo aequae crassus sit, oportet interiorem superficiem insistere curuae, ellipsi exteriori vbique aequidistanti. Hanc, cum etiam ellipsin fore exspectaret *Woltmannus* in opere quodam construendo, quantum errauerit expertus est. Igitur me consuluit, de curuis quas translato a rectis vocabulo, *parallelas* appellabat, vt *Leibnitius*, etsi de illis scriptum aliquid esse, non nouisset.

Cum quae olim legeram repeterem, vidi *Leibnitium* docere constructiones parallelarum quae theoretico placeant, practico nihil fere profint. Si datae curuae habeatur euoluta, filo, ab eo quo curua describitur, longitudine diuerso, parallelam designat; aut, cum difficilior construatur euoluta, circulum super data curua rotat, cuius diame-

*) M. Jul. 1784; *Würde es den Landwirthen in Niedersachsen vorthailhaft seyn ihre Getreidefelder einzuschließen oder zu befriedigen.* v. Gött. gel. Anz. 1784; p. 1291.

diametro distat parallela. His autem peragendis, ne quidem figurae in charta delineatae sufficient sed laminae crassiores excindendae erunt, ad formas euolutae, et datae curvae, item discus qui super hanc rotetur. Haec, ea magnitudine quam opus ipsum habet, nemo elaborabit, si vero minoris moduli fiant, vix evitabuntur errores, dum a minori ad multo maius transitur damnofi.

Igitur rem ad calculum analyticum reducendam existimaui. Data curva determinatur per abscissas, et ordinatas illis perpendiculares. In eadem abscissarum linea, cogito, parallelas abscissas sumi, et illis perpendiculares ordinatas. Harum quamlibet ex abscissa et ordinata datae curvae computo. Ita parallelam per puncta describo, ut in praxi fere semper describuntur curvae a circulo diuersae, et ipsi arcus circulares radiorum maiorum. Specimen methodi Woltmannus, libro suo inseruit *). Iam integram plenioram edo.

Eorum, quae diagrammatibus rectilineis accidunt, multa possunt ad curvas transferri, rectis magis magisque imminutis, et angulis illarum propius atque propius ad duorum rectorum magnitudinem accedentibus. Hac methodo commode explicantur, curvarum adfectiones generales, et quaecunque obscura, imo sibi repugnantia inesse videntur, infinite paruis, ut vulgo tractantur ab iis quae neglecta graecorum geometria ad calculos festinant. Hanc ob rem primo ostendi, quales sint figurae rectilineae, quae in curvas aequidistantes transeunt.

Possunt etiam dato rectorum systemati parallelas duci, quarum distantia a rectis systematis non sit perpetuo eadem, et ita construi figurae similes aut dissimiles. Quae si in curvas abeant, tangentes ad duarum curvarum puncta sibi respondentia, parallelas sunt, sed distantia illarum non perpetuo eadem manet. Obuium est exemplum, ellipsium similium circa idem centrum, similiter positarum, quae spacium intercipiunt, latius super axibus maioribus, angustius super minoribus.

Ita duae classes curvarum aequidistantium possunt constitui, constantis distantiae aut variabilis.

Cui conuenit cum discrimine inter rectas et curvas. Rectorum parallelarum distantia constans est, quoniam illarum partes omnes sibi

*) *Beyträge zur hydraulischen Architectur, . . . v. Reinhard Woltmann. II. Band. Gött. 1792. §. 24 seq.*

sibi in directum sitae sunt, id cum aliter sit in curuis, nihil impedit illarum partes alias, alias habere distantias.

Accedit tertia classis, punctorum quae in eadem ordinata sunt, perpetuo eandem distantiam seruantium. Sed hoc modo, datae curuae eadem prodit, saltem situ parallelo promota, attamen, pro varietate constructionis, continua, vel in partes discerpta, quae tangente communi iunguntur.

Insunt his disquisitionibus non solum quae analysin exerceant, sed etiam quae ad vsum vitae humanae pertineant, nam vt retuli munimenta contra aquae vim construenda, Woltmannum curuarum parallelarum admonuerunt.

Lemma I.

1) Data recta AB positione et magnitudine, alias ducere, quarum extrema ab extremis datae aequaliter distent.

Sol. 2) Per A, B, extrema datae ducantur vtcunque rectae quae concurrant in M. In illis sumatur $AS=BT$, erunt S, T, extrema rectae ST, aequidistantia ab extremis datae.

3) Si sit $As=Bt$, maior ipsis AM, BM, habetur St vergens ad sinistram eius qui diagramma intuetur, vt TS vergit ad eius dextram. Sunt vero S, s puncta in Am recta, T, t, in BM.

4) Sequantur se plures rectae datae ABCD.. occurrant vero, ipsi BM ducta per C in N, et ipsi CN ducta per D in O, vt M, N, O, sint vertices triangulorum, quorum bases sunt rectae datae, horum autem triangulorum crura, AM, BM, BN, CN, CO, DO....

5) In quouis crurum, inde ab extremo basis per quod transit capiantur, $AS=BT=CV=DW$ minores cruribus in quibus capiuntur. Oritur series rectarum STVW conuexa versus feriem datarum (4).

6) Si vero capiantur $As=Bt=Cv=Dw$, maiores cruribus in quibus capiuntur, series stvw caua est versus feriem datarum.

7) Igitur, si manente distantia vt Dw, quae capitur in quouis crurum inde ab extremo basis, sequantur crura, illa distantia maiora, cauum (6) mutabitur in conuexum (5).

8) In his multa quae indeterminata sunt, possunt determinari; v. c. datae rectae poni aequales $AB=BC=CD...$ crus per ini-

tium cuiusvis basis transiens ipsi perpendicularare, vt $MAB = NBC = OCD$ sint recti, et sic porro.

9) Calculum trigonometriae analepticae applicare, non multi vsus videtur, en tamen eius specimen.

10) In triangulo ABM , angulorum quantitates indicentur per litteras ad eorum vertices positas, latera singulis opposita, per litteras minores eiusdem valoris. Porro fit $AS = BS = h$.

$$10) \text{ Igitur } ST^2 = (a - h)^2 + (b - h)^2 - 2 \cdot (a - h) \cdot (b - h) \cdot \cos M.$$

$$\text{Tang } MST = \frac{(a - h) \cdot \sin M}{b - h - (a - h) \cdot \cos M}$$

11) Si fit A rectus est

$$ST^2 = (a - h)^2 + (b - h)^2 - 2 \cdot (a - h) \cdot (b - h) \cdot \frac{b}{a}$$

$$\text{Et tang } MST = \frac{(a - h) \cdot \sin M}{-h \cdot (1 - \cos M)} = \frac{-(a - h)}{h} \cdot \cot \frac{1}{2} M$$

12) MST semper est obtusus, eo minor quo minor est M , vt, si M decrescere possit in infinitum, MST ad rectum accedat data quavis quantitate proprius. Et adeo, ratio $m : ST$ data quavis quantitate proprius ad rationem $b : b - h$, seu etiam $a : a - h$ quoniam $a : b$ hoc casu quavis quantitate proprius accedit ad rationem aequalitatis. Denique figura $ABTS$ proprius propiusque accedit ad trapezium parallelarum basium, cuius area $= (AB + ST) \cdot \frac{1}{2} h$
 $= \frac{(2 \cdot b - h) \cdot m \cdot h}{2 \cdot b}$

13) De triangulis quorum bases sunt BC , CD .. similia dici possunt ac (10). Si sumantur anguli illorum ad B , C .. recti, illi vero qui basibus opponuntur magis magisque imminuantur, de quouis horum triangulorum mutatis mutandis valet quod (12). ostensum est. Igitur area $ABCDWVTS$ magis magisque appropinquat ad $\frac{1}{2} h \cdot (ABCD + STVW)$.

14) Sint in (3) $Af = Bt = k$ erunt $MS = k - b$, $Mt = k - a$ quae si in 10; 11; scribantur loco $b - h$, $a - h$; formulae ibi reperiuntur abeunt in eas quae respondent triangulo Mst . Similiter dicta 12; 13; transferuntur ad seriem rectarum $stvw$. Scilicet positis

positis angulis triangulorum qui basibus opponuntur exiguis et ad A, B.. rectis habetur

Summa triangulorum

$$AMB \mp BNC \mp COD \dots$$

$$\mp sMt \mp tNv \mp vOw \dots$$

$$= \frac{1}{2} h. (ABCD \dots \mp stvw \dots)$$

15) Perpendiculara ex S et T in AB, sunt h. sin SAB; h. sin TBA. Inaequalia nisi triangulum ABM sit aequicrurum.

16) Accedunt tamen ad aequalitatem data quauis quantitate propius si angulus AMB in infinitum decreascit.

Lemma II.

Sint ZABCD... systema rectarum, quarum anguli et magnitudines dantur. Quaeritur systema illis aequidistantium A*A*C*....

1) Sint AB = a; BC = b; CD = c... anguli ZAB = α ; BAC = β ; BCD = γ ... qui singuli bissecantur.

2) Ipsi AB ducatur perpendicularis MN = k. et ducatur per N; ipsi AB parallela A*B* terminata rectis angulos α , β , bissecantibus, per B* ipsi BC parallela B*C* et sic porro. Ita obtinetur quaesitum.

Ratio rectarum interiorum ad exteriores.

3) Si cogitentur ex A* et B*, demissa in AB perpendiculara singula = k; colligitur A*B* = a - k. $(\cot \frac{1}{2} \alpha \mp \cot \frac{1}{2} \beta) =$
 $a - k. \frac{\sin \frac{1}{2} (\alpha \mp \beta)}{\sin \frac{1}{2} \alpha. \sin \frac{1}{2} \beta}.$

Similiter B*C* = b - k. $\frac{\sin \frac{1}{2} (\beta \mp \gamma)}{\sin \frac{1}{2} \beta. \sin \frac{1}{2} \gamma}$ et sic porro.

4) Quarta proportionalis ad a, b, A*B* est = b. $\left(1 - \frac{k}{a} \cdot \frac{\sin \frac{1}{2} (\alpha \mp \beta)}{\sin \frac{1}{2} \alpha. \sin \frac{1}{2} \beta}\right)$

5) Haec vt sit = ipsi B*C*, requiritur $\frac{b. \sin \frac{1}{2} (\alpha \mp \beta)}{\sin \frac{1}{2} \alpha}$
 $= \frac{a. \sin \frac{1}{2} (\beta \mp \gamma)}{\sin \frac{1}{2} \gamma}$

6) Duae rectae interiores, cum parallelae sint exterioribus, continent angulum $A^*B^*C^* = \beta$. Igitur, si in eadem ratione sint ac exteriores, possunt esse in perimetro figurae interioris, similis exteriori.

7) Possunt autem rectae exteriores contiguae, et anguli illarum, ita sumi ut locus non sit aequalitati (ζ).

8) Igitur figura interior (6) dissimilis esse potest exteriori, licet singula eius latera, perpetuo eandem distantiam seruent, a lateribus similiter sitis figurae exterioris.

9) Si vero sit $a = b$; $\alpha = \beta = \gamma$; locum habet aequalitas (ζ). Igitur, si figura exterior est regularis, interior semper est regularis ipsi similis.

Item interior exteriori est similis si (ζ) aliis modis obtineatur.

10) Concurrant AA^* et BB^* in K. Est $BK = \frac{a \cdot \sin \frac{1}{2} \alpha}{\sin \frac{1}{2} (\alpha \mp \beta)}$

11) Punctum in quo concurrunt BB^* et CC^* distat a B, quantitate $\frac{b \cdot \sin \frac{1}{2} \gamma}{\sin \frac{1}{2} (\beta \mp \gamma)}$

12) Quae distantia, si aequetur ipsi BK (10), hoc est, si tres rectae AA^* , BB^* , CC^* concurrant in eodem puncto K, obtinet aequalitas (ζ) et aequidistantium duarum interiorum, eadem est ratio ac exteriorum.

13) Igitur, si bissecantes angulos ut $ABC = A^*B^*C^*$ rectae omnes, concurrant in vno eodemque puncto, K, est illud punctum, in figuris, exteriori et interiore, similibus, similiter positum, ex quo diuiduntur in triangula similia, basium quantitate constante aequidistantium.

14) Figuram cuius anguli singuli bissecantur a rectis in vno puncto concurrentibus, non necessario esse regularem, vel solo rhombi exemplo illustratur.

15) $AA^* = k \cdot \operatorname{cosec} \frac{1}{2} \alpha$; $BB^* = k \cdot \operatorname{cosec} \frac{1}{2} \beta$. Hae rectae igitur inaequales sunt, nisi triangulum AKB sit aequicrurum. Quo differt hoc Lemma, a Lem. I.

16) Si decrescat angulus AKB, ad aequalitatem accedunt rectae (15) et data quantitate propius si angulus diminuatur in infinitum.

17) Igitur si recta AB abeat in elementum curvae alicuius eodem redeunt Lem. I. 16; et praesens II. 16.

Lemma III.

Lemma III.

Duabus rectis AB, BC parallelas ducere, MN, NO, sic vt distantia inter AB, MN, non sit aequalis distantiae inter BC, NO.

1) Ducatur BK vtcunque, sic tamen, vt non bissecet angulum ABC, ducantur etiam KA, KC. Per N vtcunque sumtum in BK, ducantur ipsi BA, BC, parallelae NM, NO; Illarum distantiae ab exterioribus, sunt BN. sin KBA, BN. sin KBC inaequales per constr.

2) Intra figuram aliquam rectilineam, sumatur K punctum a quo ductae rectae ad singula puncta angularia figurae, saltem non singulos angulos bissecent.

3) Per punctum in vna harum rectarum vtcunque sumtum, vt N, ducantur parallelae lateribus quorum angulum secant rectae ex K, et per punctum in quibus hae parallelae occurrunt rectis ex K ad adiacentes vtrinque figurae angulos ductis, aliae parallelae lateribus figurae, angulos illos continentibus. Ita oritur interior figura similis exteriori, latera habens lateribus exterioris parallela, sed non perpetuo eodem interuallo distantia.

4) Lemma I. dat figuras *dissimiles*, quarum, interioris et exterioris, laterum *extrema puncta* constantem seruant distantiam: Lemma II; itidem tales figuras dissimiles, quarum *latera ipsa* constanti quantitate distant. Lemma III; similes figuras, quarum latera parallela sunt, distantia variabili.

5) Si figura exterior sit regularis, et ex centro eius ducantur rectae ad singulos angulos; intra has autem construantur figurae secundum praecepta cuiusuis horum lemmatum, constructae sunt regulares, similes exteriori.

Prop. I.

In curuae datae normali quauis, capiatur inde a curua, recta longitudinis datae perpetuo eadem, ad easdem curuae partes; quaeritur curua quae est locus punctorum sic determinatorum. fig. 1.

Sol. 1) Data sit curua AM, cuius sint coordinatae rectangulae $AP = x$; $PM = y$, subnormalis $PO = \frac{y \cdot dy}{dx}$ normalis $MO = \frac{y \cdot ds}{dx}$

2) Sit $MH = \text{constans } h$; quaeritur locus punctorum H.

F 3

3) Fi-

3) Figura, exhibet curuam datam, cauam versus axem, cui occurrit in initio abscissarum, MH vero capi versus eas partes ubi caua est curua, et esse minorem normali.

4) His suppositis immediate aptantur formulae, alia, non aliam methodum postulant, sed mutationes quantitatum in oppositas.

5) Demissum ex H in axem perpendiculum sit $HI = q$; item $AI = p$; quae sunt coordinatae rectangulae curuae quaesitae.

6) $MO:MH = OP:PI$, vnde $PI = \frac{h \cdot dy}{ds}$ et $p = x \mp \frac{h \cdot dy}{ds}$

7) $MO:MP = OH:HI$ hoc est

$$ds:dx = \frac{y \cdot ds}{dx} - h:q \text{ vnde } q = y - \frac{h \cdot dx}{ds}$$

8) Ita pro quouis M, computantur p, et q. Aut in ducta normali capitur MH.

9) Tangens ad M inclinetur ad axem angulo acuto $MTP = \zeta$; eius complementum est MOP angulus normalis cum axe.

Si cogitetur per H, axi parallela, intelligitur fore

$$\begin{aligned} p &= x \mp h \cdot \sin \zeta \\ q &= y - h \cdot \cos \zeta \end{aligned}$$

10) Si detur aequatio algebraica inter x et y, eliminantur in 6; 7; differentialia per coordinatas curuae datae; Igitur aequationes (6; 7) continent non nisi quatuor variables p; q; x; y; His aequationibus si iungatur aequatio algebraica pro curua data, ex tribus aequationibus eliminantur duae variables x; y, et obtinetur aequatio algebraica inter p et q. Si vero curuae datae non habeatur aequatio algebraica, non eliminantur differentialia.

Itaque quaesita curua, simul cum data, est algebraica vel transcendens.

11) Ponatur ds constans, igitur $ddx = - \frac{dy \cdot ddy}{dx}$

12) Hinc $dp = dx \mp \frac{h \cdot ddy}{ds}$; et $dq = dy - \frac{h \cdot ddx}{ds} = dy$
 $\left(1 \mp \frac{h \cdot ddy}{dx \cdot ds}\right) = \frac{dp \cdot dy}{dx}$

MH

MH esse normalem utrique curvarum.

$$13) \text{ Quaesitae subnormalis est } \frac{q \cdot dq}{dp} = \frac{y \cdot dy}{dx} - \frac{h \cdot dy}{ds} \quad (7; 12)$$

Sed $IO = x \mp \frac{y \cdot dy}{dx} - p = \frac{y \cdot dy}{dx} - \frac{h \cdot dy}{ds} \quad (6)$. Ergo IO est quaesitae subnormalis.

Elementum longitudinis curvae quaesitae.

$$14) \text{ Est } = \sqrt{(dp^2 \mp dq^2)} = \frac{dp \cdot ds}{dx} \quad (12) = ds \mp \frac{h \cdot ddy}{dx}$$

15) In hypothese (11) est angulus curvaturae curvae datae $= -\frac{ddy}{dx} = \mp \frac{ddx}{dy}$, quod deducitur ex iis quae docui *Anfangsgr.*

d. Analys. d. Unendl. §. 512; II. posita curua versus axem caua.

16) Ex notione quam dedi anguli curvaturae, $\mp \frac{ddy}{dx}$ est angulus quem continet tangens ad M , cum alia tangente ad illud punctum vbi ponitur initium integralis.

17) Ad initium abscissarum vbi ponitur evanescere integrale (16) curua cum axe contineat cngulum $= \tau$; est integrale $= \tau - \zeta \quad (9)$.

18) Et $= 90^\circ - \zeta$; si curua in initio abscissarum sit axi perpendicularis qua hypothese in sequentibus vtor.

19) Quo casu (18) capta $AF = h$; est curua $FH =$ curvae $AM - h \cdot (90^\circ - \zeta)$.

Elementum Areae contentae inter curuas.

$$20) \text{ Est } MmhH = MH \cdot \frac{1}{2} \cdot (Mm \mp Hh) = \frac{1}{2} h \cdot \left(2 \cdot ds \mp h \cdot \frac{ddy}{dx} \right) \quad (14) = h \cdot ds \mp \frac{1}{2} h^2 \cdot \frac{ddy}{dx}$$

$$21) \text{ Itaque in (19) est area } AFHM = h \cdot s - \frac{1}{2} h^2 \cdot (90^\circ - \zeta).$$

Puncti F (19) determinatio ex (6; 7).

22) In hypothese (18) ad A vbi coordinatae curvae datae evanescunt, est $dy = ds$ et $\frac{dx}{ds} = 0$. Igitur ibi $p = h$ et $q = 0$.

Quoties

Quoties q evanescat?

23) Primo ad $p = h$ (22). Deinde (7) ad $y = \frac{h \cdot dx}{ds}$ vbi normalis $= h$ (1).

24) Sumatur curua data talis, vt eius normales inde ab A perpetuo crescant.

25) Tunc, si sit h minor normali ad A, erit etiam minor sequentibus omnibus, et nunquam habetur conditio qua q secundo evanescat (23).

26) Obtinet vero, si sit h maior normalibus quae pertinent ad initium curuae datae.

Radius curvaturae, curuae datae, adhibitus illustrandae figurae aequidistantis.

27) Posita curua data in A axi normali, ceterum versus illum caua, et simul crescentibus coordinatis eius; item radiis curvaturae.

28) Sit K centrum curvaturae arcus Mm, adeoque $MK = mK = z$, radius curvaturae fig. 2.

29) Illo minor sit $MH = mh$. Manifestum est, si perpendiculo ex HA in axem demisso, secari axem in puncto ipsi A propiore, quam si perpendiculo ex h demisso.

30) Contra, sit $MH^* = mh^*$ maior radio curvaturae.













Tunc perpendiculum ex H^* , secat axem in puncto remotiore ab A, quam perpendiculum ex h^* .

31) Igitur, crescente x , crescit, aut decrescit p , prouti h minus aut maius est radio curvaturae.

32) Posito ds constante, radius curvaturae est $z = \frac{dy \, ds}{dx}$
 $= - \frac{dx \cdot ds}{dy}$. (An. d. Unendl. §43; III.)

33) Igitur in (12) $dp = dx \cdot \left(1 - \frac{h}{z}\right)$ Posituum aut negativum, prouti h minus aut maius est radio curvaturae (31). Evanescens si $h = z$, quod etiam docet fig. 2; cadente H in K.

34) Etiam in (12) $dq = dy \cdot \left(1 - \frac{h}{z}\right)$ crescente y posituum; posituum, negativum, evanescens pro iisdem conditionibus ipsius h .
 Est



Kaestner, de curv. acquid.
Coment. Vol. XI.

Est autem $\frac{dq}{dp} = \frac{dy}{dx}$ (12). Vnde, si euanescat dy prae dx , euanescit etiam dq prae dp . Scilicet tunc axi parallelae sunt, data curua, et aequidistans.

35) Positis (27) sit fig. 3 in axe $AF = h$ maior radio curuaturae in illo loco. Normales curuae datae ad puncta initio propinqua, exiguos angulos cum axe continent. Itaque sumta in illis h , definiunt aequidistantis puncta infra axem posita, quibus adeoque respondent q negatiua et p decrefcentia. Ita oritur aequidistantis arcus FG , cuius q , cum semel negatiua sint, et differentialia habeant negatiua (34) definiunt puncta magis magisque infra axem depresso. Illorum infimum est G ; vbi h seu $gG =$ radio curuaturae in g , et AE est omnium p minimum (33).

36) Hic arcus cauitatem obuertit cauo curuae datae Ag , quoniam eius arcus elementa inde ab F ad G , parallela sunt elementis arcus curuae datae, inde ab A ad g . Haec illustrat Lemma I. art. 6.

37) Postea, cum radii curuaturae maiores fiunt ipso h , nascitur aequidistantis arcus inde a G , cui respondent p inde a minimo (35) perpetuo crescentia. Eius arcus puncta priora, manifestum est, esse infra axem, donec axi occurrat in C vbi normalis $cC = h$ (23).

Scilicet propter dq positiua (34) primo aequidistans infra axem propius accedit ad axem, deinde cum supra illum emerfit continuo magis magisque ab illo recedit.

38) Hunc aequidistantis arcum inde a G , conuexum esse versus curuam ex opposito art. 36 intelligitur et illustratur Lem. I. art. 7.

Longitudo aequidistantis.

39) Est in hypothesi (35) $FGCH$.

Area.

40) Est (20) summa trapeziorum $MmhH$. Horum bases quae sunt elementa aequidistantis, reperiuntur in arcubus FG et GC .

41) Quae particulae horum trapeziorum simul pertineant ad spacium cauis datae et aequidistantis interiectum et ad illud quod cauo datae et conuexo aequidistantis intercipitur, id qui operae precium facturum se iudicat, in quouis exemplo curatius examinabit.

Aequidistans exterior.

42) Cape fig. 4 $AF = MH = h$ ad partes conuexas curuae datae. Coordinatas vtriusque curuae appella vt ante.

$$43) \text{ Est } HO = \frac{y \cdot ds}{dx} \mp h \text{ vnde}$$

$$p = x - \frac{h \cdot dy}{ds}$$

$$q = y \mp \frac{h \cdot dx}{ds}$$

Formulae (7) posito h negatiuo.

44) Conditiones curuae datae pono easdem ac (35). Itaque pro x paruis, I cadet ad partes conuexas curuae datae. Pro $x=0$ est $p = -h = AF$.

Haec p negatiua decrescunt, et I cadit in A vbi $x = \frac{h \cdot dy}{ds}$

$$45) \text{ Est } dp = dx - \frac{h \cdot ddy}{ds} = dx \cdot \left(1 \mp \frac{h}{z}\right)$$

$$dq = dy \mp \frac{h \cdot ddx}{ds} = dy \cdot \left(1 \mp \frac{h}{z}\right)$$

46) Igitur p negatiuum, perpetuo diminuitur, positium perpetuo crescit, q , inde ∞ perpetuo crescit.

47) Ita ad aequidistantem exteriorem non pertinet discrimen inter h maius vel minus radio curuaturae (35).

48) Aequidistans exterior semper est caua versus datam curuam.

49) Elementum longitudinis (vt 14) hic est $= ds - \frac{h \cdot ddy}{dx}$; vnde propter $f - \frac{ddy}{dx} = 90^\circ - \zeta$ (18) habetur aequidistantis exterioris longitudo $= s \mp h \cdot (90^\circ - \zeta)$.

50) Resoluuntur autem arcus, datae curuae et aequidistantis exterioris, vt (20) in elementa sibi respondentia bases parallelas trapeziorum altitudinis fig. 4 h . Igitur arca $AFHM$

$$\text{est} = \frac{1}{2} h \cdot [2 \cdot s \mp h \cdot (90^\circ - \zeta)] \\ = h \cdot s \mp \frac{1}{2} h^2 \cdot (90^\circ - \zeta)$$

51) Si

51) Si in (21) scribatur $-h$ loco $\mp h$ prodit valor negatiuus reperti (50). Quoniam areae (21; et 50) ad oppositas partes curuae datae sitae sunt.

Parallelae descriptio ad euolutionem reducta.

52) Sit fig. 5 datae AM euoluta DK, adeoque AD radius curuaturae ad initium curuae datae. Igitur $MK = AD \mp DK$ et $HK = AD - h \mp DK$. Vt igitur data curua describitur filo $AD \mp DK$ in rectam MK extenso, ita parallela describitur, filo $AD - h$, in rectam HK extenso.

53) Sit AF maior quam AD. Fig. 6. Sint porro radii curuaturae, $\mu\kappa$ minor quam h , $gG = h$; porro $\mu n = h$, cadente n in tangentem euolutae ad κ , productam. Fig. 6.

54) Erit $n\kappa = h - \mu\kappa = h - AD - DK$.

Hic curua data $A\mu$ describitur filo $AD \mp DK$ in rectam $\mu\kappa$ extenso.

Pro parallela vero, cogitari oportet rectam rigidam constantis magnitudinis $= h$, primo in situ ADF, ita motam, vt perpetuo tangat euolutam, illo autem extremo quod sub initium erat in A, describat datae curuae arcum $A\mu$, ita alterum extremum describet parallelae arcum Fn .

Cum prius extremum peruenit in g, descriptus erit arcus parallelae versus datam cauus integer Fng .

55) G. G. L. (Gothofr. Guil. Leibnitius) De nouo vsu centri grauitatis ad dimensiones, et speciatim pro areis inter curuas parallelas descriptis seu rectangulis curuilineis, et de parallelis in vniuersum egit in *Act. Erud. Lipsf.* 1695; p. 93. Scriptum insertum est operibus Joannis Bernoullii T. I. n. 29; p. 253.

56) Parallelas definit, lineas aut superficies, quarum interualla minima scilicet, vbique sunt aequalia. Illas monet euolutione describi, et figuram inter duas parallelas earumque interualla extrema minima contentam (vt AFHM fig. 5) rectangulum appellat.

57) Meminit etiam theorematis Jo. Bernoulli, quo docetur, euolutione eiusdem fili, aut punctis regulae curuam aliquam perpetuo tangentis [vt mihi (54)] condescriptis parallelis, arcuum illarum

summam aequari arcui sectoris circularis intercepti inter duos radios aequales filo vel regulae extremis suis punctis binos illos arcus describenti, et parallelos ipsi extremis sitibus fili; siquidem conuexitatem vertant ad easdem partes, differentiam si ad oppositas.

58) Horum prius redit ad ea quae ostendi (17..19) esse curuam AM — curua $FH = h. (\tau - \zeta)$, alterum, pro arcubus Ag, FG (fig. 5) similiter deducetur ex (35).

59) Alium modum, datae curuae parallelam describendi, ibidem ostendit Leibnitius. Sit fig. 7 $MH = h$ perpendicularis curuae datae, describatur circulus super hac diametro, is, super curua data volutus extremo diametri suae, datae curuae in quouis loco perpendicularis, describet parallelam.

60) Hanc methodum euolutioni praefert Leibnitius quod facilius circulus describatur quam euoluta, eo tamen vitio ait laborare quod non possit parallela per datum punctum describi. Scilicet non animaduertit, quod ex dato quouis puncto possit perpendicularis duci in curuam quamuis saltim algebraicam, et haec perpendicularis sumi pro diametro circuli qui rotetur. Id monuit Jo. Bernoullius in scripto: supplementum defectus Geometriae Cartesianae... Act. Erud. 1696. p. 264 in Oper. T. I. n. 30.

61) Euolutionem qua simul duae curuae describuntur, a duobus punctis datis in recta quae perpetuo tangit euolutam, considerat etiam l'Hospital, *Analyse des infiniment petits* Section IX. Lemme art. 166. Ibidem etiam docet quando curuae simul descriptae caua sibi obuertant, quando vna illarum, conuexum cauo alterius.

Varignon sur l'usage que la Méchanique peut avoir en Géométrie, Mem. de l'Ac. d. Sc. 1714 inprimis explicat quae de vsu centri grauitatis Leibnitius (55) absque demonstratione tradiderat. Itaque habet etiam quaedam ad parallelas pertinentia.

Prop. II.

Curua data sit parabola Neiliana.

$$1) \text{ Igitur } y = a^{\frac{1}{3}} \cdot x^{\frac{2}{3}}; \quad x = y^{\frac{3}{2}} \cdot a^{-\frac{1}{2}} \quad dx = \frac{3}{2} \cdot dy \cdot \sqrt{\frac{y}{a}}; \quad dy = \frac{2}{3} \cdot \left(\frac{a}{x}\right)^{\frac{1}{3}} \cdot dx; \quad ds = dy \cdot \sqrt{\left(1 \mp \frac{2}{4} \cdot \frac{y}{a}\right)} = dy \cdot \sqrt{\frac{4a \mp 9y}{4a}}$$

2) Sub-

2) Subtangens $= \frac{3}{2} \cdot x$; subnormalis $= \frac{2}{3} \cdot \sqrt{a \cdot y}$; Normalis
 $= \frac{\sqrt{(9 \cdot y^2 \mp 4 \cdot a y)}}{3}$ quam dicam $N = \sqrt{y} \cdot \frac{\sqrt{(4 \cdot a \mp g \cdot y)}}{3}$

3) Propter $\frac{y}{x} = \sqrt[3]{\frac{a}{x}}$ curua ad initium abscissarum est perpendicularis, ceterum perpetuo versus axem caua (*Analys. des Unendlichen* §. 526).

4) Cuius abscissae respondet vnica ordinata possibilis positua, et ordinatae aequales respondent abscissis situ inde ab initio abscissarum oppositis, ceterum aequalibus. Igitur parabola, supra lineam abscissarum, vbi sumuntur ordinatae posituae, inde ab initio abscissarum ad partes oppositas abit in infinitum duobus cruribus similibus et aequalibus, quae sibi obuertunt conuexitates.

5) Tangentes ad A et M occurrant sibi in R, est tang TRA =
 tang TMP $= \frac{3}{2} \cdot \frac{x}{y} (2) = \frac{3}{2} \cdot \sqrt[3]{\frac{x}{a}} (1)$

6) Longitudo curuae AM est (*Analys. des Unendl.* 268)

$$= \frac{8a}{27} \cdot \left(\left(1 \mp \frac{9}{4} \cdot \frac{y}{a} \right)^{\frac{3}{2}} - 1 \right)$$

$$= \frac{8a}{27} \cdot \left(\left(1 \mp \frac{9}{4} \cdot \left(\frac{x}{a} \right)^{\frac{2}{3}} \right)^{\frac{3}{2}} - 1 \right)$$

7) Est vero $\frac{\sqrt{(4a \mp 9y)}}{2\sqrt{a}} = \frac{3 \cdot N}{2 \cdot \sqrt{ay}} (2)$ vnde longitudo curuae
 $= \frac{8a}{27} \cdot \left(\left(\frac{3 \cdot N}{2 \sqrt{ay}} \right)^3 - 1 \right)$

8) Ex (2) $\frac{N}{\sqrt{y}} = \frac{\sqrt{(4 \cdot a \mp 9 \cdot y)}}{3}$ quod posito $y = 0$ abit in $\frac{2\sqrt{a}}{3}$
 Qui valor est fractionis ad sinistram signi aequalitatis, cum euanescent eius numerator atque denominator.

9) In formulis sequentibus pono $a = 1$. Dimensiones semper possunt restitui.

10) $AO = x \mp PO = (y \mp \frac{2}{3}) \cdot \sqrt{y}$.

11) *Angulus normalis cum axe* feu MOP, dicatur $= \phi$, est tang
 $\phi = \frac{PM}{PO} = \frac{3}{2} \sqrt{y}$. Is angulus, complementum est anguli quem
 tangens continet cum axe.

Differentialia secunda posita ds constante.

$$12) \text{ Ex (1) } 2. ds = dy. (4 \mp 9. y)^{\frac{1}{2}}$$

$$\text{Igitur } 0 = \frac{\frac{1}{2} \cdot 9 \cdot dy^2}{\sqrt{(4 \mp 9 y)}} \mp ddy. \sqrt{(4 \mp 9 y)}$$

$$\text{Vnde } ddy = - \frac{\frac{9}{2} \cdot dy^2}{4 \mp 9 y}$$

Angulus curvaturae.

13) Est excessus anguli quem cum axe continet tangens ad punctum aliquod, supra angulum quem continet tangens ad punctum respondens abscissae proxime maiori, hoc est; est differentiale *negativum* anguli quem cum axe continet, tangens, dictarum prior hoc est differentiale *positivum* complementi huius anguli, et ad

$$= \mp d\phi = \frac{\frac{3}{4} dy}{\sqrt{y} \cdot (1 \mp \frac{9}{4} y)} (11) = \frac{3 \cdot dy}{(4 \mp 9 y) \cdot \sqrt{y}}$$

Radius curvaturae = z.

$$14) \text{ Posito } ds \text{ constante est ille} = \frac{ds}{\text{ang curuat}} \text{ adeoque (1; 13)}$$

$$z = \frac{(4 \mp 9 y)^{\frac{3}{2}} \cdot \sqrt{y}}{6} \text{ quod etiam deducitur ex } \textit{Analys. des Unendl.} \text{ } \S 53; \text{ IV.}$$

15) Ex (2) est $z = \frac{(4 \mp 9 y) \cdot N}{2}$. Itaque, semper radius curvaturae maior est duplo normalis.

16) Ad initium parabolae radius curvaturae est infinite exiguus, quod monui *An. d. Un* 550. Scilicet parabola sub initium celerrime curvatur, minus minusque quo magis progreditur, cum crescant simul y et z.

$$17) \text{ Posito } y=1 \text{ vbi et } x=1, \text{ est } N = \frac{1}{3} \sqrt{13} = 1,2018504 \text{ et } z$$

$$= \frac{13 \cdot \sqrt{13}}{6} = 7,8120278.$$

18) Cum

18) Cum radio curvaturae quantitatis datae *unica* respondeat ordinata (16) reperitur illa tentando ex (14) vbi prodest (15).

19) Quaeratur radius curvaturae = 1.

20) Si ponatur $y = 0,1$ fit $N = \frac{1}{2} \cdot \sqrt{0,49} = \frac{0,7}{2}$; $z = \frac{4,9}{2} \cdot \frac{0,7}{3}$
 $= 0,571$. Vnde pro (19) ordinata augenda est.

21) Fac $y = 0,191$; $4 \mp 9 \cdot y = 5,719$

$$\log (4 \mp 9 \cdot y) = 0,7573201$$

$$\text{dimid} = 0,3786600$$

$$\frac{1}{2} \log y = 0,6405167 - 1$$

$$0,7764968$$

$$\log 6 = 0,7781513$$

$$\log z = 0,9983455 - 1$$

22) Fac $y = 0,192$; $4 \mp 9 \cdot y = 5,728$

$$\log (4 \mp 9 \cdot y) = 0,7580030$$

$$\text{dimid} = 0,3790015$$

$$\frac{1}{2} \log y = 0,6416506 - 1$$

$$0,7786551$$

$$\log 6 = 0,7781513$$

$$\log z = 0,0005038$$

23) In (21) est $\log y = 3,2810334 - 4$

$$\text{dimid} = 1,6405167 - 2$$

$$\log x = 0,9215501 - 2$$

In (22) $\log y = 1,2833012 - 2$

$$\text{dimid} = 0,6416506 - 1$$

$$\log x = 0,9249518 - 2$$

24) Ita 21..23; refondent sibi

y	0,191	0,192
x	0,083473	0,084130
z	0,99619	1,0011

25) Adeoque radius curvaturae quaesitus (19) respondet ordinatae cadenti inter 0,191 et 0,192. Exhibui calculos qui hos limites definiunt. Antequam ad eos peruenirem, valores ordinatae sumsi: 0,2; 0,15; 0,17; 0,19; 0,195; 0,194; 0,193. Quam facilia sint haec

haec tentamina, docent calculi exhibiti. Iphis limitibus (24) ad decemillesimas coarctandis logarithmi sufficiunt.

Aequidistans.

26) Ex prop. I. 6; et hic (1) est

$$p = x \pm \frac{2. h \sqrt{a}}{\sqrt{4a \pm 9y}}$$

$$= x \pm \frac{2. h. \sqrt{(a. y)}}{3. N} \quad (2)$$

27) Item $q = y - \frac{3. h. \sqrt{y}}{\sqrt{4a \pm 9. y}}$

$$= y - \frac{h. y}{N}$$

28) Posito $y=0$; fit $p=h$; $q=0$; quod pro valoribus ipsorum p , q , per N expressis colligitur ex (8).

29) p perpetuo est positivum, et maius ipso x . Sed q evanescit, non solum casu quem (28) indicat, sed etiam si $h=N$.

30) Haec conditio dat (2) $gh^2 = 4. a. y \pm 9y^2$

$$\text{Vnde } y = \frac{\sqrt{(4. a^2 \pm 81. h^2)} - 2. a}{9}$$

31) Signo negativum ante quantitatem radicalem locus non est, quia ipsius y non datur valor negativus (4).

32) Hunc autem ipsius y valorem qui reddit $N=h$; dicam c . Illi respondet $x = \sqrt{\frac{c^3}{a}}$

33) Item (26) $p = \sqrt{\frac{c^3}{a}} \pm \frac{2}{3}. \sqrt{a. c}$

34) Quantumcunque sit h , est illud semper maius radiis curvaturae qui pertinent ad initium parabolae (16). Itaque vi (Prop. I. 31) sub initium p decrescit a valore $=h$ (28) donec fiat radius curvaturae parabolae $=h$. Si determinetur y respondens illi radio curvaturae; ex hoc y , formula (26) computatur p minimum. Maioribus y , respondent radii curvaturae maiores (16) et adeo p perpetuo crescentia (Prop. I. 30).

35) Quam-

35) Quamdiu normalis minor est ipso h , tamdiu q est negativum (28). Igitur sumtis in axe, $AF = h$, $AE = p$ minimo (34) $AC = p$ computato ex c (32); Aequidistantis origo statui potest in F , a quo puncto propius accedit ad perpendicularum in axem per A ductum, arcu FG , vbi $h = gG$ est radius curvaturae curvae datae in g ; ab hoc puncto G , recedit a perpendicularo quod dixi arcu GC , inde a C supra axem extenditur. Parabolae Neilianae, cauitatem obuertit arcus FG ; conuexitatem, GCH . Omnia ex Prop. I. 35. sq.

Exemplum.

36) Sit $h = 1 = a$; igitur

$$p = x \pm \frac{2}{\sqrt{4 \pm 9y}}$$

$$q = y - \frac{3\sqrt{y}}{\sqrt{4a \pm 9y}}$$

37) In (30) est $c = \frac{\sqrt{85} - 2}{9} = 0,8021716$

$$\log c = 0,9042672 - 1$$

$$\frac{1}{2} \log c = 0,9521336 - 1$$

$$\log c\sqrt{c} = 0,8564008 - 1$$

vnde abscissa parabolae (31) = 0,71845.

Item $\sqrt{c} = 0,89564$ cuius

duae tertiae = 0,59709

abscissa = 0,71845

$$(33) AC = 1,31554$$

38) Cum in calculis frequenter occurrat $\sqrt{4 \pm 9y}$ loco eius scribatur r .

39) Ordinatum parabolae cui respondet radius curvaturae = 1; fumo = 0,192 (24). Ibidem habetur, illi ordinatae respondens abscissa.

Igitur $\log 2 = 0,3010300$

$$\log 1 = 0,3790015$$

$$\log \frac{2}{1} = 0,9219285 - 1$$

Comment. Mathemat. T. XI.

H

$\log 3$

$$\begin{array}{r}
 \log 3 = 0,4771213 \\
 \frac{1}{2} \log y = 0,6416506 - 1 \\
 \hline
 0,1187719 \\
 \log r = 0,3790015 \\
 \hline
 \log \frac{3\sqrt[3]{y}}{r} = 0,7397704 - 1 \\
 \text{Vnde } x = 0,084130 \\
 \frac{2}{r} = 0,83566 \\
 \hline
 p = 0,91979 \\
 y = 0,192 \\
 - \frac{3\sqrt[3]{y}}{r} = -0,54925 \\
 \hline
 q = 0,35725
 \end{array}$$

40) Hoc igitur p est minimum (34) et illi respondens q , distantia maxima aequidistantis infra axem. Ab illo puncto curua continuo magis magisque recedit a perpendiculari in A , simul perpetuo conuexitatem obuertit cavitati parabolae.

41) Sit G illud infimum aequidistantis punctum, erit aequidistans $FGCM$.

42) Spacio inter illam et parabolam contento bis inest nominatum Prop. I. 41. Cui accuratius definiendo tempus iam non impendo.

43) Subiicio tabulam quae inprimis plura puncta arcuum FG , et $Gi...$ determinat.

y	x	p	q negatiuum
0	0	1	0
0,1	0,031622	0,9351	0,32758
0,15	0,058084	0,92275	0,35233
0,19	0,082819	0,91978	0,35724
0,191	0,083473	idem	0,34971
0,192	0,084130	idem	0,35725
0,2	0,089442	0,91989	0,35708
0,3	0,16431	0,93697	0,33481
0,4	0,25298	0,97845	0,28824
0,45	0,30186	1,00676	0,25925
0,49	0,343	1,03265	0,23413
0,5	0,35355	1,03954	0,22760

44) Cal-

44) Calculos hos subdixi in primis vt eruerem quae circa p minimum contigunt. Tribus ipsius y valoribus respondet p in centum millesimis idem, partibus minoribus computandis, tempus non impendi. Iam exemplum pro ordinata parabolae maiore exhibeo.

45) Sit $y = 100$; $x = 1000$; subnormalis $= \frac{20}{3}$; normalis $\frac{10}{3}$.
 $\sqrt{904} = 100,221975$.

46) Tang TMP (ζ) = tang MOP = 15, angulus = $86^\circ 11' 10''$,
 vt colligitur ex cot MOP = $\frac{1}{15}$.

47) Longitudo = $\frac{8}{27} \cdot (\sqrt{226^3} - 1)$.

$$3. \log 226 = 7,0623252$$

$$\text{dimid.} = 3,5311626$$

$$\log \frac{8}{27} = 0,4717262 - 1$$

$$3,0028888$$

respondens numerus = 1006,67

$$\text{ex logarithmo; } \frac{8}{27} = 0,296296$$

$$\text{longitudo} = 1006,38$$

48) Chorda = $\sqrt{(y^2 \mp x^2)} = 100$. $\sqrt{101} = 100,498756$. Ex formula longitudinis patet, pro ordinatis ab initio parabolae remotioribus, arcum minus minusque excedere chordam, quoniam parabola minus minusque curuatur (16).

49) Pro aequidistante; $4 \mp 9y = 904$

$$\text{Igitur } \log 2 = 0,3010300$$

$$\log r (38) = 1,4780842$$

$$\log \frac{2}{r} = 0,8229458 - 2$$

$$\log 3. \sqrt{y} = 1,4771213$$

$$\log r = 1,4780842$$

$$\log \frac{3\sqrt{y}}{r} = 0,9990371 - 1$$

$$x \mp \frac{2}{r} = p = 1000,066529$$

$$y - \frac{3\sqrt{y}}{r} = q = 100 - 0,99778 = 99,00222$$

50) Ex (46) est in partibus radii, $90^\circ - \zeta$ (Prop. I. 18.)
 $= 1,5042314...$

51) Igitur neglecto (42) spacium interceptum inter parabolam et
 aequidistantem est vi (Prop. I. 21)

$$\begin{array}{rcl} \text{longitudo (57)} & = & 1006,38 \\ - \frac{1}{2} (90^\circ - \zeta) \text{ (60)} & = & - 0,75 \\ \hline & & 1005,63 \end{array}$$

qui numerus ductus in quadratum parametri dat aream quaesitam.

Prop. III.

Curua data sit parabola Apolloniana fig. 5.

1) Igitur $y^2 = b \cdot x$; $dx = \frac{2 \cdot y \cdot dy}{b}$; $ds = dy \cdot \frac{\sqrt{(b^2 \mp 4 \cdot y^2)}}{b}$;
 subtangens $= 2 \cdot x$. subnormalis $= \frac{1}{2} \cdot b$, normalis $= \frac{1}{2} \sqrt{(b^2 \mp 4 \cdot y^2)}$
 $= N$, tang MOP $= \frac{2 \cdot y}{b} = \cot \zeta$ (Prop. I. 18).

2) Longitudo parabolae, seu arcus AM $= \frac{y \cdot N}{b} \mp \frac{1}{4} \cdot b \cdot \log \text{nat}$
 $\left(\frac{2 \cdot (N \mp y)}{b} \right)$

3) Posito ds constante est $ddy = - \frac{4 \cdot y \cdot dy^2}{b^2 \mp 4 \cdot y^2}$

4) Hinc $- \frac{dx \cdot ds}{ddy}$, seu radius curvaturae $z = \mp \frac{(b^2 \mp 4y^2)^{\frac{3}{2}}}{2 \cdot b^2}$
 $= \frac{4 \cdot N^3}{b^2} = \frac{(b \mp 4 \cdot x)^{\frac{3}{2}}}{2 \sqrt{b}}$. Ad $x = 0$; radius curvaturae $= \frac{1}{2} b =$

subnormali constanti, cui tunc etiam aequatur normalis. Crescente x , radius curvaturae crescit.

5) Sumto $AD = \frac{1}{2} b$, locus centrorum curvaturae K, seu parabolae euoluta DK est parabola Neiliana, cuius parameter $= \frac{27}{16} b$. Si sit KL perpendicularis axi parabolae apolloniana est $\frac{27}{16} \cdot b$. $KL = AL^3$. (*An. d. Unendl.* 573.) Neiliana conuexitatem obuertit axi apolloniana, eius hic exhibetur dimidium, cui simile est alterum supra axem, euoluta dimidii Apolloniana quod infra axem situm est.

In Prop. II. parabola Neiliana referebatur ad axem qui hic effet perpendicularum in AL, per D ductum.

Aequi-

Aequidistans.

6) Ex Prop. I. 6; 7; et hic (1) est

$$p = x \pm \frac{h \cdot b}{\sqrt{(b^2 \pm 4y^2)}}$$

$$q = y - \frac{2 \cdot h \cdot y}{\sqrt{(b^2 \pm 4 \cdot y^2)}}$$

Sit h minor quam $\frac{1}{2} b$.

7) Igitur (4) p perpetuo crescit (Prop. I. 30) inde a valore minimo $AF = h$. Similiter q perpetuo crescit (Prop. I. 31) et aequidistans axi non occurrit nisi in F . Alius occurfus Prop. I. 34; locum non habet, quoniam h semper minor est normali. Valor ipsius q (6) evanescit posito $y = 0$, vt decet. Et praeterea si $\frac{1}{4} b^2 \pm y^2 = h^2$. At hoc non contingit in hypothese quam fumo.

Exemplum.

8) Pono $b = 1$ et $h = \frac{1}{4}$ Ergo

$$p = x \pm \frac{1}{4 \cdot \sqrt{(1 \pm 4y^2)}}$$

$$q = y - \frac{y}{2 \sqrt{(1 \pm 4y^2)}}$$

9) Fac $y = 10$; adeoque $x = 100$ est $1 \pm 4y^2 = 401$; $\frac{1}{2} \log 401 = 1,3015722$ qui subductus a 0, dat $0,6984278 - 1 = \log 0,49937$
Ergo $p = 100,12484$

$$q = 10 \cdot (1 - 0,24968) = 7,5032$$

10) Quia $\sqrt{401} = 20,0249844$ est $N = 10,0124922$ et $2 \cdot N \pm 2 \cdot y = 40,0249844$ vnde longitudo arcus parabolae (2)
 $= 200,249844 \pm \frac{1}{4} \log \text{nat } 40,0249844$

11) Numerum cuius quaeritur logarithmus naturalis, fumo = $40,025 = 25 \cdot 1,601$. Est vero ex tabulis dom. *Wolfram*

$$\log \text{nat } 1601 = 7,378383713$$

$$\log \text{nat } 25 = 3,218871825$$

$$10,597259538$$

$$\log \text{nat } 1000 = 6,907755279$$

$$\log \text{nat } 40,025 = 3,689504259$$

$$\text{cuius quarta} = 0,922376064$$

$$200,249844$$

$$\text{arcus parab.} = 201,172220$$

H 3

Ex

Ex (1) $\tan \zeta = \frac{1}{20}$ vnde $\zeta = 2^\circ 51' 44''$; $90^\circ - \zeta = 87^\circ 8' 16''$
 In partibus radii; $90^\circ - \zeta = 1,520841125$.

12) Ex (Prop. I. 19) est longitudo arcus aequidistantis,

$$\begin{array}{r} AM = 201,172220 \\ - \frac{1}{4} \cdot (90^\circ - \zeta) = - 0,380210 \\ \hline \text{arcus FH} = 200,792010 \end{array}$$

numerus hic ducendus est in b.

Pro area (Prop. I. 21)

$$\begin{array}{r} s = 201,172220 \\ - \frac{1}{8} (90^\circ - \zeta) = - 0,190105 \\ \hline 200,982115 \end{array}$$

ductum in $\frac{1}{4} = 50,245529$
 qui numerus ductus in b^2 dat aream.

Sit h maior quam $\frac{1}{2} b$.

13) Igitur p inde valore $= h$ qui respondet $y = 0$, decrescit,
 donec fiat $h = \frac{(b^2 \mp 4y^2)^{\frac{3}{2}}}{2b^2}$ (Prop. I. 30 et hic 4).

14) Tunc $y^2 = \frac{1}{4} b \cdot (\sqrt[3]{4 \cdot b \cdot h^2 - b})$.

15) Decrescentibus p respondent q negatiua, (ex Prop. I. 31)
 quoniam maximo decrescentium p, respondet $q = 0$.

16) Manent q negatiua, crescentibus rursus p, donec fiat $N = h$
 (Prop. I. 34) quod hic (1) dat $y^2 = h^2 - \frac{1}{4} b^2 = c^2$

Pro hoc casu $x = \frac{h^2}{b} - \frac{1}{4} b$

$$\text{Igitur } p = \frac{h^2}{b} \mp \frac{1}{4} b$$

Exemplum.

17) Posito $b=1$ fit $h=2$. Ergo

$$p = x \mp \frac{2}{\sqrt{(1 \mp 4y^2)}}$$

$$q = y \cdot \left(1 - \frac{4}{\sqrt{(1 \mp 4y^2)}} \right)$$

vbi $\sqrt{(1 \mp 4y^2)} = 2$. N (1).

18) In

18) In 14; quadratum ordinatae parabolae respondens p minimo, est $= \frac{1}{4} \cdot (\sqrt[3]{16} - 1) = \frac{1,5198421}{4} = 0,3799605$ qui numerus simul exhibet abscissam parabolae ad quam pertinet repertum quadratum ordinatae.

19) Est vero $\log 0,3799605 = 0,5797385 - 1$ cuius dimidium $= 0,7898697 - 1$ dat ordinatam ipsam $= 0,61641$.

20) In (18) est $1 \pm 4y^2 = \sqrt[3]{16}$, cuius radix quadratica $= \sqrt[3]{4} = 2$. N (17).

21) Iam $\frac{1}{3} \log 4 = 0,2006866 = \log 2$. N et $-\log 2$. N $= 0,7993134 - 1 = \log 0,62996$.

22) Igitur $x = 0,3799605$ (18)

$$\pm \frac{2}{2N} = 1,25992$$

$$p = 1,63988$$

$$y = 0,61641 \text{ (19)}$$

$$- \frac{1}{2N} = -1,88988$$

$$q = -1,27347$$

Qui duo valores sunt p minimum et respondens q.

23) Ex (16) hic fit $c = \frac{1}{2} \sqrt{15}$ et abscissa parabolae respondens $= \frac{15}{4} = 3,75$; $N=2$; $p=4,25$ (16) et $q=0$.

24) Sumantur ergo $AF=2$; et (22) $AE=1,639\dots$ $EG=1,273\dots$ denique $AC=4,25$ et habetur ductus curvae FGCH.

25) Pone $y=0,4$; $y^2=x=0,16$ fit 2 . $N=\sqrt{1,64}$; $-\log 2N=0,8925786-1=\log 0,78087$; vnde $p=1,72174$; $q=-0,849392$.

Propter ordinatam parabolae minorem illa (19) haec p et q pertinent ad arcum FG.

26) Pone

26) Pone $y = 0,8$; $y^2 = x = 0,64$ cuius quadruplum $= 2,56$ unde $2N = \sqrt{3,56}$ est vero $-\log 2$. $N = 0,7242750 - 1$ unde $\frac{1}{2N} = 0,53000$ et $x \mp 1,06 = 1,70 = p$; $y \cdot (1 - 2,12) = -0,896$.

Haec p et q , propter y maius illo (19) pertinent ad arcum GC .

Sit $h = \frac{1}{2} b$.

27) Tunc y in (14) $= 0$ item p in (15) $= \frac{1}{2} b$. Igitur non decrevit p ; et C cadit in F , arcu FGC coeunte in punctum F .

Quae facienda sint pro inuestiganda aequatione inter p et q .

28) Est $(y - q)^2 \mp (x - p)^2 = h^2$ Vnde eliminato x ; habetur $y^4 \mp \frac{b^2}{2b \cdot p} \cdot y^2 - 2 \cdot b^2 \cdot q \cdot y \mp b^2 (p^2 \mp q^2 - h^2) = 0$.

29) Porro $OI : IH = OP : PM$

$$x \mp \frac{1}{2} b - p : q = \frac{1}{2} b : y.$$

$$\text{Vnde } y^3 \mp \frac{b^2 - 2b \cdot p}{2} \cdot y - \frac{1}{2} \cdot b^2 \cdot q = 0.$$

30) Patet ex his duabus aequationibus eliminari posse y , et reperiri aequationem inter p et q .

31) Sed aequationis huius gradus altior esset, et vsus ad construendam aequidistantem multo minor quam formularum quas adhibui.

Aequatio inter p et x rationalis reddita.

32) In (6) fit $(p - x) \cdot \sqrt{(1 \mp 4x)} = h$.

$$33) \text{ Vnde } x^3 \mp \frac{1 - 8 \cdot p}{4} x^2 \mp \frac{(2 \cdot p - 1) \cdot px}{2} \mp \frac{p^2 - h^2}{4} = 0.$$

34) Fac $p = h$; aequationis (33) vna radix $= 0$.

35) Reliquas duas continet

$$x^2 = \frac{8h - 1}{4} x \mp \frac{h - 2h^2}{2} \quad \text{quae sunt}$$

$$x = \frac{8 \cdot h - 1 \pm \sqrt{(16 \cdot h \mp 1)}}{8}$$

36) Si fit $h < \frac{1}{2}$, nullum x praeter id quod est $= 0$, reddit $p = h$ (7) igitur duo valores (35) non sunt abscissae parabolae apollonianae quae reddant $p = h$.

37) In

37) In Exemplo (8); $x = \frac{1 \sqrt[4]{5}}{8}$

38) Iam $\sqrt[4]{5} = 2,2360680;$

$1 \pm \sqrt[4]{5} = 3,2360680 = 8x$

$4x = 1,6180340$

$x = 0,4045085$

$1 \pm 4x = 2,6180340$

cuius logarithmus = 0,4179752

eius dimidium = 0,2089876

$\log 4 = 0,6020600$

Summa = 0,8110476

Subducta $\log 1;$ = 0,1889524 — 1

Ita $\frac{1}{4 \sqrt[4]{(1 \pm 4x)}} = 0,15450...$

Iam $x = 0,404508$

$-\frac{1}{4} = -0,25$

Refid. = 0,15450...

39) Adhibito signo inferiore (37) est

$1 - \sqrt[4]{5} = -1,2360680 = 8x$

$4x = -0,6180340$

$x = -0,1545085$

$1 \pm 4x = \pm 0,3819660$

$\log (1 \pm 4x) = 0,5820247 - 1$

dimid. = 0,2910123 — 1

$\log 4 = 0,6020600$

Summa = 0,3930723

Subducta $\log 1;$ = 0,6069277

hinc $\frac{1}{4 \sqrt[4]{(1 \pm 4x)}} = \pm 0,40449$

Iam $x = -0,1545085$

$\pm \frac{1}{4} = \pm 0,25$

$\frac{1}{4} - x = \pm 0,4045085$

40) Ita, numeri veris propinqui logarithmorum ope reperti, doceat in (38) signum superius dare $x - \frac{1}{4} = \frac{1}{4 \sqrt[4]{(1 \pm 4x)}}$ et inferius $\frac{1}{4} - x = \frac{1}{4 \sqrt[4]{(1 \pm 4x)}}$.

41) Iam aequatio (32) in (34) est $(h - x)$. $\sqrt{1 \pm 4x} = h$, unde quadrando habetur cubica (33) ad quadraticam (35) reducibilis. Eadem vero cubica et quadratica prodeunt, quadrando $(x - h)$. $\sqrt{1 \pm 4x} = h$.

Igitur, quadraticae duae radices, satisfaciunt, altera suppositioni $h - x$; altera suppositioni $x - h$. Id calculus (40) illustrat.

42) Neutra tamen est abscissa parabolae apolloniana. Illa quae quae satisfacit positioni $h - x$ negatiua est, quales nullae sunt abscissae parabolae. Altera quae deducitur ex $x - h$, nequidem pertinet ad aequationem (8) qua p per x determinatur, sed introducta est hanc aequationem quadrando, cum quadratum idem sit quantitatis alicuius et illi oppositae.

43) Si fit $h = \frac{1}{2}$; duo valores (35) sunt $\frac{3 \pm \sqrt{3}}{8}$; Adhibito signo inferiore, prodit $= 0$, idem ac (34), sed $\frac{3}{4}$ qui respondet signo superiori adhibitus in (6) dat $\frac{3}{4} \pm \frac{1}{4} = 1$ non $\frac{1}{2}$.

44) Si vero in formula ipsius p (6) parti secundus tribuatur signum negatiuum, et iam loco x scribatur $\frac{3}{4}$ prodit $\frac{3}{4} - \frac{1}{4} = \frac{1}{2}$; valor ipsius $p = h$.

45) Sit $h > \frac{1}{2}$; Inter abscissas parabolae apolloniana quae dant p inde ■ minimo (13) crescentia, erit aliqua quae reddat $p = h$, igitur eadem erit vnus valorum (35) alter autem illorum valorum non dabit aliquod p in (6) signo \pm quod ibi adhibetur retento.

46) *Exemplum.* Sit $h = 2$ (17) in (35) est $x = \frac{15 \pm \sqrt{33}}{8}$ et $1 \pm 4x = \frac{17 \pm \sqrt{33}}{2}$.

47) Propter $\sqrt{33} = 5,7445626$ adhibendo in (46) signum inferius est 8. $x = 2,2554374$

$$4. x = 4,6277187$$

$$x = 1,1569296$$

Igitur proxime $\log(1 \pm 4x) = 0,7503309$; cuius dimidium = $0,3751654$ subductum a $\log 2$; relinquit $0,9258646 - 1$;

$$\begin{aligned} \text{Numerus respondens} &= \frac{2}{\sqrt{1 \pm 4x}} = 0,84306 \\ &\quad x = 1,1569296 \\ \hline \text{Summa} &= 1,999989 \end{aligned}$$

Proxime

Proxime = 2; vt intelligatur $p = 2$ pertinere etiam ad parabola apolloniana abscissam $= \frac{15 - \sqrt{33}}{8}$.

48) Iam in (46) adhibeatur signum superius est

$$8. x = 20,7445626$$

$$4. x = 10,3722813$$

$$x = 2,5930703$$

Hinc $\log(1 \pm 4x) = \log 11,372 = 1,0558369$; cuius dimidium $= 0,5279184$ subductum a $\log 2$; relinquit $0,7731116 - 1$ numerus respondens $= 0,59307$

$$\text{additus ad } x = 2,5930703$$

$$\text{praebet summam} = 3,18614$$

quod utique non est = 2 vt requirebatur.

49) Sed idem numerus restat, si ab x subducatur 2. Cum igitur sit $p = h = 2$ in exemplo, numerus (48) satisfacit aequationi

$$x - p = \frac{2}{\sqrt{1 \pm 4x}}$$

50) Aequationem cubicam (33) ad casum transtuli quo in quadraticam abit, exeunte radice eius quae iam scitur = 0. Quadraticae radicum, ostendi, aut nullam esse abscissam parabola apolloniana, aut vnicam, prout suppositioni $p = h$; praeter abscissam = 0; nulla satisfacit (24) aut adhuc vnica (47).

51) In (6) datum p , respondet vnicae abscissae (7; 27) aut, si cadat inter h et valorem minimum quem p habere potest, duabus (13). Igitur, pro hac diuersitate, aequatio cubica (33) vniam habet radicem quae sit abscissa parabola aut duas. Vnde sequitur vt aequatio (33) sumto p tali quod possit pertinere ad aequidistantem, omnes quidem radices habeat possibiles, semper tamen vniam, plerumque duas, quae non sint abscissae parabola apolloniana, itaque adhibitae loco x in (6) non dent p quod sit abscissa aequidistantis.

Illas radices, cubicam aequationem ingressas esse calculo quo aequatio (6) rationalis redditur, ex praecedentibus patet.

52) Est hoc exemplum vnum ex pluribus, aequationum quae radices continent ad quaestionem cuius causa inuentae sunt aequationes, nihil facientes; introducuntur autem illae operationibus, quibus irrationales quantitates eliminantur. Tale quid olim se mihi

obtulit, cum in notis quas adieci versioni meae *Lulofs Kenntniß der Erdkugel* Gott. 1755. crepusculum minimum calculo analytico quaererem. Id repetii *Astronomische Abhandlungen* I. Samml. III. Abh. §. 799. simulque observaui, hoc quidquid est paradoxo, eo redire, quod analyfi vulgari docente (*Anal. endl. Größen* 242) quantitatum diuersarum, positiuarum et negatiuarum, possibilium et impossibilium, eadem sint potentiae.

53) Inuitauit me ad calculos inde ■ (32) quod in casu (7) optabam computare eidem p respondentia duo q ; quorum alterum arcu FG terminaretur, alteram arcu GC , quodlibet igitur definitur alia parabolae abscissa duas autem has abscissas oportet idem p dare. Intelligitur, rem perfici, institutis in aequatione (6) tentaminibus, si logarithmi adhibeantur, non operosis, inutilius laborari in resolutione aequationis cubicae.

54) In (47) reperta est altera parabolae abscissa quae reddat $p = 2$; iam $\frac{1}{2} \log 1,156929 = 0,0316533 = \log y$, vnde $y = 1,0756$ porro ex (47) $\frac{4}{\sqrt{(1 \pm 4x)}} = 1,68612$ quod subductum ab 1,

relinquit $-0,68612$ est autem

$$\log y = 0,0316533$$

$$\log 0,68612 = 0,8364001 - 1$$

$$\log -q = 0,8680534 - 1$$

vnde $q = -0,73799$, aequidistantis ordinata quae pertinet ad F punctum, praeter illam $= 0$.

55) En specimen calculi quo inuestigauit duas parabolae abscissas eidem p respondentes.

56) Sumsi $y = 0,5$; vnde $x = 0,25$ $1 \pm 4x = 2$ vnde

$$x = 0,25$$

$$\frac{2}{\sqrt{(1 \pm 4x)}} = 1,4142136$$

$$p = 1,6642136$$

$$\text{Item } \frac{4}{\sqrt{(1 \pm 4x)}} = 2,8284272$$

$$\text{vnde } q = 0,5. - 1,8284272 = -0,9142136.$$

57) Aliud

57) Alud y quod dat p idem cadit inter 0,616... (22) et c = 1,936... (23).

58) Sumto $y = 0,7$ reperiō $p = 1,65246$; igitur ipsius y valor augendus est.

59) Sumo $y = 0,73$ hinc $x = 0,5329$; $1 \mp 4x = 3,1316$;

$$\log (1 \mp 4x) = 0,4957663$$

$$\text{dimid} = 0,2478831$$

$$\text{subduct. ab } 0; = 0,7521169 - 1$$

$$\text{Ita } \frac{1}{\sqrt{(1 \mp 4x)}} = 0,56509$$

$$\text{cuius duplum} = 1,13018$$

$$x = 0,5329$$

$$p = 1,6630$$

Iam $\frac{4}{\sqrt{(1 \mp 4x)}} = 2,26036$ quod subductum ab 1 reliquit $-1,26036$.

$$\text{Igitur } \log 1,26036 = 0,1004947$$

$$\log y = 0,8633229 - 1$$

$$\log - q = 0,9638176 - 1$$

$$\text{vnde } q = -0,92006.$$

60) Ita ad eandem fere abscissam aequidistantis pertinent ordinatae parum differentes (56) pro FG et (59) pro GC.

Prop. IV.

Curua data sit ellipsis Apolloniana.

$$1) \text{ Igitur } y^2 = b \cdot x - \frac{b}{a} \cdot x^2; \quad dx = \frac{2 \cdot a y \cdot dy}{b \cdot (a - 2x)}; \quad ds^2 =$$

$$\frac{b^2 (a - 2x)^2 \mp 4a^2 y^2}{[b \cdot (a - 2x)]^2} \cdot dy^2 \text{ itaque } ds =$$

$$dy \cdot \sqrt{\frac{b \cdot (a^2 \cdot b \mp 4 \cdot a \cdot (a - b) \cdot x - 4 \cdot (a - b) \cdot x^2)}{b \cdot (a - 2x)^2}}$$

$$2) \text{ Subtangens} = \frac{2 \cdot x \cdot (a - x)}{a - 2x};$$

$$\text{subnormalis} = \frac{b \cdot (a - 2x)}{2 \cdot a}$$

$$\text{normalis} = N =$$

$$\frac{1}{2a} \cdot \sqrt{[b \cdot (a^2 b \mp 4 \cdot a \cdot (a-b) \cdot x - 4 \cdot (a-b) \cdot x^2)]}$$

$$\text{radius curvaturae} = z = \frac{4 \cdot N^3}{b^2}$$

3) Ipsius $2 \cdot a \cdot N^2$ differentiale est $4b \cdot (a-b) \cdot (a-2x) \cdot dx$ positivum donec fiat $x = \frac{1}{2}a$. Ita in primo quadrante ellipseos crescunt normalis et radius curvaturae.

4) Sunt autem in vertice axis transversi, et in vertice axis minoris, normales; $\frac{1}{2}b$ et $\frac{1}{2}\sqrt{(a \cdot b)}$ radii curvaturae; $\frac{1}{2}b$ et $\frac{a \cdot \sqrt{a \cdot b}}{2 \cdot b}$

5) Ex Prop. I. 9. hic est $\cot \zeta = \frac{2 \cdot a \cdot y}{b \cdot (a-2x)}$

6) Rectificatio ellipseos indefinita, nequidem concessis circuli aut hyperbolae quadraturis perficitur, itaque non nisi difficiliori serierum calculo; v. Euleri coniectura circa propagationem soni ac luminis, vna cum opusculis analyticis (Berol. 750) p. 121; item *Lambert Beyträge zum Gebrauche der Mathematik. III. Theil* pag 35. *De la Grange*, sur une nouvelle methode de calcul intégral pour les différentielles affectées d'un radical carré... *Mém. de l'Ac. de Turin* pour 1784; 1785. vbi p. 251 seq habentur series pro rectificatione ellipsis et hyperbolae. De formulis quae ab ellipseos rectificatione pendent, agit *Petrus Ferronius* de calculo integralium, exercitatio mathematica; Flor. 1792.

7) Est $\frac{dx}{ds} = \frac{y}{N}$, et $\frac{dy}{ds} = \frac{b \cdot (a-2x)}{2 \cdot a \cdot N}$

Aequidistans.

8) $p = x \mp \frac{h \cdot b \cdot (a-2x)}{2 \cdot a \cdot N}$

$q = y \cdot \left(1 - \frac{h}{N}\right)$

9) Vt aequidistans perpetuo conuexa sit versus ellipsin, esse debet $h < \frac{1}{2}b$ (4).

10) Intelligitur aequidistantem reliquorum ellipseos quadrantum, illi primi quadrantis eodem sensu congruere quo ipsi quadrantes primo congruunt. Igitur illam descripsisse suffecerit.

Abeat

Abeat ellipsis in circulum.

11) Igitur $b = a$, $N = \frac{1}{2}a$ et

$$p = x \mp \frac{h \cdot (a - 2x)}{a}$$

$$q = y \cdot \frac{a - 2h}{a}$$

12) Hinc $\frac{a \cdot (p - h)}{a - 2h} = x$; $y = \frac{2aq}{a - 2h}$. Ergo, ex circulo dato

$$\frac{a^2 \cdot q^2}{(a - 2h)^2} = \frac{a^2 \cdot (p - h)}{a - 2h} - \frac{a^2 \cdot (p - h)^2}{(a - 2h)^2}; \quad q^2 = (a - 2h) \cdot (p - h) - (p - h)^2.$$

Aequatio pro circulo, cuius diameter $= a - 2h$; abscissa $= p - h$.

Ponatur abscissa $= \frac{1}{2}a - h$, est $p = \frac{1}{2}a$. Itaque huius circuli aequidistantis, centrum idem est ac dati, radius vero $\frac{1}{2}a - h$.

Si fit $h < \frac{1}{2}a$; aequidistans circulus conuexitatem obuertit dato. Si vero fit $h > \frac{1}{2}a$; cauum aequidistantis obuertetur dato, hoc est, ambiat datum, et primi quadrantes circulorum, ob radium aequidistantis negatiuum, incipient ad partes oppositas centri communis, et quadrans primus dati, verget, inde \blacksquare recta in qua sitae sunt diametri, versus superiora, aequidistantis, versus inferiora.

Reditus ad ellipsin.

13) Vt normali vt non opus sit scribere valorem ipsius ds ; ceterum vt patet idem computus instituendus est ac si haec expressio adhiberetur.

14) Ellipsis plerumque datur per axes. Igitur si minor sit $= c$; computanda est parameter $b = \frac{c^2}{a}$

15) Calculo prolixiore parcetur si adhibeatur angulus ζ (ς) et adeo (Prop. I. 9).

18) Pro verticibus ellipseos facile computantur coordinatae aequidistantis. Cum enim axis minor ellipsi sit perpendicularis sunt pro vertice axis

$$\begin{array}{l|l} \text{maioris} & p = h; \quad q = 0; \\ \text{minoris} & p = \frac{1}{2}a; \quad q = \frac{1}{2}\sqrt{ab} - h \end{array}$$

Exem-

Exemplum.

$$17) \text{ Sit } a = 2; c = \frac{3}{2}; b = \frac{9}{8} \text{ igitur } y^2 = \frac{9x}{8}. (1 - \frac{1}{2}x)$$

$$18) \text{ Sume } h = \frac{1}{4}; \text{ minorem dimidia parametro (9). } q$$

$$19) \text{ Sume } x = 0,3; y^2 = \frac{2,7}{8} \cdot 0,85 = \frac{2,295}{8} \quad 1 = p$$

$$\log 2,295 = 0,3607827$$

$$\log 0,125 = 0,0969.00 - 1$$

$$2 \log y = 1,4576927 - 2$$

$$\log y = 0,7288463 - 1$$

$$y = 0,53560$$

$$20) \text{ Est } \frac{2 \cdot a}{b} = \frac{9}{2} \text{ itaque (5) } \cot \zeta = \frac{9}{2} \cdot \frac{y}{1,4} = \frac{9 \cdot y}{2,8}$$

$$10 \pm \log 9 = 10,9542425$$

$$\log y = 0,7288463 - 1$$

$$10,6830888$$

$$\log 2,8 = 0,4471580$$

$$\log \cot \zeta = 10,2359308$$

$$\zeta = 30^\circ 9'$$

$$\log \sin \zeta = 0,7009334 - 1$$

$$\log h = 0,3972400 - 1$$

$$\log h \cdot \sin \zeta = 0,0988734 - 1$$

$$\log \cot \zeta = 0,9368722 - 1$$

$$\log h = 0,3972400 - 1$$

$$\log h \cdot \cot \zeta = 0,3348122 - 1$$

$$x = 0,3$$

$$h \cdot \sin \zeta = 0,12550$$

$$p = 0,42550$$

$$y = 0,53560$$

$$- h \cdot \cot \zeta = -0,21618$$

$$q = 0,31942$$

$$21) \text{ Pro } x = 1 = p, \text{ est } q = \frac{1}{2} (16).$$

22) In hoc exemplo, angulus statim e tabulis poterat excerpti. Plerumque opus erit partibus proportionalibus, sed illis ipsis adhibitis, calculus minus operosus erit quam computato N. (8)

In

In parabola Apolloniana Prop. III. anguli compendio vti, necessarium non ducebam.

Prop. V.

Data sit curua AM et intra eam K punctum. Quaeritur A* M* eius conditionis, vt si a recta AM secetur in M*, tangentes ad M, M* sint parallelae. Fig. 8.

1) Circa punctum K, datae describatur similis, ea lege vt puncti K ad vtramque curuam similis sit positio. Res manifesta est ex Lem. III. figuris rectilineis similibus abeuntibus in curuas similes.

2) Ita, si AM sit parabola, cuius vertex A, focus K, quaestioni satisfacit quaecunque parabola, circa eundem focum super eodem axe descripta.

3) Si K sit focus proximus vertici ellipsis AM, erit A* M* ellipsis priori similis, verticem A* habens proximum eidem foco.

4) Arcus A* M* est ad arcum AM in ratione KA*:KA, spacium vero AKM* ad spacium AKM in dictae rationis duplicata. Ita ex rectificatione et quadratura, datae curuae, habentur eadem pro quaesita. Et adeo spacium interceptum AMM* A*.

5) Id spacium non perpetuo eiusdem est latitudinis. Si v. c. circa idem centrum descriptae sunt ellipses similes quarum axes maiores, super eandem rectam cadant, spacii intercepti latitudo maxima cadet super axes maiores, minima super minores.

6) Circuli concentrici, vt figurae regulares, spacium intercipiunt perpetuo eiusdem latitudinis.

Prop. VI.

1) Sit fig. 9. AM curua quaeuis, cuius coordinatae AP = x; PM = y; In qualibet ordinatarum producta, capiaturn MN = AO = g.

Manifestum est ita orituram curuam ON eandem ac AM, quae saltim referatur ad lineam abscissarum OQ.

2) Igitur si datae curuae crus aliud AM* extendatur ad alteras partes suae lineae abscissarum, orietur illi simile et aequale O* N*.

3) Ita hac constructione curua crurum contiguorum M* AM discerpitur in duas partes, separatas recta OO* = 2. g.

4) Curua ON ita constructa posset appellari, ipsi AM, *aequidistans in ordinatis*.

5) Eius ordinata sit PN = z; habebitur ex aequatione inter x et y, aequatio inter x et z scripto $z - g$ loco y.

6) *Exemplum.* Data sit parabola $y^2 = b x$ Igitur $(z - g)^2 = b. x$

Comment. Mathemat. T. XI.

K

7) Ita

7) Ita aequatio pura qua datur y , mutatur in affectam quae dat $z = g \pm \sqrt{b \cdot x}$.

8) Duo $z =$ quae respondent eidem x ; patet esse $g \pm y$, et $g - y$.

9) Prior horum valorum manifeste est PN . Pro altero, cum sit $PM^* = -y$ capiatur inde ab M^* versus axem; $M^*n = g$, erit $Pn = g - y$.

10) In aequatione (6) $z^2 - 2g \cdot z \pm g^2 = b \cdot x$ pone $b \cdot x = g^2$ hoc est $x = \frac{g^2}{b}$

11) Tunc aequationi satisfaciunt ipsius z duo valores, alter $= 0$; alter $= 2 \cdot g$.

12) Occurrat OQ , datae parabolae in R ; et demittatur in axem parabolae datae perpendicularum RB , erit $AB = \frac{g^2}{b}$; producta BR occurrat ipsi ON in S .

13) Ita duo valores (11) erunt alter $= 0$ alter $BS = 2 \cdot g$.

14) Sic aequatio (6; 10) determinat curuam $NOBn$. Eius abscissa sit $OQ = AP = x$ et ordinata $QN = PN - g = y$. Haec igitur curca, est ipsa parabola MAM^* , axe AP motu parallelo translato in OQ .

15) Parabola $NOBn$ oritur, si in quavis ordinata parabolae MAM^* fumatur g inde ab extremo ordinatae, ad *easdem partes* versus superiora. Constructio (1; 2) sumit g ab extremo cuiusvis ordinatae ad *oppositas partes*. Prius fieri posse admonet nos calculus (7...) et sic coniungit partes quas constructio initio tradita discerpit.

16) Similiter ac (14) determinatur parabola $N^*O^*n^*$

17) Ita duas integras parabolas continuas ex primo data, eruit calculus, cum constructio (1) vnus partes discretas exhibeat.

18) Neque vero hae discretas partes non continuas sunt. Iunguntur enim tangente communi OO^* iuxta quam describitur, via lege contiuitatis mutata NOO^*N^* .

19) Qui cogitat g sumi posse ad vtrasque partes cuiusvis puncti parabolae, etiam constructione deducetur ad describendas parabolas $NOBn$; $N^*O^*n^*$. Hoc est, *ad oppositas partes*, sumi posse, ex figurae intuitu eadem perspiciet, quae calculo analytico magis adfuetus, ex signis \pm et $-$ colligit. Ita graeci geometrae, multiplicatem casuum sine calculo ex figuris deduxerunt, cuius plurima specimina habentur in Apollonii Conicis, et Eutocii ad illa Commentariis.

SOCIETATIS REGIAE SCIENTIARVM
GOTTINGENSIS

COMMENTATIONES

TOM. XI.

CLASSIS HISTORICAE

ET

PHILOLOGICAE

AD A. cldcccxc. ET xci.

COLLEGE OF THE SACS

THE UNIVERSITY OF THE SACS

THE UNIVERSITY OF THE SACS

THE UNIVERSITY OF THE SACS

PRISCAE ARTIS OPERA
QVAE CONSTANTINOPOLI EXTITISSE
MEMORANTVR.

SECTION I.

COMMENTATIO

RECITATA D. XXX. OCTOBR. MDCCCXC.

A

CHR. GOTTL. HEYNE.

Constantinus Magnus, vt nouam urbem a se conditam statuis operibusque exornaret, cum nec statuarii ad manus essent, nec, vt noua vrbs dedicaretur et habitaretur, tempore stato talia opera perfici possent, aliunde quicquid praeclarae artis et materiae erat sublatum conuexerat; atque adeo exspoliata esse signis et columnis cum propiorem vrbi Asiam et Graeciam, tum vero multa etiam signa Roma esse auecta, satis constat. Prostant hac de re loca Eusebii de Vita Constantini III, 54 et ex eo Sozomeni II, 5. Nicephori Callisti VIII. c. 33. a) Facta haec esse cum iniuria omnium illarum urbium

a) Adde Hieronym. Chron. n. 2348 *Cpolis dedicatur pene omnium urbium nuditate.* Anonymus I. n. 6. πάντα δὲ τὰ χαλκουργήματα καὶ τὰ ξόανα ἐκ διαφορῶν ναῶν καὶ πόλεων ἀθροίσας, ἔστησεν αὐτὰ εἰς κόσμον τῆς πόλεως ὁμοίως καὶ τοὺς κίονας τοῦ Περιπάτου. Erat Peripatus in Hippodromo,isque duplex, opere musiuo stratus: Anonym. n. 6.) Eadem fere repetit

urbium et terrarum, facile sentitis, Auditores; verum accendebat animos ad sacrilegum latrocinium Christianorum occaecata pietas et in alios non christianos odium. Ipse Eusebius inter laudes Constantini verbis extollit, quod aliorum templorum columnas e vestibulo *b)*, aliorum signa aenea ablata, in locis publicis Constantinopoli constituerit in gentilium, ut ait, contumeliam; hic Apollinem Pythium, illic Sminthium, in Hippodromo autem Tripodem Delphicum, in palatio Musas Heliconiadas. De singulis infra fiet memoratio. Sozomenus et Nicephorus Callistus (II. cc.) addunt Panem, ■ Pausania post bella cum Persis dedicatum. Homines artium parum intelligentes facile agnoscas, nec ex Herodoti lectione recentes; etenim tripus fuit, non signum; v. Herodot. IX. 80. cf. ad Nepot. Pausan. c. 1. Ita factum esse aiunt, ut Cpolis praestantissimis artis operibus exornata esset. Narrat porro Eusebius, missos ab Imperatore esse fidos homines per omnes terras, in quibus signa ex auro argentoque essent, datis mandatis, ut templis vi effractis sacrificos cogerent quicquid alicuius pretii esset sibi tradere; quo facto metalla pretiosa ab iis esse conflata. Adicit ad haec Nicephorus (Eccles. Hist. VII, 24) multos novis sacris Christianorum receptis Imperatoris gratiam captasse missis eiusmodi operibus artis, quae ex locis publicis ipsi abstulerant.

A successoribus Constantini similibus artibus an quaesita fuerint ornamenta novae urbi, non reperio; exhaustis forte terrarum et urbium opibus. At iidem signa et columnas ab iis, quibus posita erant, locis subinde in alia loca transtulere: quae res non parum laboris et ambiguitatis in toto hoc argumento creat.

Extitisse tamen iam ante novae urbis exordia in vetere Byzantio nonnulla praeclara aedificia et signa, quorum pars ad tempora
feriora

Codin. n. 19. Tentaverat sub a. 662. simile flagitium Constans II. Imp. Constantini f. Heraclii nepos, qui Romam iis, quae supererant, ornamentis spoliavit, ut Cpolin decoraret; verum incassum res fuit, Syracusas deportata praeda in Arabum manus venerat: Paull. Diac. Hist. Longob. V. II. 13.

b) τῶν νεῶν τὰ προπύλαια ait de V. Constant. III, 54. haud dubie diuinus vir columnas porticum declarare, voluit.

feriora fuit seruata, scriptores docent *c*). Memorantur templa. Jovis quidem in acropoli, cuius, posteaquam aedes S. Menae eo in loco condita fuerat, arcus cum columnis supererant, tum Rheae, Neptuni, Hecates, Dioscurorum; porro Arae Aiæcis et Achillis; sacellum Amphiarai; templum Veneris, Dianae et Mineruae. Templum Neptuni cum statuis et gymnasiis laudat Dionysius Byzantinus, nec non templum Telluris, quod tamen nullum aliud quam Rheae fuisse arbitror; erat illud sine tecto (*ὑπαίθρον*), faxis magnis politis eductum; vicina duo templa Cereris et Proserpinae, tabulis et sigais eximiis ornata. Duorum templorum non nisi memoria supererat, alterius Junoni consecrati, a Persis incensi, in expeditione Darii adversus Scythas, alterius Plutoni dedicati, a Philippo, Macedonum rege, Alexandri patre, vastati. Apollinis templum Evagrius (Hist. Eccl. II, 13), aliud Bacchi, et aram Dianae, Herodotus (lib. IV, 87) memorant; hic quidem, quo loco binas columnas a Dario aduersus Scythas profecto, titulo alteram Assyrio, alteram Graeco, inscriptas refert; argumentum tituli fuisse recensum copiarum quas duxerat Darius; columnas in urbem deuectas consecrauerant Byzantini, ut pro ara Dianae Orthosiae essent, vno saxo excepto Assyriis litteris insignito; quod haud longe a Bacchi templo relictum fuerat.

Erat heros indiges, Byzas, idem urbis conditor, in numis Byzantinorum obuius; eiusque vxor, fortiter defensa vrbe, quam barbari obsederant, clara; (v. Anthol. Gr. Steph. p. 298. Hesych. l. c. p. 28. D.) vtriusque signa a Calliade, Byzantinorum imperatore, posita. Alia Phidaliae statua ex eo innotuit, quod sub terra reperta vbi in lucem protracta fuit, concussae motu terrae caussa credita est *d*). Superfuit saeculo adhuc sexto p. C. N. aliud monumentum Damalidis; cui morte amissae maritus Chares, ab Atheniensibus ad suppeticas aduersus Philippum Byzantinis ferendas missus, sepulcrum extruxit, cum ara et columna, cui, lusu e nomine facto, (Damalis iuuenca est)

A 3

bucula

c) Anonym. pr. Codin. ex Hesychio n. 4 et n. 23. Adde II. ap. Bandur.

d) Chronogr. n. 231. 232. Excerpta ibid. n. 370. Codin. n. 67.

bucula e lapide infistebat; epigraphen seruauit Hesychius illustris, unde in Anthologiam ~~ea~~ translata est *e*).

Ab Imp. Seuero, primum infesto vrbi, ~~mox~~ iterum placato, ornatum est Byzantium cum aliis aedificiis, tum balneo Zeuxippo, sedilibus et porticibus hippodromi, quem mox perfecit Constantinus. Etiam amphitheatrum, Cynegion dictum, templum Dianae et theatrum templo Veneris ex aduerso positum vna ~~cum~~ Strategio idem Seuerus extruxisse fertur. (Chronic. Alex. ad a. C. 197. Svidas in Σεβηρος.) Quae opera signis et columnis ornata fuisse dubitare non licet; vt adeo ad seriora quoque tempora ex iis nonnulla esse seruata admodum probabile sit.

Incredibile est, quanta passim per urbem multitudo priscarum statuarum memoretur, et infinita res esset, omnia enarrare velle, quoties aliquo in loco hoc vel illud signum extitisse narratur. Ita porticus balnei Arcadii cum vestibulo statuis plurimis ~~ex~~ aere et ex marmore partim ab Arcadio partim ab Justiniano erant exornatae. Conspicitur adumbrata pars aliqua balnei exterior in sculptura Columnae Theodosianae tab. I. Adstant parieti nouem signa Iouis, Veneris, Martis, Mercurii, Neptuni, Bacchi, Herculis, Cupidinis, Samsonis columnam amplexi; si modo Bellinius cum fide omnia adumbravit penicillo. Eudoxiae balneum tab. II. exhibitum ornatum et ipsum statuis: in quibus agnoscere mihi videor Apollinem, Mineruam, Venerem Cnidiam, Martem gradientem, Cererem, Floram.

Inter cetera tamen loca maxime Zeuxippus balneum et multo magis Hippodromus, fuere signis ~~cum~~ antiquis tum Augustorum et Augu-

e) Ἰναχλὺς οὐκ εἰμί. Anthol. III. p. 224. St. Br. III. p. 187. et Hesych. in Labbei Eclogis hist. p. 28. ex eoque Codin. p. 4. Vltimum epigrammatis distichon, nisi interpolatoris manui debetur, deprauatum utique est:

Βοίδιον οὐνομα δ' ἦεν ἐμοὶ τότε· νῦν δὲ Χάρητος

εὐνέτις ἡπειροῖς τέρπομαι ἀμφοτέροις.

Ita ait ~~nomini~~ sibi olim fuisse Βοίδιον, iuuencae; nunc se Charetis coniugem delectari utroque continente, (Asia et Europa, cum ad fretum, Bosporum dictum posita esset.) Sed bos erat. Scriptum fuisse videtur: Οὐνομα δ' ἦεν ἐμοὶ Δάμαλις τότε· νῦν δὲ ... Βοίδιον. Pro Χάρητος fuit forte χρᾶχ.τέν: Nunc autem ego, iuuenca sculpta, utrumque continentem prospicio, quippe ad fretum posito monumento.

Augustarum, virorum principum, cum his Eunuchorum, et aurigarum Circensium, exornati. Antiquiores statuas Constantinus adue-xerat, magnam partem Roma, inque his LX inter ceteras statuas insignes: erat in his statua Augusti; aduectae erant multae Nicome-dia, aliae Athenis, Cyzico, Caesarea, Trallibus, Sardibus, Sebastia, Satala (quae Armeniae erat: Procop. de aedif. III, 4), Chaldia (tra-ctus erat apud Trapezuntem), Antiochia Syriae, Cypro, Rhodo, Chio, Attalia, Tyana, Iconio, Nicaea Bithyniae, Sicilia et ex omnibus im-perii terris: (Anonym. lib. III. pr.) Magnum adhuc eo tempore, quo Latini Cpolin occuparunt, statuarum et columnarum numerum edit Nicetas Choniates. Distributa erant signa per spinam circi (Ano-nymus καμπτήρας, metas, pro spina memorare videtur) tum in por-ticibus, in arcubus, et in tecto porticuum f).

Zeuxippus, balneum, iam a Seuero inchoatum, a Constantino magnifice extructum et porticibus instructum, in quibus ingens erat statuarum numerus. Interiere omnia vna cum praeclaro aedificio in seditione sub Justiniano a. 532 incendio consumta (vid. v. c. Ce-dren. p. 369 sq.). Extat recensensus horum signorum ex aere in An-thol. Gr. *Christodori* Coptitae carmine, in quo non tam artis notationes deprehendas, quam potius versificatoris studium ornandi singula poe-tica licentia. Ordo narrandi nihil habet certae rationis; videri ita-que potest adumbratus ex ipso statuarum ordine in *Zeuxippo*. No-mina vnde accepta sint, si quaesueris, videntur illa statuis in basi fuisse adscripta. Ita et in Hippodromo statuas nomina subscripta habuisse tradit Anonymus.

Deos in *Zeuxippo* aere exhibitos memorauit *Christodorus* hos: *Neptunum* cum *Amymone*, quam amauit, stantem, lato pectore, nu-dum,

f) Anonym. II. 5. Codin. n. 63. In his nonnulla non bene accipiuntur. Σφεν-δώνη erat pars extrema Hippodromi cum flexu. συστημάτων, columnarum ordo sub communi trabe et zoophoro: cuius generis vnum conspicitur quatuor columnarum in basi obelisci sculptum: ap. *Wheler Journey* p. 183. Nec aliud significare videntur τετρακίονες ap. Theophanem a. V. Phocae. τὰ σκάλια sunt gradus. τὰ σόλεα vel ἡ σωλέα, pars soli editor, βῆμα. τὰ στηθεα, lorica columellis constans, imposito superne epistylis, cui pectore inniti possis.

dum, coma promissa, manu delphinem tenentem: qui status eius est sollennis, etiam in numis: ne moram faciam exemplis commemorandis g).

Apollinem nudum, coma a tergo reuincta sine nodo tamen h). Alium *Apollinem* egregie comatum, cincinnis vtrique in humeros defluentibus, et obtutum vaticinantis habentem (p. 466). Tertius erat *Apollo* (ibid. p. 466. 7) pulcher adspectu, cincinnis humeros obumbrantibus, oculos voluens, futura rimantis specie ac modo. Male habet, quod alii characteres signorum a poeta omissi sunt, vnde coniectare liceat, sitne aliquod ex his et ceteris signis ad veterum artificum opera aliunde nota referendum.

Mercurius statu memorabili positus, ad exsequenda patris mandata se accingens; vultu in altum conuerso, tanquam a Joue mandata accipiens, dextra manu calcei alati vincula adstringebat, laevam tendebat versus dextrum pedem genu inflexo (p. 467). Status itaque, si recte assequor, videtur fuisse hic, ut dextro pedi inflexo talaria adaptaret, dextra manu admota, laeua versus ea protenta: fere eo habitu, quo Iasonem videmus, antea Q. Cincinnatum vulgo dictum, et quo Aen. IV, 239 *et primum pedibus talaria nectit aurea*.

Adiungemus statim filium ex Venere, *Hermaphroditum*, talem prorsus, qualem nostra aetas adhuc videt Romae ac Florentiae: pulcherrimum, virili natura exhibitum, sed muliebris sexus mollitiem et veneres, turgidis mammis et femoribus, reddentem: (ib. p. 460).

Hercules adhuc imberbis, aurea poma manu tenens; adstante *Auge*, de qua infra monebitur (ibid. p. 461).

Per-

g) Brunck. Anal. To. II. p. 458. Steph. p. 383. Sed quod a poeta adiicitur, ineptum est: καὶ διερὸν δελφῖνα προσχετο χεὶρ, κοιλῶν Δῶρα πολυζήλοιο γάμων μνηστήρια πόρνης, quasi delphinum praetulerit ad amorem puellae conciliandum, ἔδνων loco.

h) Br. ib. p. 459 ἦν δ' ἄρα χαίτης εἰσοπῖσω σφιγγῆας ἄδστον πλόκον, *cincinnum non vinctum*, adeoque liberum, ἄνστον, *retro constrictum habens*. satis contorte. Sunt alioqui exempla Phoebi coma in nodum reuincta, etsi rara et plerumque dubiae auctoritatis. Addit in carmine Christodorus, nuditatem dei respicere siue responsum veritatem, siue solis iubar quaquaversus sparsum. Poterat et hoc acumine supersedere.

Pergimus ad signa deorum alia aliis in locis a scriptoribus memorata.

Ianus quadriformis vel quadrifrons, respectu quaternorum anni temporum Cpoli stabat i).

Iupiter sedens, superiore corporis parte nudà, inferiora vestitus; laeua sceptrum, dextra aquilam praetendens ii); quod inuersa ratione factum putem, vt dextra hastam, aquilam laeua gestaret. Addit indoctus homo tria poma in eius manu: quae alius quis de Hercule memorauerat.

Iouis statuam in area aedis S. Sophiae olim stetisse memorant Anonym. 38. et Codin. 15 et 73.

Iouis signum in palatio Lausi; indocte ■ Cedreno pro Phidiae opere ■ Pericle in templo Iouis Olympii posito iactitatum: (Comp. hist. p. 322. B.)

Iupiter Dodona (ita ferebatur, qua fide non dicam) aduectus cum Minerua Lindia stabat ante Curiam a Constantino factam; cumque ea factione Joannis Chrysostomi a. 404 conflagrasset, sub ruderibus vtraque fuit integra seruata: teste Zosimo V, 24.

Inter signa a Constantino ex vrbibus ablata et in ornamentum nouae vrbis versa Eusebius (de Vita Constant. III, 54.) laudat *Apollinem Pythium*; *Apollinem Sminthium*; quam vere, non dixero. De tripode Delphico, et Apollinis signo ei insistente, videbimus infra, vbi de Colosso in Hippodromo agetur.

Apollinis Aëtiaci signum ■ templo Aëtiaco Cpolin translatum: Meurs. ad Antioch. Metochit. p. 3.

Apollo cum cithara memoratur in Excerptis de Antiqq. Cp. n. 359 ap. Bandur. sed nulla loci denotatione adiecta.

Apollinis

- i) Excerpta de Antiqq. Cpol. Bandur. VI. No. 357. Eadem in Codino No. 26. Necdum tamen satis mihi persuasum, tale signum vere Cpoli extitisse; vtroque enim loco omnino de Iani forma agi videtur. Opus Iani Tuscanicum fuit Romae a Numa dedicatum in Iani templo: Plin. XXXIV, 16. *Ianus pater* Scopae an Praxitelis opus ap. Plin. XXXVI, 4, 8. etsi miror, Iani religionem Scopae innotuisse.

ii) Excerpta No. 360.

Apollinis caput a Phidia elaboratum in Palatio suo adhuc tempore adeoque Saec. XII. superstes esse Tzetzæ narrat Chil. VIII, 33. Potuit caput Apollinis extare: sed Phidiae tale opus nec alius memoravit, nec ille homo cum fide.

Apollinis seu *Solis colossus* in foro Constantini ab hoc ipso in suam formam erat mutatus: de quo infra in Constantino videbimus.

Solis quadrigae in concitato cursu constitutae aere fulgentes in Miliario olim erant, postea in Hippodromo: Anonym. 35 et Svidas in Μίλιον, ubi alia de eo: cf. Gyllius II, 23. *Sol curru* e marmore *insistens* in columna positus erat in Amastriano, quod haud longe ab erat a Philadelphio: Anonym. n. 54. Chronographus ap. Bandur. n. 265. Codin. n. 51. 52. Narrat praeterea Cedren. p. 323. C. adstitisse Soli *Lunam* in curru; et infra columnam *Iouem* sedentem cum sceptro.

Nouum est et insolens, quod in area, cui S. Sophiae aedes fuit inaedificata, stetisse dicuntur praeter *Apollinem* seu *Solem XII. signa* cum *Luna*, *Venere*, *Arcturo* et *Polo australi*; hi quidem binis columnis Persicis impositi: (Anonym. n. 38. Codin. no. 15 et 73.) Videtur vtrumque hemisphaerium aere factum fuisse: notabile opus. Etiam in Strategio hemisphaerium australe (πόλος νότιος) memoratur, nescio quo iure: (Anonym. 75. Codin. 55.)

Solis simulacrum, *Croni* dictum, auro encaustum (χρυσέγκαντον) post Mauritiū excessum aliunde ablatum: Anonym. 20. et quidem Chalcedone, quod Codinus adiicit.

Mercurius alatus et impuber: (Bandur. No. 361.) *Alius* cum marsupio: ubi mirum commentum additur: Phoenices deos suos exhibuisse aurea marsupia gestantes, quod aurum potentiae symbolum sit. Eodem respectu Graecos armis induisse deos. Eadem fere Svidas habet (in Ἑρμῆς).

Priapum Codinus memorat (de Origg. Cpol. p. 15. No. 30.) dextra sceptrum, sinistra penem tenens; idem alatus, sed alae orbiculis tanquam oculis signatae. Apparet, *Osiridem* fuisse ad seriores superstitiones effectum.

Hercu-

Herculem Geladae suo adhuc tempore superfuisse in vico Atticae Tzetzæ profitetur Chil. VIII, 192. sed homo levis qua tandem fide tradere hoc potuit, Ageladam, Phidiae praeceptorem, operis auctorem fuisse?

Herculem requiescentem in Amastriano memorant Anonym. n. 54. Chronogr. n. 265. Codin. § 1. 52. Ἡρακλῆς ἀνακείμενος est qui ἀναπαυόμενος alias dictus. Sunt ibi plura signa tam inscite narrata, ut nihil ex iis assequi satis possis. *Herculem requiescentem* in Hippodromo memoratum videbis ap. Bandur. To. II. p. 588.

Hercules ex aere, signum colossicum, in Hippodromo, a Niceta Choniata descriptum est inter opera a Latinis concisa, fusa et in numos procusa: expressus locus etiam a Bandur. Antiqq. Cpol. p. 311. Sedebat ille dextro pede cum dextra manu protento, at sinistra manu sinistro genu imposita mentum suffulciente, ad spectatorem, indignationem et moerorem animi de fortuna sua prodente. Sunt in his nonnulla, quae Herculis nobilissimum truncum e marmore referre videri possunt; sunt alia quae ab eo recedunt: in his os non sursum conuersum, sed moerentis habitu deiectum k). Sedes constrata exuviis leonis, cuius Nicetas ait caput terribile mira arte esse expressum. Ceterum in Hercule praedicat ea, quae ei propria esse solent, latum pectus cum humeris, brachia torosa, femur pingue, capillum crispum; magnitudinem autem signi fuisse tantam, ut funiculus pollicem ambiens iustum cuiusvis viri cingulum efficeret, tibia autem statuam hominis aequaret. Lysippi (perperam Lysimachum ille scripsit) opus illud fuisse; quod si vere traditum est, necesse est *Herculem colossicum* fuisse Tarento apportatum et in Capitolio collocatum (v. sup. To. X. Comment. I. p. 87 p) atque inde Byzantium deportatum. Et fertur sane ille cum decem aliis signis Consule Juliano (probabile fit, sub Constantino, adeoque a. 322) Roma aduectus, primumque in Basilica, mox in Hippodromo positus esse: (Anonym.

B 2

nym.

k) Si modo Nicetae satis fidas. Obscurum quoque est καθυποκλίνων τὴν κεφαλὴν, potest esse *suspiciens*, at positum inter ἀδυμίας πλήρης, et, καὶ τὰς ἰδίας οὕτω τύχας ἀποκλαιόμενος. Mox sedem appellat κόφινον *corbem*, quod non intelligo, qua vi dictum sit. Sane in vasis vulgo Etruscis dictis vidi talia passim sedilia corbis formam referentia.

nym. n. 79. Svidas in βασιλική.) Duo epigrammata, Philippi alterum, alterum Gemini (A.St. p. 310. v. de iis Comment. I. l. c.) ad hoc signum perperam reuocantur.

Amor alatus cum arcu in Palatio Lauſi memoratur a Cedreno (Hist. Comp. p. 322. B.) arcessitus ille Myndo Cariae.

Καὶρὸς, nos *Occasionem* dicimus, Lyſippi nobile opus, de quo ex Epigrammate nonnulla appoſuimus Comm. I. Vol. X. p. 93. a Cedreno in palatio Lauſi adhuc extitiſſe traditur ^{l)}; occipitium capillatum, at ſinciput caluum habens iuuenis, tamentalis alatis inſtructus, (ταρσοὺς διφυεῖς dixit Poſidippus) pedum digitis inſiſtens tanquam ſuſpenſo inceſſu; (discere ita velim, qua arte ſic librata illa ſolo fixa inhaeſerit ſtatua) nouacula, quam tenet, ad loquendi formulam reſpicit, qua ἐπὶ ξυροῦ ἀκμῆς ſtare res dicitur in diſcrimine verſans, nec aliter intelligenda verba Poſidippi v. s. 6. non quaſi vim ſecandi et perdendi omnia habeat occaſio. Addit Himerius (ap. Phot. Cod. 243. in ed. Wernsdorf. Ecl. XIII. p. 243) trutinam in laeua, de ſuo et memoriae forte vitio ^m).

Caſtoris et Pollucis aedem Conſtentinus partem fecerat Hippodromi: quorum ſimulacra ſuo adhuc tempore ſuper porticibus Hippodromi ſtantia videre licere teſtatur Zoſim. II, 31. (ſub Theodoſio II.)

Inter heroes habebatur conditor Byzantii *Byzas*, eiſque vxor *Phidalia*: iam ſupra memorati. Eorum ſigna *Calliades* poſuerat: (v. notum Epigr. A. St. p. 298. Bandur. p. 842. Br. III. p. 194. CCXV. et ibid. CCXVI.) *Phidalia*, opus *Bupalci*. (Βουπαλῆως δῶρον ἀεθλοσύνης laboris).

^{l)} Compend. hiſt. p. 322. C. etſi ille τὸ τὸν χρόνον μιμούμενον ἄγαλμα nominat.

^m) Fuiſſe ſignum in vestibulo aedium poſitum (ἐν προθύροις) ex ſine Epigr. Poſidippi apparet. Auſonius in Epigr. XII. aliam Occaſionis deſcriptionem edidit, poeticum potius phantaſma quam artis opus. Phidiae illud eſſe ait, inductus, vt recte viri docti ſuſpiciantur, verſu Martialis IX. 45. Feminam facit, non iuuenem, rotae inſiſtentem, adiuncta comite poenitentia, Metanoea, Nemefin potius dixeris. Tzetza (Chil. VIII, 200. X, 322.) addit ſurditatem, et globo inſiſtere facit Καῖρὸν. Calliſtratus tandem Stat. VI. alia nouat: ſi modo eum ſtatuum ipſam Sicyone vidiffe credere licet; ſed multo probabilius, Sophiſtae more eum non viſa deſcribere: pulcherriſimum iuuenem Bacchi fere habitu eſſectum, rotae inſiſtentem.

laboris). Byzantem non modo ex Stephano Byz. aliisque, verum etiam e numis, fenili specie caput praeferentibus, nouimus. Phidalia autem urbem aduersus barbaros inuento serpentum in eos pro telis emissorum tuita esse celebratur. v. de his Hesych. Miles. in Excerpt. pr. vbi et illa Epigrammata sunt seruata. In Basilica statuas a Calliade positas ibidem videbis. Quod itaque Nicephorus Gregoras lib. VIII. narrat, de basi statuæ Byzantis illa adhuc aetate in acropoli superstitis, ad aliam statuam referendum esse patet. Fuere autem plures Byzantis statuæ: Du Cange Cpolis Christiana lib. I, 16. p. 44. 45. De alia Phidaliae statua, quae superstitione Graecorum innotuit, iam supra est memoratum.

Persei et Andromedae signa visebantur in balneo Constantini, quae antehac Iconii Lycaoniae ante portam steterant: Anonym. 62. 63. Codin. n. 66. 67.

Bellerophon ex aere, in foro Tauri, statua equestris n) colossi magnitudine; Pegaso scilicet ille insidens, pedibus tamen alatis o). Equus laudatur propter vigorem et generosam indolem; hinnienti et erecta aure strepitum bellicum captanti similis; nec tamen ipse alatus, quantum intelligitur, quod tamen expectares, nec frenatus, cum tamen Bellerophon frenum inuenisse feratur. Qui equo insidebat, herois cultu et adspectu manum protendebat versus solem occidentem; quo factum est, vt vulgo pro *Iesu* filio Naue, seu *Iosua*, haberetur Soli, vt cursum sisteret, praecipiente. At *Theodosii* signum illud fuisse Cedrenus narrat, p. 223. B. manu tropaeum non longe in columna positum ostentantis. Fuit adeo *pacificatoris habitus*. Nicetas praeterea laeua globum ex aere sustentasse eam ait: qualis aliorum

B 3

*) Anonym. in Antiqq. Cpol. n. 19 et 48. Nicet. Choniāt. ibid. n. 309. Idem in Annal. p. 413. 414. et ap. Bandur. p. 802. Codin. de Origg. Cpol. n. 19. Prior locus Nicetae vel ■ Fabric. Bibl. Gr. Vol. VI. notus esse potest; ductus est ex Cod. Bodlej. Annalium pleniore ceteris. Collegit iterum et apposuit loca Stritter in memoriis populorum ex scriptor. Byz. To. II. p. 1038 sq.

o) ὁ πτηνὸς ἄμα καὶ περὶ τοὺς φερόμενος Nicetas n. 309. et Anonym. n. 7. ὁ ἔχων τοὺς ὀρνιθίου πόδας, quod male corruptum ap. Codin. n. 19. ἀρνιούς et tandem οἰνούς. cf. Bandur. To. II. p. 461.

aliorum Imperatorum, etiam Constantini fuit status, cruce quoque globo infixa: (cf. Anonym. 15.) Plebecula fabulabatur anterioris laeui pedis vngula p) condi magicam icunculam externo habitu; vel Veneti vel Bulgari vel alicuius ex occidentalibus populis non foedere cum Romanis iunctis. Apparuit quoque, statua a Latinis revulsa et concisa, imaginem in vngula absconditam similiorem esse Bulgaro, clauo transfixam et plumbo vndique inclusam. Superstitioni huic similia occurrunt in statuis plura. Statua ■ Constantino Antiochia Syriae erat asportata, (Anonym. n. 1. 48) at Latini, quos vocamus, capta Cpoli et hanc statuam euersam conflarunt: (Nicetas l. c. Band. T. I. p. 108.) In basi quadrilatera visebatur anaglyphum, quod superstitiosa plebs excidium vrbis tanquam praedictione expressum putabat. Addit Anonymus (n. 48) Russos in iis esse exhibitos tanquam vrbi excidium illaturos: mirabili vtique hominum iudicio ante tot saecula vulgato. Verum bene monuit Schlözer, Vir Ill. q) facile talem praedictionem ortum habere potuisse circa a. 1000 cum Wladimiri opes essent per septentrionem longe maximae r).

Heroum numerus satis magnus ex aere memoratur extitisse in Zeuxippo.

Erat

p) In Anonymo: τὸ ἐμπόδιον, ὅπερ. n. 48. Misere se torquent interpretes in ἐμπόδιον quodnam sit impedimentum; lege τὸ ἐμπρόσθιον. Docet id quoque alter locus Nicetae. Quae ibidem in Anonymo sequuntur, inepta repetitione eiusdem rei interpolata sunt. Non vero de ferrea equi solea esse cogitandum, bene docuit Bemannus Collega doctissimus: *Beyträge zur Geschichte der Erfindungen*, III. B. p. 146.

q) *Staats-Anzeigen* 1783. V. B. 20. Heft. p. 470.

r) Luitprandus lib. V. c. 6. quem locum mihi suppeditauit humanitas Collegae V. Ill. Meiners, *Russos* interpretatur Nordmannos, ■ rutilante capillo russos dictos; spectat ille locus ad classem praedantium barbarorum 941. profligatam ■ Graecis. At illa ■ Ponto Euxino ad fauces et oram freti accesserat, et vere ■ fuisse Russos, sub Igore tertio magno Duce habitos, dubitari vix potest. cf. loca ap. Stritter. To. II. p. 941 sqq. Docuit me hoc idem consultus hac super re Schlözer. Collega doctissimus, locis scriptorum complurium ■ Byzantinis, tum Elmacini ad Heg. 329. et Nestoris Msti. Quod Russos pro iisdem cum Normannis habuit Luitprandus, fecit ille errore istorum saeculorum vulgari, quando I. *Normanni*, qui inde ■ Germaniae partibus innotuerant Ansgari itinere, II. Russi Taurici et III. Slaui Nowgorodenses et Kiovienses inter se miscentur et confunduntur.

Erat in his *Amphitruo* laurea comae imposita, ad victoriam de Taphiis declarandam (Brunck. T. II. p. 470).

Melampus: in quo vatem facile agnosceres, vaticinium ore edentem (ibid. p. 465).

Amphiaraus, laurea ornatus, vt vates, tristi vultu, quippe infaustum belli Thebani exitum praefagiens et monens (ibid. p. 466).

Polyidus, alius vates, ■ Melampode oriundus, Argiuis: (cf. ad Apollod. Not. p. 546.) ornatus et is laurea, vaticinantis speciem referens.

Polyidi parens *Coeranus* editur ab Apollodoro et aliis et ab ipso Pindaro (v. Not. l. l.). Creditur a Christodoro idem *Aglaus* appellari p. 466 s). Erat et is tanquam vates laurea cinctus.

Coniungemus cum his vatibus *Palaephatum*, antiquum nomen, perperam confusum cum sequioris aetatis *Palaephatis*. Erat et is vates laurea comam cinctam habens et vaticinium edenti similis.

Eorum qui ad Troiam fuere memoramus primo loco *Achillem* (ibid. p. 467) vultu Aeacidarum virtutem et audaciam arguente, ipse adhuc imberbis, capite sine galea, ita ab arte redditus, vt vibrare dextra hastam, laeua clipeum extollere videretur.

Pyrrhus ex eo natus, nudus positus, suspiciens in altum, tanquam ad Ilii moenia (ibid. p. 458), quae deiecturus esse videri poterat. Idem alio loco iuxta *Polyxenam* positus, eamque obliquis oculis respiciens; idem nudus et imberbis, et manu sublata victoriam declarans: (p. 463.) saltem puellae inferiis destinatae fatum denuntiantem dicerem.

Aiax Telamonius, nudus, sine clipeo, hasta et galea, idemque, quod notabile est, nondum prima lanugine mento obumbrato: (μήπω πρῶτον ἰούλον ἔχων ib. p. 466.) parentem ore referens; idem comam diademate cinctam habebat. Vereor ne falsum nomen aeri adscriptum fuerit.

Aiax

s) Ἀγλαὸς ἐστὶν αἰεὶ χρησμηγόρος, ὅντινα Φασὶ μαντιπόλου γενετῆρα Θεοφράδους Πολυεῖδου. Poteſt hic ἀγλαὸς epitheton eſſe, praeclarus ille vates. Niſi ipſe poeta in nomine peccauit, vt epitheton pro nomine acciperet.

Ajax Oilei et ipse iuuenis et imberbis; idemque nudus, animosus tamen, et virtutem bellicam spirans (ibid. p. 464).

Menelaus iuxta Helenam positus, laetus victoria, et Helenae adspectu: (ibid. p. 462.)

Vlysses tacite exultans de Troia ex insidiis capta, prudentem tamen mentem vultu prodens (ibid.)

Calchas, Thestoris f. vates, tanquam vaticinium edens, meditando et mente seu miserationem seu metum occultanti similis (ibid. p. 458).

Chryses, Phoebi sacerdos, specie corporis eminens, tanquam heros, barba alta et coma promissa, fronte tamen diademate reuincta; et dextra sceptrum attollens, vt Agamemnoni supplicare videri posset (ibid. p. 459).

Ex Troianis heroibus stabat in Zeuxippo ipse *Paris* (p. 464), adstante Oenone, a qua ille erubescenti similis oculos auersos tenebat. Alius ex aere in foro Constantini haud longe a Junone, vna cum Venere, cui pomum porrigebat: deiectus ille a Latinis, Niceta Choniata teste: Antiqq. Cpol. n. 307. Inter Euphranoris opera ex aere narratur a Plinio (XXXIV, 19, 16.) *Alexander Paris*: in quo laudatur, quod omnia simul intelligantur, iudex earum, amator Helenae et tamen *Achillis interfector*: fuit adeo pulchritudo cum robore nec tamen sine mollitiei et lasciuiæ significatione. Eandem itaque istam Cpolitanam fuisse cogitare num licet?

Deiphobus, Paridis frater, ad ipsum Zeuxippi ingressum, vt videtur, positus (ibid. p. 456) in statu pugnantis, inclinato in obliquum corpore prominens, oculos circumferens, sibi que ab hoste cauens, dextra ensen ad ictum in altum attollens, laeua clipeum magnum praetendens: vt occurrere videatur Menelao ante aedium suarum fores. Putes in his adstare summum illud artis decus, quod indocte *Gladiatoris Borghesii* nomine appellant; herois haud dubie pugnantis; an ex hoc tamen expressi, dubito: nam obliquum corpus fuit in Deiphobo et incuruatum dorsum t), tum ensen ille in altum subla-

t) εἶ δ' ἐπὶ κόσμῳ δόχμιος ἦν, μανίη δὲ κεκυφότα νῶτα συνέλκων.

sublatum habuit *u*): quod secus est in Borghesio signo, in quo ictus ex inferiore loco infertur in hostem desuper, ex equo, puto, pugnantem. Ceterum Deiphobus in basi stabat anaglyphis exornata.

Helenus, pateram dextra praeferens; idem vultu irato: quippe Priamo patri succensens, quod monenti de Paridis iniuria et Troianorum fati obtemperare noluerat (p. 462).

Aeneas, venustate oris referebat genus Veneris, sed cum dignitate et verecundia (ibid. p. 461).

Panthus et *Thymoetes*, e principibus Troianorum; vterque cogitabundus, alter quidem consilia in Achiuos, alter aduersus Troianos consilia animo voluens (Thymoetes inter senes memoratur Il. γ, 146. primus, qui equum in urbem admittendum suaderet: Aen. II, 32. x).

Cum iisdem erant *Clytius* et *Lampus*, duo alii e senibus Troianis apud Homerum Il. γ, 147. Mirum est, quomodo sculptores in hos inciderint, et unde eorum nomina nota fuerint, nisi ex titulis adiectis: de quibus vix dubitare licet. Stabant vterque tanquam consilii expertes, contristati et dolentes de fortuna urbis, *Clytius* manibus iunctis.

Sarpedon, Lyciorum dux; prima lanugine genas habens obductas, capite galeato, corpore nudo, fortitudinem tamen et genus a Joue ore et adspectu prodens (p. 466).

Satis exemplorum habemus formae, qua heroes arte exhibiti fuerint in operibus.

Accedant heroibus, ex heroum saltem aetate petita nomina, *Dares* et *Entellus*, cestu pugnantes; (ibid. p. 464.) iste cestu induta manu prouocans, et oculis trucibus iram et virtutem spirans; hic oculos in illum torquens et minitabundus, cestum et ipse induens. (μύρμυρας noua voce istos ἰμάντας dixit auctor.)

Adstabat cum his aliud signum pugilis affabre factum: quis tamen ille esset, incertum habebat Christodorus, *Philo* ne an *Philamon*,

u) δεξιτερῇ δὲ Φάσγανον ὑψόσ' ἔειπεν.

x) ibid. p. 465. Nisi ista essent, putem in verbis: ἢ γὰρ ἐφ' ὧν σκεπτομένῳ τινὰ μῆτιν ἐπὶ Τρώεσσιν ὑφ' αὐτοῦ legendum esse ἐν Τρώεσσιν.

mon, **an** Milo: obscuram ergo scripturam in basi fuisse suspicor, recte tamen Milonem legi, nobilem illum pugilem. Notauit in statua poeta summum robur, barbam hispidam, quae ori horrorem adderet, horrentes quoque capillos; lacertos tentos, tumentes, rigidos; lata brachia *y*) manibus compactis, et intumescences toros in dorso ad cervicem latam progressos *z*).

Vtinam poetae et scriptores in declarandis horum heroum characteribus, qui in signis occurrebant, diligentiores fuissent! Habuit enim ars etiam in his certas ac definitas formas: id quod cum in gemmis et anaglyphis, tum in iis, quae passim apud scriptores memorata sunt, manifestum fit. Apud Philostr. Icon. II, 7. Vlysses dicitur notabilis esse firmitate quadam et alacritate, Menelaus lenitate, Agamemnon diuina quadam maiestate, Diomedes ingenuo ore, Ajax terribili adspectu, alter Locrensis prompto et facili ingenio *a*).

Poetarum principem Homerum stantem in Zeuxippo descripsit Christodorus multis ac doctis versibus (p. 468. 9.), similem iis capitibus, quae in Farnesina et in Capitolio adhuc seruantur praestantissima priscae artis opera: laudantur in sene vultus amenitas, gratia, dignitas, vt et amorem et reuerentiam instillaret, comarum cincinni circa ceruicem et tempora errantes; nouum decus ex barba molli, effusa, explicita, in pectus nudum demissa; fronti insidens prudentia (σαοφροσύνη), prominentibus superciliis, in genis rugarum vestigia, reuerentiam animis spectantium mouentia; in ore suauitas ac dulcedo; vtraque manu sibi implicita baculo innixa; aure dextra tanquam ad audiendum admota, ac si Apollo seu Musarum vna adstans praeci-

y) δοιοὶ δὲ συνισταμένων παλαμαίων εὐρέες ἐσφηνῶντο βραχίονες (iuncta erant corpori) ἢ ὕτε πέτρα (an hoc ad iuncturam illam et compagem spectat?) Mox αὐλὸς πλατὺς ἀνχένος est pro ceruice. Philonem et Philammonem inter pugiles et alii memorant. cf. ad h. l. Brodaeum.

z) p. 464. 5.

a) Difficile est sententiam singulorum satis constituere: ἐπίδηλος δὲ ὁ μὲν Ἰθακήσιος ἀπὸ τοῦ στρυφνοῦ καὶ ἐγρηγορότος, ὁ δὲ Μενέλαος ἀπὸ τοῦ ἡμέρου, ὁ δὲ Ἀγαμέμνων ἀπὸ τοῦ ἐνθέου, τὸν δὲ τοῦ Τυδέως ἢ ἐλευθερία γράφει, γνωρίζοις δ' αὖ καὶ τὸν Τελαμώνιον ἀπὸ τοῦ βλοσυροῦ, καὶ τὸν Λοκρὸν ἀπὸ τοῦ ἐτοίμου.

praeciperet ei; ceterum vultus meditantis et ex mentis penetralibus promentis diuinum carmen. Similia fere adscripsit Cedrenus Hist. Comp. p. 369. 370. vt videri debeat carmen Christodori ante oculos habuisse.

Hesiodus, tanquam cum Musis in Helicone verba faciens et diuino furore ad canendum raptus.

Terpander, nobilissimus ex antiquitate lyricen, modorum citharoediorum auctor, quibus epicum carmen attemperauit: erat eius signum canentis, tam viuide expressum, vt, tota mente commotus, cantum exorsus videretur (ib. p. 460).

Stesichorus quo habitu adstiterit, non memorat poeta (ib. p. 461).

Simonides lyram pulsanti et canenti similis: (ibid. p. 457. 8), videtur adeo lyram manu tenuisse.

Pindarus: sed qua specie et habitu, non declaratur (p. 470); et *Alcman*, quem perperam edebant Alcmaeonem vatem, cum tamen sine laurea esset (ibid.).

Cratinus, veteris Comoediae poeta, stabat vna cum *Menandro*, nouae auctore; sed nulla designatio formae est apposita (p. 469).

Euripides speciem habens meditantis Musam tragicam, animo inflammato (ibid. p. 457).

Homerus alter inter signa erat, quem Christodorus malebat esse iuniorem, tragicum, Myrus poetriae filium, vnum ex Pleiade tragicorum ex Ptolemaei Philadelphi aetate. De vultu et habitu nil additur (p. 471); nec magis de *Virgilio*: cuius statuas olim extitisse ex hoc loco manifestum fit; etsi ea, quae nunc hoc nomine circumferuntur signa et capita, nullam auctoritatem habent.

Philosophorum statuae ex aere in Zeuxippo adstabant plures: nec tamen in recensu eorum adiicitur, qui quemque habitus aut status ab aliis discreuerit; id quod aegre feras non factum. Fuisse tamen certos philosophorum etiam in aere et marmore habitus, discimus ex loco Sidonii IV. Epist. 9. per gymnasia pinguntur, areopagitica, vel prytaneum: *Speusippus* ceruice curua, *Aratus* panda, *Zenon* fronte contracta, *Epicurus* cute dislenta, *Diogenes* barba comante, *Socrates* coma candente,

candente, Aristoteles brachio exerto, Xenocrates crure collecto, Heraclitus fletu oculis clausis, Democritus risu labris apertis, Chrysippus digitis propter numerorum indicia constrictis, Euclides propter mensurarum spatia laxatis, Cleanthes propter utrumque corrosis.

Pherecydes Syrius, Pythagorae magister, stabat oculis caelum contemplans (p. 469).

Pythagoras, stans, in meditationem animo defixo, caelestium vtique rerum, nam vultum ad caelum conuersum habebat (ib. p. 460).

Heraclitus (ibid. p. 469) et *Democritus* (ibid. p. 461), quo habitu fuerint, frustra quaeras.

Anaximenes et ipse meditabundus (p. 458).

Plato nullo alio adiuncto (ibid. p. 459 extr.) memoratur; id quod dolendum, cum de eius vultu ac specie tam incerta ac varia sit hominum opinio.

Aristoteles stans, manibus complicitis, meditati similis; vultus autem compositus et oculi immobiles arguebant mentem in cogitatione defixam *b*).

Philosophos fecere multi statuarii ac sculptores: vt e Plinio patet XXXIV, 19, 27 sqq. et alibi. Titulis eos insignitos et inter se discretos fuisse probabile fit.

Apuleium in his signis memorari, haud parum miratus sum, *arcanae philosophiae mystam*, vt a poeta appellatur (p. 467). Vixit ille Antoninorum Impp. aetate, et magnum eius nomen tum fuisse etiam ex statua eius posita suspiceris. Imaginem marmore expressam Roma adhuc feruare creditur.

Heronis philosophi statua memoratur posita fuisse in area, cui aedes S. Sophiae fuit inaedicata: at in tot Heronibus difficile dictu est,

b) ibid. p. 456. 7. ὀπωπὰς τροχαλὰς pro epitheto ornante, vt omnes oculi volubiles sunt, habere malim; celeres enim ac mobiles oculi non conueniunt cum habitu cogitantis; rotundos autem oculos vertam multo minus, siue vt pro epitheto et hoc sit, siue vt declarent talem habitum, qui alte sublatorum et patentium oculorum esse solet.

est, quis ille fuerit, et scriptura nominis est tam incerta c), vt frustra otium in ea re consumas.

Oratores in Zeuxippo adstabant: *Aeschines* habitu dicentis, quem tamen non satis assequor: contracto erat ore tanquam verba faciens d).

Huic, vt suspicor, obuersus stabat *Demosthenes*: meditabundo similis, consilia alto animo versantis, tanquam contra Macedones, et iamiam dicturi speciem referens (ib. p. 457).

Isocratem prudenter monentem etiam in aere agnosceres (p. 465)

Charidemus, Demosthenis aequalis et Phocionis, inter oratores eius aetatis, vnus ex iis, quos Alexander sibi dedendos poscebat; idem dux Atheniensium, qua specie et hic redditus erat in statua (p. 465).

Historicos memorat Christodorus *Thucydidem* et *Herodotum* (p. 470) cum *Xenophonte* (ibid.); *Thucydidem* quidem cogitabundum et manu elata, tanquam verba facturum; ad declarandam oratoriam vim, quae eius historiae inest e).

Viros illustres memorat Christodorus in Zeuxippo positos: *Periclem*, habitu verba ad Athenienses facientis (ibid. p. 460 *δημηγόρου ἥθος*) suspicari licet fuisse hunc *Olympium Periclem Ctesilai* a Plinio memoratum XXXIV. f. 19, 14. et *Alcibiadem*, Cliniae f. pulchritudine insignem, Atheniensibus tanquam consilia impertientem (ib. p. 459).

C 3

Pompe-

c) Ἡρώνα, Εἰρώνα, Ἡρώα, Ἴριον, Ἴριον. Anonym. 38. et ibi Bandur. Codin. 15-73. Chronographus et al. Impeditior res fit, si Anonym. 160. 167 conferas, quem emendabis ■ Procop. de Aedif. I, 3 vers. fin.

d) Christodor. l. c. pr. p. 456. λασίης δὲ συνείρου κύβητα παρείης, οἷα πολυτροχάλοισιν ἀεθλεύων ἀγορῇσι, στείβεται γὰρ πυκνῇσι μεληδόσι. *hirsutas genas contrahebat, tanquam volubili oratione in iudicio contendens; grauib; enim curis urgebatur*: sic enim malim στένεσθαι h. l. quam, *ingemiscere*. *Curas studium et intentionem animi in causam, quam agebat, accipio; et genas contractas de ore dicentis.*

e) Ita verba accipio: οἷα περ ἱστορίας δημηγόρου ἥθος ὑφαινων, Δεξιτερὴν γὰρ ἀνέσχε μετάρσιον. Erat sane is dicentis gestus: apud Plin. XXXIV. 19, 27. *Cephiſſodotus fecit concionantem manu elata; persona in incerto est.*

Pompeius, si recte verba intelligo, calcabat pede arma barbarorum: quos poeta de Isauris intelligit; a Pompeio enim Anastasius Imp. genus ducere videri voluit, Isaurorum victor (p. 471).

Iulius Caesar Jouis habitu: quo Augustum adhuc videmus expressum inter signa Herculanensia, dextra fulmen iaciebat, sinistra aegidem attollens ac vibrans (ibid. p. 459).

Et hos quidem Christodorus memorat. *Alexandri M.* statua Chrysepoli a Constantino abducta et in strategio posita: Anonym. 74. Codin. n. 55. alia in Hippodromo posita esse debuit; nam prope illam collocatum erat vnum e signis Porphyrii aurigae f). *Seleucum* regem cornibus capiti impositis, noto regum Syriae more, memorant Excerpta ap. Bandur. lib. VI. p. 127. n. 363. et Codinus p. 16. n. 31. Narratur Seleucum regem ex aere fecisse Aristodemus apud Plin. XXXIV, 19, 26. *Augusti* statua in Hippodromo inter LX insigniores Roma aduectas a Constantino: Anonym. lib. III. pr. *Traiani* et *Adriani* statuae visebantur equestres ex aere Cpoli in Miliario: Cedren. p. 322. A. etsi pro Adriano Theodosium iuniorem nominant Anonym. n. 33. et Codin. n. 43. *Maximini* Imp. signum ex aere ingentis molis erat in Chalce: Anonym. 18. *Maxentii* statua a Constantino deiecta: n. 261. *Cari* et *Diocletiani* in area, cui mox S. Sophiae aedes fuit superstructa: ibid. 38. Codin. 15. 73. *Diocletiani* ex aere signum, Nicomedia aduectum in Hippodromo visebatur adhuc Saec. XI. g)

f) In Epigr. 'Εγγύθι τῆς Νίκης v. c. Br. III. p. 20. XIII.

g) Anonym. lib. III. pr. ἐπικλινόμενος οὖσα quod non intelligo. Leg. ἐπικλινόμενος, corpore inclinato, sedens forte.

PRISCAE ARTIS OPERA

QVAE CONSTANTINOPOLI EXTITISSE

MEMORANTVR.

SECTIO II.

Peruentum est ad signa dearum et feminarum; faciemus in his quoque initium ab iis, quae in Zeuxippo steterunt. Fuit in his primo loco *Venus* nudo corpore, sed inde a femoribus vestita, qui sollennis eius est habitus; eadem diademate aureo reuincta a). Memorabile est alterum eodem in loco signum *Veneris* nudae, sed pectus cesto reuinctum habentis b). Tertium erat *Veneris* bene vestitae; sinum vestis circa pectus laxabat, et mammas cestus ambiebat, cui Charis inerat c).

Diana in Zeuxippo stabat sine arcu et pharetra; attamen tunicam habens ad genua pertingentem cingulo adstrictam; in capite autem comam nodo religatam d) sine diademate.

Amy-

- a) Christodori Coptitae Ecphrasis in Anthol. Steph. p. 383 sq. et in Brunck. Analect. To. II. vbi p. 459. diadema intelligo: χρυσείη πλοκαμίδας ὑποσφιγξασα καλύπτρη.
- b) ibid. p. 460. Dolendum, poetam obscure haec extulisse: γυμνήν παμφανόωσαν· ἐπὶ στέρνων δὲ θαυμάσιος αὐχένος ἐξ ὑπάτοις χυθρῆς ἐλελίζετο κεστός. cestus circumductus pectori deae; bene hoc! sed quid est cestus a summa ceruice fusus? hoc de ornatu seu torque dixeris, non de cingulo subter mammas corpus ambiente.
- c) p. 467. disertiora haec: χρυσῇ Ἀφροδίτῃ φάρι κόλπον ἔχουσαν ἐπίσκιον· ἀμφὶ δὲ μαζοῖς κεστός ἔλιξ κεχάλαστο, χάρις δ' ἐνεμήχετο κεστόν. Ex his tandem pro certo constare potest, cestum hunc ambire papillas, et esse diuersum ab altero, quo vestis ad femora adstringitur.
- d) p. 461. ἣν δ' ἐπὶ γούνων παρθένιον λεγνῶτον ἀναζωσθεῖσα χιτῶνα, καὶ τριχὸς ἀκρήδεμνον ἀνιεμένη πλόκον αὔραις. Effet λεγνατὸς χιτῶν, fimbriatus, infixa extremam aram ambiente. Verum in tunicam recinctam id non cadit; poeticum epitheton ornans esse arbitror.

Amymone in adstantem Neptunum, a quo illa erat amata, oculos attollens; ipsa nudo capite, coma a tergo reuincta (ib. p. 458); adeoque sine diademate.

Auge, Alei filia, a qua Hercules Telephum suscepit. Stabat illa iuxta Herculem. Ipsa, tanquam Mineruae sacerdos, palla demissa ad pedes vestita, sed sine infula in capite, manus extendebat tanquam deam inuocatura (ibid. p. 461). Memorabile signum! cf. Apollod. III, 9, 1.

Helena, pulcherrima statua; femina etiam in aere amorem et desiderium pulcritudine sua mouens (ibid. p. 462).

Oenone Paridi adstabat, ira et dolore animum arrodens, oculis ira inflammatis eum furtim adspiciens, dextra tamen eundem a se repellens.

Hecuba, summum animi dolorem et luctum testata vultu, lacrimis manantibus, capite veste obuoluto et peplo ad pedes demisso (ib. p. 463).

Cassandra vates; tacite incusans matrem, furore sacro correpta et nouissima patriae fata vaticinatura (ib. p. 463).

Polyxena, altera Hecubae filia, cuius amore Achilles tactus; quod Pyrrhum filium mouerat, ut eam captam inferiis parentis addiceret. Stabat et illa lacrimans, capite obnupto pudore et luctu; tanta pulcritudine conspicua, ut, si talis ante Pyrrhum stetisset, vix ille eam immolaturus fuisset (ib. p. 463), sed coniugem ducturus.

In *Andromache* mirabatur Christodorus nullum luctum esse expressum; scilicet talem esse exhibitam, quum nondum Hector cecidisset et Troia adhuc staret: ib. p. 462.

Creusa adstabat Aeneae: lugentis habitu; (quippe a marito in fuga ex vrbe incensa relicta) toto corpore palla demissa vestito et capite ipso ad genas vsque velato e); lacrimantibus oculis, tanquam deflentis fatum Ilii.

Ex

e) Ibid. p. 461. ἀμφὶ γὰρ αὐταῖς ἀμφότεραις κρήδεμνον ἐφελκύσαντα παρσιαῖς. Erat κρήδεμνον fascia lata, qua complicata comam religabant; sin explicuissent, totus vultus velari poterat: cf. Odyss. α, 334 de Penelope. II. ξ, 184. Hymn. in Cer. 41. 42.

Ex tota hac classe nullum simile signum ad nostra tempora duravit. Progredimur nunc ad alia dearum ac feminarum signa ab aliis commemorata.

In Excerptis de Antiqq. Cpolit. ap. Bandur. lib. VI. no. 357 sqq. et in Codino n. 26 sq. ex eodem vel simili fonte ductis, memorantur statuæ dearum:

Minervæ cum hasta, clipeo, galea, olea et Gorgone in pectore.

Iunonis cum forcipe (ψαλῖδα χαλκῆν βαστάζει No. 359. Antiqq. Cpol. non forcicem, vti vertitur). Memorabile hoc. Cum forcipe Juno ap. Winckelm. *Monum. ined.* tab. 15. visitur, quod ille cum nomine *Iunonis Martialis* in numo Triboniani Galli ita comparat, vt ad aciei genus a forcipis similitudine appellatum referat. Possit alius ad partum referre, cui praeest Juno Lucina; vt nec tamen de forcipis vsu, ista aetate vix noto, cogitet. Verum latet omnino symboli huius sensus; nisi, quod probabile fit, ad Vulcanum a Junone natum forceps spectat, qui et alias Vulcani symbolum est.

Cybele capite turrito, quam auctor Cererem edit.

Venus cum pectine. Alia barbata. Alia equestris: qualem Aeneas nauigatione in Italiam facta, cum equum conscendisset, consecrasse fertur: (No. 360.)

Eugnomosynes simulacrum (No. 363), de quo postea dicetur.

Vesta cum tympano, telluris orbem declarante.

Et hae quidem in istis Excerptis memorantur. At *Hecate* facem gestans (λαμπαδηφόρος) posita ■ Byzantiis, quo tempore Leontis opera Philippum Macedonem vrbe iam occupata eiecerant; tradente Hesychio viro Illustri in fragm. p. 27 D. in Eclogis Hist. Byz. Φωσφόρος apud Steph. Byz. in Βυζάντιον appellatur.

Ad ingressum vnus ex quatuor porticibus, quae Forum Augusteum circumdabant, duas Constantinus aediculas adiunxerat; in altera *Rheae, matris deum*, signum erat, a Dindymo monte, in quo olim ab Argonautis constitutum fuisse narrabatur, asportatum, leonibus tamen vtrinque sublati, et, cum manibus dea olim leones regeret, nunc manibus illa sublati precantis speciem habebat, vr-

bem adspectans et obseruans; in altera aede *Fortunae Romanae* simulacrum stabat *f*): Zosim. II, 31.

Dea Natura in Artopoliis, quae in Tauro erant, stetisse dicitur; forte Cybele seu Rhea fuit: quale signum stabat in Metroo, h. matris deorum templo Athenis, Phidiae opus: Paus. I, 3. p. 9. Sidentem hanc fuisse in throno, leonibus iuxta positis, et cum cymbalo in manu, discas ex Arriani periplo Ponti Euxini p. 9. Hudf. vbi comparatur cum eo signo aliud ad Phasin in Colchide deae Phasianae. In Euripo Hippodromi statu feminae tricipitis ea stabat: puta fuisse *Hecates* signum. Scylitzes in Theophilo p. 536.

Inter signa a Latinis fracta et conflata, *Iuno* ex aere colossi specie in foro Constantini memoratur ■ Niceta Choniata (Antiqq. Cpol. n. 307). Addit ille, caput tantae fuisse magnitudinis, vt, cum ad fornacem deuehendum esset, vt ex aere conflato numi caderentur, quadrigis bouum opus fuerit.

Iuno Samia, cuius habitus ex numis non ignotus esse potest, stetisse dicitur in palatio Lausi (ap. Cedren. Hist. Comp. p. 322. B. Addit ille satis indocte: fuisse opus Lysippi et Bupalii Chii, quem isto multo antiquiorem esse constat, templi Samii auctorem vna cum Anthermo: Plin. XXXVI, f. 4, 2.)

Diana in Hippodromo fuit posita ad palaestram (Anon. n. 114).

Diana cum Venere in Senatu, hoc est, Curia fori Constantini; (Anonym. n. 17. et Cedren. p. 322 D. vbi στήλη τῆς Ἀρτέμιδος est legendum; confundit quoque Senatum hunc cum altero in Augusteo foro. Attamen ex eo discimus, Dianam ■ Traiano fuisse olim dedicatam, et basi insculptam pugnam Gigantum; et Jouem quidem in ea fulmen iacentem, Neptunum cum tridente, Apollinem cum arcu, Gigantes autem anguipedes saxa vibrantes.)

Apud

f) Τύχη Πώμης est ap. Zosim. l. c. Ex Hesychio Milesio apparet, valde antiqua signa fuisse, quippe quae a Byzante iam dedicata esse credebantur. Non enim nisi de hoc simulacro accipi possunt verba: Πέας μὲν κατὰ τὸν τῆς Βασιλικῆς τόπον νεῶν τε καὶ ἀγαλα καθιδρύσαστο· ὅτε (l. ὅτι, οὐ) καὶ Τυχαιὸν τοῖς πολίταις τετίμηται. Est enim τὸ Τυχαιὸν templum *Fortunae*. *Basilica occupauerat locum*, ait: ergo Porticus antea fuerant deletae; vt mox ipsa Basilica incendio sub Basilisco 476. facto.

Apud Cedrenum Hist. Comp. n. 120. p. 322. in Lausi palatio memoratur *Venus Cnidia* e candido marmore, nudo corpore et manu nudas partes tegente; ferrem ita dictam, quia eodem statu ac positu erat, qua Cnidia erat, nisi ille adderet, ipsam Praxitelis eam manum fuisse; eundem indocte Cnidium appellat.

In Zeugmate (locus vrbis erat, olim lupanar, mox xenodochium, tandem monasterium virginum sacrarum) *Venus* stabat in columna rotunda striata e lapide. Lepida de hoc signo ferebatur fabula, tanquam de indice et vindice pudoris; nam quoties locum adibat puella vel mulier ab adultero vitiata, ecce statim grauis procella orta in eam irruens ipsas vestes dilacerabat. Cum idem hoc euenisset Sophiae Iustini II. coniugi, praetereunti locum, cum ad balneum properaret, irata illa statuam deiici iussit: Anonym. 95. Codin. 57. 58. Non absimilis fabula erat de signo in *Neorio viri quatuor cornibus instructi*: ad hoc quoties laesae pudicitiae femina accesserat, statim illud ter in gyrum se circumagebat. Solebant itaque huc adducere mariti vxores, quarum fidem suspectam habebant; atque hoc modo ipsi cornuti declarabantur: Anon. n. 162 εἰς αὐτὴν κορνυτᾶς qui locus est inter vetustiora huius nominis documenta. Quale tamen istud signum fuerit, si quaeras: de Pane vel Satyro cogitare non licet, cum in his crura caprina facile occurrissent; potuit Fauni, cornibus et auribus acutis instructi, Bacchi barbati vel Iouis Ammonis esse, forte etiam Seleuci Nicatoris, quale suo loco memoratum est ex Antiqq. Cpol. 363. duo ex cornibus nihil aliud fuere quam cincinni paullulum erecti. Ceterum signa memorata dudum e medio esse sublata, iure meritoque laetabuntur omnes mariti ac coniuges.

Mineruam armatam supra vidimus ex Excerptis de Antiqq. Cp. No. 357.

Minervae Lindiae stabat olim signum cum Joue Dodonaeo ad ingressum Senatus seu Curiae a Constantino factae: qua incensa sub Arcadio 404. sub ruderibus vtraque incolumis fuit reperta: Zosim. V, 14. Nec aliam fuisse puto *Mineruam Lindiam*, quam Cedrenus p. 322 D. memorat in via, quae ad Augusteum ducebat; galeata illa

et aegide in pectore conspicua erat; cui ex aduerso, in parte orientali stabat *Amphitrite* cum chelis cancri ad tempora: quo habitu illa in anaglyphis adhuc occurrit (ap. Winckelman. *Mon. ined.* tab. 43 et 110. Extant quoque marmora.) Clarior vtraque est *Minerua Lindia* in *Lausiaca domo*, cum multis columnis et marmoribus ornata, tum signo quaternum cubitorum ■ smaragdo, si fidem habes Cedreno Hist. Comp. p. 322. cf. p. 351. opus, ait ille, Scyllidis et Dipoeni statuariorum, quod olim donum misit Sesostris, Aegypti rex, Cleobulo Lindi tyranno. Quibus an indoctiora alia narrari possint dubito. Certe refellere piget. Potuit saltem Mineruae signum ■ viridi marmore factum Rhodo Cpolin apportatum esse g).

Musae nouem, quas ab Helicone ablatas esse ferebant, positaerant ■ Constantino in Curia, quam extruxerat, interieruntque illae cum Curia igni cremata per factionem Joannis Chrysostomi tum exulis: v. Zosim. V, 24. qui acute obseruat portendi ita visam esse ingruentem barbariem et litterarum interitum (ἀμουσίαν). Eusebius Musas in palatio positas memorat lib. III, 54. Potuit fieri, vt ex vno in alterum locum transferrentur; nec tamen improbable, Eusebium artium et operum elegantiorum non multum studiosum fuisse. Musas in Curia Themistius vtique viderat Or. XIX. ad Theodosium p. 224. ed. Petav. idemque nouem alias Musas memorat ex aduerso illis positas Or. XXXI. extr.

Fortuna Urbis (Τύχη τῆς πόλεως) non vna memoratur et a variis varie, cum vanis fabulis, quae ipsam rem obscurant h); potuit et alia esse alio tempore. Si Hesychium Milesium, quippe antiquiorem, sequare (p. 30 Excerpt.), fuit parua *Fortunae* imago insitens dextrae statuae

- g) Erat antiquissimi operis signum Mineruae Lindiae, rude, quod ■ Danao positum ferebatur: de quo fragm. Callimachi CV. καὶ γὰρ Ἀθήνης Ἐν Λιβῶν Δαναὸς κίον (sen malis λῶαν legere cum Toupio) ἔθηκεν ἔδος. Huic Mineruae Lindiae calicem sacrauerat Helena ex electro: adiicit historia, mammae suae mensura: Plin. XXXIII. f. 23. et Cadmus cum alia dona tum lebetem ex aere litteris Phoeniciis insignem: Diodor. V, 58.
- h) Chronic. Alex. ad a. 330. Anonym. No. 4. 35. vbi Bandur. 117. 118. 280. 281. Cod. n. p. 162. cf. Gvilius II, 20. Si Anonymum audias n. 50. *Fortuna illa Urbis* olim in Philadelphia steterat; sed tam perturbata in eo sunt omnia, vt nihil inde proficias; potuit pompa ex eo loco duci.

statuae Constantini, cum hac inuehi quotannis solita in pompa publica Encaeniorum die per Hippodromum ad Palatium, vnde coronata ab Imperatore reducebatur. Nec tamen ultra Theodosii tempora solenne hoc observatum. At aliis locis narratur de mulieris statua icunculam equestrem dextra tenentis; esse eam antiquam nonnulli ferebant, et Constantino deberi tantum hoc, quod manui imposita sit statua equestris. Carrucis imposita illa quotannis in Hippodromum deducebatur in Encaeniis urbis; comitabatur eam turba cum albis cereis ⁱ⁾. Non adeo fit improbable ■ serioribus fabulam esse interpolatam. Attingit sigillum idem Chronographus n. 232. Videtur haec icuncula esse eadem, quam Nicetas memorat inter opera ex aere ■ Latinis corrupta et conflata igni: n. 320. I. mulier pulcherrima, coma ■ ceruice reuincta; dextrae eius insistebat statua parua equestris. Sessor ferociens, bellum spirans, paludatus, ocreatus; equus autem auribus micans, capite erecto, vultu acri, pedibus sublimibus ad cursum raptus. Stabat in columella non alta.

Alia *Vrbis Fortuna* ex aere, cum modiololo in capite stabat in fornice Fori Constantini: Anonym. n. 39. cui Michael Rangabe (inde ab a. 811) manus amputari iussit, ne populi factio contra imperatorem aliquid moliri posset: tanta erat saeculi superstitio! De modiololo valde laborant viri docti. Scilicet Byzantini *modiololum* appellabant genus mitrae seu calyptrae capiti impositae, quae modii forte speciem habebat: v. Du Fresne in Glossario h. v. Cpol. Christ. II, 9. (idem mallet coronam turritam interpretari.) Bandur. ad Anonym. l. c. Enimuero non insolens Fortunae simulacrum est cum modio in capite.

Nescio an idem sit *Fortunae Vrbis* simulacrum, quod Zonaras memorat sub Anastasio positum, prorae et rostro nauis pedem imponentis: lib. XIV. To. II. p. 57 A.

Alia *Fortuna Vrbis* ad ingressum fori Augustei in aedacula posita supra memorata fuit e Zosimo II, 31.

D 3

Alia

i) Haec ap. Anonym. 118. ἀνὰ κηρῶν λευκῶν non sunt vestes, sed cerei. leg. μετὰ, vt Chronic. Alex. de eadem Fortuna Vrbis: πάντων κατεχόντων κηρούς λευκοῦς.

Alia, si Anonymo n. 24. fides, fuit super fornice in Palatio, quam Constantinus Roma secum auexerat; sublata et confracta a Mauritio.

Alia in Strategio, Cornu Copiae manu tenens, incendio vrbis 510 (v. Marcellin. Com. Chronic. h. a.) vitata, tandem a Barda Caesare sublata cum aliis signis et conflata.

Fortuna in Hippodromo posita occurrit in Epigr. Aurigar. Br. To. III. p. 20 XIV.

Felicitas in Hippodromo, et quidem in parte Neolaea dicta, posita erat teste Anonymo 118. ita Εὐδυνίαν interpreter. Apposita erat *Fames*, sed virili specie, ὁ Λιμός.

Signum *Eugnomosynes* ■ Codino (de Origg. Cp. n. 30) et Antiqq. Cpol. No. 363. memoratur: speciem addit fuisse feminae dextra sceptrum, laeua volumen tenentis. Obscurum est, cuiusnam virtutis symbolica haec species fuerit. Nomen declarat aequitatem, facilitatem, moderationem (ἐπιείκειαν). At Codinus symbola interpretatur ita, vt de mente beneficiorum acceptorum memori intellexisse videatur k).

Baccharum signa, quae Cpoli visebantur, iam Commentatione II memorauimus, de priscae artis operib. ex Anthol. Gr. p. 115. (Commentat. Vol. X.)

Roma noua cum Vrbe *Nicaea* stabat in Hippodromo: Epigr. in aurigas ap. Brunck. T. III. p. 31. LVIII. *Alia noua Roma*, coronam manu protendens (Vigilii Protosecretarii vxorem hac specie effictam alii

k) Hominem non satis assequor, quid velit: sceptrum, ait, tenet, ὡς ἀρχίου οὔσης τῆς εὐγνωμοσύνης quocunque sensu acceperis, quomodo sollertiam animi sceptrum innuat, non intelligo; saltem deae attributum est. At laeua, pergit, librum tenet, διὰ τὸ τὸν εὐγνώμονα θέεσθαι ἀναμνήσεως, ἥτις διὰ βιβλίων γίνεται. Alterum hoc, quod per librum recordatio declaratur, quodque hac ὁ εὐγνώμων potissimum indiget, ad gratam mentem commodissime referri potest; hoc sensu tamen εὐγνώμονα dici non memini. Sunt in Virici Huberi Auspiciis domesticis exercitationum (Franequ. 1602) Oratio VII. VIII. IX, lusus potius in hanc statuum, quam commentatio; modo Bonam Mentem, quae ingenium atque memoriam requirit, interpretatur; modo Aequitatem, quae lege et ratione continetur; modo Mercurium paullo ante ■ Codino memoratum in consortium adsciscit.

alii edebant) stabat in Porta aurea cum aliis signis. In his etiam *Victoria*, et *Crux*. Anonym. n. 71. Codin. n. 54.

Victorias expectabam plures, quam memoratas video. Vnam in Hippodromo l). *Victoriae* Imperatorum passim erant celebratae dea *Victoria* picta seu sculpta m).

Scylla, monstrosa specie feminae, superne, in caudas desinentis ex capitibus caninis miseros nautas, *Vlyssis* puta comites, deuorantibus. Haec sic satis colligere licet ex Anonymo 114. Codino n. 61. 62. Niceta n. 315. At plura ab iis addita sunt portentosa. Duo monstra priores illi narrant ex se belluas gignentia et homines deuorantia, tum naues, e quibus nauigantes rapiuntur: vt possis de anaglypho cogitare. Sed indoctis hominibus parum aut nihil est tribuendum. *Scyllam* hanc ex aere Latini concisam conflarunt.

Medusae capita duo inaurata stabant in arcu ex aduerso *Chalces*: Anonym. 19. vbi v. Bandur. Codin. 38.

Sirenes XII. inauratae in basibus seu columnis ■ porphyrite: quarum VII. adhuc Saec. XI. supererant: (Anonym. n. 39. Codin. 75. 76. Chronogr. 242. sed vix aliquid sani inde elicies.)

Daphnes statua fuit Roma asportata in eum locum, qui inde nomen *Daphnes* accepit: Anonym. n. 23.

Helena inter praestantissima signa, sed a Latinis diffracta, memorata et laudata, a Niceta n. 317. Erat subridens, ore tanquam ad loquelam aperto, coma effusa cincinnis, diademate auro et gemmis distincto redimita, eximie vestita et amorem spirans. Potuit forte esse hoc signum, in quod epigramma est A. St. p. 320. Br. III p. 110. Ἀργείνης Ἑλένης. (v. To. X. Commentat. II. de priscae art. op. ex Anthol. p. 114.) Nisi pro eadem habenda, quae supra in *Zeuxippo* fuit memorata.

Illustres feminas *Zeuxippus* exhibebat non nisi duas, *Sapphonem* et *Erinnam*, poetrias; illam sedentem et canentem (ibid. p. 458); hanc

l) Epigr. Ἐγγύθι τῆς Νύκτος ap. Br. III. p. 20. XIII. et ap. a).

m) Plures *Victoriae pictae* memorantur in Palladae epigrammate A. St. p. 357. Br. II. p. 426. XCIII.

hanc tacitam sedentem, nec fides tangentem: nescio lyra apposita nec ne (ibid. p. 460).

Damalidis, quae Charetis Atheniensis vxor erat, sepulcrum cum signo *iuuencae* imposito, cum epigrammate, iam supra memoraui.

Minervae sacerdotem feminam in area S. Sophiae olim extitisse, memorant Anonym. n. 38 (vbi *ἱερεῖα*) Codin. n. 15. 73 (vbi *ἱερόβοια* priore loco legitur, at in Colb. Cod. et in Chronographo *ἱερὶδία*: recte: quod senioris aetatis vocabulum est.)

In Castro Panormo super porta stetisse memoratur *figura muliebris biceps* fabulis superstitiosis celebrata: Chronogr. n. 233. Scilicet *herma* fuit binis capitibus instructa in formam Jani: cuius generis adhuc nonnullae supersunt. Memorabile tamen hoc, quod feminarum capita iuncta fuere: cuius generis hermae infrequentes sunt.

Feminae species erat imposita basi quadrilaterae ingenti ex aere n); dicta *Anemodulium*, quia ea cum arte fabrefacta erat, ut vento ingruenti circumacta cederet: artificium quale narratur de Iove Lysippi Tarenti ap. Plin. XXXIV, s. 18. Columna, quae statuæ pro basi erat, speciem pyramidis habebat, quaternis undique lateribus insculpta animantibus, plantis, pomis, prospectu agrorum, maris, fluminum et riparum, Amorumque lusibus o). Etiam in his figuris superstitio Graeculorum magicas fraudes latere credebat. Operis huius auctorem Theodosium M. Cedrenus, alii Leonem Isaurum (Saec. VIII.) edunt. Idem concisum conflare Latini capta Cpoli p).

Obelisci Cpolim translati fuere plures; ex his celeberrimus in Hippodromo, in media spina, quam ingens signorum et columnarum numerus onerabat: eius descriptionem dedit Gyllius III, 11. quantum

n) v. Anonym. 47. Nicetas Choniates n. 307. 8. Cedren. p. 323. qui *Ἀνεμοδῆριον* appellat, quasi *δῆριον τῶν ἀνέμων*, pugnantem cum ventis.

o) Cedrenus de his tanquam de integris signis loquitur. An Secundi Carmen: *Συνολοχαρεῖς τὸ Ἑρωτάς* Anthol. St. p. 333. Br. III, p. 5. ea respiciat, non dicam. Bases autem anaglyphis ornatas esse, insolens non est.

p) Nicetas l. c. τὸ τετράπλευρον μηχανήμα non est machina, sed opus fabrefactum. Etiam XII. venti exsculpti in ea columna erant, nisi signa fuere integra, ut Cedrenus et Anonymus narrant.

quantum quidem eius aspectu frui licuit. Basis in quaternis lateribus insculpta est variis argumentis, pluribus figurarum ordinibus; partem septentrionalem anaglyphorum exhibuere Sponius, Wheeler, Banduri: in quibus artem iam tum degenerem facile agnoscas. Redditur in ea parte apparatus et molitio eleuandi a solo et collocandi obeliscum, intra 32 dierum spatium; vnde satis apparet, machinarum apparatus non fuisse diuersum ab eo, quo, tanta cum admiratione, vsi sunt Sixti V. tempore in obeliscis Romae statuendis; conuenit et narratio ap. Ammian. XVII, 4. de Obelisco Romae in Circo Maximo posito sub Constantio 357. Adduxerat Obeliscum Constantinus, sed collocauit in loco suo Theodosius senior (a. 390. Marcellin. Comes ad h. a.) Docent id duo epigrammata in basi sculpta, alterum graecum, A. St. p. 349. Κίονα τετράπλευρον. Br. III. p. 132, II. alterum latine exaratum: ap. Gyllium l. c. Obeliscus hieroglyphis est insignitus, quaternis lateribus, inferiore parte latis VI. pedes. Altitudo est pedum L. Impositus est tesseris quatuor ex aere, extremis basis angulis insistentibus.

Alius e lapide Thebaico h. e. granito in Strategio v. Anon. n. 75 qui τὸ μονόλιθον appellat, et alia vana de eo tradit. cf. Bandur. ad e. l. Male cum illo priore confusus a Codino n. 55 et al. Videtur hic esse is, quem Gyllius adhuc iacentem vidit intra Claustrum regium II, 11. XXXV pedum e porphyrite.

Ingens alius, *Colossus* structilis dictus, memoratur, e magnis faxis compositus et laminis aereis obductus: quibus Gyllius nudata vidit faxa, vna cum basi e marmore, cui inscripti versus a Constantino, Romani patre († 959) lib. II, 12. Praeterea *Columnae* minores plurimae; cum superstitibus septem aliis ingentis molis: e quibus vni imposuerat *Herculem* ex aere, in praedae parte ex Hungaria absportatum, Ibrahim vnus e magnatibus, deiectum tamen mox et confractum.

Columna ex aere serpentis formam habens sinuati flexibus, in trina capita desinentis q). Iam ex Herodoto IX, 81. constat, e manubiis post victos ad Plataeas Persas Apollini Delphis dicasse Graecos

tripo-

q) *Wheeler's Journey* p. 185.

tripodem aureum serpenti tricipiti insistentem; tripode autem ■ Phocensibus in bello sacro ablato, basin serpentis speciem habentem viderat Pausan. X, 13. p. 830. Videtur adeo virorum doctorum iudicio non improbabili (v. Gyllius II, 12. Gronov. et Wessel. ad Herodot. l. c. cf. ad Nepot. Pausan. 1.) ista ipsa, quam vocant, columna eadem illa basis esse; trina capita serpentina tripodis pedibus recipiendis erant destinata. Difficultatem facit, quod Zosimus II, 31 Constantinum narrat in quadam Hippodromi parte statuisse Apollinis Delphici tripodem, cui Apollinis signum insidebat: et tripodes Delphicos in Hippodromo iactat a Constantino positos Euseb. in Vita Const. III, 54. At tenendum est, tripodem hunc, si quidem Delphicus fuit, non tamen eum, cui insidebat Pythia, esse potuisse; sed fuisse vnum e pluribus, qui in Hippodromo adstabant; qui adeo ad illam basin serpentis formam habentem non spectat; frustraue iactari a Sozomeno, tripodem a Graecis post pugnam ad Plataeas Delphis dicatum in Hippodromo visum esse. Num ad eundem, quem Zosimus narrat, tripodem, an ad basin serpentis speciem referentem, referendum sit, quod Eusebius narrat de tripode serpentis gyris implicito, non dicam: (de Vita Const. l. l. III, 54. ex eo Socrates I, 16. Sozom. II, 4. Paull. Diac. II. Niceph. Call. VIII, 33.)

Monumentum fuit in foro Constantini *anaglyphis* ornatum *columnis* subnixum: quo fata urbis futura efficta esse arte magica credidit plebs superstitiosa: Anonym. I, 42. Codin. n. 77. *συστημάτων* appellat: h. e. columnarum ordinem subnixum trabe et zoophoro.

Similes *columnae cum anaglyphis*, de quibus eadem sibi persuaserat superstitio, erant in Artopoliis, v. in Antiqq. Cp. Anonym. 43. 44. it. 101. 262. 3. Codin. 47. et octo columnae cum basibus exsculptis Anonym. 28. Codin. 77. aliae in Tzucalariis (foro ollario), et aliae in Chalce: Anonym. n. 28. Nobilissima in Philadelphio ex porphyrite, cui vna e trinis Crucibus erat imposita: v. Anonym. I, 50. Sunt non tam in hanc Columnam, quam huic columnae inscripta, si titulus recte se habet, tria epigrammata A. St. p. 373. Br. III. p. 133. et ap. Bandur. n. 429 in Musellium Musei conditorem, qui Eunuchus sub Theodosio II. fuisse videtur: v. Du Cange ap. Bandur. T. II. p. 856.

Por-

Portae Hippodromi anaglypho opere ex aere mirifice ornatae fuere: v. Anon. n. 116. etiam ipsae a plebe fatidicae esse creditae.

Tropaea ex aere ex antiquioribus aetatibus Protomachi, ducis Byzantinorum, in miliario posita memorat Hesychius (p. 28. Eclog. Labbei).

Tripus ex aere in Strategio: cuius anaglyphis quoque fata vrbis expressa esse credita sunt: Anonym. 75. Codin. 55. Hecates tripodem appellat Cedrenus p. 322. n. 120. (Alius stabat in Hippodromo: de quo et aliis v. supra, vbi de Obelisco.)

Memorantur a Cedreno Comp. hist. p. 322. C. in domo Lausiaca *animantia ex aere* varii generis, vnicornes, tigres, gryphes, camelopardi, taurelephantes, Centauri et Panes. Videntur in his orientis et asiatici tumoris vestigia esse; tum nec signa fuisse videntur, sed anaglyphum opus. Aliud eiusmodi opus apud eund. p. 323. A. fuit in *basi Anemodulii*, de qua supra dictum inter deas. Et tertium aliquod in *Anastriano*: sed tam obscure et inscite expositum (Anonym. 54. Chronogr. 51. 52. Codin. 51. 52), vt nihil in eo assequare quale fuerit.

Columnae praeclarae anaglyphis insignitae ab Anastasio (491-518) Thessalonica auectae: quarum octo in aede S. Platonis, duae aliae in aede Seruatoris a Romano seniore (919-944) erant collocatae: (Anonym. 83. et Bandur. ad e. l.)

Horologium ex aere a Justino II. constitutum et a Juliano repositum in Miliario, quae fori Augustei pars erat, celebratum Epigrammate Δῶρον Ἰουστινίῳ A. St. p. 381. Br. III. p. 138. XXVII. Bandur. p. 151. vbi et cetera carmina in horologia aquaria et solaria. Aliud erat in loco, qui Ὀρεῖον et Modium appellabatur, in regione Myrelaeo ad forum Arcadii. Supererant ex eo columnae et arcus etiam feriore tempore. *Modium* loco nomen erat, quia publice modius ex aere seruabatur r), binis manibus hastae impositis: signa fuisse puto militaria: multa absurde cum de his tum de aliis narrant Graeculi:

E 2

Ano-

r) Etiam Ἐξάμωρον τοῦ μωδίου, *examen modii* dictus ille: v. Bandur. T. II. p. 586.

Anonym. 52. 53. Chronogr. n. 239. Codin. p. 74. Erat ibidem Valentiniani Imp. statua cum modio ex argento.

Aliud *horologium* celebratur in Magnaura, quod palatium erat in Hebdomo, septimo lapide ab Vrbe, a Mauritio Imp. circa 595. sed, vt alii tradiderant, ab Philippico Bardano (711-713) constitutum: v. Du Cange ad Zonaram p. 126.

Animantia adhuc sunt commemoranda inter artium opera, quae Constantinopoli inter ornamenta memorantur.

Equi in Hippodromo ex marmore et ex aere fuere magno numero eo adhuc tempore, quo Latini Cpolin tenuerunt, narrante Niceta. Creduntur ex iis quatuor ex aere inaurati stare Venetiis ante aedes S. Marci, illo tempore (a. 1206) auecti. Sane Graeci de quatuor equis ex aere inauratis in Hippodromo memorant, Chio arcessitis sub Theodosio II. (Anonym. n. 114. Chronogr. n. 302. Nicetas in Manuele lib. III. n. 5. p. 78), nisi quod Nicetas capite reclinari ferocientes et in cursum ruentes facit. Vnum narrat infrenem, aures arrigentem et frementem, placide tamen incedentem: n. 314. Forte ad eosdem spectat locus turbatus Anonymi n. 117. 118. in quo ἵπποι χρυσολαμπεῖς τέσσαρες leguntur. In *Equum* ex aere in Hippodromo, hinnienti similem, altero pede anteriore sublato, est carmen Michaelis Psellii: Brunck. III. p. 127. ex Bandur. T. I. p. 178. *Duo Equi* e marmore a Phoca positi in Miliario, cuius pars inde Diippion appellatum; erant illi positi in memoriam equorum publicorum, quibus ille neruos crurum inciderat, ne ipse fugiens retrahi posset: narratio alibi non obuia (Anonym. n. 29. Codin. n. 41. 42). *Duo alii equi* ex aere a Justiniano Epheso asportati et super fornice ex aduerso Chalces positi, loco quidem altiore, ne adpectu intelligeretur, alterum altero minorem esse: Anonym. 18. Codin. 38.

Bos ex aere visebatur Pergamo allatus, de quo fabula narrata, similis illi de tauro Phalaridis; crematum in eo fuisse martyrem Antipam aiunt: Cedren. Hist. Comp. p. 323. Stabat autem in foro boario (Anonym. n. 55 εἰς τὸν καλούμενον Βοῦν). Sub Heraclio numi

mi ex eo sunt conflato procusi. *Bos* stans Chrysopoli ex aduerso Byzantio Br. III. p. 187, 185. *Bouem* ex aere in Neorio celebrauit fabula a plebe credita, mugitum quotannis certo die ex eo audiri: Anonym. 81.

Ara cum vitulo in Neolaea, quae Hippodromi pars erat: Anonym. l. l. 117.

Elephantes ex aere stabant in Porta aurea, ad similitudinem, aiebant, eorum, quibus Theodosius victor ingressus erat: Anonym. n. 61. Codin. n. 54. Cedren. p. 323. C.

Narrat *Elephantem* proboscidem vibrantem ex aere in Hippodromo, ■ Latinis direptum signum, Nicetas n. 314. *Elephanti* ad Portam auream: Anonym. 14. aduecti e templo Martis Athenis a Theodosio II. ibid. n. 60. *Elephas* ex aere ingens in Basilica: de quo fabulae narrantur ap. Anonym. 78. Erat is iam ■ Seuerio dedicatus. Alius *Elephas* ex aere in foro Constantini stabat, quo ex motu terrae prostrato in corpore inuenta sunt ossa cum tabula, quae significaret, duorum amantium esse reliquias: Anonym. n. 41.

Eodem loco *Sus* erat ex aere cum feminae nudae signo; hanc plebs interpretabatur vendentium et ementium impudentiam, istam turbae clamores designare: Anonym. ibid.

Hyaena a Constantino Antiochia adducta stetit in Hippodromo: Anonym. 115. nisi corrupta lectio est pro Ὑγία, Hygea, dea Salus. Ex Niceta, vbi iuncta sunt n. 313. "nec manus abstinerunt Latini οὐδὲ τῆς ὑαίνης τε καὶ τῆς λυκαίνης," suspicari licet, deprauatum esse illud ex hoc.

Asinus cum asinario; onus ille dorso portans et rudiens; ex aere in Hippodromo ■ Niceta inter aera ■ Latinis direpta memoratus: n. 313. Ab Augusto dedicatum ille narrat, cum ante pugnam Aetiacam omen obtulisset asinarius se Niconem professus cum asino Nicandro. Inter aniles fabellas referendum et hoc esse puto; erat forte Ocnus in inferis; saltem lusus artificis.

Lupa ex aere, cum Romulo et Remo lactentibus, stabat in Hippodromo, a Latinis confracta: (Nicetas n. 313.)

Serpens ex aere in ponte Barbyssae fl. fabulis celebratus superstitionis: (Anonym. 162. 3. Chronogr. 246. Svidas in Μάμας.)

Hippocampus fuit in Hippodromo, inter signa a Latinis eversa memoratus ■ Niceta n. 313. qui Equum Niloticum appellat, in caudam squamis obductam desinentem. Idem narrat *Sphinges*, et quidem alatas; *Aquilam* cum serpente inter vngues reuoluto, affabre elaboratam; de qua inepta deliramenta sunt attexta a Niceta; illud tamen memorabile, quod in alis XII. horae signatae declarant, aquilam hanc aliquando pro gnomone fuisse; tandemque *Hippopotamum* dentibus crocodilum tenentem, quae signa graphice describit tanquam in certamine constituta sint, sed indocte appellat *basiliscum cum aspide*: n. 322. 323. Memini in hieroglyphicis similia occurrere.

SERIORIS ARTIS OPERA QVAE SVB IMPERATORIBVS BYZANTINIS FACTA MEMORANTVR.

COMMENTATIO

RECITATA D. XXX. JULII MDCCCXCI.

A

CHR. GOTTL. HEYNE.

SECTIO I.

Commentatione superiore anno recitata, AA. antiquarum statuarum aliorumque artis operum, quae Cpoli visebantur, notitias conquisitas exposueram, vt partim priscae artis argumenta plura, quam vulgo tenentur, in memoriam reuocarem, partim, quaenam opera Cpolin exornauerint, scriptorum fide constituerem, cum illud vulgo constaret, Roma et Italia sculpturae, forte et picturae, praestantissima monumenta in nouam vrbe fuisse translata. Restat, vt nunc exemplis doceam, fuisse et in noua vrbe ab imperatoribus curata sculpturae et picturae opera noua magno numero; quo tandem constet id, quo nouissima aliqua commentatione rem deducturus sum, nequaquam cum imperii Romani sede Byzantium translata omne statim artium studium expirasse.

Et primo quidem, vt ab hoc initium faciam, multa memorantur loca et aedificia publica operibus et statuīs exornata, nec modo antiquis aliunde adnectis, verum etiam nouis. In his *forum Augusteum*, quadruplici *porticu* cinctum, quae ad palatium ducebat, tum contiguum

guum huic foro *Miliarium*, et *Curia*, *Senatus* dicta, ad omnem magnificentiam et elegantiam instructa; inprimisque simulacris adspectu mirabilibus et colore marmorum insignis, quorum post haec tempora copia nulla amplius fuit: (Zosim. V, 24.) *Curia* hoc incendio deleta a. 404. alia a Theodosio II. exstructa noua artium opera habuit, et cum et illa incendio 532 conflagrasset, iterum alia a Justiniano facta signis ornata fuit, inprimis columnis sex insolitae altitudinis in fronte constitutis. *Palatium* a Constantino conditum et a Justiniano restructum, cum *Chalce* et *Porticibus* (ἐμβολοὶ illi dicti) et *Basilica* a). Porticuum omnino magnus fuit numerus locis diuersis; numerantur enim ad LII. *Aedes S. Sophiae*, in qua nullum est artis genus, quod non omnium memoretur oculos in se conuertisse; in his inprimis columnae pulcherrimi marmoris innumerae. Eius aream antea ad CCCCXX. statuae occupasse dicuntur, quae mox per totam urbem dispersae sunt b). *Forum Constantini*, et in illo *Senatus*, h. *Curia*. *Palatium Lausi*. *Forum Theodosii*. *Forum Arcadii*. *Porta aurea*. *Magnaaura* (h. magna aula) palatium. *Balnea* magnifice exstructa: tot in ea factis carminibus celebrata: in his Constantini, Arcadii, Eudoxiae, et ante cetera *Zeuxippus*; tandem *Hippodromus* memorandus, quem omni sculpturae genere ornatum fuisse constat, ut *Circum*, qui Romae erat, ornamentorum copia aequare videri posset.

Quod si loca publica et aedificia nouis sculpturae operibus exornata fuere, nec ab vno tantum imperatore: artificum numerum per plura saecula superfuisse, neque artificibus operum locatorum copiam defuisse, necesse est. Quid igitur illud fuisse dicemus, quo artificum ingenia fuere attenuata, et opera a superiorum temporum laude et praestantia nimium quantum remota et deiecta! Scilicet
non

a) v. Procop. de aedific. I, 10. cf. Anonym. n. 5. 6.

b) Ita Anonym. 38. Ad Constantinum hoc refert Codinus n. 15. ad Justinianum n. 73. Neutra narratio fidem liberat: unde enim tot statuae vno in loco Constantini aetate, antequam is aedem ibi conderet? aut Justiniani, cum iam aedes sacra ibi esset? Forte de contiguis et aedi vicinis locis accipiendum, quarum area nouae aedi fuit attributa. LXXX statuarum numerum edit Svidas et Chronographus n. 238. Non paucas ex iis suo adhuc tempore per urbem occurrere peritis Anonymus censebat saeculi XI homo; l. c. n. 39.

non vnum mali fontem fuisse credere licet, etsi vno, deprauati pulcritudinis sensus, nomine designari ille vulgo soleat et possit. Artificum laus et virtus constituitur fere iudicio eorum, quibus opera sua probari illi volunt; quod si hi aut iudicio parum valent aut sensum animi habent, opinione seu luxurie, ad deteriora deflexum: pauci sunt artifices, qui suo ingenio obtemperare malint, quam vulgi iudicio, aut qui hominum, meliorum saltem et sapientiorum, sensum sui sensus et iudicii auctoritate constituendum et fingendum esse intelligant; plerique, hominum potentiorum stultitiae inseruiendo et blandiendo, nouum ingeniis suis habitum induunt, ad quem cum discipulorum studia tum populi iudicia sensim deflectuntur. Ita fit, vt illi, qui perpetuo talium rerum adspectu adsueuerunt, nec vitia, quae iis insint, animaduertant, nec meliora desiderant, quia eadem ipsa, quae ad meliores rationes facta sunt, tanquam a suo sensu abhorrentia, et, prouti sibi persuadent, deteriora, respuunt. Cum Constantinus nouam urbem conderet et exornaret, luxu et fastu dudum ingenia erant contaminata; mox multo magis fuere corrupta adscito luxu et fastu Asiatico; quo non artem sed materiam, non manum sed pretium in honore haberent; signa ex auro et argento sibi poscebat imperatorum arrogantia, ex aere et marmore sculpta respuebat; inde ad opus musium procliuiora fuere hominum ingenia, lapidum pretio et colore inuitata, in pictura quoque probatum aurum et color viuidior, nullo aut artis aut veritatis respectu et cura; etiam in aedificiis marmorum colores maiori erant curae, quam partium et columnarum rationes. Quod autem sculpturae omnem laudem eueruisse videri debet, in argumenti tractandi necessitate positum fuisse puto. Nouae religiones Christianae, cum odio praeae superstitionis, artifices omnium veterum fabularum, quibus antea ars effloruerat, vsu excluferant. Nulla ars seu sculpturae seu picturae, multo tamen minus sculpturae, praeclara opera condere potest, nisi rebus, a sensuum quidem vi et ope repetitis, ad speciem tamen mentis, quae ad praestantissima quaeque sui generis fingi potest, reuocatis. Qui nihil aliud, quam quod in natura rerum vere habetur, adumbrant et exprimunt, artis quidem subtilitate ac veritate laudem sibi parabunt; at enim ingenii sublimitate et magnitudine, operum diuina specie,

maiestate, venustate, nunquam se satis commendabunt. Supra humanam naturam est euolandum, et, licet diuina species ex ea adumbretur, effingenda tamen est haec ipsa ad praestantiam animo conceptam. Sine deorum itaque, quos antiquitas vocauit, hoc est, formarum ad humanam quidem speciem adumbratarum, communem tamen naturae modulum egressarum, sine deorum, inquam, natura ~~et~~ specie ars sublimior nulla esse potest; ad eandem finguntur heroes, ad eandem viri magni. Hac diuina humanae formae specie pulchriore et augustiore exciderant sculptores Byzantini, postquam pietas Christianorum priscam superstitionem damnauerat; quomodo enim Iouem, etsi summae maiestatis, quae mente concipi potest, notatione miranda se commendantem ferrent, qui eius templa et signa igni ferroque diruerant? neque adeo opera ab iis facta videmus praeterquam imagines imperatorum et virorum illustrium; nam quos nostrorum temporum ars praeclare excoluit, diuorum Apostolorum, sanctorum hominum et martyrum, quos vocant, vultus ad certas species, quas nemo vidit, sed animis tantum concepit artificum natio, nondum illa aetas satis constituerat; vix Seruatoris, Mariae et Apostolorum imagines adumbrare norant pictura rudi et indocta, sic vt agnosci possent; cum diu errasset ars, tandem Iudaicae gentis natiuos vultus et lineamenta exprimere studuerunt; in habitu autem ac vestitu, interdum vultu quoque, episcopos suos ante oculos sibi posuerunt. Itaque benedictis more manu sunt sublata, gestant librum, manum pectori admouent. Picturam imitati sunt musiuo opere, atque ita prima quasi rudimenta ducta sunt eius oris ac vultus, quo Seruator, quo Apostoli et sancti viri exhiberi solent. At marmore aut lapide reddere eos haud norant. Ita euenisse puto, vt statuae in templis nullae, nec nisi picturae aut musiuo opera vel sculpturae in altaribus, vasis et vtenilibus sacris, occurrerent.

Verum et statuarum in honorem illustrium virorum ipsorumque Imperatorum positarum auctoritas intra aliquot saecula tantum non exoleuit: cuius rei causae deprehenduntur plures: luxu et fastu Imperatoriae aulae a toto hoc honoris genere ad inanes pompas auocato; exhausto aerario, prouinciis expilatis et a barbaris infestis; supersti-

perstitutione et barbarie monachorum et clericorum ingenia tanquam pestilenti aura afflante et infestis odiis quicquid generosiores sensus proderet oppugnante, sensimque adeo diuinioris naturae scintillas et igniculos omnes tanquam immundo cinere obruente. Addas forte honorem statuarum mature cum indignis hominibus, vti aurigis et mimis, communicatum. Offerunt se haec, quae memorauimus, contemplantibus antiquas picturas, tum diptychorum sculpturas et ipsos numos Byzantinos. Omnia imperatorum et illustrium virorum et sanctorum hominum capita et corpora ad vnum formae, vultus, habitusque exemplum expressa videre licet; nec est quicquam ab ingenio profectum aut additum aut mutatum; nec ad naturae veritatem in oris similitudine reddenda nec ad elegantiam. Contra vero temporibus inde a Justiniano procedentibus recedunt formae multo magis a mensurae veritate, partium proportionem, iusta membrorum circumscriptionem; vt tandem non multum absit, quin laruas, spectra et monstra exhibere videri debeant. Capita pro inclinatis sunt in sinum incuruata, pro obliquis transuersa, tanquam gula fracta. Raro videntur capita et ora, quae priscorum Romanorum vultus referant; nouum prorsus hominum genus, nouam gentem exprimi credas; ita vt bene tecum actum dicas, quod nomina plerumque adscripta sunt. In figuris pluribus collocandis seu in eadem linea seu in distantibus locis nulla omnino ratio seruata est, in architectonica autem summa deprauatio, certe inde a saeculo VI. Contra occupationes homines fuerunt in exprimendo vestitu, in quo luxum et fastum saeculi facile agnoscas; Imperatores et viri illustres toga picta, trabea, tunica palmata superbi adsunt; a quo eodem vestimenti genere episcoporum vestitus est ductus. Nec vero cura modo purpurae fuit, verum et vsus immodicus vnionum et gemmarum, nec modo in ornamentis, verbi causa inaurium, quarum vniones longis filis innexi vtrisque dependent, aut in torquibus et corollis; verum totum vestimentum, qua patet, gemmis confutum, fimbriis duplici ordine vnionum ambientibus, conspicitur. Et has tamen vestes imperatores per diem subinde mutare solebant, et alio vestitu ad aedes sacras, alio ad consistorium sacrum, alio ad palatium, ad triclinium, ad cubiculum procedere.

Cum ab hisce ineptiis reddendis abhorreat sculptura, quae corporum nuditatem et vestimentorum simplicitatem desideret, mirabimur, si tam cito statuarum usus frequentari desit? Neque ergo nisi in prioribus saeculis illas memorari vidimus.

Constantini Imp. plures fuisse statuas in noua vrbe positas facile expectes. Forum Constantini vndique porticus cingebant statuīs ornatae. In medio Foro horologium ex aere Cyzico aduectum stabat. Sub arcu duo signa erant, alterum Constantini, alterum Helenae, matris, interposita Cruce, qua specie eam in aere sibi visam esse Constantinus professus erat, vna cum binis angelis, Geniorum alatorum specie: omnia haec ex aere c). In boreali Fori latere alia Crux argento obducta, cum globulis extrema ornantibus: adstabant statuæ Constantini et filiorum, saeculo XI. adhuc superstites d). Omnibus tamen fuit insignior *columna porphyretica* (non purpurea; erat ex lapide porphyrite facta) in eodem Foro posita, cum Colosso Apollinis ex aere, cui Constantinus suum caput substituerat, idque radiatum e). Superstes fuit Colossus saec. exeunte XI. Alexii Comneni aetate, cum anno

c) Anonym. n. 33. 40. cf. Bandur. Chronogr. 242. Codin. n. 32. Cedren. p. 322 C. Multis de hac Cruce Gyllius III, 4. Sed erant tria Crucis signa inprimis magnitudine et opere notabilia; praeter illud scilicet erat alterum in Philadelphio, et tertium in Artopoliis, quae Tauri partem faciebant.

d) Anonym. ibid. Codin. n. 76. Huc ref. Suidas in σταυρός et στήλη τοῦ Φόρξ.

e) Dictus colossus ἀνδρῆλιος et corrupta pronuntiatione ἀνῆλιος, quod nomen et ipse locus accepit cf. Bandur. p. 682. ductum illud forte ab eo, quod Solis capiti substitutum fuerat caput Constantini. Nisi malis dicere, Soli colossus quasi respondisse fulgore et radios reuerberasse: fere vt Hesych. p. 29. D. δίκην ἡλίου προλάμποντα τοῖς πολίταις. Quid quod adeo inscriptum: Κωνσταντίνῳ λάμποντι ἡλίου δίκην Chronographus MS. tradit ap. Lambec. ad Codin. n. 46. Constantinum religiones Christi et Apollinis confudisse, docuit Wernsdorf. V. C. ad Licentium in Poet. minor. Lat. To. IV. p. 771. Julius Pollux in Chron. MS. septem radios insertos narrat. In iis clauos sancta Cruce depositos ac seruatos fuisse credidit plebecula (Anonym. n. 36. sed obscure. Codin. 46.) Dextra sceptrum, laeua globum cruce infixā insignem tenuisse statuam narrant seniores, Anna Comnena et Nicephorus Callistus ap. Bandur. Quatuor versus pessime factos a Constantino adscriptos v. ap. Cedren. p. 322 C. cf. Gyll. l. c. III, 3. Etiam illud inscitiam temporum arguit, quod ab oriente columnae adstabant quatuor *picturae* Sanctorum, a Constantino dedicatae: Anonym. n. 169. Chronogr. n. 236. Codin. n. 78.

anno eius imperii XX. (a.C. 1100. Codin. p. 7 D.) ingruente tempestate a fulmine illa deiecta est, vt et ipsa columna, quae pro basi erat, labem duceret: (cf. Zonar. Annal. XVIII. p. 305.) quam Gyllius adhuc vidit et descripsit (Topogr. III, 3). Erant sex ingentia saxa, alta IX ped. cum IV digitis; quorum tria fulmen deiecerat; scapum itaque columnae ad LXXXVII pedum fuisse credere licet. Roma illa aduecta fuerat trium annorum itinere, et magno cum machinarum apparatu eam e naui in littus promotam narrant f). Plebs superstitiosa infossum sub ea Palladium Roma adductum cum aliis Fortunae Urbis pignoribus sibi persuaferat: (Anonym. n. 34. 36. cf. Bandur.) Ipse colossus, si Cedreno fides, Athenis erat aduectus, Phidiae opus; alii e Phrygia, alii Illo, alii Heliopoli adductum narrabant g); omnes perperam. Phidiae vtique colossi nulli memorantur. Apollinis colossus Romae fuit XXX cubitorum, ex Apollonia Ponti aduectus (Plin. XXXIV, 18). Alius Apollo Tuscanicus in bibliotheca Palatina (ibid.). Solis colossus Neronis simulacro destinatus a Zenodoro (ibid.). Verum in Rhodo insula praeter nobilem illum Solis colossum centum fuisse alios testatur Plinius: quis ex his neget vel affirmet vnum et alterum in alia loca fuisse translatum?

Proximo loco memoranda alia *Constantini* statua, capite radiato, e marmore, gestans dextra Fortunam Urbis auratam, quotannis per Hippodromum duci solitam, aut ipsam quadrigis impositam, aut quadrigis vectam: (v. loca Lambec. ad Codin. p. 162.)

Alia statua extra urbem ad Exocionium: (v. Anonym. 57. et Bandur.)

Alia *Constantini* cum *Helena* statua, cruce interposita, visebatur sub arcu in Miliario h): quae pars erat Fori Augustei dicta ab aureo miliario a Constantino fixo, a quo viae capita ducebant: v. Gyllius

F 3

Topogr.

f) Chron. Alex. ad a. 416. commissuras saxorum ita luxatas eo tempore narrat, vt firmari compagem admotis, quae ambirent, orbibus necesse esset.

g) Illo Julius Pollux Chron. MS. e Phrygia Chron. Alex. ad a. 328. p. 284. B. Heliopolin Phrygiae Codin. et alii forte Syriae esse voluere ad Libanum.

h) Anonym. I, 27. Codin. 39. Suidas in Μελιον. add. Cedren. p. 322. A. In crucis interiori parte Fortunam Urbis conditam esse credidit vulgi superstitio.

Topogr. II, 21. ■ quo putem visas esse reliquias horum ipsorum signorum II, 18. p. 384. B.)

Quatuor imagines *Constantini* et *Helenaë* musivo opere aureo pictae (ἐκ ψνφίδων χρυσῶν) ■ Phoca positaë in Miliario: (Anonym. n. 29. Codin. n. 42.)

In Palatio Tauri quatuor statuæ erant *Constantini*, *Iuliani* et *uxoris*, cum fratre *Gallo*; cum quatuor aliis, in Chalce positis, translatae e templo Ephesiorum *Dianaë*: (Anonym. n. 18.)

Ad porticum Tetradiam locus erat Smyrnion dictus, in quo saeculo XI. adhuc nouem signa seruata feruntur in camera subterranea; in his erant quatuor *Constantini*, *Fauslaë*, *Crispi* f. et *Hilarionis*, cetera aliorum illustrium virorum: (Anonym. n. 170. 1. Chronogr. n. 233. 4. 5. Codin. n. 70.)

In area, cui mox aedes S. *Sophiaë* fuit superstructa, stabant signa *Constantini M.*, *Constantis*, *Galli*, *Iuliani Imp.*, *Theodosii utriusque* et *Arcadii*, dispersa mox per alias vrbis partes (Anonym. 38. et Codin. 73. qui *Licinium Imp.* et *Valentinianum* addit.)

Constantii et *Constantis*, qui *Constantini* filii erant, statuæ, sedentium habitu, in *Philadelphio*: Anonym. n. 50.

Valentiniani statua cum modio ex argento, nisi et ipsa argentea, stabat in loco, qui *Modium* appellabatur; *Justiniani* rhinotmeti (seu II. inde ab a. 685) iussu conflata: Codin. n. 74.

Valentis in cisterna *Aetii*, hoc adstante: Ant. Cpol. n. 304.

Gratiani, *Valentiniani*, *Theodosii* statuæ in Peripato Hippodromi: Anonym. 114. Chronogr. n. 244. Codin. n. 61. Addunt *Firmilianum* gibbosum, quem non alibi memoratum vidi.

Theodosii M. duæ fuere columnæ cochlides cum statuis colosseis, passim ■ viris doctis inter se confusæ: ad imitationem columnæ *Traiani* illæ factæ. Altera stabat in *Tauri Foro*, mox *Foro Theodosii* dicto, quæ adhuc saeculo ineunte XVI. superfuisse fertur, ■ *Baiazeto*, debet is esse II. qui ad 1512. imperauit, deiecta, cum balneo recens extructo illa officere putaretur. Anaglyphis erat ornata, quæ bella

bella cum barbaris ab Imp. gesta exhibebant: (Cedren. p. 323. B.) In interiore cauo ascensus erat ad summam columnae partem, inposita Theodosii statua, stantis habitu, ex argento *h*), eaque motu terrae a. 430 (v. Marcellin. ad h. a.) sub Zenone euersa, alia Anastasii Imp. ex aere reposita (Marcellin. ad a. 506), ad quam fundendam plura priscae artis opera a Constantino posita confregisse ille fertur. Adstabant in fornicibus alter ab oriente alter ab occidente Honorius et Arcadius super ingentibus columnis, equestres statuæ (Anon. n. 48). Alii (ibid. n. 99. Codin. n. 43) Adrianum addunt, scriptoris errore vocem Arcadii detorqueute *i*).

Altera *Theodosii M.* columna cochlis adhuc spectatur Cpoli *k*), extructa ab Arcadio et posita anno imperii nono: adeoque 403. in Xerolopho mox Foro Arcadii dicto; vbi et alia priscae artis opera fuere: parum docte exposita ab Anonymo n. 57. vbi cf. Bandur. add. n. 364. et Codin. n. 33. 34. 77. Statuam Theodosii colossicam imposuerat filius Arcadii, Theodosius II. anno imperii XIII, 420. (vid. Marcellin. et Chron. Alex. ad 421.) Deturbata illa fuit et prostrata motu terrae sub Leone III. Conone Isaurico dicto a. 740. At columna, vt dixi, cum anaglyphorum parte, adhuc existat. Scapus cum spira et capitulo constat faxis XXI. impositis duobus aliis capitulo: omnibus tam affabre coagmentatis, vt, nisi terra concussa compages soluta esset, vnâ continuam molem diceres. Basis quinque aliis faxis constat. Excauata est tota columna, gradibusque intus CCXXX ad summum verticem ducit, fenestris LVI lumen praebeantibus.

Iam sculpturae, si ex delineatione iudicare licet, multo magis affabre factae quam saec. V. homines arte valuisse expectes, argumentum res bellicas exhibere satis constat. Mihi quidem videtur triumphalis ingressus in urbem ab expeditione Theodosii in Gothos, male

h) Annum, quo posita fuit, alii edunt annum imperii octauum, alii decimum sextum, vt Chronic. Alex. ad 394. duodecimum Marcellin. ad 390.

i) Extat delineatio To. II. Bandur. p. 508. verum ab impostore, puto, profecta.

k) Delineata a Gentile Bellini et edita XVIII tabulis a Claudio Franc. Mennetreo, inserta iterum Bandurii Imp. Orient. To. II. p. 501 sq. Descriptio ap. Gyllium habetur Topogr. Cpol. IV, 7.

male Scythas nominant, et alios barbaros a. 380 redditus esse; nam etsi etiam a. 382 barbarorum agmen cecidit, nihil tamen admodum memorabile illo anno gestum est, et excessit mox 383; vita Theodosius. In isto ingressu in urbem exhiberi debuere in saxo aedificia in variis urbis partibus; etsi accurate singula definire velle equidem non ausim. Pompam triumphantium ducunt duces, quos sequuntur captiui in carris iunctis bubus, vnusque elephas, cui insidet aliquis non in ceruice, sed in medio dorso pedibus disiunctis tanquam equo: quod tamen et ipsum in elephanto locum habere audiui, cum Bellini fidem ea in re desiderarem; elephantem tamen vix in praedae parte a Gothis receptum putem, quibus belluae vsus non esse potuit; potuere forte esse in Imperatorum stabulis. Adstant vtrinque qui spectant. Inde, magna anaglyphorum parte, casu nescio quo, corrupta, sequuntur tres cameli cum hermis longa palla vestitis: numina Gothica esse videntur, Scythica male appellant; tum duces, inque his forte ipse Theodosius, cum captiuis; succedunt arcui triumphali (tab. XI. nam porta aurea vix haberi potest). Sequuntur milites cum sarcinis et captiuis. Iterum magna anaglyphorum pars foedata et mutilata (tab. XIV) ab ipsis, vt fertur Graecis, qui excidium imperii his figuris expressum esse statuebant: mox interponitur iterum ordo victorum et captiuorum, tum fastigia aedificiorum ornata tropaeis et figuris symbolicis, interpretatu difficilibus, cum nihil adsit, quod notiones certas, quibus reliqua accommodes, suppeditet.

Theodosii omnis progenies visebatur in Chalce (Anonym. 18). *Theodosii* maioris statua binis columellis inauratis imposita stabat in Cisterna regia (Codin. n. 47. Antiqq. Collect. n. 296.)

Alia in Porta aurea inter multas alias statuas: (Anonym. n. 61. et Bandur. ad e. l.)

In Miliario *Theodosii* iunioris statua ex aere equestris, ipse armatus, dextra globum, laeua Victoriolam tenens capiti lauream imponentem: Anonym. n. 27. Codin. n. 77. sub pedibus videtur Oceanus et Terra expressa fuisse. (A. St. p. 298 ἐκδορες. Br. III. p. 134. XI. Banduri Imp. Orient. T. II. p. 842. n. 395. qui refellit Ducangium, qui cochliidi columnae impositam fuisse putabat. Verum illi
Theodosii

Theodosii senioris statua imposita erat, non iunioris.) Cum statua poneretur, cum alia laetitiae publicae testandae causa facta sunt, tum annonae largitio.

Aliam *Theodosii iunioris* statuam memorant, iuxta Traianum positam, Anonymus n. 33. Codin. 43. quam probabilius Adriani appellat Cedrenus p. 322. A. Alia in loco Sigma dicto a Chrysaphio Eunuchō posita: (Anonym. 58. Codin. 54.) Alia aurea posita erat in Curia, seu Senatu: Chronic. Alex. ad a. 415. Aureliani Praefecti Pr. opera et cura.

Alia ad Portam auream stabat Theodosii II. statua: ad quem locum muros duxerat: Anonym. 14.

Honorii, Theodosii II. et aliorum, cum Pulcheria Augusta, imagines stabant in Curia (Senatu) a Theodosio II. exstructa: (Chronic. Alex. ad 414.)

Theodosii cum Eudocia, Marciani et Constantini statuae in Tribunalio: (Antiqq. Cp. Bandur. e Theodoro n. 255. Codin. n. 41.)

Leonis I. Magni et Macellae dicti, statua ab Euphemia sorore posita in Pittaciis (Anonym. n. 71); videtur esse eadem, quam in columna in Pittaciis Cedrenus memorat (Hist. Comp. p. 322. A.). Alia erat in Strategio (Codin. n. 56. Anonym. 76).

Zenoni Imp. († 491) et Ariadnae coniugi statua posita a *Juliano*, Praefecto vrbis, testatur Epigramma A. St. p. 299. Br. III. p. 134. XII. Bandur. n. 396.

Ab eodem *Juliano Anastasii* statua aurea ante bibliothecam (ὀν-
κον Ἐλικῶρος, Museum appellat, in Philadelphio illud esse debuit.)
posita erat: v. l. c. XIII. XIV. Recte enim pro χρυσέην Ἀναστασίην
restitutum: χρύσειον Ἀναστάσιον, quod et Gyllius agnoscit. Existimo
etiam male a Du Cangio (Cp. Chr. p. 150.) et Bandurio (n. 396. T.
II. p. 843.) Zenonem bibliothecam restituisse tradi: a quo tale quid
vix expectari potuit; sed Anastasium fuisse eum, qui novam biblio-
thecam, Juliani istius opera, instituit. Certe alia auctoritas pro Ze-
none mihi non innotuit.

Anastasi († 518) ferrea fuit statua; in quam amarus lusus A. St. p. 185. Br. III. p. 136, 16. et alter in eius statuam Scyllae vicinam positam A. St. p. ead. Br. ibid. 17.

Iustini (518-527) statua in portu a Theodoro Praefecto vrbis posita, carmine celebrata est Anthol. Steph. p. 297 et 300. Brunck. To. III. p. 137. XXIII. et ibid. XXIV. etiam ap. Bandur.

Iustinianum Imp. pluribus imaginibus celebratum videmus. Eius statua equestris in Augusteone, Victoria sessorem coronante; humi videntur insedisse captivi Persae et Scythae: posita illa ab *Eustathio* (A. St. p. 297. Br. III. p. 136. XIX. Bandur. n. 393). Ampliorem eius descriptionem dare licet ex Procop. de aedif. I, 2. Pachymere ap. Bandur. Antiqq. Cpol. n. 325 sq. Anonym. n. 15. Gyll. Topogr. Cpol. II, 17. Erat in Augusteone (seu Augusteo sc. foro) crepido septem graduum ex vastis lapidibus, super hac basis quadrata, ornamentis et anaglyphis ex aere obducta; eique imposita statua colossea ex aere equestris Justiniani, pacificatoris habitu, dextra sublata versus Orientem, tanquam Persis bellum denuntiantis illo tempore illatum: anno enim imperii XVII. (a. C. 543. v. Cedren. ad h. a. p. 374 C.) statua posita esse dicitur, quo Belisarius copias aduersus Cosroen duxit; laeua globum cruce insignitum tenebat; ipse galea in capite, chlamyde et thorace indutus, nudis cruribus et pedibus soleatis; male a Procopio pro statua Achillea (quae nudo corpore, hasta et galea ornatum heroem exhibebat) habitus. Galea fertur temporibus arte applicita binis cristis fuisse ornata, vento spirante mobilibus, si Pachymeri fides habenda (n. 332). Equus laeuo pede anteriore sublato ingrediebatur, et quidem infrenis, quod et in aliis signis veterum obseruare licet. Georgius Pachymeres saec. XIII. eam adhuc tanquam integram describit l. c., latera tamen basis iam tum aere erant nudata. Gyllius saec. XVI. basin adhuc vidit superstitem; crepidine XXX annis ante euerfa, aere vero iam dudum inde auulso ■ Turcis, cuius reliquias in palatio Imperatoris asseruatas ipse in officinas aerarias deferri vidit ad tormenta conflanda. *Crus*, ait, *statuae proceritate suam ipsius staturam superasse et nasum dodrante longiorem fuisse*: quae vltima non satis me assequi profiteor; quid enim mirum,

mirum, si colossi nasus dodrante nasum Gyllii superavit? Voluitne dodrantem cubiti intelligi? Eodem loco antehac posita fuisse narratur in alta columna Theodosii Magni statua ex argento 7400. librarum ab Arcadio posita, quod in suos usus vertit Justinianus; qui idem, ut plumbo, quod opus erat, potiretur, vnum ex aquaeductibus destruxisse fertur: (Zonaras XIV, 63. C.) aes autem a tecto Chalces, quae conflagrauerat incendio per seditionem facto, sublatum tradit Cedrenus. Exultabundus Gyllius narrat, Turcas ultos esse hanc iniuriam Justiniani Imp. dum ipsi vicissim eius statuam euerterunt et stylobatam aere spoliarunt: *atque utinam, pergit, simili modo humaniter eruditi, libris Ictorum, quos mutilauit, repertis, euerterent indigesta Commentaria male digestarum legum!*

Alia ex aere a *Iuliano* posita Praefecto Orientis; ex manubiis facta, et ipsa equestris *l*). Spectare puto hos honores ad a. 542. 543. Eundem Justinianum Persarum victorem celebrari arbitror alio carmine Anth. St. p. 293. 4. Br. III. p. 227. CCCLXI Ἡγορέης ὀλετῆρα. Portae (in titulo Thessalonicensis est) imposita erat statua victoris. (Nec tamen assequor, quatenus *arma Laco habere* dicatur in carmine.)

Iustino II. statua memoratur posita ab Vrbe propter legum custodiam: Bandur. n. 397. A. St. p. 299. Br. III. p. 138. XXVI. *m*)

Diuerfa alia eidem *Iustino* II. a *Iuliano* Praefecto vrbi priuatim posita: (A. St. p. 300. Bandur. n. 398. Br. III. p. 138. XXIV.) Ceterum Julianus hic diuersus esse debet ab eo, qui Zenoni et Anastasio statuam posuerat, cum tempora sint nimis remota.

Nescio *aa* alterutra ex his fuerit illa, quae in Miliario (fori Augustei pars erat) stabat, vna cum statuis *Sophiae*, coniugis, *Ara-*

G 2

biae

l) ibid. Anthol. Steph. p. 297. Brunck. III. p. 137. XX. adicitur post πᾶλον ὁμοῦ καὶ ἀνακτα praeterea: καὶ ὁλυμένην Βαβυλῶνα χαλκός ἀπὸ σκύλων ἔπλασεν Ἀσσυρίων. Forte, ut in tropaeis, adiacebat victa Persis.

m) Ἄλλον ὑπὲρ νίκης. Retulit id carmen ad Justinum II. vir doctissimus, ne ultimo versu legeretur: θεῖον Ἰουστινιανοῦ. Idque merito: nam et ille Avarum ac Persas coercuerat. Quod Ἐξ Ὑπάτου μίτρης, ex Consulatu ei statuam positam ait carmen, difficultatem habet. Verum et τοῦτον laborat; cum versus initium haud dubie fuerit: Τὸν δ' ὑπὲρ ε.

biae filiae et neptis *Helenae*, in fornice (Anonym. n. 27. Codin. 39).
Alia cum *Sophia* in portu Sophiano: id. n. 126. Codin. n. 56.

Tiberii Thracis gibbosi et *Iustini* I. macilento corpore, statuæ erant in Chalce: Anonym. n. 28. adstabant septem alii ■ cognatis partim ex marmore, partim ex aere.

Mauritius Imp. cum coniuge et liberis manibus supplicantium more extentis versus signum Seruatoris cruci affixi adstans: (Anonym. 18. Codin. n. 62.) Respici creditur somnium Imperatoris vulgata fama celebratum. Sed *Seruatoris* signum ex aere ■ Constantino erat positum, cumque illud a Leone (tertio puta, 717-741) esset sublatum, imago Seruatoris opere musiuo eo loco fuit reposita ab Irene Leonis Chazari (quartus is erat inde a 769) coniuge (Anonym. 21. Codin. n. 83. 84. Conf. Du Cange II, 4, 3. Cpol. Chr. p. 116).

Alia *Mauritii* statua erat in atrio palatii, quod Magnaurā dicebatur, in Hebdomo.

Phocæ Imp. statua in columna stabat in Armamento, quod erat ante Magnauram: (Anonym. n. 65. Codin. n. 41.)

Iustiniani II. (685-711) statua supplicantis genubus nixi, erat in Basilica, quæ motu terræ sub Michaelē (III, 842. 867) corruit: Anonym. 77. 78.

Eiusdem alia statua stabat in loco Deutero non longe a Porta aurea, destructa et conflata a Barda Caesare (860): Anonym. n. 106. Alia in Hippodromo quæ secunda eius facta declarare narratur ab Anonymo n. 114. siue anaglypho, siue vt post receptum ab eo imperium a. 705 dedicata sit.

Philippici Imp. (711) statua coloribus obducta memoratur in Zeuxippo (Anonym. n. 99. Codin. n. 43).

Leonis Isauri (717-741) cum aliis statuis simulacrum erat in Porta aurea: (Anonym. n. 61. cf. Bandur. ad e.l.)

Constantini excaecati (τυφλὸν appellat Anonymus n. 56) Porphyrogenetti, qui cum matre Irene regnavit (vsque ad a. 797) statua cum multis aliis erat in Exocionio: (ἐξωκίστριον: de quo v. Anonym. n. 56. 57. Codin. n. 52. 53.) Supererant adhuc saec. XI. in columnis

lumnis statuae Cyzico apportatae. Vnam ingentem columnam saec. XVI. adhuc viderat Gyllius stantem, quae tum in aedem Soleimanni fuit translata: (Gyll. II, 11. p. 375. coll. p. 413. A.)

SECTIO II.

Progredi nunc liceat ad statuas

Virorum Illustrium aliorumque in officiis domus augustae et imperii muneribus constitutorum:

Eleutherii in portu ab eo dicto, eo habitu posita e saxo statua, quo primis structurae primordiis manum admouerat, scapulario in humeris et ligone in manu. Constantino a secretis fuerat: (Anon. 129. Codin. 56.)

Themistii philosophi, Praefecti Urbis sub Valentiniano et Valente; statua prope forum Constantini.

Aetii, qui rebus gestis sub Theodosio II. inclaruit, statua erat ad piscinam ab eo dictam (Anonym. 136. et ibi Bandur.) add. n. 304) ad aquaeductum a Valente exstructum: v. Gyllius III, 9.

Aureliani, Cos. a. 400 et ter Praefecti, statua aurea in Senatu decreta, et in Curia, quam Senatum appellabant, posita: (A. Steph. p. 399 Οὗτος ὁ κ. Br. III. p. 134. X. Banduri Imp. Orient. No. 139. quem v. p. 844.) Dedicauerat idem paullo ante statuam auream Theodosii iunioris in eadem Curia.

Imago picta (γραφὴς m) *Thomae* Curatoris posita proxime ad Imagines Augusti et Augustae (Theodosii iun. forte et Gallae Placidiae

G 3

diae

m) γραφὴς quo sensu dicta sit. dubitari potest, hic et aliis locis, sitne simpliciter εἰκὼν et quidem *picta*, id quod propria vocis vis offert, v. c. de Timomachi Medea Philippus Br. II. p. 223. XLII. an de statua dictum accipias: quod forte h. l. res postulare videri potest. Pariter incerta res est in Epigr. Agathiae Br. III. p. 47. XL. et in altero in Theodorum Br. III. p. 139. XXIX. quem rhetores ornant χρυσταῖς γραφίδεσσιν. γραφεῖν pro γλυφεῖν videtur dictum quoque in Epigr. Br. To. III. p. 21. XVIII. et LX. LXI.

diae) in domo eiusdem Placidiae Augustae, ab iis qui in scrinio nouerant (τὸ νέον τάγμα), quod ipsi adfuisse videtur ad curam forte annonae officiorum. Carmen Agathiae Scholastici A. St. p. 293. Br. III. p. 47. XL. du Cange Cp. Christ. p. 142. Bandur. n. 389.

Imago Theodori Praefidis (ἀρχοντος) a rhetoribus posita: auream volebant imaginem consecrare; nisi aurum ille etiam in pictura refugeret: (A. St. p. 293. Br. III. p. 139. XXIX. n). Nescio an is idem sit, qui Praefectus Pr. sub Theodosio iun a. 409. Pylen Basilicae instaurauit: (A. St. p. 370. extr. Brunck. III. p. 132. III. IV. Du Cange Cpolis Chr. II, 9, 1.)

Serapionis Cos., honorarii puta, statua olim in area stabat, cui postea aedes S. Sophiae inaedificata est: Anonym. 38.

Asparis statua equestris in Tauro: in equo laudatur alacritas et animosa vis. Extabat illa adhuc saec. XI. (Chronogr. in Antiqq. Cpol. n. 241.) Necatus ille cum tota gente a Leone regni affectati crimine a. 471. Ardaburius filius statuam Herodiani alicuius ex aere reperisse, cumque gibbosa et ventrosa esset, indignatus solo afflixisse: tum ex illa fracta copiam auri intus seruati prodiisse: ibid. n. 241. 273. Codin. n. 75.

Theodo-

LXI. p. 32. nec tamen satis confido. At manifesta res est in ἀναγράφασθαι Epigr. LVIII. p. 31. vbi Vranium aurigam aurea statua donatum ait τούνεκα καὶ χρυσέω μιν ἀνεγράψαντο μετάλλῳ. Negotium saepe facessunt alia quoque vocabula, quibus poetae vtuntur. εἰκὼν, non modo de pictura, sed vnuerse de effigie dicitur, vti de Thomae Curatoris imagine. Πλινᾶς de statua an accipi possit, dubitari potest in Epigr. in Polyxenam olim memorato ex Anthol. Steph. p. 320. στήλη saepe est statua: vt στήλη Justiniani, Theodosii et al. Est praeterea in his vocabulum τύπος, quod de ectypo et anaglypho proprio aliquo modo intelligi volebat nuper vir Cl. Viscontius. At patet illud latius, et est omnino effigies, imago, signum. Ita de statua Justini τύπον -- τοῦτον στήσεν ἄνασσα πόλις: Br. III. p. 138. XXVI. Et passim aliis locis v. c. p. 462. de Helenae signo ex aere 463. Et iam Polyb. IX, 10, 12 γραφαῖς καὶ τύποις, iungit, tabulis et signis: De pictura manifesta res est τύπον dici: vt de Timomachi Medea in carmine Antiphili (A. St. p. 517. Br. II. p. 174. XX.), vbi et χαράσσειν de pingendo; et in alio carmine de eadem Medea: Κολχίδα Τιμομάχου χειρὶ τυπωσαμένου. Iterum de Venere Anadyomene Apellis: vidit eam nudam, καὶ τοίαν ἐτύπωσε.

n) Repetitum hoc elogium passim v. inf. not. p)

Theodorici, postea regis Italiae, tum Praefecti Urbis et Cos. adoptati ■ Zenone statua equestris ante Palatium (ap. Jornandem hist. Gothic. c. 57.)

Ex aere statua *Procli*, Paulli f. Quaestoris Iustini Imp. (A. St. p. 294. Br. III. p. 136. XVIII, qui iam laudavit locum Fabricii Bibl. Gr. Vol. VIII. p. 462. 463. Add. Banduri Antiqq. Cpol. No. 391. et in Notis p. 839. 840.)

Gabrielis Praefecti Urbis Cpol. imago picta, in carmine Leontii Scholastici non ineleganti (A. St. p. 291. Br. III. p. 103. II. Banduri Imp. Or. p. 136); ait enim, et Solem pingi, sed sine radiis et luce, et Gabrielem, sed sine virtutibus et meritis, quae in eo sint.

Longini Praefecti Urbis Cpol. o) statua, viri rebus bello gestis clarissimi, quod epigramma testatur Arabii Scholastici A. St. p. 292. Br. III. p. 109. I. cum altero eiusdem ibid. II. et A. St. p. 376. (Bandur. n. 388. 9.) vbi vrbs ei auream statuam positura fuisse dicitur, nisi Iustitia aurum respueret p).

Petri statua auro vestiti cum magistratuum gestorum insignibus, in carmine Leontii Scholastici A. St. p. 292. Bandur. No. 388. Br. III. p. 103. IV. Est is Petrus cognomine Barsames vel Barsamianus, Patricius tempore Justiniani, gratia Theodoraе potens, variis dignitatibus functus, in his bis Praefectus Praetorio, bis Comes sacrarum largitionum q).

Statua inaurata *Belisarii* stabat in Chalce: Anonym. 28. An de hac accipiendum sit epigramma: Νικήταν δορίτολμον (A. St. p. 294.

o) Forte cum Bandurio is habendus, qui ■ Justino iuniore in locum Narsētis in Italiam fuit missus.

p) Similis laus Theodori sup. A. St. p. 293. Πηγήρες, et Ptolemaei rhetoris p. 375. εἰκὼν τίς σ' ἄ. apud Br. III. p. 224. CCCL.

q) Hoc idem versibus nostris declaratum videtur: Ἀρχαί — Ἀντολῆς πρώτη, καὶ διχθὰδὴ μετὰ τήνδε Κόχλου πορφύρεον, καὶ πάλιν ἀντολῆς. Bis fuerat Praefectus Praet. Orientis; bis Comes sacrarum largitionum, ad quem cura sacrae purpurae spectabat. Cf. de hoc Petro Bandur. ad Antiqq. Cpol. I, 56. p. 590. Ceterum ap. Steph. est inscriptum Λεοντίνου σχολαστικοῦ τοῦ μικταύρου (hoc cognomen vnde venerit, ignoro) εἰς στήλην. Si statua est, et ea fuit χρυσέοισιν ἐν εἵμασι, pictam eam fuisse necesse est.

294. Br. III, p. 139. XXX.) si modo hoc in Belisarii statuam publice positam scriptum est, non dicam. Altera statua a Prasina factione posita ibid. Τὸν μέγαν ἐν πολέμοισι.

Narsetis statua in portu Sophiano: (Anonym. 126. Codin. n. 56.)

Iuliani ICti, (νομικῆς φάος appellat Theaetetus: Band. 387. A. St. p. 291. Br. II. p. 516.) Eundem qui Nouellarum Epitomen scripsit esse, bene suspicabatur Reisk. Not. poet. p. 215.

Imago *Callinici* Cubicularii in carmine Leontii Scholastici (A. St. p. 291. Br. III. p. 103. III. Band. No. 387.

Imago *Philippi* Praefidis (ἄρχοντος) ■ Philadelphensibus posita, Smyrnae quidem, vt carmen Theodoreti Grammatici inscribitur (A. St. p. 291. Br. II. p. 450.)

Alia *Palmati* ab vrbibus Cariae posita (A. St. ibid. Br. III. p. 224. CCCXLVII. emendatius, qui et pro Πάλματον habet Παλμᾶν.)

Imago *Theodosii* Praefidis (ἄρχοντος) Smyrnae stabat: quam vrbem, dum Proconsul Asiae praefuerat, iterum instaurauerat (A. St. p. 293. Br. III. p. 226. CCCLVIII.)

Nicetae Patricii sub Heraclio statua: (A. St. p. 294. Br. III. p. 139. XXX. XXXI. Bandur. n. 390. vbi v. Bandur. Not.) Erat statua equestris ex aere inaurata in columna posita in Foro.

Nihil erat, quo magis euilesceret statuarum honos, quam quod eunuchis eae ponebantur. Insignis in his *Eutropius*, qui Arcadio a Cubiculis fuit. Fuere eius statuae plures eaeque aureae.

Platonis eunuchi et cubicularii ■ Basilisco (475. 476.) concremati statua ■ cognatis posita in aede S. Procopii, in Chelone, postea in Hippodromum translata: (Anonym. n. 91.)

Restant adhuc *viri docti* ex istis aetatibus, quos statuae positae honore ornatos accepimus.

Heraclamonis Sophistae imago puta r) Pergami posita ob merita de ciuitate: in carmine Agathiae (A. St. p. 291. Brunck. III. p. 48. XLIII.)

Synesi

r) τῆδε σε τῇ γραφίδι.

Syneſii Scholaſtici imago Beryti poſita victoris et armis et eloquentia, in carmine Joannis poetae Barbacalli (A. St. p. 292. Br. III. p. 12. IV.) Habetur is pro eodem, cuius Epigramma eſt in Hippocratis imaginem (v. ſup. T. X. p. 99. A. St. p. 345. Br. III. p. 11).

Alexandri, forte rhetoris, picta imago (A. St. p. 294. Br. III. p. 227. CCCLXII. s)

Menandri arioli ſtatua in Artopoliis fuit ex laminis aereis (argenteas Codinus n. 74 memorat), e quibus obolos procudi iuſſit Marcianus (Chronogr. in Antiqq. Cpol. n. 240). Singulare eſt, quod eam ſtatuam XV cubitorum altitudinem et VIII latitudinem habuiſſe, adiectum eſt.

E cera quoque *Euſtathii* (ibid. Br. III. p. 47. XXXIX.) et *Thomae* (XL.)

Ab hoc Thoma publice poſita imago *Callirrhoes*, puellae quae corpus vulgauerat pulcherrimae: (ibid. XLI.)

Iamblichi medici ſtatua: (Leontii carmen Br. III. p. 106. XIV.)

Petri rhetoris (Br. III. p. 107. XVIII.)

Chiredii Ath. rhetoris (ibid. XIX.)

Agathiae Scholaſtici: (ib. p. 124 Michaelis Grammatici.)

Marini et *Sexti* rhetorum parum diſertorum (ibid. p. 171. CIII. CIV. cf. CI. CII. CV.)

Geffii mentio iam facta. (ſup. To. X. p. 98. 99.)

Iacobi Pſychreſti, medici Cpol. ſtatua in Zeuxippo poſita a Senatu ſub Leone M. (Chronic. Alex. p. 322. cf. Fabric. Bibl. Gr. To. XIII. p. 251.)

Statuas aurigarum plurimas in Hippodromo poſitas fuiſſe ſatis liquet, vel ex Epigrammatibus in Anthol. Gr. A. St. p. 398 ſqq. ap. Bandur.

s) Μορφὰς ὁ γράψας ait imago: ſpeciem oris pictor reddidit, vellem et mores pinxiſſet: ſed meum deſiderium inhibuit ars, h. artis fines. Appella me, amice, Alexandrum diſertum, εὐλάλον.

Bandur. Antiqq. Cpol. p. 165 sq. Br. To. III. p. 17 sqq. Quod ad operum artificium spectet, nihil inde comperias: nisi forte hoc: ex aere signa fuisse, nec equestria aut curulia, sed stantium *t*); posita modo a factione et a fautoribus factionum, modo a populo, modo ab Imperatore, modo a populo et senatu. Vnum est aureum signum *Vranii*: Epigr. LVIII. p. 31. Br. vnus etiam pictus in curru: ibid. p. 32. LX. LXI. Ex his Epigrammatibus, XXVIII scriptum est in *Porphyrum*, gratum Imp. Justiniano, cui vtraque factio et Veneta et Praefina statuas posuit; reliqua in *Calliopam*, *Faustinum*, *Constantinum*, eius f, *Vranium*, *Iulianum*, *Eusebium*. Occurrunt tamen et passim carmina alia; vt in eundem *Porphyrum*, pulcritudine corporis insignem, (Paull. Silent. Br. III. p. 105. XII.) et in Anastasium, Thomae Patricii versus (ib. III. p. 124). Nicetas aurigarum statuas meminit ad metam positas, manu protenta quasi denuntiantes aurigis, vt diligenter cauerent, ne ad metam currus adhaerescerent n. 321. 322. Alias aurigarum statuas in Senatu memorat Anonymus 37. vbi cf. Bandur.

Statua *pantomimi Xenophontis* memoratur in carmine apud Br. III. p. 225, 353.

Has quidem memorari vidi imagines virorum, qui illis aetatibus vixere; nec dubitare licet, eas iisdem temporibus elaboratas fuisse.

Christi quidem et Apostolorum aliorumque sanctorum signa per omnia haec tempora facta vix vlla memorari memini; cuius rei causam probabilem supra (p. 41) ex suspitione mea retuli. Imagines Christi, tum solae Cruces, pictae et musiuo opere elaboratae, mature statuarum locum obtinuerunt. Si quae tamen fuere, deiectae et confraetae illae sunt, quo tempore in imagines saeui coepit. Sic *Servatoris* signum ex aere in Chalce stetit iuxta Constantini statuam; a Leone Iconoclaste eversa (Anonym. 21). Substituta postea alia musiuo opere, de qua v. ibid. et Bandur. Musiuo opere alius ab angelis circumdatus

t) Vnum est (Br. n. XVIII.) e quo possis quadrigas suspicari: sed obscurum acumen est: ἐμπλήττομαι δὲ, πᾶς γράφει χεῖρ ἔμπικος τοῦτου τις ἵππους. videtur πᾶς pro μὴ dictum; metuo ne quis equos caelet.

tus stabat in fornice aedis S. Deiparae: descriptus a Photio: apud Bandur. p. 120. reliqua picturis erant absoluta. Ex historiis sacris, quas pictura et musico opere expressas esse non dubito, narrata vidi haec:

Duo angelorum alatorum signa in foro Constantini: (Anon. 33) et Adamum et Euam, inter signa in Hippodromo memorat Anonymus n. 118. quam recte, non dixero.

Singulare est, quod *Mosis* statua ex aere in noua Curia (Senatu) ab Justiniano facta posita fuisse narratur: quam Basilius Macedo (867-885) in aedem a se extructam transtulit: (Leo Grammat. p. 472.)

Salomonis statua curulis in Cisterna basilica a Justiniano posita fertur, eo quidem corporis statu, vt mento manu subnixo adspectaret templum S. Sophiae mirareturque opus suo templo magnificentius (Codin. n. 43).

Samsonis columnam amplectentis signum in Thermarum Arcadii pariete agnoscitur in tab. I. Columnae Theodosianae. Forte idem fuit vir cum leone luctatus ex aere in Hippodromo, memoratus inter aera a Latinis concisa a Niceta n. 313.

Augustarum statuae magno numero extitere; et statim a primis Urbis annis:

Helena Augustae statua a filio Constantino posita in foro Augusteo ab ipsa appellato: (Anonym. n. 15. et ad e. l. Bandur.) Aliam cum eiusdem signo in foro Constantini: v. sup. in Constantino (p. 45.)

Alia in Miliario memoratur: nisi haec eadem est cum illa in Augusteo; nec forte diuersa ea, quam ad Regiam memorat Chronic. Alex. ad 328.

In area, in qua postea S. Sophiae aedes dedicata fuit, stetisse feruntur tres *Helena* statuae, vna porphyrite vnionibus ornata u), altera

u) ἡ μὲν μία πορφύρεα διὰ μαργάρων. possis resingere διαμαργαρος. sed διὰ μαργάρων potuit illo tempore eo modo dici; possis et πορφύρεα legere, sed πορφύρεα

altera musiuo opere in argento, stans in aerea basi; tertia eburnea, quam Cyprus rhetor attulisse in urbem fertur, ignotum nomen: Anonym. 39. Codin. n. 73.

Eudoxiae, Arcadii vxoris, statua argentea in columna ex porphyrite, in Pittaciis erat posita (Anonym. n. 71. et Bandur. ad e. l. Codin. n. 40. etsi aliis fere nominibus locus declarari solet: conf. Gyll. II, 17). Est haec illa statua, quam cum Joannes Chrysostomus sibi et aedi S. Sophiae dedecori duceret nouas turbas vrbi exitiosas suis clamoribus excitauit. v. Socrates VI, 18. et ex eo Sozom. VIII, 20. ex iisque alii. Spectat res ad a. 403.

Pulcheriae, Arcadii filiae, statua in Chalce, cum statua *Ariadnes* et *Zenonis*; nec longe ab iis aliae duae in basi exigua, quibus elegi subscripti a *Secundo* philosopho facti: (Anonym. n. 17. 18. Codin. 38. Svidas in Πουλχερία et in στήλην.) Secundi philosophi ac sophistae, qui sub Adriano fuit, gnomae seu sententiae adhuc feruntur; ex his adeo subscriptas aliquas putares: at elegis illas fuisse expressas aliunde non constat.

Eudocia Theodosii II. vxor stabat cum ipso Imperatore in Tribunalio (Theodorus in Antiqq. Cpol. No. 255. Codin. 41).

Verinae, Leoni I. nuptae, statua erat in Artotyrio, quod forte idem fuit cum Artopolio, sub fratre Basilisco (476) posita; alia ex aduerso ipsi adhuc viuenti: (Anonym. n. 129. Theodor. Lector. ibid.

n. 152

πορφύρα pro πορφύρεϊς λίθος dici potuit. At male habet ipsa res: quae enim illa species esse potuit statuæ διαμαργάρου? reddidi saltem *unionibus ornatam*. Videtur enim iste huius temporis genius. In Chronographo et in Cod. Colb. legitur διὰ μαρμάρων. Verius hoc. Occurrunt iterum Anon. n. 39. πορφύρα στήλαι διὰ μαρμάρων 13. et n. 44. duae Gorgones ἀπὸ μαρμάρων ἐγγεγλυμμένοι. Apparet igitur esse dictum πορφύραν στήλην διὰ μαρμάρων pro ἐκ μ. statuam marmoream ex porphyrite; vti Codin. dixit στήλαι ἐν μαρμάροις πορφύραις. Iterum Anon. 51. de Cruce in Philadelphio: σταυρὸν κεχρυσωμένον, διὰ λίθων καὶ ὑέλων. vbi noli iungere: κεχρ. διὰ λ. sed σταυρὸν διὰ λίθων. Erat opere musiuo Crux ornata gemmis et vitro colore imbuta.

n. 152 et ap. Codin.) Alia Verinae sedentis statua in Hippodromo, aliis pro Minerua habita e Graecia allata: (Anonym. 115.)

Ariadnae, Zenonis vxoris, statua in Thermis Arcadii: (Codin. n. 37. Svid. in στήλην.)

Euphemia, Iustini senioris vxor, in aede S. Euphemiae (Antiqq. Cp. 253. 266. Codin. 37 et al.

Theodora, Justiniani vxoris, statua in columna ex porphyrite posita ab Vrbe, in atrio balneorum Arcadii: Procop. I, 11. de Aedif.

Sophiam, Iustini II. coniugem dedicauerat Julianus praefectus Vrbi x). Memoratur statua eius cum Iustino II. cumque filia *Arabia* et nepte *Helena* in fornice Miliarii, quae pars erat Fori Augustei: Anonym. n. 27. Codin. n. 39. Aliae statucae *Sophiae* cum *Iustino*, *Arabiae* et *Narfetis*, in Portu Sophiano: Anonym. 126. ad quem loc. v. Bandur. Codin. n. 56.

Irene, vxor Leonis III. Chazaris (775-780) a filio Constantino Copronymo dedicata ad piscinam Hippodromi, Phialam dictam (Anonym. 117).

In *saltatrices* (*pantomimas* reddendas puto) plura supersunt epigrammata, collecta ap. Bandur. Ant. Cp. p. 148. 9.

Rhodoclea pantomima statuam meruit in carmine Leontii (Br. III. p. 104. V.), et *Helladia* (ibid. VI. VII. VIII.) — tum *Libania* (ibid. p. 105. X.); *Anthusa* autem auream statuam (ibid. IX).

Maria citharistria Alexandria oriunda cum propter pulchritudinem, tum propter artem celebratur in binis carminibus Paulli (A. St. p. 349. Br. III. p. 88. LIV. LV.), in quibus eius imago picta (γραφίς) memoratur.

Alia picta imago (γραφίς) *Theodoriadis* (A. St. 111. Br. III. p. 90. LIX), in qua desiderat poeta fulgorem oculorum, nitorem comae, et viuudum colorem corporis. Et in altero epigrammate accusatur reticulum, quod comam auream obnubit.

H 3

Musiuo

x) πολιοῦχος et idem mox ὑπαρχος. A. St. p. 300. Band. n. 398. Br. III. p. 138. XXV. v. sup. de Iustino II. p. 59.

Musivo opere ex auro et lapide eoque insigni tectum Palatii ornatum erat; argumentum eius supplicium de Christo sumtum cum contumeliis quae antecesserant: Euseb. Vita Const. III, 19. Aliud fuit in Chalce a Justiniano magnifice exstructa: v. Procop. de Aedif. I, 10. qui argumentum enarrat res bello Vandalico gestas. Forte simili opere elaboratum fuit chrysotriclinium a Justino II. factum cum throno magnifice ornato: (du Cange Cpolis Chr. II, 4. 3.)

Nullum tamen illustrius magisque celebratum, quam quo induta erat omnis interior facies aedis S. Sophiae: cuius adhuc magna pars superesse fertur.

Magnum numerum vrnarum e pretioso varii generis marmore in sepulcris imperatorum enumeratum v. in fragm. ap. Bandur. Antiqq. Cp. p. 121 sq.

COMMENTATIO
DE
GRAECORVM DE INDIA NOTITIA
ET
CVM INDIS COMMERCIIIS.

PARS ALTERA
DE MERCATVRAE INDICAE RATIONE ET VIIS

AVCTORE

A. H. L. HEEREN

RECITATA D. VIII. JANUARII MDCCCXCI.

Expositum a me est in priori commentatione, Sodales, cum de Graecorum de India notitia et cum Indis commerciis agere instituerem, quae partes Indiae Graecis innotuerint, et quomodo in notitiam earum peruenerint. Praemittendam enim duxi hanc disquisitionem, ut hac ipsa viam mihi munirem ad eam quam nunc aggredior, in qua *de commerciis, quae Graeci cum Indis exercuerint, a me disputabitur.* Quae cum pro varia temporum ratione varia fuerint, continebit se disputatio mea iisdem finibus, quibus prior sese continuit; nempe ut Graecorum cum Indis commercia exponens, ab iis temporibus incipiam, quibus Graecis primum bona Indiae innotuerunt, atque ad ea tempora descendam, quibus Aegypto et Asia in formam prouinciae Romanae redactis, inde a Pompeii et mox Augusti aetate, commercia Indiae et terrestria et maritima in Romanorum manus cesserunt. Distinguenda autem erit haec disputatio in duas partes, quarum prior, (quam hodie tractabimus), *modum ac rationem mercaturae Indicae,*

Indicae, viasque maxime explicabit, quibus merces Indicae ad Graecos transmittabantur; in altera autem de ipsis mercibus Indicis agendum erit.

Ostendimus in priori disputatione Persicis maxime bellis factum esse, ut Indiae nomen celebre inter Graecos fieret, ipsam autem Indiam a Graecis post Alexandri demum expeditionem aditam fuisse. Patet inde Graecos ipsos ante Alexandri tempora cum Indis commercia exercere non potuisse, etsi merces Indicae, aliorum interuentu iis allatae, iam longe ante Alexandrum iis cognitae fuerint. Quod, a quibus et quomodo factum sit, copiose exponere, alienum foret a consilio nostro, (pertractanda enim esset non Phoenicum modo, sed omnium interioris Asiae gentium mercaturae historia,) attamen potiora quoque de his praemonenda esse duco, cum ea, quae infra disputanda erunt, haud parum inde lucis lucratura sint.

Obscuram autem esse hanc quaestionem, quae primum Indiae merces ad Graecos peruenerint, et quando id factum sit, iam per se patet: omnino autem ad liquidum eam perducere posse ideo desperandum est, quod eae merces, quas ex Indiae bonis primum inter Graecos deprehendimus, non tamen ita Indiae propriae sint, ut aliunde aduehi nequiverint. Quodsi enim ad Homeri tempora adscendimus, satis vulgarem belli iam Troiani aetate deprehendimus eboris usum. Splendet Menelai regia ebore *a*); Penelopes sella, Vlyssis lectus *b*) ebore ornati erant, et id genus alia. Verum num ebur, quo tunc utebantur Graeci, ex India allatum sit, merito quis dubitaverit. Afferri quoque potuit ex Aethiopia, atque inde allatum esse multo mihi veritati propius videri, non dissimulauerim. Constat enim, Aethiopum nomen iam celeberrimum fuisse apud Graecos Homeri aetate, cum Indos prorsus ignorarent, unde famam eorum simul cum eorum bonis ad Graecos peruenisse, merito quis suspicabitur. Quid? quod ipse Menelaus eboris copiam cum aliis cimeliis secum attulisse dicitur ex peregrinatione, qua Aegyptum ipsosque Aethiopes adierat *c*). Fieri vix potuit, ut hae merces per Aegyptum ad maris mediterranei oras transmitterentur, cum Graecis mercatoribus

a) Od. δ, 73.

b) Od. ψ, 200.

c) Od. δ, 80.

ribus Aegypti aditus post Psammetichi demum tempora pateret; unde vix dubitari potest, Graecos eas Phoenicibus debuiffe, Phoenices autem eas a Sabaeis, Arabiae felicitis incolis, quos cum Aethiopibus antiquissimis iam temporibus commercia exercuisse, infra videbimus, accepisse, atque per mediterranea Arabiae, mare enim quod ab ea nomen ducit, belli Troiani tempore nondum iis patebat, Sidonem et Tyrum aduexisse. Certe a Dauide, Homeri fere vt videtur aequali, celebrantur aedes eburneae Sabaeorum vel Minaeorum *d*), mox autem, cum sub Salomone, portibus Idumaeorum ad mare rubrum occupatis, Phoenicibus nauigatio per sinum Arabicum pateret, eas cum ceteris mercibus magnam eboris vim ex illis regionibus attulisse, constat *e*).

Praeter ebur nihil apud Graecos Homeri aetate inuenio, quod ad Indiae bona referri possit; vnguentis enim non vtuntur nisi oleo, suffimenta autem, aromata, omnisque generis condimenta, prorsus adhuc incognita sunt; vt adeo, num omnino Indiae bona Homeri iam aetate ad Graecos peruenerint, merito dubitari possit.

Proximis vero post Homerum saeculis, quae inter eum et historiae patrem Herodotum intercesserunt, ingentes rerum conuersiones, per omnem Asiam magnamque Africae partem subsecutae, quibus primo factum esse videtur, vt gentes, immensis terrarum spatiis disiunctae, inuicem sibi innotescerent, commercia quoque cum Indis et produxerunt et varie immutarunt. Pendebant enim ea semper multo magis ab interioris Asiae statu, quam, quod valgo credere solent, a Phoenicum aliarumque gentium nauigationibus. Exorta sunt in Asia Assyriorum, mox vero Medorum et Chaldaeorum seu Babyloniorum, Lydorum denique et Persarum regna; in Africa vero non Aegyptiorum modo, sed Aethiopum quoque res florentissimae fuerunt; exercebant nauigationes in mari Arabico non Phoenices modo cum Judaeis, sed ipsi quoque aliquando Aegyptii. In vniuerso hoc orbis terrarum motu, cum Asiae reges arma sua late circumferrent, atque ex victoriis terrarumque depredationibus luxuries, ex
luxurie

d) Pl. 45, 9.

e) I Reg. 10, 18 - 22.

Comment. Hist. et Phil. T. XI.

luxurie auaritia oriretur, quis sibi persuadebit, finitimas, easque opulentissimas Indorum terras intactas permanisse, earumque bona nemini ~~ne~~ innotuisse, nec appetita esse?

Phoenices ipsam Indiam nauigatione adiisse, parum mihi probabile videtur; non quod nauigationem illam nimis longam ac periculosam ducerem, quam ut eam conficere potuissent; (quid enim iis nimis arduum videri poterat, qui Africae circumnauigationem suscipere non dubitarent, atque ad nostra vsque littora penetrarent?) sed quod breviori certiorque via Indiae merces habere poterant, siue eas ab Arabiae felicitis incolis, (de quorum cum Indis commerciis infra dicendi locus erit,) peterent, siue per sinum Persicum acciperent. Erant enim in sinus Persici insulis Tyrus et Arados antiquissimae Phoenicum coloniae, (etsi vana gloriatione sese auctores gentis ferebant,) quas commerciorum causa eo deductas fuisse, certum videtur f).

Maxima tamen incrementa ante Alexandri tempora mercatura Indica cepisse videtur florentibus Chaldaeorum, seu Babyloniorum, rebus. Sita erat Babylon, cum non longe a sinu Persico abesset, nauesque Euphratem ascendere, ipsamque urbem adire possent, Indicis commerciis maxime opportuna, ut non ipsa modo merces reciperet, sed per omnem quoque Asiae continentem eas dissiparet. Frequentem autem fuisse illa aetate per sinum Arabicum nauigationem, commerciaque versus Indiam a Chaldaeis fuisse instituta, duo maxime sunt, quae probant. Primo enim Persae, cum imperio potirentur, nauigationem illam impediendam duxerunt, adeoque Euphratis et Tigris ostia catarrhactis arte factis obstruxerunt, ita ut navibus sursum pergentibus aditus non amplius pateret g); quae consilia cur ceperint, nemo facile intelligit, nisi in illis regionibus nauigatio, eaque frequentissima, instituta fuisset. Idem vero probat colonia ad littora maris Persici a Chaldaeis deducta, quae commerciis mox maxime inclaruit, et insignes sibi diuitias parauit, Gerrha urbs in Arabiae continente ad sinum Persicum sita. Chaldaeorum exsulum quidem ~~eam~~ coloniam fuisse, omnes vno ore affirmant h); at tamen eam commerciorum causa eo deductam esse, nemo facile du-

bitabit,

f) Strab. p. 1210.

h) Strab. p. 1110.

g) Strab. XV. p. 1059.

bitabit, qui et situm eius nouerit, et Gerrhaeorum mercaturam, (de qua infra dicendi locus erit), apud antiquos descriptam legerit.

Indicam itaque mercaturam florentibus Babyloniorum rebus non modo institutam fuisse, sed insignia quoque incrementa cepisse, Indicasque merces Babyloniorum ope per continentem Asiae esse diuulgatas, et sic quoque ad Graecos peruenisse, satis constare arbitror; etsi qua ratione et quibus viis illud factum sit, deficientibus litterarum monumentis, incertum manet. Fuit nuper vir doctus, *Formaleoni*, qui copiosius haec exponere, viamque, qua antiquissimis illis temporibus commercia Indica a Graecis instituta sint, miro ingenii acumine, utinam! pari quoque veritatis studio, edocere nos aggressus est *i*). Conditas enim fuisse illa aetate a Graecis colonias ad mare nigrum, quae mox opibus suis et commerciis maxime inclaruerunt; parasse autem sibi diuitias mercatura inprimis Indica; Indicas enim merces ad mare Caspium deuectas, per Cyrum fluuium, a Iasone eiusque comitibus nauigabilem redditum, ad Phasin atque inde ad Pontum esse transmissas. — Verum etsi seriori aetate iter per mare Caspium frequentatum fuisse, infra docebitur, omnis tamen haec *Formaleonis* disputatio, si ad antiquissima illa tempora respexeris, leuissimo vel nulli potius fundamento superstructa est. Nititur enim loco *Strabonis* L. XI. *k*), quo id tantum dicitur, famam obtinere apud Iberos Cyrum fluuium, cum antea stagnaret, a Iasone eiusque comitibus esse purgatum, atque altiori alueo in mare immissum. Effinxit inde scriptoris ingenium miram illam de commerciis Indicis narrationem, de qua plura dicere nihil attinet.

Orto Persarum imperio commercia gentium Asiaticarum haud parum immutata sunt. Cum enim primi Persarum reges et maxime Cyrus arma sua per vniuersam Asiam circumferrent, omniaque pacata turbarent, fieri inde iam debebat, ut commercia vario modo et impedirentur, et prorsus destruerentur. Accedebat, quod Persarum gens, aspera et inculta, multis rebus facile supersedebat, quibus Babylonii eorumque reges carere non poterant. Pacatis tamen a

I 2

Persis

i) *Formaleoni storia delle colonie greche sul mar nero*, Vol. I. p. II.

k) *Strab.* p. 762.

Persis Asiae rebus, viisque per omne regnum munitis, commercia iterum aucta esse minime negauerim; verum haec in vniuersum disputare alienum foret a consilio nostro, quo ~~en~~ tantum attingimus, quae ad commercia Indica spectant. Haec vero nouorum dominorum lubidinem omnium maxime experta sunt! Primo enim eorum imperio factum esse videtur, vt commercia cum Indis maritima prorsus cessarent, terrestria autem valde immutarentur. Maritima nempe duplici iam via atque a duabus gentibus instituta fuisse, modo vidimus; a Phoenicibus, qui ab Arabiae felicitis incolis merces Indicas nauigatione per mare rubrum petebant; et a Babyloniis, qui ex sinus Persici faucibus Indiam nauibus adibant. Quod ad Phoenices attinet, eorum in sinu Arabico nauigatio iam ante Cyri tempora intercepta erat, cum Iudaeis post Salomonis aetatem portus ad mare rubrum siti, Elam et Ezion-Geber iterum eriperentur; et quamuis Necone Aegypti imperium tenente Aegyptiorum naues, nautis Phoenicibus impletae, in sinu Arabico conspicerentur, nauigationem tamen hanc statim post Neconis tempora iterum desisse, ex Herodoto nouimus ^{l)}. Accedebant domestica Phoenicum mala, vrbibus eorum a Babyloniis et Aegyptiorum regibus saepius obsessis, captis atque euerfis, quo mercatura eorum haud parum turbari debuit. Durante vero Persarum imperio mare Arabicum nauigatione frequentatum fuisse, si Scylacis expeditionem exceperis, vix vllum vestigium apparet; vnde quoque fieri potuit, (quod in priori commentatione ostendimus), vt Alexandri aetate iter maritimum ex Arabico ad Persicum sinum prorsus ignoraretur. — Indicae vero nauigationes per sinum Persicum ad Euphratis et Tigris ostia indeque ad Babylonem ceterasque vrbes, fluuiis illis adiacentes, a Persis plane interceptae sunt, cum, quod supra monuimus, Euphratis et Tigris ostia catarhactis arte factis occluderent. Factum hoc esse, auctor est Strabo ^{m)}, vt a maritimo hostium incurfu securi essent, quem tamen, ex qua parte timere potuissent, nemo facile videt; veram potius causam eam fuisse duco, vt nimiam Babyloniis potentiam, qui sub Dario Hytaspis f. iugo se subtrahere conati erant, infringere, diuitiasque eorum, neruos commerciorum Indicorum et Arabicorum incidendo, imminuerent.

Inter-

^{l)} Herod. II, 159.^{m)} Strab. p. 1059.

Interceptis ita a Persis commerciis cum Indis maritimis, terrestria tamen et continuata sunt, et noua incrementa ceperunt. Exploratas fuisse nouimus ab iis, atque sub iugum missas, Dario Hytaspis f. imperium tenente, regiones Indo vicinas, ita vt tributa quoque pendere deberent, auri ramenta 360 talenta, Persarum regibus. Reliqua autem Indiae septentrionalis bona Persis egregie innotuisse, patet ex Ctesiae reliquiis. Laudat ille inter ea, praeter auri et eboris copiam, gemmas, cinnabari, cannas indicos, canes insigni magnitudine, psittacos et alia, de quibus alibi dicendi locus erit.

Attamen, cum ipsi Persae a commerciis alieni essent, ipsi Indicam quoque mercaturam parum curasse, eamque aliis tractandam reliquisse videntur. Occuparunt hanc occasionem *Gerrhaei*, qui cum Sabaeis, stante Persarum imperio, soli fere cum Indis commercia exercuisse videntur, ita vt iis, teste Strabone, omnium mortalium ditissimi fierent *n*). *Gerrhaei* enim, ad sinus Persici oram habitantes, Euphratis et Tigris aditu occluso, omnem in sinu Persico navigationem ad se traxerunt, atque ex sua vrbe per occidentalem orbis terrarum partem merces Indicas transmiserunt. Factum est illud partim per mediterranea Arabiae, (qua via, infra docebitur), partim per Euphratem. Ostiis enim eius occlusis, teste Strabone ad littora lacus ex stagnantibus fluuiis orti, vicus conditus erat, quo emporio vterentur, mercesque Arabicas et Indicas ibi conueherent. Ab hoc emporio terrestri itinere supra catarrhactas ducebantur, atque ibi ratibus iterum impositae, ipsis Euphrate et Tigri fluuiis, in mediterranea Asiae mittebantur *o*). Arabiae vero felicitis incolae, quibus nauigatio adhuc ad Indiam patebat, solita via merces inde petere pergebant, quae postea per mediterranea Arabiae ad Phoenicum emporia ducebantur, vnde ad Graecos peruenire poterant, et reuera peruenerunt. Deprehendimus enim apud Graecos Herodoti iam aetate ex Indiae bonis, praeter aurum et ebur, cinnamomum, quod teste Herodoto Phoenices ex Arabia aduehebant. Arabes autem, Sabaei scilicet, vbinam terrarum illud proueniret, cognitum se habere negabant, nempe ne alios viam ad Indos docerent *p*). Seriores

I 3

res

n) Strab. p. IIIIO.*p*) Herod. III, IIII.*o*) Strab. p. IO59.

res tamen scriptores ipsam quoque Arabiam cinnamomi esse feracem, vno ore contendunt. Ex condimentis porro Iudicis Graeci ante Alexandrum iam utebantur pipere, cuius primam mentionem iniectam inuenio in fragmento antiqui tragici poetae apud Athenaeum *q)*; etsi hic quoque dubium sit, num piper primum ex India ad Graecos pervenerit; antiquissimum enim piper Libycum apud Graecos vocatur. Ctesiam autem, condimenta describendo, quibus utebantur Persarum reges, piper adhuc ignorasse, bene obseruat Athenaeus l. c.

Talis erat mercaturae Indicae status, cum Alexander M. Persarum regnum euerteret, omnisque superioris Asiae imperio ad se rapto, magnam quoque Indiae septentrionalis partem victricibus armis peragaretur. Superatis tot gentibus nova iam consilia voluebat victoris animus, parta tueri non minus difficile esse, quam nova occupare, haud ignorantis. Quare id primum sibi agendum putavit, ut mutuis commerciis noui imperii ciues coniungeret, facile praeuidens, his tantum communis utilitatis vinculis tot populos, sedibus, linguis, ortu, et moribus diuersos, constringi posse. Quae eius consilia, etsi, cum morte praematura abriperetur, plenum euentum nunquam habuerint, omnis tamen fere Indicae mercaturae ratio ab iis pependit; quare, qualia ea fuerint, et quatenus Alexander exitum iis dederit, accuratius nosse oportet.

Constat, propositum fuisse Alexandro, urbem Babylonem, in medio regni sitam, ac pari fere interuallo ab Indo et Nilo fluuiis distantem, sedem noui imperii facere; vnde vias simul sibi aperiendas esse vidit, quibus inter caput regni omnesque prouincias tuta ac certa commercia intercedere possent. Fieri autem optime credidit hoc ita, ut et commercia maritima institueret, ut adeo et ab Indi ostiis, et ab Aegypti oris sinusque Arabici faucibus naues tuto ad sinum Persicum commeare, Euphratemque sursum nauigantes, Babylonem adire possent, (quo ipso simul vltima imperii, Aegyptus et India, inter se coniuncta essent;) tum vero ita, ut commercia per mediterranea Asiae, maxime per Tigrim et Euphratem flumina, a Persis intercepta, iterum aperiret. Cepisse videtur haec consilia Alexander, cum in India

q) Athen. p. 66.

dia esset, ipsumque Indum cum Hypane fluuio fines regni sui faceret. Condidit itaque plura oppida, tum ad Indi ripas, tum in ipsis Indi ostiis urbem Pattalam, in regione huius nominis, quam cum Delta Aegypti conferre solent scriptores, sitam, in quae merces Indicae conueherentur *r*). In ipsis vero mediterraneis Asiae, supra deserta, quae Carmaniae et Gedrosiae oras excipiunt, plures exstruxit vrbes, nomine suo insignitas, quae continua fere serie ab Indo vsque ad Persiae fines procurrebant, vt adeo per continentem Asiae ab Indo versus Babylonem omnibus iter pateret. Viam vero maritimam per sinum Persicum ab Indo ad Euphratis ostia exquirere iussus est Nearchus, eamque nauigationem non sine periculo confecit. Via sic ab Indo ad Euphratem inuestigata, alteram quoque ab Euphrate ad Aegyptum sinusque Arabici fauces exquirere iussit; quod ab eo tentatum, non tamen perfectum fuisse, superiori disputatione ostendimus. Reliquum erat aperire Euphratis et Tigris aditus, Persarum inuidia oclusos. Suscepit hoc in se Alexander vix Babylonem redux factus, atque in eo teste Strabone tanta cura versatus est, vt ipse inuictus heros paruulo sese lintri, quo in intimos canalium recessus penetraret, operasque mercenariorum dirigeret, committere, suoque periculo communia generis humani commoda redimere non dubitaret *s*).

Cum itaque Alexandri industria et ingenio tot commerciorum cum Indis viae vel apertae, vel saltem indicatae essent, videndum iam erit, quomodo successores eius iis vsi fuerint? Etsi enim, variis fortunae casibus iactati, Alexandri consilia omnia exsequi nec possent, nec vellent, auaritia tamen simul et luxu, interdum quoque necessitate exstimulante, Indiae bonis amplius carere non poterant. Primis quidem post Alexandri mortem annis, cum mutuas clades sibi inuicem inferrent, omnisque Asia bellorum apparatu streperet, nec quidquam esset; cui tuto quis insistere posset, mercaturae vix rationem ab iis haberi potuisse, quisque videt; commerciaque Indica, si quidem continuarentur, solita antea via, per mediterranea Arabiae, vbi omnia pacata manebant, Gerrhaeorum interuentu continuata esse videntur; mox autem cum post pugnam ad Ipfum, diremtis ducum

discor-

r) Strab. p. 1026.

s) Strab. p. 1076.

discordiis, omnis Asiae imperium Seleuco Nicatori cederet, in Aegypto autem Ptolemaeus Philadelphus regnare inciperet, cum ceteris pacis artibus vterque quoque mercaturae rationem habere, et commercia maxime Indica, alter terrestria, alter maritima, denuo instituere coepit. Accedebat quod Seleucus, vt in superiori commentatione ostendimus, non modo ipsi Indiae arma intulerat, atque ad Gangis vsque ostia penetrauerat, sed cum Sandrocotto, Palibothrae rege, affinitatem quoque contraxerat. Itaque ab hoc inde tempore commercia Indica efflorescere coeperunt, et quae iam disputabuntur, ad haec tempora referenda sunt. Rem autem nostram ita instituemus, vt primum de ratione commerciorum in India ipsa, locisque dispiciamus, quibus ea instituebantur; tum vero de viis, quibus ad Europae oras merces Indicae perueniebant.

Repetendum vero hic est primum, quod in priori disputatione probauimus, omni hac periodo Indiae peninsulam Graecis adhuc fere omnino incognitam mansisse, eamque, etsi Romanorum aetate via per altum mare inuenta, sedes mercaturae Indicae facta, ac emporiis per omnem oram Malabaricam, inter quae Barygaza maxime eminet, impleta fuerit, hic tamen nondum in censum venire. Sedes potius mercaturae Indicae quaerenda est adhuc in India septentrionali, i. e. in terris inter Indum et Gangem, et maxime quidem iuxta vtrumque fluuium sitis. Condiderat in his regionibus Alexander ad Indum atque Acesinem plura oppida, quorum tamen nomina, (vnico Pattalae, in Indi ostiis sitae, excepto, quo ante Romanorum tempora, emporiis in Malabarica ora nondum conditis, omnes naues, Indiam adeuntes, appellere solebant) postea euanuerunt, cum mox post Alexandri tempora Graeci in interiorem Indiam penetrarent, vrbesque insignes, ad Gangem sitas, adirent. Eminent inter has Palibothra, vrbs Gange, et Callinypaxa. *Palibothram* prope Patnam sitam fuisse, priori commentatione ostendimus; *Callinypaxa* quaerendam videri in vrbe *Canoge* hodie adhuc celebri, ibidem monuimus; *Ganga* autem vrbs infra Palibothram sita fuisse videtur. Adibant has vrbes terrestri itinere Graecorum mercatores, atque in eas merces suas conferre solebant Indorum gentes. Ipsos Taprobanes incolas nauigatione

gatione olim eo tendere solitos fuisse, ex antiquo scriptore, Megasthene ut videtur, tradit Plinius *t*). Apud ipsos vero Indos, Prasilanos nempe, quorum metropolis fuit Palibothra, instituta quaedam ad tuenda et moderanda commercia obtinuisse, idem auctor est Megasthenes. Erant iis nempe magistratus, qui omnis mercaturae curam gererent, ac mensuras maxime cum mercibus ipsis inspicerent *u*). — Ab urbe Palibothris vero ad Indum, (puto ad urbem Taxilam, qua Alexander Indum transierat) via ferebat regia, schoenis diuisa, ut adeo per mediterranea Indiae bona eius commode ab Gange ad Indum transmitti possent, unde porro vel ex Indi ostiis vrbeque Patala, vel terrestri itinere per continentem Asiae mitterentur. Viae illius primam mentionem iniectam inuenio apud Eratosthenem *x*), qui Megasthenem exscripsisse videtur. Quare, cum nec Persiae reges Gangem vnquam adierint, nec Alexandri comites viae huius meminerint, post Alexandri aetatem, Seleuci nempe Nicatoris tempore eam munitam esse, ut commercia inter Syriae et Indiae reges tutiora atque expeditiora essent, probabile fit. Ipsi vero reges Indiae, dummodo iis vectigalia soluerentur, quorum curam gerebant magistratus modo commemorati, et quae modica erant, commercia cum exteris non amplius turbasse videntur.

Haec fuit commerciorum ratio in ipsa India; superest ut vias inuestigemus, quibus merces Indicae ab Indo fluuio ad nostras terras transmitterentur. Erant eae et terrestres et maritimae. De prioribus, quae et plures et magis frequentatae erant maritimis, primo dispiciendum erit; de nauigatione postea videbimus.

Viae autem per mediterranea Asiae, quantum ex antiquorum commentis indagare potui, hae fere fuerunt. *Prima* tota pedestris, per mediterranea Asiae, ab Indo, (vrbe ut videtur Taxila), per Alexandriam Arianam Babylonem vel Seleuciam; et inde per Mesopotamiam ad maris mediterranei oras. *Altera* primum maritima, ab Indi ostiis ad vrbes modo commemoratas Seleuciam et Babylonem; atque inde
per

t) Plin. VI, 22. Vol. I. p. 322.

u) Strab. p. 1034

x) Strab. p. 1010.

per easdem Asiae interioris regiones ad maris mediterranei littora. *Tertia* per mare Caspium, quae iterum duplex fuit; ut merces Indicae vel pedestri semper itinere per mediterranea Asiae ad maris Caspii littora portarentur; vel ut ab Indo ad Oxum fluvium transvectae, hoc ipso ad mare Caspium deueherentur. Ad littora tamen maris Caspii utraque via concurrebat, merces enim ibi nauibus impositae ad littora opposita traiciebantur. Hic vero Cyrum flumen ingressae, terrestri mox itinere ad Phasin fluvium, Ponto sese Euxino immiscentem, portabantur; eoque deuectae ad Graecorum emporia, ad Pontum sita, perueniebant. — *Quarta* per mediterranea Arabiae; quae tamen et ipsa duplex fuit; altera ab Indi ostiis per sinum Persicum ad Gerrhaeorum urbem: ac inde pedestris ad urbem Petram et littora maris mediterranei; altera iterum ab Indi ostiis, vitato tamen sinu Persico, ad Arabiae australis oras, promontorium Syagrum et Arabiae felicitis oppida; unde per mediterranea Arabiae ad urbem modo dictam Petram, atque inde ad Syriae urbes pedestri itinere merces deportabantur. De omnibus his viis primo singulatim dispiciendum erit, priusquam ad ultimum disputationis caput, quo de navigatione ex sinus Arabici recessibus agemus, progredi liceat.

I. *Via terrestris ab Indo ad Seleuciam vel Babylonem.*

Quod ad primam hanc viam attinet, per mediterranea Asiae ab Indo ad Euphratem ac Babyloniorum urbem, procul dubio haec ea fuit, quam Alexander commerciis Indicis destinauerat; et quam ipse, cum Indiae arma inferret, maxima ex parte confecerat. Conditae erant ab eo in Persiae finibus usque ad Indum plura oppida, nomine eius insignita; quae aditum ex hac parte ad Indiam aperirent, et peregrinantibus hospitium quasi praeberent. Qui enim ab urbe Taxila, ad Indum sita, proficiscebantur, primum recta pergentes Alexandriam in Paropamisso accedebant: inde paulo versus meridiem pergentes, Alexandriam Arachosiae perueniebant; inde autem recta iterum per Prophthasiam ad Alexandriam Arianam tendebant, ita ut Carmaniae deserta iis ad laeuam essent. Ex Alexandria autem Carmaniae, in Persiae finibus sita, facile patebat iter per ipsam Persiam, proprie

proprie sic dictam, et Susianam versus Babylonem vel Seleuciam. Iter autem inde ad mare internum, infra describendi locus erit.

Viam hanc utique breuissimam omnium fuisse, cum recta fere ab Indo ad mare internum pergeret, nemini non clarum erit, qui mappam inspexerit; Alexandri autem consilium fuisse, hanc viam Indicis commerciis aperire, ex supra dictis patet. Attamen post Alexandri aetatem vix inuenimus, mercatores ea usus fuisse. Cum enim omnis pedestri itinere conficienda esset, plurimum et temporis et sumtum postulabat; utrique autem parcere poterant, si navigatione ab Indi ostiis per sinum Persicum et Euphratem Babyloniam adirent. Accedebat, quod iuga montium inter Persidem et Susianam, per quae via procurrebat, latronum insidiis, quos Elymaeorum, Paraetacenorum et Vxiorum gentes parabant, infesta essent. Quare nemo mirabitur, mercatores praetulisse alteram viam

2. *Ab Indi ostiis ad Euphratem.*

Erat haec via navigatione conficienda, atque ipsius iam Alexandri iussu explorata et aperta. Explorauerat eum Nearchus, Alexandri classi praefectus, instruxerat autem ipse Alexander, cum Euphratis ostia, a Persis occlusa, aperiret. Soluebant autem naues, testibus Plinio *y*) et Diodoro *z*), ex vrbe Pattala, (Potana vocat eam Diodorus), quam ipse Alexander in ostiis Indi condiderat. Conuehebantur enim ibi commodè per Indum fluuium Indiae bona, nauesque ad urbem ipsam commodam stationem inueniebant. Naues inde soluentes viam sequebantur a Nearcho exploratam, ita ut, Gedrosiae oras legentes, peruenirent ad sinum Persicum, eoque traiecto, intrarent Euphratis et Tigris ostia, ab Alexandro aperta. Qui Euphratem fursum nauigabant, perueniebant Babylonem; qui Tigrin Seleuciam, eodem loco ducentis a Babylone stadiis conditam, quo antea Opis, vicus mercatura maxime insignis, ad Alexandri usque tempora steterat.

Vidimus iter, quo Indicae merces Babylonem adueherentur; superest, ut reliquam quoque viam, qua mercatores ad mare mediterranea

K 2

terra.

y) Plin. VI, 23. p. 327.

z) Diod. III. p. 181.

terraneum Syriaeque oras tendentes, vti solebant, inuestigemus. Accurate autem hanc descripsit Strabo *a)*, cuius vestigiis adeo insi- stendum erit. Relicta itaque Babylone vel Seleucia, pergebant mer- catores per regionem Babylonicam vsque ad urbem Scenas, ab Ara- bibus Scenitis in confiniis Mesopotamiae habitatam. Occupaue- rant enim Arabes Scenitae maximam Mesopotamiae partem, (quod inprimis tamen tunc denique factum videtur, cum Parthorum im- perio exorto, Mesopotamia quasi media inter Romanorum et Partho- rum imperia iaceret.) Erant ex his Arabibus alii Nomades, qui adeo gregibus suis immensas Mesopotamiae planities inundabant, si- mulque latrocinia exercebant; alii sub regulis viuentes, ad ripas Euphratis sedes fixas sibi elegerant. Poterant mercatores vel flu- minis cursum sequi, vel per mediterranea incedere, neutrum tamen sine incommodis. Ad fluuium enim reguli Arabum vectigalia, in sua quisque ditione, eaque immodica exigebant; in mediterraneis latronum insidiae timendae erant. Praeferebant tamen mercatores hanc vltimam viam, ita vt a Scenitarum vrbe XXV dierum itinere per deserta versus septentrionem pergerent; ■ Nomadibus autem in- columitatem modico vectigali redimerent. Qua via peracta Euphra- tem transibant ad urbem Anthemusiam, eoque traiecto, Arabiae ta- men finibus vitatis, quos Arabum latrocinia infestare solebant, per Syriam pergebant. Hac denique via ad Antiochiam ceterasque vrbes in maris mediterranei ora sitas perueniebant, iterumque sese fluctibus committentes Corinthum maxime, eaque deleta Delum ad- euntes, per omnes Europae et Africae terras Indorum bona di- vulgabant.

3. *Via per mare Caspium et Pontum Euxinum.*

Aucta interioris Asiae notitia, partibusque eius interioribus, vna cum magnis fluuiis quos includunt, marique Caspio cognitis, nouae patuerunt Indicis commerciis viae, quas Alexander neque explorare neque

a) Strab. p. 1084. Strabo h. l. proprie quidem describit viam, quam merca- tores ex Syria Babylonem sequi solebant; attamen cum ii, qui ex Baby- lone Syriam tenderent, procul dubio idem iter conficerent, res ad idem redit.

neque augurari potuerat. Cum enim viae pedestres et nimium sum-
tum et tempus requirerent, opportunitatem, quam fluvii et lacus
interioris Asiae offerrent, studiose exquirebant mercatorum ingenia,
nouisque adeo viis commercia instituta sunt. Factum hoc esse inde
■ Seleuci Nicatoris tempore, mox probabitur, si modo ipsa itinera,
ab antiquis satis accurate descripta, prius inuestigauerimus.

Duplex autem ab Indo vsque ad mare Hyrcanum iter antiqui
scriptores commemorant; prius totum pedestre, alterum fere totum
per flumina Asiae nauibus conficiendum. Prioris descriptio vnice apud
Strabonem legitur *b)*. Procurrebat haec via ■ mari Caspio, primum per
portas Caspicas, atque inde per Parthiam ad Ariae urbem Alexandriam.
Ab hac vero vrbe ad Indum duplex via patebat. Altera eaque re-
cta, per Paropamisadas ad urbem Orthospanam vel Cararam (*Kare*
hodie dictam 32° lat.), indeque ad Indum. Altera paulo versus me-
ridiem deflectens, ab Alexandria Arianae decurrebat primo per Dran-
garum terras urbemque Prophthasiam in Arachosiam et Alexandriae
oppidum ibi conditum, inde vero ad Indum fluvium.

Strabo, qui nobis hoc iter descripsit, mercatoribus illud vsitatum
fuisse, non quidem expresse adicit; attamen, cum praeter mercato-
res pauci Indiam adirent, nemini hoc amplius scrupulum iniiciet.
Ceterum ipsam hanc viam magna iam ex parte confecerat Alexander
cum Indiam adiret, ■ portis enim Caspiis vsque ad Alexandriam Ara-
chosiae procefferat.

Magis autem celebre factum est alterum iter per Oxum fluvium
ad mare Caspium, descriptum et a Strabone *c)* et ■ Plinio *d)*. Quod
ad Oxum fluvium attinet, quem cum Araxe Herodotus *e)*, cum Ocho
et Iaxarte fluviiis alii antiqui scriptores permutarunt *f)*, virorum iam
doctorum studiis factum est, vt de eo amplius dubium esse nequeat.
Nouimus enim, Oxum fluvium nullum esse alium, quam qui hodie
Gihon appellatur, et qui inter Bactrianam et Sogdianam decurrens,
mutato tamen ostio, aquas suas in mare Caspium effundit. Qui cum

K 3

ab

b) Strab. p. 1053.

d) Plin. I. p. 315.

f) cf. Strab. I. c. et 788.

c) Strab. p. 776. 777.

e) Herod. I, 201 sq.

ab Indo modico tantum intervallo distaret, parum abfuit, quin ab Indi ostiis vsque ad Graecorum oras per ipsa mediterranea Asiae merces Indicae continua nauigatione deuehi possent. Viam, qua merces ab Indo ad Oxum portabantur, apud neminem accurate descriptam reperio. Plinius enim, qui accuratius Strabone de ea egit, id tantum adiicit g), merces Indicas ab Indo fluuio deuectas primum esse ad Icarum fluuium, atque inde ad Oxum; confici autem pedestre hoc iter 7 dierum spatio. Icarus fluuius vix alius esse potest, quam qui hodie *Arrat* vel *Irat* vocatur, et qui 35° lat. recta fere ab oriente ad occidentem decurrens, aquas suas Oxo miscet. Prope eam condita erat *Bactra* vrbs, diuitiis et mercatura non apud antiquos solum, sed nostra adhuc aetate celebris. Attamen vel sic iter ab Indo ad Icarum septem dierum spatio vix confici potuit; distat enim vterque fluuius ex Rennelii chartis plus ducentis miliaribus geographicis. Probabile itaque videtur, merces non ab ipso Indo, proprie sic dicto, sed potius ab vno ex magnis fluuiis, qui, ex *Paropamisso* decurrentes, Indo aquas suas miscent, et cum ipso Indo saepius permutari solent, inter quos *Gureus*, hodie *Attock* dictus, iuxta quem *Cabul*, celebre nostris diebus emporium, sita est, maxime eminet, natura ipsa viam monstrante, deuectas esse. Quo posito viam hanc omnem mercatores ita confecerunt, vt naues onerariae ex Indo primum *Gureum* sursum nauigarent, atque ad urbem *Cabul* ancoris iactis merces iam terrestri itinere ad *Bactra* urbem *Icarum*que fluuium transmitterentur, (quod cum non amplius 50 miliaribus geographicis efficiat, 7 dierum spatio commode finiri potuit;) vbi nauibus iterum impositae primo per *Icarum* in *Oxum*, tum vero *Oxi* cursum sequentes ad mare *Caspium* deueherentur.

Confluebant hoc modo merces Indicae, tum quae pedestri itinere, tum quae nauigatione portabantur, ad littora maris *Caspj*. Hic vero nauibus maioribus impositae, ab *Oxi* ostiis mare *Hyrceanum* medium secantes ad occidentalem eius oram trans mittebantur, ibique ostia *Cyri* fluuii, hodie *Kur* dicti, intrabant. *Cyrus* enim fluuius, cum antea stagnasset, nauigabilis redditus erat hominum solertia; quod *Iasoni* ac *Argonautarum* industriae adscribebat fama antiquitus

ibi

g) Plin. l. c.

ibi obtinens. Cyrum quantum fieri poterat sursum nauigantes, merces iterum curribus impositas vsque ad Phasin fluuium, in pontum Euxinum exonerantem, terrestri itinere 5 dierum spatio deportabant. Nauigari autem poterat Phasis vsque ad Sarapana castellum, prope emporium Phasin situm. Ibi vero nauibus iterum ad Phasis ostia, atque inde bidui vel tridui nauigatione ad Sinopen vel Amisum, Graecorum emporia deuehebantur.

Descripsimus viam hanc memorabilem, qua ex intimis Asiae recessibus per terras in immensum patentes Indiae bona continua fere nauigatione ad Graecorum oppida perueniebant. Superest, vt quando, et quibus auctoribus via haec primum frequentata sit, exponamus, de quo non eadem est virorum doctorum sententia. — Vanam esse vidimus supra Formaleoni opinionem, qui Indica iam commercia florentibus Babyloniorum et Assyriorum rebus per Oxum et mare Caspium instituta fuisse, contendit. Nil tamen magis tribuendum existimo alteri opinioni, qua inde a Pompeii demum aetate Graecos vel Romanos potius ea vsos fuisse, contenditur. Nititur enim Plinii loco *h*), quo is ex Varrone affert, Pompeii ductu exploratum esse, merces Indicas via modo descripta in Pontum deuehi posse. Attamen etsi Pompeio nouum hoc et inauditum fuerit, inde tamen non sequitur, ante Pompeii tempora nunquam hoc factum esse. Patet contra ex luculentissimo Strabonis testimonio, via hac vsos fuisse mercatores Graecos inde a Seleuci Nicatoris tempore, qui et ipse maxime eam instaurasse videtur. Strabo *i*) enim, viam hanc describens, testem affert Aristotelem et Eratosthenem; vtrumque autem, addit, tradita sua hausisse ex Patroclis commentariis. Iam vero constat, Patroclum a Seleuco Nicatoris superiori Asiae fuisse praefectum, eamque et explorasse, et descriptionem eius reliquisse. Explorata sic a Seleuco Nicatoris et India, quam ipse adierat, et Asia superiori, cuius imperium tenebat, nemini amplius obscurum videbitur, quomodo fieri potuerit vt noua haec mercaturae Indicae via inuestigaretur. Ipsum vero Seleucum audaciora adhuc consilia agitasse, vt commercia haec faciliora redderet, nouimus ex Plinio; coniungere enim

h) Plin. VI, 17. p. 315.

i) Strab. I. c.

enim secum statuerat mare Caspium cum Ponto Euxino, etsi morte inopinata abreptus, consilia haec exsequi non potuit.

Quamuis igitur inde Seleuci aetate viam hanc mercatoribus frequentatam fuisse, nemo amplius dubitabit, tantum tamen ex Plinii loco supra laudato patere videtur, Pompeii aetate eam iterum neglectam fuisse. Nemini autem hoc mirum videbitur, qui intestina bella, quibus Asia, exorto Parthorum imperio, et Ponti regibus caput extollentibus, flagraret, meminerit. Parthorum civiles discordias saepius commercia turbasse expresse testatur Strabo, Mithridatis autem tempore commercia Pontica interrupta esse, quis mirabitur?

Mentio simul hic iniicienda est Aorsorum, populi inter Pontum et mare Caspium habitantis, quos partem sibi mercaturae Indicae vindicasse, eoque ditissimos factos esse, auctor est Strabo *k*). Obviam enim ibant mercibus Indicis et Babylonicis Euphrate et Tigri Armeniam et Mediam aduectis, easque inde camelorum cateruis ad littora Ponti Euxini deducebant. Erat enim in Media Comana, emporium longe celeberrimum, quo merces omnis Asiae ac Indiae Euphrate et Tigri aduectae, teste Strabone confluebant *l*).

4. *Commercium Indicum per Mediterranea Arabiae.*

Restant viae per mediterranea Arabiae, quibus merces Indicae primum forte omnium ad nostras terras peruenerunt; et quae minime omnium eas variationes subiisse videntur, quas ceterae expertae sunt. Cum enim Asiae reges Arabiae arma inferre vel plane non auderent, vel si inferrent, nihil tamen unquam proficerent, interioris Arabiae commercia, ingentibus illis rerum conuersionibus, quas reliqua Asia experta est, parum quoque turbata sunt. Fieri inde debebat, quod ipsa iam postulabat locorum ratio, ut viae, quibus per interiora Arabiae merces transmitterentur, semper eadem manerent; memoriam autem earum ab antiquis scriptoribus satis accurate traditam habeamus. Magis vero haec disputatio eo impeditur, quod difficile plerumque dictu sit, ~~num~~ merces, quae com-
memo-

k) Strab. p. 772. 773.

l) Strab. p. 837.

memorantur, Indicae, an vero Aethiopicae vel Arabicae sint? eadem enim fere bona terris hisce communia esse, constat. Apud ipsos vero antiquos iam de eo dubia exorta esse, testis est Strabo *m*).

Omnis vero mercatura Indica, quam Arabia sibi vindicauit, duplici via per eam acta est; altera a Gerrhaeorum vrbe, in littore orientali ad sinum Persicum sita, altera ab ora Arabiae felicis, maximeque Sabaeorum terra. De vtraque itaque singulatim dicendum erit.

De Gerrhaeorum mercatura Indica.

Gerrhaeos Chaldaeorum exsulum fuisse coloniam supra iam commemorauimus, simulque urbem eorum ante Persica iam tempora conditam esse, monuimus; floruisse autem Gerrhaeorum commercia sub ipso Persarum imperio, cum, Euphratis atque Tigris ostiis occlusis, omnem sinus Arabici nauigationem facili opera ad se traherent, ibidem ostendimus. Nouimus enim ex Strabone, Aristobulum iam Alexandri comitem florentissimas commerciis Gerrhaeorum ~~res~~ summis laudibus extulisse, quod quomodo fieri potuisset, nisi ante Alexandri iam aetatem mercatura inclaruissent? Indica vero eos commercia exercuisse, Strabo non quidem diserte affirmat, satis tamen ostendit situs vrbis, clare autem docet Agatharchides, qui eos cum Sabaeis tantum non omnia Asiae bona Europam transuexisse, auctor est *n*). Indicas vero merces nauigatione eos per sinum Persicum, mareque Indicum instituta, petiisse, idem docet. Ex sua vero vrbe nauibus eos quoque adiisse Euphratis et Tigris ostia, auctor est Aristobulus apud Strabonem; etsi ipse Strabo sua saltem aetate inprimis eos commercia terrestria per mediterranea Arabiae exercuisse affirmat *o*). Inter merces, quas afferebant, maxime eminebant aromata omnis generis, tum vero, seriori saltem aetate, vniones, qui in insulis sinus Persici insigni magnitudine reperiiebantur. Portabant autem merces suas partim ad urbem Petram, celebre Arabum Nabataeorum emporium; vbi Phoenicum aliarumque gentium mercatores

iis

m) Strab. p. II29.

n) Agatharchides in Geogr. Min. Vol. I. p. 64.

o) Strab. p. II10.

iis occurrebant; partim Aelath, sinus Arabici portum, vnde porro ad Palaestinae vel Phoeniciae vrbes deducebantur; partim in ipsa mediterranea Syriae et Mesopotamiae, vbi aromata sua auro et gemmis permutabant. Floruisse haec Gerrhaeorum commercia, quae Cyri circiter tempora initium cepisse videntur, sua adhuc aetate, testis est Strabo, nihil enim, quod ea turbare potuisset, vrbi eorum acciderat *p*). In longa hac vero saeculorum serie immensas eos sibi diuitias parare potuisse, ita vt post Sabaeos pro ditissimis mortalium haberentur, nemo amplius mirabitur *q*). Plura de hoc dicendi locus erit, si ipsorum Sabaeorum commercia Indica antea exposuerimus.

De Sabaeorum mercatura Indica.

Sabaeorum nomine omnes hic Arabiae felicis vel orae Arabicae australis, maxime qua ad occidentem spectat, populos comprehendimus. Incidimus autem hic in locum amplissimum, de Sabaeorum commerciis, de quibus multa quidem et magnifica nobis enarrant scriptores antiqui, attamen si singula eius capita, eaque pro diuersa temporum ratione illustrare conamur, difficillimae oriuntur quaestiones, quae omnino resolui nunquam poterunt. Scimus Sabaeos non interioris modo Arabiae, sed Aethiopiae quoque et Indiae merces ad Asiae atque Aegypti oras transmississe; at vero si, quando vel vnum vel alterum commerciorum genus exortum sit, quae incrementa ceperit, quando desierit, quaesieris, vix, quod respondeas, inuenies. Ipsi enim antiqui scriptores de vicissitudinibus mercaturae Indicae, parum memoriae reliquerunt; quod autem ad ipsas merces attinet ab iis aduectas, haud raro incertum est, num inter Indiae, an vero Arabiae vel Aethiopiae bona referendae sint. Constat quidem Sabaeorum mercaturam antiquissimis iam temporibus, i. e. ante Cyri aetatem, non se in Arabiae finibus continuasse, sed sinu Arabico traiecto eos quoque Aethiopiam adiisse, bonaque eius Arabiam transtulisse, quando autem Indiam primum nauigatione adierint, deficientibus litterarum monumentis, nunquam ad liquidum perducitur. Post Alexandri tempora commercia inter eos et Indos intercessisse, nemo est qui dubitet, si vero supra haec tempora ascendas, adeoque

num

p) Strab. l. c.

q) Agatharchides l. c.

num ante Alexandrum iam Indiam adierint, quaeras, obscura est quaestio. Vix inuenio antiqui scriptoris locum, quo disertis id verbis affirmetur; attamen omnibus excussis et inter se collatis, plura esse existimo, quae illud non modo suadeant, sed vix vllum de eo dubium relinquant. Primum enim Herodotus, bona Arabiae recensens, quae Phoenices ab Arabibus petant, inter ea quoque ponit cinnamomum; non tamen hoc esse prouentum ipsius Arabiae, sed aliunde aduehi, etsi Arabes ipsi, vbinam terrarum illud proueniat, exploratum sibi esse, negarent *r*). Quae si accuratius excutias, de Indica Sabaeorum mercatura hic sermonem esse, vix dubitaueris. Arabes enim, quibuscum Phoenices commercia exercebant, et quibus aromata ceterasque Arabiae merces debebant, Arabiae australis incolas esse, certum est. Iam vero cum cinnamomum ab omnibus inter Indiae bona referatur, ipsique Arabes ~~ex~~ alienis terris illud se accipere, confessi fuerint, quis dubitauerit, ex India illud aduectum esse, atque cum Indis eos commercia exercuisse? Quod autem ipsi, terras vbi proueniat sese ignorare, dixerint, callide id fecere, ~~ne~~ Phoenicibus viam ad Indiam monstrarent. — Praeterea collatis inter se scriptorum locis, certum est, magnificas illas descriptiones de Sabaeorum immensis diuitiis et amplissima mercatura, quas apud plures scriptores legimus, referendas esse ad ea tempora, quae Alexandri aetatem praecefferunt. Exstant eae et apud Strabonem *s*) et apud Diodorum *t*), ~~ex~~ quibus alter exscripsit Agatharchidem *u*), alter Artemidorum, qui vterque scripsere Ol. 168. Agatharchidem autem iterum atque Artemidorum ex communi fonte hausisse, nemo dubitauerit, qui tradita eorum inter se comparauerit, vnde primum auctorem, ~~a~~ quo florentes Sabaeorum res descriptae sunt, et quem reliqui sequuntur, non longe post Alexandri tempora vixisse, certum erit. Quodsi autem Alexandri iam aetate ita opibus valuerunt, vt ditissimi mortalium appellari potuerint, Indicis hoc maxime commerciis, quibus omnes, qui ~~ea~~ egerunt, maximas sibi diuitias pararunt, factum esse, verisimile est. Accedit autem ad haec omnia luculentum scriptoris

L 2

antiqui

r) Herod. III, III.*s*) Strab. p. IIII.*t*) Diod. I, III. p. 180.*u*) Agatharchidis locum vide in Geogr. Gr. Min. I. p. 64. 65.

antiqui testimonium, *Arriani*, vel quisquis sit *peripli maris Erythraei auctor* *x*), qui cum de Arabia felici agit, nomen *felicitis* inde eam sortitam esse adiicit, *quod cum nondum ex Aegypto in Indiam nauigaretur*, (i. e. ante Alexandri et Ptolemaeorum tempora) *et Indorum et Aegyptiorum merces eo deportatae et inter se permutatae sint*. Explicatur vero insigni hoc loco non aetas modo antiquissimae Sabaeorum mercaturae Indicae, sed ipsa quoque commerciorum ratio. Patet enim in Arabum Sabaeorum oppidis communia fora fuisse mercium Indicarum et Aegyptiarum, ab Aegyptiis et Aethiopibus, vt ex altera parte ab ipsis Indis frequentata; nouumque hoc loco traditis suis praesidium parare potuisset Cl. *Brucius*, interioris Africae explorator felicissimus; qui illud recte vidit, inter Aethiopes et Indos antiquissimis iam temporibus commercia intercessisse; et qualia ea fuerint, et esse debuerint, ex vtriusque terrae prouentibus et bonis egregie declarat; attamen in eo falsus mihi esse videtur, quod ipsos Africae incolas Indiam adiisse affirmat; cum potius, quantum ex antiquitatis testimoniis indagari potest, Arabum Sabaeorum interuentu commercia haec peracta esse dicendum sit.

Supereft vt viam indagemus, qua merces Indicae et Arabicae ab vltimis Arabiae oris ad maris mediterranei littora et portus per mediterranea Arabiae deportarentur. Quae quamuis a nemine accurate descripta sit, plura tamen eius vestigia apud Strabonem maxime deprehenduntur. — Insigne erat inter Arabes septentrionales Nabataeorum nomen, nomadicam vitam agentium, in quorum terra sita erat *Petra*, locus natura munitus, cuius situm accuratius describere Strabo *y*) et Diodorus *z*), et Plinius *a*). Confluere eo solebant certis anni temporibus, Arabum gentes, vt merces, quas secum ferebant, aromatum maxime copiam, aliis permutarent. Constat Demetrium, Antigoni filium, patris iussu expeditionem in eos suscepisse, quam descripsit Diodorus l. c. etsi fortitudine et vigilantia Arabum spe sua exciderit. Communi vero hoc loco emporio vsos esse non solum Nabataeos, ceterosque Arabiae septentrionalis populos, sed ipsos quoque orae australis et orientalis accolae Sabaeos et Gerrhaeos eo cum mercibus

x) *Geogr. Gr. Min.* I. p. 15.

z) *Diod. XIX.* p. 731.

y) *Strab.* p. 1125.

a) *Plin. I.* p. 336.

cibus suis confluisse, testes sunt Artemidorus *b)* et Agatharchides *c)*, quare merces Indicas hac quoque via Europam peruenisse, dubitari nequit. Viam ipsam, qua per mediterranea Arabiae eo pergebant, accuratius descripsit Strabo *d)*, ex quo discimus, mercatores felices Arabiae in itinere suo primum attigisse *Album pagum* (λευκήν πόλιν), ad sinum Arabicum situm; inde vero perrexisse *Petram*, ex Petra autem merces deportatas esse *Rhinocoluram*, atque hinc in alia loca. Portabant autem ipsi quoque Sabaei merces suas in Syriam usque et Mesopotamiam, easque ibi auro et gemmis permutabant; unde quoque fieri potuit, ut tanta vis auri in terra eorum coaceruaretur *e)*. Iter autem conficiebant camelis, cateruatim incedentes, ita ut iusti haud raro exercitus speciem praeberent *f)*. — Gerrhaei alia via incedere debuerunt, cum ex oriente versus occidentem pergerent, eosque ita ut Sabaeos merces suas terrestri itinere transmisisset, auctor est Strabo *g)*, accuratiorem tamen viae descriptionem non reliquit. Ipsos quoque Nabataeos ab Arabiae felices incolis aromata et reliqua terrae bona petiisse testatur Diodorus *h)*.

Praeter Petram merces interioris Arabiae deportabantur quoque *Elanam* vel *Elath*, ad sinum huius nominis sitam, et nauigatione simul celebrem. Omne autem hoc iter, ab ultimis Arabiae oris australibus usque ad ultimum hunc septentrionalis Arabiae terminum mercatores 70 diebus confecisse tradit Strabo, cum Gerrhaei 40 diebus Chatramotitin peruenirent *i)*. Inde vero ab Aelana duplex iter ad maris mediterranei oras patebat; alterum ad urbem portumque Gazam, alterum ad Heroopolin ad Nilum sitam; quod etsi compendiosius erat, procurrebat tamen per deserta, ita ut camelis conficiendum esset *k)*.

5. De via maritima ex sinu Arabico.

Expositis iam viis terrestribus, quibus Indiae merces Europam peruenere, restat, ut de maritimo quoque itinere agamus, quo sub

L 3

Ptole-

b) Ap. Strab. p. 1113.

c) *Geogr. Min.* l. p. 57.

e) Strab. p. 1125.

g) p. 1110.

i) Strab. p. 1113.

d) Strab. p. 1128.

f) Strab. p. 1127.

h) Diod. l. c.

k) Strab. l. c.

Ptolemaeis Graecorum naues Indiam adierunt. Tractauit hunc locum ante nos maxime Cl. de Schmidt, in commentatione praemio ornata, *de commerciis et nauigatione Ptolemaeorum* l), quare nos in iis tantum, quae ab eo vel neglecta, vel minus bene disputata sunt, exponendis versabimur.

Recte vero iam monuit scriptor modo laudatus, sub ipsis Ptolemaeis statum nauigationis Indicae non semper eundem fuisse, sed pro vario regum ingenio commercia quoque Indica magnas vicissitudines subiisse. Nam cum essent ex iis alii, inprimis vero tres priores Ptolemaei, qui nauigationem et commercia maxime curarent, alii vero, qui ignauiae et luxuriae dediti, belli simul et pacis artes negligerent, quid mirum? mercaturae quoque varia fata fuisse; quod tanto magis fieri debuit, cum ipsa commercia regum potius, quam priuatorum nauibus et impensis acta esse videantur. — In eo tamen dissentimus a Cl. Schmidtio, quod ille nauigationes Indicas frequentissimas iam fuisse sub Ptolemaeis contendat; cum ex nostra opinione ante Augusti tempora eae tantum exigui momenti, atque commerciis terrestribus longe postponendae sint.

Probauimus in superiori commentatione, Indicam nauigationem vsque ad Ptolemaei Philadelphi aetatem Graecis prorsus ignotam fuisse: sub Philadelpho autem eam non modo exortam, sed ab eo quoque insigniter auctam esse, et insignia incrementa cepisse, communis est virorum doctorum sententia. Quae quatenus vera sit, melius elucescet, si, quae Philadelphi consilia in commerciis per mare rubrum et sinum Arabicum instituendis fuerint, paulo accuratius inquisiuerimus. Consentunt in eo scriptores, sinus Arabici explorationem, in quo durante Persarum imperio omnis nauigatio cessasse videtur, a Philadelpho institutam esse. Suscepit eam regio iussu Aristi quidam, qui vsque ad fretum Neptunium, hodie *Babelmandel* vocatum, peruenit m). De vltiori maris Erythraei ac prima Indicae nauigationis exploratione, nihil memoriae traditum est. Casu forte ea detecta fuit, cum naues, sinu Arabico semel explorato, littora legendo vltius pergerent; certe Philadelphi consilia eo non spectarunt, cum

l) In *Opusculis quibus res antiquae illustrantur* p. 105.

m) Diod. III. p. 175.

cum Arabici sinus inuestigationem institueret. Veram potius eorum causam aperit Strabo *n*); qui: "*Reges Ptolemaei, inquit, haec maxime curarunt, (sinus nempe Arabici explorationem, et ferarum venationem) inprimis autem Philadelphus, rerum cognitionis studiosus, cum propter corporis imbecillitatem semper nouae alicuius oblectationis materiam quaereret.*" Patet itaque, Philadelphum, non ita vt commercia institueret, sed quod rerum nouarum curiosus esset, terrarum longin quarum naturam exquiri iussisse. Spectabant autem hae disquisitiones maxime ad Aethiopiam, in qua primus regum Aegypti magnis sumtibus elephantum venationes instituit *o*), qui viui Alexandriam mittebantur, et quidem nauibus. Maxima enim nauigia, quibus in sinu Arabico nauigabatur, ad bestias illas transuehendas exstructa esse, auctor est Diodorus *p*). Ipse autem Philadelphus Simmiam quendam ad Aethiopiam explorandam miserat, ibique venatorum receptacula exstruxerat *q*).

Aperta tamen semel via per sinum Arabicum, ~~naues~~ quoque ulterius perrexisse, ipsamque Indiam adiisse, certum est; ita tamen, vt haec nauigatio nec valde frequens esset, nec semper duraret. Quod ad prius attinet, expressum habemus de eo Strabonis testimonium, a grauiissimo scriptore bis repetitum *r*). *Primum enim, perpaucos, tradit, sub Ptolemaeis regibus ausos esse Indiam nauigare, et Indicas merces aduehere; quae copiosius alio loco exponit: Superiore enim tempore, inquit, ne viginti quidem naues quotannis in Arabicum sinum transire audebant, vt extra fauces prorae prospicerent; nunc maximae classes transmittunt.*" — Omnem vero hanc nauigationem post Philadelphi tempora iterum desiisse, patet ex Eudoxi historia, qui sub Euergete secundo viam in Indiam iterum explorasse dicitur; de quo in priori commentatione egimus. Quae si vel maxime omnino fabulosa essent, a Posidonio tamen, grauiissimo scriptore, eoque Eudoxi aequali, nunquam cum veritatis quadam specie confingi potuissent, si iter Indicum ita, vt vulgo putant, omnibus cognitum fuisset.

Indicam

n) Strab. p. 1138.

o) Agatharchides in *Geogr. Min.* I. p. 1.

p) Diod. III. p. 173.

q) Diod. I. c.

r) Strab. p. 179 et 1179.

Indicam tamē hanc nauigationem non tanta, vt vulgo crēdunt, incrementa cepisse, nemini amplius mirum videbitur, qui rationem, qua instituebatur, nouerit, atque incommoda, quibus obnoxia erat, perspexerit. Primo enim nauigationem per sinum Arabicum iam per se periculosissimam esse, nostra quoque aetate notissimum est; impeditur autem praeterea ventis, qui cum ex eadem semper plaga spirent, certis tantum anni tempestatibus maris aditum vel occludunt vel aperiunt. Etsi enim ~~non~~ mihi cum *Brucio* persuadeo, antiquae nauigationis in mari rubro rationem omnem ex ventis illis pependisse, cum antiqui ~~non~~ velis modo, sed remis quoque vterentur, multum tamen eos offecisse, dubitari nequit. Accedebant piratarum latrocinia, quae simul ~~cum~~ nauigatione in Indiam exorta esse videntur. Ipsos enim Nabataeos statim piraticam exercere coepisse, testis est Diodorus *s*), Indicas quoque oras latrocinii infestas fuisse, auctor est Plinius *t*). — Extra vero sinum Arabicum nautas non minora pericula excipiebant. Cum enim via per altum mare nondum detecta esset, oras Arabicas et scopulis obsitas, et vadis periculosas legere debebant, ita vt paruis nauigiis tantum ad longum hoc iter vti possent. Copiosius viam hanc descripsit Plinius *u*), temporum simul ratione habita. *Primum enim naues soluisse ■ Syagro promontorio, ac vento Fauonio petiisse Pattalam vel Pattalenen.* Sita autem erat Pattala in ipsis Indi ostiis, communi autem mercaturae Indicae emporio Alexander eam iam destinauerat. Syagrum promontorium in australi quidem Arabiae ora quaerendum esse, constat, locum tamen accurate indicare, difficile est. Optime situm eius indicauit *Auctor peripli maris Erythraei x*), ex quo patet, in Danvillii mappis falso illum pro vltimo versus orientem promontorio poni, cum potius iuxta urbem *Cana*, in Chatramotitarum terra ponendum fuisset. Ex hoc itaque promontorio ad Indi ostia prima nauigatio patuit. — Pergit Plinius: "*Secuta aetas propiorem cursum tutioremque indicauit, si ab eodem portu Zigerum portum Indicum peterent; diuque ita nauigatum, donec compendium inuenit mercator, lucroque India admota est.* — Vltima haec verba, monente iam Schmidtio, referenda sunt ad Romanorum tempora,

s) Diod. L. III. p. 176.

u) Plin. l. c.

t) Plin. VI. Vol. I. p. 328.

x) Geogr. Min. I. p. 17.

tempora, cum via per altum mare inuenta, recta Indiae peninsulam vel oram Malabaricam peterent; nauigatio vero ad Zigerum promontorium sub Ptolemaeis adhuc florere debuit. Zigeri nomen apud solum Plinium occurrit, adeoque vbi quaerendum sit, incertum est. Commemorat Strabo y) Sigertidis regnum, vltra Pattalam situm, quod Schmidtus ad Zigerum promontorium referendum putat. Quo posito in Indiae ora maritima magis versus meridiem ponendum esset, vbi tamen nemo, quomodo Plinius cursum hunc propiorem esse dixerit, facile intelliget.

Patet vero ex his omnibus, Graecorum naues Indi vulgo ostia, locaque proxime adiacentia, adiisse, num vero Indiae peninsulam circumnauigauerint, insulamque Taprobanem et Gangis ostia attigerint, obscurum est. Strabo sua aetate perpaucas tantum naues ad Gangem peruenire testatur z); vnde recte colligit Schmidtus, si Strabonis aetate raro id factum fuerit, multo adhuc infrequentius sub Ptolemaeis accidisse videri. Confirmant vero hanc sententiam, quae superiori disputatione exposuimus, cum Indiae peninsulam Strabonis adhuc aetate fere omnem incognitam fuisse, probaremus.

Supereſt, vt iter describamus, quo merces, sinu Arabico aduectae, per mediterranea Aegypti ad Nilum, atque inde Alexandriam deportabantur, quod satis accurate descripserunt antiqui. Cum enim nimis periculosa esset per sinum Arabicum nauigatio, ~~naues non~~ in vltimos eius recessus penetrarunt, sed in Aegypti littore orientali portus instructi erant ab Aegypti regibus, vbi naues appellerent, ac vnde merces per mediterranea Aegypti ad Nilum deferrentur. Insignes sunt ex his vrbs *Berenice*, et *Myos Hormos*, quas ita describit Strabo a): *Inde a Copto est isthmus, ad mare rubrum porrectus, iuxta Berenicen urbem, quae quanquam sine portu est, tamen opportunitate isthmi idonea diuersoria habet. Dicunt Philadelphum hanc viam primum exercitu aperuisse, cum aquis ea careret, ac diuersoria instituisse tum pedibus iter conficientibus, tum camelis; idque effecisse, quod rubrum mare difficulter navigaretur, praesertim ex intimo recessu. Enimuero experientia utilitatem* maxi-

y) Strab. p. 786.

z) Strab. p. 1006.

a) Strab. p. 1169.

maximam demonstravit, atque nunc omnes Arabicae et Indicae merces, et Aethiopicae etiam, quae sinu Arabico aduehuntur, Coptum deferuntur, istarum mercium emporium. Non procul ■ Berenice abest Μυός ὄρμος, qui nauale habet. — Etsi insigni hoc loco Berenices situs ita constituitur, vt nullum de eo amplius dubium esse possit, in omnibus tamen map-
 pis geographicis grauissimum hic errorem deprehendo. Strabone enim auctore inter Berenicen et Coptum isthmus interfuit, vt adeo merces breuissima via ab Arabici sinus littore ad Nilum transmitteren-
 tur, sita autem fuit Berenice prope Myos Hormon, vt Copto vrbi e regione esset. Nostri vero geographi, d'Anvillius, Blairius, et alii Berenicen ponunt in ipsis vltimis Aegypti versus Aethiopiam finibus, eadem cum Syene latitudine; ex hac vero vrbe viam versus Coptum ■ Philadelpho apertam esse. Permutarunt illi duas vrbes, Berenices nomine insignitas, et in littore Aegypti orientali sitas, quas recte distinxit Stephanus *b*). Altera vocatur Berenice Philadelphi, prope Myos Hormon sita, quae est ea, de qua Strabō loquitur, et ad quam via ■ Copto vrbe procurrebat. Altera est Berenice Troglodytices magis versus meridiem, e regione Syenes sita, ex qua tamen nunquam mercatoribus iter versus Syenem patuit. His expositis reliqua omnia Strabonis locus docet. Naues nempe sinum Arabicum intrantes sursum nauigabant, vsque ad Myos Hormon, vel Berenicen Philadelphi, prope eam sitam. Inde versus Coptum ad Nilum viam aperuerat Philadelphus, mercesque per solitudines arenosas, sex vel septem dierum spatio, camelis impositae, eo deferebantur; inde vero nauibus iterum Nilo fluuio vsque ad Alexandriam mittebantur. Cum itaque ante Ptolemaeorum tempora omnes sinum Arabicum intrantes, vsque ad portus in sinus Aelamitici recessibus sitos, Elath et Ezion-Geber pergere deberent, vnde olim Phoenices soluebant, nouo hoc Philadelphi instituto id profecerunt, vt intimis Arabici sinus recessibus, rupibus simul et vadis impeditis, vitatis, ad littora iam Aegypti securiori via appellere possent.

b) Steph. de urb. v. Βερηνίαι.

COMMENTATIO
DE
ROMANORVM DE INDIA NOTITIA
ET
CVM INDIS COMMERCIIIS

AB
A. H. L. HEEREN.

PARS PRIOR
DE INDIA ROMANIS COGNITA.

RECITATA IN CONSESSV REGIAE SOCIETATIS A. D. IV. AVG. MDCCXCII.

Singulari quadam fortuna accidit, Sodales, vt ex ~~en~~ inde tempore, quo primum in confessibus nostris de India antiqua disputare inceperim, plures iique eruditissimi viri, tum ex nostratibus tum apud externos, idem hoc argumentum tractandum sibi elegerint. Prodiit apud Britannos Robertsoni opus, communi applausu exceptum, in quo ille eandem plane viam, quam nos, secutus, tum de Indiae apud antiquos notitia, tum de eorum cum Indis commerciis exposuit *a*). Disputata sunt ab eo omnia, quod a tali scriptore facile exspectaueris, tanto in rebus seligendis et disponendis iudicio, tanta sermonis vberitate et elegantia, vt lectione libri sui summa quemque voluptate perfundere debeat; eruditionis copiam si forte interdum desideres, meminervis, eum, quod non eruditis modo peritisque criticis scribendum

M 2

sibi

a) An historical disquisition, concerning the knowledge which the Ancients had of India and the progress of trade with that country, prior to the discovery to the passage to it by the cape of good Hope, by W. Robertson.

sibi proposuisset, lectoribus hanc obtrudere noluisse. Nos, cum librum eius inspexissemus, eum in nonnullis quidem, quae tamen plerumque leuia sunt, a nostris sententiis discedentem vidimus, [de quibus in censura libri sui, alio loco a nobis instituta, disputauimus, *b*)] longe tamen in plurimis ei nobiscum conuenire, non sine insigni voluptate intelleximus. Vix autem Robertsoni scriptum legeramus, cum afferretur nobis ex Gallia immortale Gosselini opus *c*), quo omnis antiquae Geographiae, quatenus illa mathematicis rationibus superstructa est, fundamenta, ita iam in aprico posita sunt, vt nihil amplius facile desideres. Adiunxit autem ad calcem libri sui idem vir summus praeclaram de India trans Gangem disquisitionem, de qua suo loco agemus, quam si inspicere potuisset Robertsonus, priusquam scriptum suum vulgaret, plura in eo corrigenda fuisse, ipse facile vidisset. Denique ex nostratibus lucem huic loco quoque attulit cl. *Sprengel* in libro praeclaro, quem modo vulgauit: *Geschichte der geographischen Entdeckungen bis auf die Ankunft der Portugiesen in Japan A. 1542*. Communia haec virorum summorum studia, cum indicio nobis sint, argumentum ■ nobis electum, accuratiori tractatione minime indignum fuisse, viam simul quodammodo pandunt ad explicanda ea, quae pro consilio nostro nobis adhuc disputanda supersunt.

Cum enim in prioribus commentationibus de Graecorum de India notitia, et cum Indis commerciis egerim, iam in disputatione, quam nunc aggredior, ad *Romanos* transeo, in qua eodem plane ordine procedens, primum in hodierno confesso de partibus Indiae agam, quae post *Ptolemaeorum* aetatem inde ab *Augusti* tempore, quo Romani primum Indiam adire coeperunt, iis innotuerint, proxima vero commentatione, qua de ipsa mercaturae Indicae ratione et viis differam, omnis haec disquisitio ad finem suum perducere poterit.

Impedita autem est haec disputatio maioribus quam prior difficultatibus. Quae enim Romanorum imperio vigente post *Strabonem* de India traduntur, siue a Romanis siue a Graecis scriptoribus, maximam partem ad sola nomina redeunt, de quibus lubrica plerumque

b) *Bibliothek der alten Litteratur und Kunst*, St. 9. p. 105 sq.

c) *Gosselin géographie des Grecs analysée*. Par. 1791.

que est disquisitio; scriptores vero, qui ea nobis seruarunt, vnice fere in aliis compilandis operam suam posuerunt, additis ne quidem eorum, quos exscripsere, nominibus. Nouas quidem Indiae regiones, antea incognitas, Romanis innotuisse, sequens disputatio ostendet; ipsa tamen accuratior Indiae notitia parum eo prouecta est. Adierunt enim Romani Indiam vnice commerciorum causa; nunquam ei nec arma intulere, nec publica vel priuata auctoritate peregrinationes ad eam explorandam susceperunt. Subsistebant mercatores vnice fere in oris; frequentabant solita emporia, in quae ipsi Indi ex mediterraneis bona sua et merces deferre solebant; lucro vero quod inde faciebant contenti, reliqua, quae India memorabilia offerret, parum curarunt. Tales itaque rerum Indicarum scriptores, quales Graecia olim protulit, Herodotum et Ctesiam, post Alexandrum vero Megasthenem, Daimachum et alios, apud Romanos frustra quaesiueris; Arriani enim Indica nihil continent, quam Nearchi, Alexandri comitis, paraplum ex Indi ostiis ad Euphratem. Ex mercatoribus, qui Indiam adierunt, vnus tantum fuit, qui itineris et mercaturae Indicae, qualis sua aetate esset, descriptionem litteris consignauerit, *auctor nempe peripli maris Erythraei*, qui sub *Arriani* nomine circumfertur; etsi a mercatore eum profectum esse, nemo facile dubitabit, qui eum accuratius inspexerit. Reliqui, non quae ipsi viderant, sed quae vel apud alios legerant, vel auditu acceperant, litteris mandarunt, ex quibus supersunt *Melae*, *Plinii* et *Ptolemaei* scripta. Eorum itaque tradita iam diligentius excutienda erunt, ita vt de quoque eorum singulatim agamus. Cum enim vnusquisque alias sibi notiones de India animo informauerit, hac vnice via progrediendum nobis esse existimo, nisi omnia turbare potius, quam explicare velimus.

Quae *Mela* de India tradit, pauca quidem sunt, attamen satis memorabilia. Primus enim est ex omnibus, qui orientale Asiae latus, vbi mari Eoo alluitur, populosque ibi agentes, paulo accuratius descripserit. Auctorum, quos secutus fuerit, nomina, non commemoravit; quae tamen tradidit, talia sunt, vt pro fundo quasi omnis huius disputationis haberi possint. Asiae vero littus orientale, si eum au-

dimus *d)*, tribus populis occupatur: Scythis, Seribus, Indis. Primi ex his versus Septentrionem sunt Scythae; obtinent sedes inter promontoria Scythicum et Tabin; distinguuntur in Androphagos et Sacas; regione, quia feris scatet, inhabitabili, separatos. Inde vero ■ Sacarum finibus vsque ad Tabin promontorium loca solitudine vasta interfunt. Ab hoc promontorio autem incipiunt Serum sedes, quae vsque ad extrema Tauri iuga, Oceanum Eoum attingentia, porriguntur. Excipiunt hos Indorum populi, qui versus septentrionem a Tauro vltimoque eius promontorio Tamós (vel ex altera lectione Imaus) dicto, terminantur. Alterius autem partis angulus, i. e. lateris ad meridiem versi initium, Colis promontorium est. In ora Indiae australi primus occurrit Ganges fluuius, medius inter Indum et Colin; descendit ab Haemodo monte, et septem ostiis in mare Indicum prorumpit. Indus vero fluuius, ■ Paropamisso monte exortus, pluribus aliis receptis, duobus ostiis, longe ■ se distantibus, in mare exit. Insulae, continenti Indiae obiacentes, sunt Chryse, ad Tamum promontorium, adeoque in mari Eoo; Argyre ad Gangem; altera aurei foli, altera argentei; porro Taprobane, denique in Indi ostiis Patalene, et Solis insulae. Ex vrbibus vnice Nyse commemoratur, antiqua iam Bacchi fabula celebris; ex populis autem primi sunt Palibothri, oras ab Indo ad Gangem vsque tenentes. Trans Gangem vsque ad Colin promontorium, i. e. reliqua australis lateris, occupant gentes atrae, et quodammodo Aethiopes. A Colide ad Cudum, incertum num montem vel vrbem? i. e. in latere orientali, nudi sunt populi, et marinis opibus affatim dites.

Haec fere sunt, quae *Mela* de India commemorat; quae si cum Strabonis traditis conferas, patebit, Asiae trans Gangem diligentior rem esse in *Melae* commentario, quam apud illum, descriptionem. Seribus enim, de quibus Strabo nil praeter nomen nouit, *Mela* iam sedes suas assignat, Indiam trans Gangem accuratius nouit, ac de ipsius Gangis ostiis meliora quam Strabo tradit. Attamen ex altera parte omnes quoque vident, *Melam* de India tantum in vniuersum disputasse, ac si tradita eius ad verae geographiae rationem reuocare velis, plurima ad solas coniecturas redire. Quod ad Scythas attinet, Asiae

d) *Mela* III, 7.

Asiae septentrionem occupantes, dubitari nequit, sub iis intelligendos esse *populos Mongolicos*, nomadicam vitam agentes, qui si in Sacas et Androphagos diuiduntur, Sacarum nomen ex aliis scriptoribus notissimum, designat gentes iuxta Jaxartem agentes, ipsum enim nomen in *Sakita* regione adhuc superest. Sub Androphagis omnino, nomine ex victu ducto, vltioris borealis Asiae incolae intelligendi sunt, qui num vere olim humanis dapibus vesci soliti fuerint, incertum est; solent enim Graeci vbique fere populis maxime dissitis talem viuendi rationem tribuere. Quod ad promontoria attinet, primum ex iis Scythicum, quo Asia septentrionalis terminatur, num *Kamschatka* sit peninsula, affirmare non ausim; eius enim notitiam ad Romanos iam peruenisse, difficile creditu est, atque omnino haec de vltima Asia fabulosa potius esse videntur. Paulo clariora sunt, quae de Scytharum et Serum finibus dicuntur; interesse inter eos ingens desertum, versus mare autem terminum constituere Tabin promontorium. Dubitari enim vix poterit, maxime si reliquorum de Serica tradita cum Mela conferas, locis illis solitudine vastis designari *Kobi* desertum, Sinis *Chamo* dictum, Chinam versus Septentrionem cingens, Tabin autem promontorium esse *Corea* peninsulam, in alti promontorii speciem in mare procurrentem. Quibus positis, quae sit Serum regio ex Pomponii nostri mente, facile intelligitur. Cum enim ea procurrere dicitur inde a Tabi vsque ad extrema Tauri, quae Indiam cingunt, patet Melae Sericam ponendam quidem esse in septentrionali Chinae limite, comprehendere tamen omnes simul regiones, quae hodie ad Chinarum imperium pertinent; etsi de earum ambitu et ratione Mela nullam certam notitiam habuit. Tamos vero promontorium, quo Taurus terminatur, et quo India incipit, quale sit, definiri nequit; procurrunt enim Tauri vel Imai iuga multis flexibus ad mare, nullum tamen ibi promontorium prae ceteris multum eminet. De Indiae vero figura Mela falsam prorsus, vt reliqui, notionem animo conceperat. Ponit latus eius australe et orientale; in communi vtriusque autem angulo situm esse promontorium Colin, quod apud omnes alios *Cap Comorin* designat, quo Indiae peninsula citerior versus austrum terminatur. Falsam scilicet huic figuram tribuit, cum eam non versus meridiem, sed recta fere

linea

linea versus orientem procurrere crederet. Sinus vero Gangeticus illi iam pars debuit esse maris Eoi. Ex insulis Asiae obiacentibus Chryse et Argyre plane sunt fabulosae, (nisi Chrysen pro aurea Chersoneso habere velis, de qua infra disputabitur.) De Taprobane eadem repetit, quae superiori iam commentatione nobis commemorata sunt, noui nil ab eo additur; Solis vero insulae in ostiis Indis sitae, vel iuxta oram *Malabaricam* quaerendae sunt, vel plane non existunt; in ipsis enim Indi faucibus nullae prorsus insulae, in optimis, quas consulere potui mappis, ponuntur.

Paulo clariora sunt, quae de populis vltioris Indiae tradit. Palibothri iidem sunt, qui ab aliis Prasii vocantur; nomine vrbis, quae erat caput gentis, in ipsam gentem translato. Atræ gentes et quodammodo Aethiopes, meridionalem oram tenentes, sunt, qui sub *Papuas* vel *Harasoras* nomine inclaruerunt, feri populi, quorum reliquiae in Sumatra insulisque adiacentibus adhuc supersunt; quos tamen olim ipsam continentem tenuisse constat. Populi autem nudi et marinis opibus dites, littora orientalia tenentes, vix dubito, quin pro *Siamensibus* et *Malais* habendi sint, qui, vt infra docebimus, primi in illis regionibus commercia cum Romanis exercuere.

Post Melam audiendus erit *Plinius*. Tempore, quod inter vtrumque interfuit, Indiae notitia insignia vtique incrementa capere potuit. Inuenta est enim interea via per altum mare ex sinu Arabico ad Indiae peninsulam, quo Romanorum in Indiam nauigatio non parum aucta est e). Quid? quod ipsi Taprobanensium legati sub Claudio imperatore Romam venerunt f). Parum tamen eo Romani in exploratione Indiae profecerunt, nullus enim fuit ex peregrinatoribus qui Indiam adiere, qui, quantum ex Plinio colligere licet, res Indicas descripsisset. Vnice ex Romanis scriptoribus laudatur ab eo *Seneca*, qui Indiae descriptionem, eamque vt videtur diligentissimam, composuerat; enumerauerat enim teste Plinio sexaginta eius amnes, et 218 populos g). *Plinius* vero, quae libro maxime sexto de India tradit, hausisse videtur partim ex diuersissimis scriptoribus,

tum

e) Cf. *Arrian. peripl. mar. Erythr.* p. 32.

f) *Plin. VI. c. 22.* p. 693.

g) *Plin. l. c.* p. 638.

tum Graecis vt Megasthene, Hipparcho et aliis, tum Romanis, Mela inprimis et Seneca, cui gentium et fluminum nomina, quae diligenter annotauit, debere maxime videtur, partim ex mercatorum, ad quas ipse prouocat, narrationibus. Compilauit ex omnibus hisce commentis suam Indiae descriptionem, nullo nec iudicio adhibito, nec ordine obseruato. Ipsae enim ne partes quidem Indiae, de quibus loquitur, ita distinctae sunt, vt quas regiones ante oculos habuerit, tuto semper indicare liceat. In populorum Indiae nominibus recensendis copiosum eum potius, quam accuratum dixeris; existant enim plerumque sola tantum nomina, quae vnde fluxerint, et quo pertineant, incertum manet. Neque ex eorum cum recentioribus comparatione multum lucis lucramur. Tenebras enim offundit non nominum modo pro linguarum in illis regionibus, quae summa est, diuersitate, varietas; sed corruptelae quoque, quibus deformata sunt. Quot enim iam mutationes subire debuerunt, priusquam ad scriptorem peruenierint; quot postea demum librariorum inscitia! Ad omnia itaque Plinii tradita explicanda altero Oedipo opus foret; nos pro consilii nostri ratione in eo subsistemus, vt quae de Asia orientali ac India accuratius quam priores disputauerit, constituamus.

Incipit apud Plinium regionum harum descriptio a cap. 20. L.VI. Vltima Asiae versus septentrionem occupare dicuntur *Scythae* ad Tabin promontorium; quod ab eo ex Mela descriptum esse, omnes vident. *Scythas* post interiecta deserta excipiunt *Seres*, de quorum terra et bonis copiosius et diligentius quam Mela disputat. Petita autem sunt eius tradita procul dubio ex mercatorum, ad quas ipse infra prouocat h), vbi iterum de Serum commerciis sermo est, narrationibus. Post ea enim, quae Plinius ex Mela exscripserat, addit fluminum nomina, quibus terra illa irrigatur; *Lanos*, *Atianos*, *Cambari* et *Plitaris*, adiecto promontorio *Chryse*, sinuque *Cyrnaba*. Quaerendi itaque sunt fluuii illi in regione supra a nobis indicata, quae *Cobi* desertum versus meridiem excipit, i. e. in *Tangut* regno, quod *Chinae* prouinciam occidentalem *Chen-si* attingit, iam vero *Chinarum* imperio

h) Plin. VI, 24.

Comment. Hist. et Phil. T. XI.

rio subiectum est. Plures hic parui oriuntur amnes, quorum coniunctione ingens Chinae fluuius, *Ho-ang-ho*, vel *fluuius croceus*, dictus nascitur. Superesse autem videntur Plinii nomina partim saltem in hodiernis appellationibus. Lanos enim esse puto, qui hodie audit *Olan*, Atianos vero *Aytan*; reliqua duo Cambari et Pfitari pro locorum ratione esse debent *Etxinè*, duo enim notantur amnes huius nominis; nam quod *Harduinus* ad Plin. l. c. Cambari cum *Chambalu* comparauerit, frustra est, cum nomen hoc longe ferioris demum sit originis. Supersunt Chryse promontorium et sinus Cynaba, quae incerta sunt. Chryses enim nomen in antiqua Indiae geographia ante Ptolemaeum omnino fabulosum est, ortum ex narratione de terra aurei soli, quae mox insula, mox regio dicitur, hoc vero loco promontorium vocatur. Sinus autem Cynabae mentio, id saltem nos docet, Sericam ex Plinii mente ad mare usque pertinuisse, adeoque praeter regiones modo commemoratas Chinae quoque orientalis partem complecti, etsi accuratam earum notitiam Plinius non habuerit.

Seres excipit gens Attacorum vel Attacororum, de quibus *Amometus* quidam, de quo nihil amplius constat, Hecataeum imitaturus, qui de Hyperboreis scripserat, teste Plinio, singularem librum composuerat ⁱ⁾. Dicebatur enim gens illa apricis ab omni noxio afflatu seclusa collibus eadem qua Hyperborei degere temperie. *Tibeti* in his mihi incolas agnoscere videor, de quibus nulla praeterea in omni antiquitate, quod sciam, mentio occurrit. Eorum enim terram, Sericae versus austrum in ipsis mediterraneis Asiae sitam, montibus modo a Plinio descripto vndique inclusam esse constat. Incerta haec quidem esse, minime ignoro; verum, Sodales, in rebus istiusmodi probabilia tantum, certi vero nihil nec desiderari nec obtineri posse, nemo vestrum ignorat. Post Attacoros ponuntur Phruri et Tachuri, ignoti prorsus populi, quorum sola nomina supersunt, ipsa autem nomina apud alios aliter leguntur. Denique introrsus ad Scythas versi, i. e. versus occidentem et mediterranea Asiae, Casiri anthropophagi, qui sunt procul dubio *Cashgar* vel *Cassiae* regionis incolae, Indis iam a Plinio adscripti.

Exci-

ⁱ⁾ Plin. l. c. p. 681.

Excipit has gentes India proprie sic dicta, quae a reliqua Asia Emodo monte seiuncta, oras suas tum australi, tum Eoo mari prae-tendit. Mensurae vtriusque lateris a Plinio ex Megasthene aliisque antiquioribus haustae, prima iam commentatione a nobis illustratae sunt. De Indiae figura nihil noui tradidit, quae autem de gentibus Indiae commemorat, ita turbata sunt, vt singulis gentibus sedes suas assignare difficile sit. Primi post montes Emodos, qui Indiam ver-sus septentrionem cingunt, sunt Isaci et Izgi, post eos Cosyri et Chi-siotofagi. Quaerendi illi videntur in occidentali Indi ripa, *Issaki* nempe et *Ghizni* regionibus, Cosyri autem qui sint, et Chisiotofagi, in montibus degentes, obscurum est. Sequuntur Maccocalingae, ad mare vero Calingae, et supra eos Mandei et Malli. Hos nouimus esse regni *Moultan* incolas, de Mandeis nil constat; Calingae mari proximi ab aliis ponuntur in orientali *Decan* littore iuxta *Madras*. Maccocalingae mediterranea occuparunt, adnumerantur enim Brach-manis, commune multarum gentium inter Gangem et montes Emo-dos, Plinio teste, cognomen. Superesse vero videtur gentis nomen in *Callinger* vrbe, in regno *Oude* prope *Ahallabad* sita. Omnes vero Indiae populos superare dicuntur Prasii, quorum caput Palibothra, de quibus supra iam disputatum est. Iuxta ipsa Gangis ostia ponuntur Gangaridae Calingae, cuius nominis vestigia in regione *Ghergong*, inter Gangem et *Burrampooter* sita, apparere videntur. In ipso Gange autem ampla insula Modogalinga commemoratur, quae vna ex iis esse debet, quae in faucibus Gangis sitae sunt. In vltiori Gangis ripa multi populi locantur, quorum nomina, maximam partem a solo Plinio commemorata, obscura sunt; mixta tamen esse videntur cum aliis citerioris Indiae. Ponuntur enim inter eos Dardae, vel Derdae, auri feraces, qui ab omnibus aliis septentrionalibus Indiae populis adnumerantur *k*). Australi Indiae littori Plinius, vt reliqui, falsam figuram tribuebat, cum illud recta linea procurrere existima-ret. Quae de incolis eius habet, ex Mela petita sunt, mensura vero ex diuersis scriptoribus addita est. In recensendis vero interioris Indiae populis Plinius a septentrione incipit. Inter Indum et Ioma-nem, i. e. in terra *Agemere* ponuntur Casi, Cetroboni et Megallae.

N 2

Iuxta

k) Cf. *Plin.* p. 686. et ibi *Hard.*

Iuxta Indum fluuium, montibus et solitudinibus circumdati, Chrysei, Afargae, Parafargae, Dari et Surae, qui adeo sedes suas habuisse putandi sunt inter Paropamisum et deserta, quibus regna *Multan* et *Guzerat* diuiduntur. Iam sequuntur gentes versus meridiem, citiorem peninsulam occupantes, Maltacorae, Singae et alii, omnes obscuri plane nominis. Quibus enumeratis redit Plinius iterum ad Indi ripas, populosque iuxta eos habitantes recenset. Attamen, etsi ipse Plinius clariora haec iam et certiora esse affirmat, nos gentium illarum nominibus parum lucis lucramur. Commemorandi tantum ex iis sunt Asoni, quorum caput erat Bucephala, ab Alexandro iuxta Acesinem flumen condita; Taxillae, cum vrbe celebri Taxila, quae hodie est *Attock*; vltimi versus septentrionem autem Peucolaitae et Arsapolitae, i. e. incolae regionis *Pehkely* et *Astthagur*. Adiicit denique Plinius populos cis Indum agentes; qui tamen proprie ad Indiam non amplius pertinent.

Haec de Indiae continenti! Pergit Plinius ad describendam Taprobanen insulam, de qua praeter antiquiorum tradita addit quoque, quae regis Taprobanes legati, ad imperatorem Claudium missi, de insulae suae natura et situ narrauerant. Verum sunt haec talia, ut aut bonos illos viros insigniter hallucinatos esse, aut quae ipsi narrauerant, ut fieri solet, aliorum vanitate mendaciis aucta et deformata esse, facile pateat. Nam quae de siderum observationibus narrant, partim cum Taprobanes situ non conuenire, partim plane fabulosa esse, astronomica ratio docet. Nec maiorem fidem merentur, quae de insulae magnitudine commemorarunt, cum latus eius, Indiae praetentum, X millia stadiorum efficere contenderent. Quae de interioris insulae ratione et natura, de stagno Megisba, duobus fluuiis, Palaesimundo et Cydora narrarunt, haud facile diiudicari possunt. Constat enim ne nostris quidem diebus interiora Ceylonis insulae, aditu ad ea ab ipsis incolis omnibus exteris intercluso, satis explorata esse. Certe in mappis, quas inspexi optimis, palus nulla in hac insula notatur; quod autem ad fluuios attinet, non duo sed plures in insula existunt. Magis memorabilia sunt, quae de commerciis, quae inter Ceylonis incolas et Seres intercedunt, commemora-

runt.

runt. Negat tamen *Danvillius* haec de Sericae terrae populis accipienda esse ^{l)}; pertinere enim ad *Sertae* insulae, Ceyloni vicinae, incolas, male nominis permutatione facta. Verum probabilius videtur, Taprobanensium narrata fabulis et mendaciis exornata esse. Scribis enim vicini ponebantur, quod eorum ita ut Serum sedes pro ultimis terrae regionibus haberentur. Quod autem ad commercia, quae exercuerint, attinet; in proxima disputatione de iis agendi locus erit.

Expositis iam Plinii narratis, disputatio instituenda est de *maris Erythraei periplo*, *Arriano* vulgo tributo. Peruenit scilicet ad tempora nostra liber hic singularis, seu commentarius, accuratam navigationis et mercaturae Indicae descriptionem continens. Bene iam olim de eo meruit *Stuckius*, cuius opera erudita annotatione instructus prodiit ^{m)}; postea autem ab *Hudsono* cum reliquis geographis minoribus vulgatus est ⁿ⁾. De aetate libri eiusque auctore acriter disputatum fuit inter VV. DD. cum alii eum Augusto vel Tiberio aequalem facerent, alii ad Saec. II. p. C. n. relicerent. Quod ad aetatem attinet, assentior *Doddwello*, qui in commentatione apud *Hudsonum* praemissa abunde ostendit, post Traiani demum tempora, sub Antoninis ut videtur, eum compositum esse; cum autem ipsum *Arrianum* Stoicum pro auctore habet, qui eum ex aliis periplus compilauerit, non possum non quin ab eius sententia discedam. Loquentem enim in eo facile agnoueris hominem non aliorum commenta repetentem ac congerentem, sed quae ipse viderat, enarrantem. Profectum enim esse videtur hoc opusculum a mercatore, qui ipse Indiam adierat, et qui sibi in itinere, quae de mercibus, portibus, navigatione ac mercaturae omnino Indicae ratione maxime memorabilia visa fuerant, in schedis suis diligenter annotauerat. Cum vero graece conscriptum sit, et descriptionem simul viae maritimae contineat, auctorem Alexandrinum fuisse, quippe qui soli tunc navigationem Indicam exercebant, non immerito existimaueris; qui num vere *Arriani* nomen tulerit, vel num illud, quod *Arriani Indica* le-

^{l)} *Antiquité des Indes* p. 255.

^{m)} *Arriani periplus maris Erythraei* ed. *Stuckii* 1592.

ⁿ⁾ *Geogr. Min.* Vol. I.

gerentur, periplo huic praefixum sit, in medio relinquo. Commode autem dispescitur omne hoc opusculum in quatuor capita; quorum primum continet descriptionem nauigationis iuxta littora Aegypti vsque ad extrema Aethiopiae (p. 1-11. ap. *Hudson.*); alterum circumnauigationem Arabiae et sinus Persici vsque ad Indum fluuium, quem scriptor vero suo nomine *Sinth* vocat (p. 11-21). Tertium nauigationem iuxta Indiae littora, ab Indo vsque ad Gangem (p. 21-36). Vltimum denique narrationes de vltioribus ac mediterraneis Indiae, quas tamen auctor auditu tantum acceperat, ipse enim in ea non peruenerat. Nobis vero pro consilii nostri ratione, omissis prioribus, de iis tantum dispiciendum est, quae Indiam attinent. Indiae autem geographiam insignia inde incrementa cepisse, ex eo iam recte concluderis, quod eas Indiae partes attingit, quae a nemine adhuc accurate descriptae erant, peninsulam nempe citeriorem, quam vulgo *Decan* appellare solent. Nouit auctor veram eius figuram, cum eam versus meridiem procurrere dicit, (omnes enim priores, vt et ipse postea Ptolemaeus Indiae latus australe recta fere versus orientem linea pergere existimabant;) quid? quod ipsum *Decan* nomen non ignorauit o); latere enim illud in *Dachan* (quod notum apud Indos significare tradit, vnde omnis haec ora *Dachan-abadey* dicta sit,) nemo non videt. Incipit ab Indo fluuio, quem *Sinth* appellat, omnemque iam oram *Malabaricam*, fluuios eius, emporia, sinus enumerando, ita describit, vt facili opera eum sequaris, maxime cum antiqua nomina, tantum non omnia, incolumbia adhuc supersint. Digna autem haec sunt, quae diligentius exponamus, tum quod multa, quae *Stuckius* incerta reliquit, iam definiri poterunt, tum quod hoc ipso viam nobis muniemus ad alteram disputationem, in qua de commerciis cum Indis agendum erit.

Indi septem ostia ponuntur, ex quibus tamen medium tantum nauigari possit. Est illud quod hodie *Ritchel* vocatur, ceterum vero Indus plures sibi exitus quam septem in mare aperuit; ex quibus hodie tria nauigationem admittunt. Situm erat ibi emporium Barbari vel Barbaricum, in mediterraneis vero vrbs Minnyara, vtriusque vero
nullum

o) Quae iam sequuntur, exstant in *peripl. mar. Erythr.* p. 11-21.

nullum vestigium superest. Post Indum sequitur sinus Eirinus dictus, versus Boream pergens, paludosus et difficilis nauigatu. Est ille qui hodie *Gulf of Cutch* vocatur. Supra sinum eminent versus occasum promontorium, minorem sinum in ipso maiori formans, qui Barace dicitur, et septem insulas complectitur. Vocatur is hodie *Bace*, ipsas quoque insulas Rennelii mappa indicat, nullo tamen nomine addito. In intima tamen Eirini sinus noster non penetrasse videtur; ingens enim *Paddar* flumen, quod aquas suas in eum immittit, plane ignorat. Post Eirinum sinum sequitur sinus Barygazenus, cum vrbe et fluuio Barygaza, tribus stadiorum millibus a Barbari emporio distans. Docent dimensiones simul et locorum ratio, esse hunc, qui hodie *Gulf of Cambay* audit, ipsum vero Barygazae nomen superest in vrbe *Beroach*. Excipit sinus duo magna flumina, alterum in ipso intimo recessu, Mais dictum, quod hodie, nomine parum mutato, *Myhie* appellatur; alterum iuxta urbem Barygazam vel *Beroach*, olim Lamanus, hodie *Nerbuddah* vocatum. Ceterum omnem hunc sinum eiusque nauigationem noster quam accuratissime descripsit. — Ab hoc sinu, si versus ortum in mediterranea pergas, occurrit *Ozene* ciuitas, regia olim sedes; est vero ea, quae hodie *Ougein* dicitur, ad *Sepra* fluuium, qui in *Nerbuddah* aquas suas immittit, sita. Supra haec loca noster statim ponit Bucephala urbem, et post eam Bactros; vnde patet, eum, quae de interioribus Indiae dicit, fando tantum accepisse. — Littus post sinum Barygazenum recta iam versus austrum protendi dicitur, omnemque hanc regionem *Dachan-abaday*, in quo *Decan* latere ostendimus, vocari. In mediterraneis eius duo ponuntur insignia emporia, *Plutana* XX dierum itinere versus austrum a Barygaza distans, et *Tagara* vrbs insignis, quae a Plutana X dierum itinere versus ortum abesse dicitur. Interesse autem loca aspera, per quae merces non sine labore transmitterentur. *Plytana* vrbs, nomine seruato, et distantia a nostro indicata, exstat ad australem *Godavery* fluminis ripam, alteram autem *Tagara* esse antiquum *Deoghiri*, regiam olim sedem, quae quod *Aurungabad*, quae est hodie regionis illius caput, iuxta eam condita fuerat, interiit, ostendit *Wilford* in *Asiat. Research*. Tom. I. p. 369 sq. Patet adhuc hodie per
Ghaut

Ghaut iuga, via aspera, ab auctore indicatā p). — Post Barygaza, si littora legamus, occurrunt Atabarus, Vppara, Calliena emporia, ex quibus superest vltimum in vrbe *Callian* prope *Bombay* sita. Sequuntur alia nonnulla incognita, ex quibus tamen Mandagorae et Melizigarae nomina superesse videntur in *Mandgur* et *Mayagoron* oppidis. Littori adiacere dicitur Sefecriana insula cum aliis, i. e. insulae *Salfette*, *Bombay*, aliaque minores his finitimae. Sequitur Limyricae regio, ab Indo 7 stadiorum millia, adeoque ■ Barygaza 4 millia distans; continet itaque tractum littoris, qui hodie *Canara* dicitur. Sunt in ea Tyndis, Muziris, Nelcynda et Baraze emporia. Muziris nomen superest in vrbe *Merzée*, sita ad parui fluvii ostia, quem auctor noster commemorare non neglexit. Tyndis ab ea abesse dicitur (versus septentrionem) 500 stadia, adeoque sita esse debuit in regione *Soonda*, in quo ipsa nominis quoque vestigia apparere videntur q). Nelcyndae nomen interiit, situs tamen definiri potest, cum Arrianus totidem illud stadiis versus austrum a Muziri abesse, ac stadiis circiter 120 ■ mari iuxta flumen, in cuius ostiis Barace ponitur, situm esse annotauerit. Barace enim nostrum esse *Barcelore*, fluvius modo commemoratus docet; Nelcynda autem prope *Bedanore* sita esse debuit. Sequitur iam Pandionis regio, ■ Barace incipiens, ac reliqua huius littoris complectens. Tria in ea commemorantur emporia, Balita, Comar, Colchi. De Colchi non dubito, quin sit vrbs et regio *Cochin* r), nam praeter nomen situs conuenit, cum loco vadoso et sinuoso eam sitam fuisse, commemoratur. Balita forte in *Ballia-got* superest; Comar autem esse videtur *Cameran*, promontorium enim Comorin eo innui, sequentia vix permittunt. Locorum tamen hic permutationem factam esse suspicari posset, cum margaritarum piscatio hic ponitur, quae nostra aetate est circa *Cap Comorin*. Adduntur tria alia oppida, Camara, Poduca, et Sopatma, de quibus nihil affirmare audeo, etsi, dummodo Comar

ad

p) *Sprengel Gesch. der geogr. Entdeck.* p. 107. qui plura ab Arriano commemorata explicuit.

q) Nonnulla ex his aliter constituit *Danvillius* in *Antiquité géograph. de l'Inde* p. 108 sq. quae singula refellere non opus est; fluxerunt enim ■ mappis quibus utebatur minus accuratis.

r) Cf. *Sprengel* l. c.

ad *Cap Comarin* referas, *Camara* recte pro *Cameran* haberi possit. Terminatur hisce littoris occidentalis descriptio. Iam si versus ortum cursum flectas, occurrit Taprobane insula, cuius situs recte indicatur, ceterum parum de ea commemoratur. Opposita est Azaniae promontorio et regioni Masadiae, quae hodie *Madura* dicitur. Excipit hanc Desarena, quae nostrum *Tanjore* esse videtur; de vltioribus autem vsque ad Gangem fabulosa tantum, quae scriptor non visu sed auditu acceperat, ipse enim oram hanc orientalem seu *Coromandel* non frequentasse videtur, afferuntur. Habitare ibi populos Hippioprosopos, Macroprosopos, et id genus alia. — Excipit hanc Ganges, Indicorum fluminum maximus, cum emporio similis nominis, quod interiit; iuxta eum autem ponitur Chryse regio. Quae de terris vltioribus addit, in quas ipse non peruenit, ad pauca nomina redeunt, de quibus in proxima paragrapho commodius simul et vberius disputari poterit. Ceterum vero ex iis, quae modo exposuimus, illud patere arbitramur, laudes peripli nostri, respectu Indicae geographiae habito, in eo maxime ponendas esse, quod primus accuratam Malabaricae orae descriptionem exhibeat; etsi apud ipsos antiquos Indiae notitia parum eo aucta fuerit, cum, quod in priuatum potius, quam in publicum vsum compositus esse videatur, in paucorum tantum manus peruenerit.

Supereft ex scriptoribus geographicis, *Ptolemaeus*, qui omnium copiosissime non modo, sed et accuratissime de India disputauit; regionum fines constituit; montes, fluuios, vrbes, populos enumeravit s). Quae si singula exponere aggredieremur, acta vtique ageremus, cum iam accuratae censurae ea subiecerit *Danvillius*; nobis, pro fine nobis proposito, de partibus Indiae quas descripsit in vniuersum tantum disputandum est; situs earum constituendi, ac notiones, quas geographus de vltimis illis regionibus animo informauerat, explicandae. Quod tanto minus superuacaneum fuerit, cum *Danvillius*, etsi multa praeclare exposuerit, in aliis tamen in grauissimos nobis errores incidisse videatur. Commode autem dispescitur omnis haec
dispu-

s) cf. *Ptol.* I. VII. c. 1-3.

disputatio in tria capita, in quibus sigillatim de Ptolemaei *Serica*, India intra Gangem et India extra Gangem agendum erit. Quod tamen ad duo priora attinet, post Danviliii disputationes vix aliquid addendum superest. De Ptolemaei *Serica* egit ille in singulari commentatione *t*), in qua post accuratam regionum finitimarum descriptionem, mercatorum in Sericam proficiscentium vestigia legens, in ipsam illam terram nos perducit. Ostendit autem abunde, quaerendam eam esse in *Tongut* regno, etsi fines eius et ambitus non satis accurate indicati essent ab antiquis. Versus ortum enim teste Ptolemaeo terminatur terra incognita, China nempe; versus austrum vero vsque ad Indiam producit. Certior fiet autem Sericae situs iis, quae in proxima commentatione de via, qua mercatores eo pervenire, disputanda erunt.

De India intra Gangem haec tantum in uniuersum monere sufficiet. Descriptas inuenimus apud Ptolemaeum pari studio omnes eius partes, tum littora tum mediterranea, ■ Paropamisus et Haemodromus montibus, vsque ad Colin, vltimum Decan promontorium. Attamen etsi Ptolemaeus peninsulam citeriorem et nouerit et descripserit, veram tamen eius figuram ignorauit. Cum enim ea ab ostiis Indi vsque ad *Cap Comorin* ■ 25° lat. vsque ad 8° versus meridiem descendat, Ptolemaeus eam tantum a 20° sub quo Indi ostia ponit, vsque ad 14°, nempe ad sinum Barygazenum, producit, quae autem hunc excipiunt, non amplius versus meridiem, sed versus ortum procurrere putauit. Fieri inde debebat, vt Indiae littori meridionali falsa prorsus figura tribueretur, ita vt, si Ptolemaei mappas cum nostris conferas, ipsam facile Indiam frustra in India quaeras.

Superest, vt de vltioris Asiae meridionalis regionibus, a Ptolemaeo descriptis, quae communi Indiae extra Gangem nomine comprehenduntur, videamus. Recedendum itaque nobis erit in vltimas orbis antiquis cogniti oras, tanta tamen diligentia ■ Ptolemaeo descriptas, vt inde recte, frequentia cum earum incolis Romanis commercia

t) Danville Recherches géographiques sur la Serique des Anciens; in *Mem. de l'Acad. des Inscript.* V. XXXII. p. 573. et ad calcem *geograph. Ind. antiquae.*

mercia intercessisse, concluderis. Redit autem haec disquisitio ad duo maxime loca, alterum de *Chersonesi aureae*, alterum de *Sinarum*, eorumque metropoleos, *Thinae* dictae, situ. His enim constitutis reliqua facile per se explicantur.

Qui ante Danvillium de antiqua geographia scripsere, regiones modo commemoratas aliasque iis vicinas, in ultimas Asiae orientalis terras, Chinenfium, quid? quod et Japanensium imperium relegare non dubitarunt. Verum haec commenta post *Danvillium* denuo refellere superuacaneum foret. Aliam proposuit is de terris illis earumque situ sententiam, quae tum viri auctoritate tum in disputando subtilitate praeualuit, donec nuper contra eam insurgeret *Goffelinus*, qui arctius adhuc limites orbis antiquis cogniti contrahendos esse, contendit. De vtriusque itaque sententia, si eam prius explicauerimus, diligentius erit dispiciendum.

Danvillius suam exposuit in singulari commentatione, inscripta: *Limites du monde connu des Anciens, au delà du Gange u*). Contendit vero ille, auream Chersonesum esse *Malaccam* peninsulam, *Sinarum* terram *Cochinchina* regnum, trans *Malaccam* in orientali Asiae latere situm; *Thinarum* vero urbem, regni huius caput, hodie *Thoan-Hoa* vocatum. Hisce positis reliqua interiacentia, a geographo commemorata, sic explicat: Sinum *Sabaracum* esse, quem hodie vocant *Gulf of Martaban*, sinum *Perimulicum*, fretum inter *Malaccam* et *Sumatram*; magnum denique sinum, qui nunc vocatur *Golf de Siam*. Ex fluuiis vero *Daonam* quaerit in *Tanasserim* flumine, Serum autem paruum esse amnem iuxta *Thoan-Hoa* oppidum. Omittimus reliqua, quae leuiora sunt.

Has *Danvillii* explicationes si in vniuersum consideramus, illud statim apparet, nulli certo fundamento eas superstructas esse. Pendent enim neque ex astrorum, quo situs regionum definitus esset, observationibus, neque ex nominum recentiorum cum antiquis comparatione, sed vnice ex *Chersonesi aureae* in *Ptolemaei* mappa cum *Malacca* peninsula in recentioribus, quae inter vtramque primo ad-

O 2

spectu

u) Publicata fuit primum in *Mem. de l'Acad. des Inscr.* T. XXXII. p. 604. postea vero, una cum illa de *Serica*, addita est *geographiae Ind. antiquae*.

spectu intercedere videtur, similitudine; quo semel posito reliqua inde sponte profluxerunt. Si vero ad singula descendens in haec accuratius inquiras, nihil fere est, quod non summis difficultatibus premeretur. Si enim ad fluuios respicimus, primum ex iis et maximum, *Dava* flumen, ignorare plane debuit Ptolemaeus; *Pegu* vero amnis sine vlla ratione pro eo habetur, quem Besynge vocat geographus graecus. Daonas vero, qui secundum Ptolemaeum in sinum magnum exit, confunditur a nostro cum *Tanasserim* amne, etsi is, quod ipse fatetur, non in hunc, sed in alium sinum aquas suas immittit. Chersonesus vero aurea, si Ptolemaeum audimus, tria habet flumina, communia tamen vnus cornua, quo maxime distinguitur; quae in Malacca frustra quaeris: de Sero autem amne iuxta *Thoan-Hoa* urbem, quam pro Thinis habet, nullum certum adest vestigium. Nec melius conueniunt sinuum explicationes. Concedamus enim sinum Sabaracum esse, qui hodie *Martabanus* vocatur, quis sibi persuadebit alterum, Perimulicum, ab antiquis permutari potuisse cum freto inter Malaccam et Sumatram insulam, cum secundum ipsum Danvillium nauigatio per illud ad Thinarum urbem olim pateret? Mitto quae de vrbibus disputat, quippe quae iam per se concidunt, si regionum eas continentium situm male a geographo illo constitutum esse, docuerimus.

Quae cum ita sint, transeamus iam ad alteram *Goffelini* sententiam v). Subsistit ille in occidentali vltioris peninsulae ripa; omnesque regiones, vrbes, fluuios, sinus, a Ptolemaeo commemoratos, ponit in littore inde ■ Gangis ostiis vsque ad urbem *Tanasserim*, Sinarum metropolin. Aurea Chersonesus ipsi est *Pegu* regnum; Sinarum terra, *Siam* regio ad *Malaccam* vsque procurrens; Thinae autem eius caput, quae hodie *Tanasserim* vocatur, cum portu eius *Mergi*, olim *Cassinara*. Vltiora vero, *Malaccam*, *Sumatram* &c. sub terrae incognitae australis nomine ■ Ptolemaeo comprehendi. Ex fluuiis potiores tantum nominabimus. Besyngae fluuii nomen, hodie *Aracan* vocati, superesse in *Beting* insula, in ipsis fluuii ostiis sita. Daona fluuium esse, qui iam *Dava* audit, nomen autem seruatum esse in vrbe vicina, *Dana-plu*. Tria autem ostia, quibus in mare effun-

v) *Goffelin géographie des Grecs analysée*. p. 138 sq.

effunditur, formare tria illa aureae Chersonesi flumina, ex communi fonte orta: Doriscum porro, a Ptolemaeo commemoratum, esse *Pegu* amnem; Serum autem, iuxta Thinarum urbem, flumen *Tanasserim*, cum vrbe hodie eiusdem nominis. Quod autem ad sinus attinet a Ptolemaeo commemoratos, sinus Sabaracus est ille *de Botermango*; Perimulicus qui sit, incertum manet; forte vnum ex Davae fluuii ostiis. Magnus autem sinus est, qui iam *Martabanus* vocatur, quem Danvillius pro Sabaraco habuit.

Exposita iam Gosselini sententia rationes adiiciendae sunt, quae, vt ad partes eius transeamus, nos commouent. Sunt autem tri-
plicis generis, ducta nempe partim ex nominum antiquorum cum recentioribus similitudine; partim ex locorum situ et natura; partim denique ex mathematicis argumentis.

Quod ad nomina attinet, id tantum annotare liceat, permulta quidem in Ptolemaeo obuia, plane interiisse; alia vero passim incolumia superesse, quibus ipsis interiacentia quoque facile constituuntur. Proxime, si a Gange inceperis, occurrit vrbs Baracura, hodie *Baracoon*, Belynga fluuius, iam *Beting*, Baraba emporium, hodie *Barabon*; Daonae fluuii nomen in vrbe adiacenti *Dana-plu*, Seri nomen in *Siriam*, Sinarum in *Siam* exstat; in *Tana-serim* autem, i. e. Tanae populus, facile agnosces *Thinae metropolis*.

Argumenta haec, ex nominum similitudine ducta, magni ponderis esse in antiqua Indiae geographia, saepius vidimus. Attamen multo grauiora sunt, quae ex ipsa locorum descriptione, a Ptolemaeo exhibita, duci possunt. Quae enim ille de aureae Chersonesi, Sinarum terrae et Thinarum situ et natura tradit, ita cum locis a nobis indicatis conueniunt, vt nullum facile dubium relinquant. Aurea enim Chersonesus maxime distinguitur tribus illis fluuiis, ex communi alueo ortis, ac vnum antea efficientibus, cuius tamen nomen et cursum ignorauit Ptolemaeus. Iam vero si a Gange versus austrum pergis, prima, quae occurrit, chersonesus, a sinu *Gangetico* et *Martaban* formata, est *Pegu* peninsula. In ea autem exstant tria flumina, seu potius vnus fluuii, Davae nempe, cornua. Obstare quidem videtur, quod Daona, i. e. *Dava* fluuius singulatim a Ptolemaeo com-

moratur: sed bene respondet Gosselinus, in errorem hic incidisse Ptolemaeum, ut amnes illos diuersos putaret, quod integrum Davae fluvii cursum non cognitum haberet. — Sinarum fines ponit Ptolemaeus versus austrum et orientem terram incognitam; versus septentrionem Seres, versus occidentem autem mare, finum nempe magnum. Quae omnia cum nostra sententia egregie conueniunt, Danvillio autem aduersantur. *Siam* enim regnum versus occidentem mari allui, res ipsa docet; terrae incognitae versus orientem sunt *Cambian* et *Cochinchina*, versus austrum *Malacca* peninsula. Contra vero, si cum Danvillio Sinarum sedes quaeras in *Cochinchina*, qui dici posset, ~~cas~~ ab occidente mari, ab oriente terra circumdatas esse? Accedit ad haec Marini testimonium a Ptolemaeo seruatum, qui eos, qui de Zaba, i. e. *Bragu* ad Cattigaram, Thinarum portum, hodie *Mergi* dictum, nauigarent, cursum versus austrum, paulum modo ad laeuam deflecentes, tenere dicit; quo ad Siemensium terram, nunquam autem ad *Cochinchina* appellere debebant.

Addit Gosselinus argumentum, ex latitudine vrbis Thinarum, a Ptolemaeo adnotata, ductum; quod, nisi suspicio esset veritatem nos hic interpolationi debere, omnem hanc disputationem conficeret. Obseruatum enim est a Ptolemaeo x), diem longissimum Thinis conficere 12 hor. 47'. 30''. quo posito, Thinis situs suus sub $13\frac{1}{2}^{\circ}$ lat. boreal. assignandus esset, quod cum vero vrbis hodiernae Tana-serim situ tantum ~~non~~ accurate conuenit. Orta tamen iam est apud Gosselinum interpolationis vel serioris correctionis hoc loco suspicio; ipse enim Ptolemaeus alio loco Thinis tertium latitudinis gradum assignat y); quo, si priora quoque scripsisset, ipse sibi contradiceret.

Expositis iam praeclarissimorum scriptorum de India traditis, quantum sub Romanis Indiae notitia creuerit, et quae eius regiones ab iis exploratae fuerint, definiri iam poterit. In orientali Asiae latere, si a septentrione incipimus, prima occurrit Serum regio; quae enim magis versus boream sita essent, a Scythis occupata, terris incognitis adnumerat Ptolemaeus. Scythicum vero, quod vnice ibi
comme-

x) *Ptol.* VIII. c. 2.

y) *Ptol.* VII, 3.

commemóratúr promontórium, num *Kamschatka* sit península, incertum manebit. *Cobi* autem desertum, per quod mercatores, Sericam adeuntes, ex parte iter facere debebant, Romanis innotuisse, certum est. Ipsam porro Sericam in *Tongut* regno quaerendam esse, dubitari nequit; vnde quoque finitimas *Chinae* partes in notitiam eorum peruenisse, ac de mari, oras eius alluente, et *Corea* península famam ad eos perlatam esse, probabile est. In interiora quoque *Chinae* penetrasse videntur; ab imperatore enim M. Aurelio philosopho legatos ad ipsum *Chinae* imperatorem a. p. C. 166 missos esse, vt mercatoribus aditum ad mediterranea terrae patefaceret, ex ipsis *Chinensium* annalibus a *Desguignes* edocti sumus z). Omnem tamen *Chinam* nunquam explorasse videntur; certe ne ipsi quidem *Sericæ* fines suos accurate posuere; versus orientem enim eam terra incognita, quae *China* esse debet, ambiri, *Ptolemaeus* auctor est; versus meridiem vero terminos eius ad *Indiam* vsque producebant. Terrae interiectae iis ignotae manserunt, nisi forte sub *Attacorum* gente *Tibeti* incolae latent. Iam quod ad ipsam *Indiam* attinet, latius illam vtique iis, quam *Graecis* antea innotuisse, quae supra disputauimus, docent. Praeter loca enim inter *Indum* et *Gangem* sita, quae *Graecis* iam cognita erant, citeriorem peninsulam explorarunt. Frequentabant naues eorum omnem oram *Malabaricam*, ipsumque littus orientale ad *Gangem* vsque, etsi rarius, adire solebant. Veram tamen peninsulae figuram, praeter auctorem peripli maris *Erythraei* omnes ignorarunt; ipse enim *Ptolemaeus* recta fere linea versus orientem australe littus procurrare putauit. Inde vero sinu *Gangetico* traiecto, aditum sibi ad oras eius orientales aperuerunt. Ad emporia ibi sita, maxime vero ad *Pegu* peninsulam, vel auream *Chersonesum* naues eorum appellebant, ac inde iterum soluentes, vsque ad *Siamensium* littora urbemque eorum *Thinas* vel *Tanasserim*, in ipso *Malaccæ* limite sitam, penetrarunt. Vtcrius autem eos perrexisse, ac ipsam *Malaccam* circumnauigasse, omnino probari nequit; multo minus autem *Chinam* nauigatione adiisse putandi sunt.

z) *Memoires de l'Acad. des Inscr.* Vol. XXXII. p. 358.

DE
RELIGIONVM ZOROASTRICARVM
APVD EXTERAS GENTES VESTIGIIS.

COMMENTATIO PRIOR
OBSERVATIONES HISTORICO-CRITICAS
DE ZOROASTRE EIVSQUE SCRIPTIS ET PLACITIS
EXHIBENS.

RECITATA D. XXIX. JANUAR. MDCCCXCI.

A
THOM. CHR. TYCHSEN.

Veterum Persarum gens, A. A. cum rerum gestarum gloria, imperii magnitudine, morum cultu et institutorum sapientia inter antiquos Asiae populos sit celebratissima, vix tamen vlla re magis est ad omnem posteritatem memorabilis, quam Zoroastre suo, religionum, quae per Magorum ordinem ad feram vsque aetatem conservatae sunt, siue auctore siue restauratore. De cuius viri vita, scriptis et placitis tot tamque diuersae sunt, cum apud veteres tum apud recentiores, sententiae, narrationes et iudicia, vt lectis omnibus ex incerto discedas incertior, et nescio an sit in omni antiquitate argumentum, in quo acrius desudarint doctorum virorum ingenia. Recruduerunt illa studia, postquam, viginti abhinc annis, indefessa Anquetilii Francogalli opera, in Europam adlati et vulgati sunt libri antiquissimi, quos vt sacros et a Zoroastre profectos venerantur persicae gentis in India reliquiae. Non poterant non in diuersa abire eruditorum super his libris iudicia, inprimis cum Anquetilius nimis fortasse

tasse honorifice de eorum argumento sentiret. Igitur acrem iis litem intenderunt cum Angli Jones et Richardsonus, tum inprimis, quo solet acumine et argumentorum pondere, Vir illustris, Meinersius, Vestri confessus insigne ornamentum; praeclaro sane consilio, etenim tum demum vti his libris, et ex eorum argumento de veterum Persarum religionibus certius statuere aliquid licet, vbi de ipsorum fide et antiquitate compertum est. Causam eorum suscepit, nec sane infeliciter, doctiss. Kleukerus, in dissertationibus Zendauestae germanice conuerso adiectis, quibus hoc saltem effectum esse putem, vt perditum pudoris aut peruicaciae suspicione carere videatur, qui suo in hac re vti velit iudicio, et causa vtrinque dicta argumentorum rationes subducere.

Sed ne existimetis, A. A. me omnem istam disputationem denuo moturum esse. Non ego is sum, qui tantae litis iudex sedere cupiam, quippe qui inuitus, et quasi aliud agendo, ad librorum Zendicorum lectionem deductus sum. Scilicet cum late per Asiam olim propagata fuerit, sub Persarum dominatu, Zoroastris religio, quaerebam, annon superessent in vicinarum gentium religionibus huius disciplinae vestigia, e quibus nouum fortasse argumentum ad horum placitorum vetustatem aut firmandam aut refellendam deduci posse suspicabar. Hic cum ante omnia quaerendum esset, quaenam fuerint Magorum dogmata, ex fide veterum auctorum, comparabam cum his Zendicos libros, quatenus illi cum veterum testimoniis conueniant, cogniturus. Ex his curis subnatae sunt quaedam observationes et coniecturae, quas, cum quibusdam veterum scriptorum locis, et celeberrimae olim per Asiam religioni aliquantulum lucis affundere posse sperarem, Vestro submittere statui iudicio, amplissimum studii haud exigui fructum tulisse existimans, si vel quasdam earum Vestris auribus probauero. Agam autem ita, vt praemissis observationibus quibusdam historicis de Zoroastre eiusque libris, altera sectione praecipua Zoroastricae religionis dogmata summatim exponam; tertiam partem, quae in vestigia religionis Persicae apud exterarum gentes inquireret, alii commentationi referuo. In quibus omnibus si fortasse aliter me statuentem videritis, quam plerumque fit a viris insignibus, non vereor, vt hoc arrogantiae alicui tribuat is, qui cogitet,

in hoc literarum genere non posse non diuersa existere iudicia, prout quisque ad eas tractandas accedit aliis opinionibus, alia linguarum, historiae aliarumque rerum notitia imbutus; ac vt in ciuitatibus diuersissimis studiis et sententiis ad vnum eundemque finem, salutem publicam, tendere videmus ciuium ductores, sic in re publica literaria nobis, qui oratorum loco sumus, libere dicenda esse, quae prodesse posse censeamus ciuibz, quippe apud quos est sequendi quod maxime probauerint arbitrium.

S E C T I O I.

De aetate et patria Zoroastris.

Quaestio de aetate et patria Zoroastris cum in tanto scriptorum dissensu historice confici non possit, quod satis ostendit Ill. Meiners Comm. I. II. vnicum restat, quod in tali re fieri assolet, vt rationem sequamur maxime probabilem. Neque puto tantum esse scriptorum dissidium, vt aut omnia pro fabulis habenda, aut plures Zoroastres statuendi sint, modo hoc teneas, primum, in rebus eiusmodi, quae in scriptoribus tanto temporum et regionum interuallo remotis, non ex historiarum monumentis, sed incerta fama et coniecturis saepe traduntur, minime summam ἀκριβειαν aut accuratam temporum notationem posse exspectari; deinde, si ex isto narrationum dissidio ratio aliqua erui possit, in quam quamplurima congruant, quaeque ad explicandam famae veteris diuersitatem maxime sit accommodata, hanc potius tenendam esse, donec melior aliqua affulserit. His positis, quae haud difficulter concessuros esse puto, quicumque in talibus exercitatum habent iudicium, fateor me ad eorum accedere sententiae, qui Zoroastrem *Medum* fuisse statuunt, et *ante Cyri tempora* apud Medos nouarum religionum auctorem extitisse. Medum perhibent tam Graeci, vt Clemens Alexandrinus et Suidas *a)*, quam orientales fere omnes, et pluribus hoc docuit Anquetilius *b)*, *Vrmiam*, Mediae urbem,

a) Etiam Zaratum Medum ap. Plin. XXX, 1. a Zoroastre non diuersum esse, sed solo Plinii errore, ob nominis diuersam scripturam, ab eo distingui, iam notatum est a viris doctis.

b) Diff. de linguis antiquis Pers. *Mem. de literat.* T. XXX. p. 374. Kleuker. Z. Av. T. II. p. 63 sq. Nec verendum, ne ex Abrahami historia, qui ex Vr

urbem, patriam eius fuisse contendens. Huc etiam reliquas traditiones haud difficile est referre. Baëtra enim, quo quidam eum deducunt (si tamen idem est Zoroaster), ut Justinus, Arnobius, Ctesias, ad regnum Mediae spectabat, et hic imprimis docuisse fertur Zoroaster. Chaldaeam aut Assyriam dicunt Porphyrius, Suidas et alii, frequenti mutatione disciplinae Chaldaeorum cum Magorum institutis, quod vel inde patet, quod Chronici Paschalis auctor (ap. Hyde de rel. vet. Pers. p. 325.) eadem de Zoroastre Persa narrat, quae Suidas de Assyrio. Persam dici, a gente regnante et nobiliore, vix opus est monere.

De aetate longe difficilior est quaestio, quam alii iique gravissimi auctores ad antiquissima tempora, multis ante bellum Troianum seculis reiciunt, alii ad Darium Hytaspis filium deducunt. Mirum profecto est, iam Agathiae aetate, florentibus Persarum rebus et Zoroastris institutis, ita omnem historiarum intercidisse memoriam, ut hoc solum tenerent Persae, sub Hytaspē eum floruisse, qui tamen quis fuerit, aut quando regnauerit, ignorabant. Ductum erat hoc sine dubio ex libris Zendicis, quibus saepe commemoratur rex Gustasp. Iam recentiorum plerique hunc pro Dario Hytaspide habent, nominis maxime similitudine nixi, et bello Darii cum Scythis gesto, quod ad Gustaspis, quem dicunt orientales, gravissimum cum Turaniis bellum spectare existimant. Alias rationes, ■ variis indiciis et scriptorum testimoniis collectas, addidit Anquetilius *App. ad Z. Av. T. I. 1. Diff. V.* quibus seculo ante Chr. sexto circa Cyri et Cambyxis tempora vixisse Zoroastrem ostendere conatus est.

Sed sunt rationes gravissimae, quae contra hanc sententiam pugnare videntur, et haud paulo antiquiorem fuisse Zoroastrem innuunt.

1. si Darii Hytaspidis demum aetate in Persia ortus esset Zoroaster, nullo modo explicari potest, cur ad tam remotam aetatem eum referant antiquissimi scriptores, Eudoxus, Aristoteles, Hermodorus et Hermippus, qui pluribus seculis bello Troiano et Platone antiquiorem

P 2

faciunt

Vr, Mesopotamiae vrbe, emigrasse narratur, hoc ductum sit, confusione facta cum Zoroastre. Arabes enim Vr non urbem, sed ignem intelligunt, Judaeorum fabulam sequentes. Ne memorem locorum situm nimis diversum.

faciunt *c*); fabulose quidem, quod non opus est declarare, sed apparet iam tum in ipsa Perside non nisi mythicam aliquam de Zoroastris historia, ut de re vetusta, traditionem extitisse. Nec magis explicueris, qui factum sit, ut scriptor Zoroastri, si sub Dario vixisset, fere coaeuus, qui magnam Asiae partem peragrauit et cum Persis saepe conuersatus est; qui res Persarum, sub Dario gestas, accurate persequitur, et inprimis de religionibus Persarum et Magorum pluribus differit, ut Herodotus, inquam, tam plane fileat de nouatis sub Dario Hystaspide sacris. Equidem probe noui, quam lubricum sit argumentum a silentio ductum; sed rem tam memorabilem, quae haud exiguos in Perside motus excitare debuit, Herodoto aut non innotuisse, aut silentio pressam esse, vix mihi persuadeo. Nec satisfaciunt quae contra monet Anquetilius, in *Append. ad Z. Av. I, 1. p. 361.*

2. Nullus est antiquorum scriptorum, qui Zoroastrem sub Dario Hystaspide vixisse referat. Nititur hoc omne seriorum auctorum Alexandri Polyhistoris, Plutarchi, Apuleii, Jamblichi et Porphyrii fide, qui Pythagoram Babylone a Zabrato, Zarato, Nazarato quodam sapientiae magicae artibus institutum fuisse adfirmant *d*). Is autem incertum est an idem fuerit, cum antiquo Zoroastre; ~~nam~~ et solus Apuleius hunc Pythagorae magistrum Zoroastrem adpellat, et Plutarchus vtrumque distinguit. Equidem eo tantum valere putem omnem istam narrationem, ut Babylone cum Magis conuersatus sit Pythagoras, quod diserte affirmant Plinius et Diogenes Laertius. Hanc simplicem famam ita ornarunt alii, ut nomen adderent magistri, quod Apuleius cum celebriori Zoroastris nomine commutauit. Orientalium autem scriptorum, ad quos prouocant *e*), in rebus antiquis et chronologicis inpri-

c) Vid. Plin. H. N. XXX, 1. Diog. Laert. prooem. Suidas D annos memorat, et ad Nini aetatem refert. Xanthus Lydius (ap. Diog. Laert. l. c.) DC annos ante Xerxis in Europam transitum. Quodsi dicas non ipsius Xanthi libris vsum esse Diogenem, sed, ut est apud Athenaeum, suppositis a Dionysio quodam Scythobrachione, potuit tamen vel hic habere quod sequeretur. Temere Anquetilius e 600 annis sexaginta elicit, χ pro ξ scriptum esse existimans, ut suae rationi accommodet veterum scriptorem.

d) Loca vide apud *Anquetil. Anh. z. Z. Av. I, 1. p. 334.* et ap. Ill. *Meiners, Comm. I. p. 130. Vol. VIII. Nov. Comm. Soc. Gott.*

e) *Foucher diff. 1. de relig. Pers. Anh. z. Z. Av. I, 2. p. 74. 78.*

inprimis, ut exigua est auctoritas, ita hac in causa plane nulla fides. Nam qui ad Cambyfis aut Smerdis tempora Zoroastrem referunt, ut Abulfaragius et Eutychius, Christiani sunt, qui Gustaspen istum Persarum cum rege aliquo, e graecis auctoribus noto, componere tentarunt; alii, qui Eliae, Ezechielis, Danielis, Esrae auditorem imo feruum faciunt *f*), aut Hyftaspide antiquiorem, aut multo iuniorem crediderunt, et satis produnt, se nihil nisi inanes coniecturas sequi. Abulfeda quidem, scriptor non contemnendus, Cyri avum fuisse Zoroastrem perhibet *g*).

3. Ex constanti antiquitatis et orientalium scriptorum fama omnis ordo et religio Magorum ad Mediam spectabat, non ad Persas veteres. Apud Medos, teste Herodoto *h*), antiquitus erat Magorum ordo, siue potius distincta aliqua tribus, ut apud Indos Brachmanes, apud Aegyptios et Babylonios sacerdotes et Chaldaei. Iam quos Cyrus in regia magos instituisse fertur, quorum vnum Cambyfes absens regno praefecit, qui denique regia dignitate in Smerden collata, imperio potiti sunt, donec a coniuratis Persis caederentur, nonne hi manifesto potentem aliquem ordinem aliunde, e Media puta, ad Persas traductum innuunt? unde factum, ut magophonia diu post a Persis celebrarentur. Porro in Media magna et Bactriana pyrea sua condidisse fertur Zoroaster, hic Gustaspen istum regni sedem habuisse constans est orientis fama, et quod est grauissimum, omnis ista provinciarum descriptio in initio libri Vendidad ad Mediae regnum manifesto spectat; nulla ibi Persiae, Babyloniae et regionum regni australium mentio. Igitur non in regum Persarum numero, sed inter Medos reges, ante Cyrum Asiae superioris dominos, quaerendus est rex ille, sub quo Zoroaster prodiit.

4. Omnis illa regum Keanidarum series, qualis a scriptoribus orientalibus traditur, tam vehementer discrepat ab iis, quae ab Hebraeis et Graecis coaevis aut aetate proximis narrantur, ut aut pro meris figmentis habenda sit, aut ad regnum Medorum et orientales Persici

P 3

regni

f) Vid. ap. Hyde de relig. vett. Pers. p. 313 sq.

g) Ap. Pococke Specim. hist. Arab. p. 146. 147.

h) Herod. L. I. 101.

regni regiones referenda. Equidem vt minime fidem habeo istis narrationibus, quas poetarum ingenio exornatas, et ex Graecorum Judaeorumque historiis interpolatas confarcinarunt scriptores seculo nono posteriores, nolim tamen omnia promiscue vt fabulas reiicere. Etenim si missis nominibus incertis, et narrationum ornamentis rerum summam teneamus, videtur inesse quibusdam saltem fundus aliquis historicus, quod docta dissertazione satis declarauit Anquetilius. Hanc rationem secutus vir ingeniosus Foucherius, Gustaspen istum in libris Zendicis obuium, Cyaxarem I. esse, Medorum regem potentissimum, argumentis probat haud contemnendis ⁱ). Nempe quod apud orientales celebratur graue cum Turaniis bellum, plane conuenit cum nobili Scytharum in Mediam irruptione, quos tandem deletuit Cyaxares. Consentit cum his, quod sub Lohoraspe, quem dicunt orientales, Gustaspis patre, expugnata narrantur Hierosolyma, et sub Ardschir Bahman, qui proxime sequitur Gustaspen, Nebucadnezar f. Bochtanasser babylonico regno exutus. Sed potest haec coniectura magis etiam exornari. Quae enim de Ardschir Bahmano eiusque filia Homai traduntur, et de puero Darab, per miraculum seruato, concinunt fere cum iis, quae de Astyage Medo, Mandane et Cyro Herodotus audierat. Eadem est rerum summa, res geritur in Mediae regno ad Oxum fluuium, et quod mox commemoratur bellum in Rumeftania h. e. Asia minore gestum, quidni ad bellum Cyaxaris cum Lydis spectare possit? Notabile porro est, quod ante Homai reginam perpetuo rerum gestarum theatrum est in septentrionalibus regni prouinciis; haec prima Persopolin aut condidisse aut ornasse fertur, quod iterum translata in Persiden imperii sedem innuit. Si igitur Darab pro Cyro Graecorum haberi possit, Gustaspes ille sine dubio ad Mediam spectare debet et Cyaxarem I. Sed video, quae contra haec omnia moneri possint, scilicet incerta esse ante Cyrum omnia,

ⁱ) Mem. de l'ac. des inscr. T. XXVII. XXXIX. Anh. z. Z. Av. T. I. I. p. 65. 250 sq. Anquetilius quidem in diss. de aetate Zoroastris *Anh. z. Z. Av. I. I. p. 333 sq.* ad Hyftaspen Darii patrem eum referre videtur, sed in diss. *sur l'empire des Medes* (Mem. de l'acad. T. XL. p. 494.) Gustaspen cum Cyro confert, ipse sibi non constans,

omnia, et Cyaxarem istum soli Herodoto cognitum *k*). Malim igitur in hoc subsistere, Gustaspen Zoroastris et librorum Zendicorum antiquiorem esse Dario Hystaspide, et ad reges Medos, Cyro antiquiores, pertinere *l*).

ς) Confirmatur haec ratio haud leui argumento, scilicet lingua vetusta, qua scripti sunt libri Zoroastrici, quae non tantum a recentiore lingua persica, sed ab antiqua etiam, qualis Herodoti aetate fuit, multis parasangis differt. Quotquot enim apud graecos scriptores occurrunt sermonis Persici reliquiae, ex lingua Persica vulgari vtcunque illustrari possunt; frustra autem e librorum Zendicorum fragmentis eorum explicationem tentes, manifesto indicio hos persicos non esse. Iam cum multo magis ad Armenicam linguam et Georgianam accedant, iure suspiceris cum Anquetilio, Medicum esse horum librorum sermonem, quo tamen vix vsus fuisset Zoroaster, si sub Dario demum florentibus Persarum rebus scripsisset *m*).

Addere possem his omnibus, conuenire hoc cum ipsa Magorum chronologia, qualem e Magorum libris exhibet Masudius, seculi X. scriptor

k) Vid. Anquetil. *Mem. de l'ac. des Inscr.* T. XL. p. 477 sqq. qui Cyaxarem nomen appellatiuum esse censet, reges Keanios notans. Dubito an vere, etenim qui Xenophonti est Cyaxares, Hebraeis est, si כִּי istud addas, כִּי אֲחִישֶׁרֶשׁ Dan. IX, 1. quod regis nomen fuisset apparet.

l) Seruata est huius rei obscura fama in narrationibus veterum de Hystaspe vaticiniorum auctore, quae sine dubio ad regem hunc, a Zoroastre edoctum, spectabant. Is autem Lactantio (Div. institut. VII. c. 15) dicitur *Medorum rex antiquissimus*. Etiam Ammianus L. XXIII. c. 6. *Hystaspen* magicæ scientiæ doctorem memorat, sed quod addit *Darii pater*, ex graecis auctoribus ductum est. Porphyrius denique eandem famam spectasse videtur, nomine tamen permutato, (de abst. IV. p. 165) cum Darium Hystaspidem monumento inscripsisse narrat, se magicæ disciplinae fuisse magistrum. Caeterum notandum vel nunc apud Magos famam esse librorum ab Hystaspe conditorum. vid. Anquet. Z. Av. T. I. 2 P. Not. p. 36. ex qua fluxit ista de vaticiniis eius fabula; quod addendum Commentationi b. Walchii Vol. II. 1780. p. 1 sq.

m) Vid. Anquet. de lingg. vetustis Persiae: *Mem. de l'ac. des Inscr.* T. XXXI. Exemplum addo a noto Aristoph. loco Acharn. I. sc. 3. in verbis *ἄρα μαν ἐξαργῆν ἀπιστοῦνσάτρα*, pura sunt Persica *باریدن* = *بارد من*, et *افزون* multum, plus; quanquam sententiam ipsam non reperio, nam quae Anquetilius adfert, a graeca Praeconis interpretatione ducta, falsa esse docet vel hoc, quod ipse legatus, se aurum promississe, negat.

scriptor haud ignobilis *n*); scilicet floruisse Zoroastrem 250 siue 280 annis ante Alexandrum M., quod in Astyagis siue Cyaxaris aetatem incidit. Sed cum ductum hoc esse videatur ex obscura et incerta Keanidarum Chronologia, nolim huic argumento multum tribuere.

Si igitur probabilia sunt quae adhuc disputauimus, haud difficile erit, quae scriptores de Zoroastris aetate, et de veterum Persarum religionibus tradiderunt, nisi omnino conciliare, tamen vtcunque componere et explicare. Primo enim Hermippi, Eudoxi aliorumque narrationes, de sex millibus ante Platonis obitum, aut quinque millibus ante bellum Troianum annis eodem fere redeunt; nam centum annos in eiusmodi numero vix in censum venire, quisque videt. Atqui haec annorum millia non tam de ipso Zoroastre, quam de disciplina Magorum intelligenda erunt *o*), quae in antiquissimis Magorum mythis cum ipsis imperii originibus componitur. Secundus enim Pischdadiorum h. e. mythicorum regum, Husheng, Hermes quasi est Persarum, omnis cultus, legum, religionum inuentor, atque is etiam magos instituisse fertur et ignis cultum. Iam cum horum regum series vltra 3000 annos regnasse crederetur, facile putauerim, Persam aliquem aut Magum, Graeco aetatem Zoroastris sciscitanti, verae aetatis ignarum, plura annorum millia nominasse, quae is ad epocham quandam Graecis notio-rem retulit, vt Troiam captam et mortem Platonis. Eodem spectat, quod Orientales quidam in tempora Feridunis, Persarum herois, eum remittunt, et Ctesiae, Diodori, Iustini, Suidae aliorumque ratio, qui Zoroastrem Bactrianum faciunt Nino aequalem, scilicet antiquissimo Asiae regi. Horum quidam 500 annos ante tempora Troiana commemorant, accommodate ad Nini aetatem; Xanthus Lydius, siue quisquis is fuerit, 600 annos ante Xerxen, quod in tempora Troiana incidit. De ipso Zoroastre et vera eius aetate inter ipsos Persas nihil certi constabat, non tantum Agathiae aevo, sed iam paullo post Alexandrum. Eudoxus enim alii-

n) Vid. Notices et Extraits des MSS. Vol. I. p. 21.

o) Confirmatur hoc Hermodori testimonio ap. Diog. Laert. prooem.: a Magis inde ad Troiam captam esse 5000 annos. Anquetilius (Anh. z. Z. Av. I, I. 367. ad Hom s. Homanem Strabonis, antiquissimum heroem, referre malit.

aliique, qui hac aetate scripserunt, qua bellis et commerciis satis cognitae erant res Persarum, nihil verae historiae rescuerant, et ipse diligentissimus Hermippus fabulas narrauerat de miraculis a Zoroastre patratis p). Sed haec omnia non mira videbuntur, si sub Medorum dynastia ortus fuit Zoroaster. Notum enim est, quam parum solliciti sint orientales populi de aliarum gentium historiis, et quam soleant antiqua quaeuis in remotissimam antiquitatem referre. Caeterum apparet, ex variis istis auctorum narrationibus, quae meris coniecturis continentur, frustra plures Zoroastres elici. Post ea enim, quae de Pythagorae Zabrate supra monui, omnia redeunt ad Proconnesium istum, apud Plinium, quem, quicumque tandem magicarum artium magister fuerit, Persicarum religionum auctorem non fuisse, vix opus est monere.

Porro non mirabimur, si in veterum Persarum a Cyro inde ad Alexandrum religionibus plura commemorentur a scriptoribus, quae a Zoroastris institutis sunt aliena, vt sacrificia equorum, Herod. VII, 114. Xenoph. Cyrop. VIII. 3, 6. sacrificia heroibus graecis et Diis oblata, homines defossi, currus et pompa Deorum &c. Nulla tum apud Persas pyrea, cultus simplicissimus. Summum aliquem Deum colunt, quem Jouem interpretantur Graeci, ignem (*esia* ap. Xenoph. I. 6, 1.), solem, lunam, terram, ventos, aquam s. potius fontes et fluuios. — Omnino Persarum religio talis describitur, qualis fuit plurium orientis populorum, eorum inprimis, qui stirpis cognatione aut regionum vicinitate cum Persis coniuncti erant. Ignis sacer et solis astrorumque cultus per antiquitatem late sparsus, et equorum sacrificia apud Massagetis quoque sollennia (Herod. I, 216). Sed iam tum Magi moribus et institutis diuersis utebantur, quod expressis verbis obseruat Herodotus q). Apparet igitur Zoroastris instituta nondum apud Persas vulgo recepta, sed Magorum ordini propria quodam-

p) Quae apud Arnobium adv. Gent. L. I. obscuro loco et sine dubio corrupto leguntur: age nunc veniat, qui super igneam zonam magus interiore ab orbe Zoroaster, Hermippo vt assentiamur auctori — spectare videntur ad prodigium in monte ardente, cuius meminit Dio Chrysost. orat. 36.

q) Lib. I, Cap. 140.

quodammodo fuisse. Non negandum tamen in multis conuenire Persarum religiones, quales Herodotus enarrat, cum Zoroastris institutis; quippe ignis sacer vtrisque et elementorum cultus, *Ζεὺς πατὴρ* porro vix alius est, nisi Oromazes, cuius nomen antiquum *Ehoro Medao* regem summum significat; siue enim coelum hoc cogitauerint, vt existimat Herodotus, siue coeli aliquem dominum, commode Iovem interpretari poterant Graeci. Haec omnia aut antiquitus Persis cum Medis communia esse poterant, aut sensim ad Persas dum sub Medorum ditione essent, manare. Etenim et libenter aliarum gentium mores et religiones imitabantur (Herod. I, 132) et in regia Magorum sacra recepta fuisse constat. Cyrus enim in regia Magos instituit, quotidie carmine sacra celebrantes (Xenoph. Cyrop. VIII. 8, 8.), et iam Platonis aetate regii principes Zoroastris praeceptis erudiebantur (Plato Alcib. I. T. V. p. 42. Bip.). Verum non ita inhaeserunt Zoroastricis institutis, vt ab aliarum gentium numinibus plane abhorrerent. Veneris enim Anaitidos imaginem, teste Berofo ^{r)}, Babylone, Susis et in aliis vrbibus Artaxerxes Ochus dedicauit, diuersas religiones coniungens, vt Gingizcanum, magnum Mongolorum imperatorem, Igurorum superstitiones cum Sinicis copulasse refert Abulfaragius (Hist. Dynast. Syr. p. 450), siue aliqua cum Luna similitudine ductus. Alia praeterea sacra recipiebant Persae, vt Homani et Anandrati, in Cappadocia (Strabo L. XI. § 12) additis etiam orgiis et mysteriis, Sacea a Babyloniis, Ath. Deipn. X, 10. Quis enim inter tot tamque diuersas gentes, tanto temporum decursu vnā eandemque religionum faciem exspectauerit? Magis etiam variatum post Alexandri victorias, de quibus omnibus vid. Ill. *Meiners* Comm. Vol. III. p. 114 sq. Hac igitur tempestate sub impotentium regum dominatu et corruptis per Graecos patriis institutis solus Magorum ordo retinuisse videtur vtcunque Zoroastris disciplinam, quae, excusso demum Graecorum iugo, sub Arfacidis et magis etiam sub Sassanidis ab Artaxerxe inde instaurata laetius effloruit. Ab hoc inde tempore conquesta Zoroastris scripta, quae superiorum temporum calamitate maximam partem perierant, et Magis tantum additum dignitatis, vt ipsi reges eorum disciplina initiarentur (Cic. de Div. I, 41. Philo de legg. Spec.

p.

^{r)} Ap. Clem. Alex. Protrept. Sect. V. p. 57.

p. 792. ed. Frcf.) et omnia publica negotia eorum consilio et effatis regerentur (Plin. L. XXX, 1. Agathias L. II. p. 56). Laetam hanc rerum conuersionem haud improbabili-ter inde repetunt Orientales, quod Sassanidae eadem qua Zoroaster stirpe orti, antiquam religionem in ipsius honorem summo studio promouerent. Certe in Sassanidarum numis pyrea conspiciuntur, adscriptis titulis vetere scriptura, qua scripti sunt libri Zendici. Publica nunc erat Zoroastris religio, cui dehinc firmiter adhaeserunt Persae, etiam post euersum ab Arabibus imperium. Extabant adhuc, teste Masudio, seculo X. valida Persarum regna in Segestania et montanis versus Caspium mare regionibus, in quibus floruisse Zoroastris instituta, vel inde apparet, quod Scharistanus, seculi XII. scriptor, 70 numerat Magorum sectas. Et vel nunc sparsae per Caramaniam, Hyrcaniam et Indiam miserae gentis reliquiae, ita mordicus retinent antiquos ritus, quantum licet oppressae genti et extorri, vt non verear affirmare similiores esse hos Parsos veterum Persarum quam suis maioribus Iudaeos nostros, quorum mores, ritus et placita, si cum Mosaicis institutis conferas, quis non fateatur esse dissimillima.

Restat vt de libris, quos ex India allatos sub Zoroastris nomine vulgavit Anquetilius, sententiam meam declarem, in quo brevis esse potero, cum iam omnia in vtramque partem satis disputata sint a viris doctis. Fateor igitur me lectis ipsis libris, ad quos tam sine studio accesseram, vt potius recentioris aevi vestigia attente quaererem, expensis praeterea aduersariorum argumentis, non potuisse non eorum antiquitatem agnoscere. Sunt enim in his libris, qui Zendico sermone scripti sunt, manifesta remotae aetatis vestigia, nihil quod non isti hominum aetati conueniat, aut quod ab homine in ista mundi infantia philosophante sit alienum. Nam quae sibi reperisse visi sunt viri docti, recentioris aevi indicia, aut e locis et verbis male intellectis ducta erant, aut e particulis serioribus, quod egregie demonstrauit doctiss. Kleukerus Append. ad Z. Av. T. II. Porro in summa rerum mirus consensus cum iis, quae veteres de disciplina et institutis Magorum tradiderunt. Sunt hymni in Deos, quales ad sacrificia cantatos fuisse Xenophon et Strabo memorant, et ipse Herodotus, qui θεογονίαν ἐπαεί-
δεν

deus dicit; est locus simillimus illi, quem laudat Eusebius Praep. I, 10. cf. Jescht Ormuzd T. II. Z. Av. p. 145-148; quae de Zoroastris placitis apud Plutarchum leguntur, in loco celebri (de Is. et Osir. T. II. 369) cum librorum Zendicorum argumento ita conueniunt, ut vix putem, fore qui neget, simillima haec esse et ex eodem fonte manasse. Accedit ad haec omnia inuictum argumentum, linguae et scripturae ratio, quam esse antiquissimam ex hoc manifestum est, quod in linguam Pehlevicam, quae iam sub Sassanidis in usu esse desit, necesse fuit conuertere particulas Zendicas; scriptura autem siue Pehlevica sit siue Zendica, quae figuris non multum differunt, in numis Sassanidarum constanter occurrit, certissimo indicio, hanc non esse recens excogitatam, sed ex patrio more conseruatam. Iam cum negari non possit, Zoroastrem libros reliquisse, qui per omnes aetates religionis magicae fundamentum fuerunt, quos in Magorum ordine seruatos esse, ab Hermippo inde pluribus testimoniis constat; sane non video, quidni fides habenda sit nostrae aetatis Magis, cum libros sacros sibi et a maioribus traditos ad Zoroastrem referunt, in quibus nihil est, quod fraudem spiret aut seriore aetatem. Quid tandem mirum est aut incredibile, apud Persas, qui, ipsis aduersariis fatentibus, nullo non tempore Zoroastris religionibus adhaeserunt, in Magorum ordine nunquam interrupto, libros seruatos esse paullo ante Cyrum scriptos, cum Iudaeos tam in patria subinde a Mosaicis institutis deuios, quam crebris bellorum et exiliorum tempestatibus iactatos, scripta seruasse videamus et plura et longe antiquiora. Sed in hoc maxime cernitur Magorum fides, quod non omnes Zoroastris libros, sed vnicum tantum, *Vendidad* dictum, superesse sibi, ingenue fatentur, quae profecto modestia et candor in impostores non cadunt. Hic autem liber, qui in antiquis sectionum Zendauestae indicibus vigesimus numeratur, non modo habitu et argumento ita a reliquis differt, ut ad libros fundamentales ab ipso religionis auctore conditos pertinere potuerit, sed etiam apud Persas, non tantum in India, a quibus eam accepit Anquetilius, sed etiam in ipsa Persia praecipuum religionis fundamentum habetur. Posterius hoc nunc nouo Masudii, nobili sec. X. scriptoris, confirmatur testimonio, quod nuper vulgavit vir Cel. *Deguignes* s),

ex

s) Notices et extraits des MSS. T. I. p. 21.

ex quo constat, seculo X. florentibus Persarum in Segeſtania rebus, hunc librum vnice e pluribus Zendaueſtae ſeruatum et lectum fuiſſe. Narrat ille ſub Artaxerxe Babecan Magos vnum Zendaueſtae caput collegiſſe *Eſbad* dictum, nec dum aliud ipsis ſuper-eſſe. Haec vox *Eſbad* nihil aliud eſt niſi Perſicum *اثر بد*, *de malo*, libri nomen ab argumento ductum, quod de Ahrimanio et peccatis cauendis luendisque agit; et iisdem fere verbis haec leguntur in huius libri argumento t), quod miror non obſeruatum cl. Kleukero u). Hunc igitur librum eundem fuiſſe, quem ex India attulit Anquetilius, niſi nimis ſuſpicioſi et iniqui ſimus, vix licet dubitare. — Reliqui libri liturgici, quos vulgauit, a Magis compoſiti eſſe videntur in ſacrorum celebrandorum uſum. Laudantur enim in iis libri Zoroaſtris, vt *Vendidad*, et *Hadokt* x), ipſe etiam Zoroaſter celebratur et inuocatur y), nec apud ipſos Magos eodem quo *Vendidad* honore habentur. Antiquos eſſe, et ſeruari in iis librorum Zoroaſtricarum particulas z), non negauerim, ſed ex ſolo ſermone, quo ſcripti ſunt, vetuſtiſſimo, nolim argumentum ducere, Zoroaſtris aetatem eos attingere. Potuit enim lingua ſacra apud Magos diu conſeruari, vt factum eſt apud Iudaeos, Syros et alios, qui libros liturgicos ſcripſerunt hebraice et ſyriace, poſtquam vulgo his linguis loqui deſuiſſent. Caeterum vix dubium plures olim librorum Zoroaſtricarum particulas in ipſa Perſide extitiſſe, cum et indices Parſorum alias memorent, Anquetilio non repertos a), et Maſudius *Zend* et *Pazend* libros nominet, niſi fortasſe hi a Magis fuerunt e particulis Aueſtae compoſiti, vt *Izeſchne* et *Viſpered*; ſed hi ſenſim periſſe videntur Muhammedanorum violentia et Abbasi, Perſiae regis, crudelitate, qui libros antiquos Magis vi eripuit.

Quae contra horum librorum antiquitatem prolata ſunt argumenta partim talia ſunt, vt mirari ſubeat, tam leuibus armis fiſos eſſe

Q 3

viros

t) Vid. *Anh. z. Z. Av. T. I, 1. p. 93.* *اثر بالبدی ویدی* h. e. de impuro et malo.

u) *Zendaveſta im Kleinen*, P. I. p. 44.

x) Anquet. *Z. Av. T. I, 2. p. 86. 87.*

y) l. c. p. 126. 86. 93. cf. *Foucher Anhang. z. Z. Av. I, 2. 272.*

z) Cf. Anquet. *im Anh. z. Z. Av. T. I. p. 60.*

a) *Anhang z. Z. Av. I, 1. p. 84. 85.*

viros doctos; quo inprimis refero, quod de arabici sermonis vestigiis in libris Zendicis agfertur. Quasi vero arabica sint, quaecunque ad arabicum sermonem accedunt. Sed ad haec iam respondit Cl. Kleukerus. Quod obiiciunt veterum scriptorum ante Alexandrum de libris Zoroastricis silentium, plane non me mouet. Scripserunt illi ea aetate, qua nec vulgo recepta essent Zoroastris instituta, et libri in Magorum ordine seruarentur. Quis non eodem argumento sacros Judaeorum libros recentes esse demonstraret, quorum nemo Graecus scriptor ne dicam ante Alexandrum, sed ante Augustum meminit? Hermippi librorum Zoroastris descriptio ob ingentem versuum numerum non adeo incredibilis videri potest, si praegrandes cogites literarum ductus, paucis verbis lineam s. versum implentes, cuius specimen dedit Anquetil. Z. Av. T. I, 1. p. 77. Tab. V. Quamuis facile concedam, in maius auctum esse versuum numerum, Magis omnes, quos sacros habebant libros, ad Zoroastrem referentibus, ut Aegyptii sacerdotes ad Hermetem. Denique quod inepta multa in sunt, ad nostrum quidem sensum, libris ab Anquetilio vulgatis, tantum abest, ut fidem eorum suspectam reddat, ut mihi potius antiquitatis sit indicium. Quis enim ab homine, qui in gerte, nullis literis exculta, repente prodit vates et librorum auctor religionumque conditor, graecanicam sapientiam exspectet, et philosophiam nostro sensui attemperatam? quis non potius commoti et exuberantis ingenii phantasmata, et populares fabulas et instituta ad frangendos tenendosque rudium populorum animos apta? Sane si ex eiusmodi regulis de veterum librorum authentia iudicium ferre licet, facile erit Coranum non a Muhammede profectum ostendere, in quo non modo satis est ineptiarum, sed manifesta etiam in historicis figmenta et anachronismi, quales in libris Zendicis nemo adhuc observauit. Omnino vix aliud quidquam in iudicio de libris Zendicis ferendo magis fraudem fecisse videtur viris doctis, quam praeiudicata ista de sapientia Zoroastris opinio, quae tamen omnis non firmiori fundamento nititur, quam Magorum encomiis et Graecorum quorundam, qui ignota et peregrina maxime suspicerent, admiratione. Hi enim cum barbaros legibus, institutis et literis reperissent multo, quam ipsi exspectauerant cultiores, mox eo delapsi sunt, ut omnem sapientiam ab his profectam,

etiam, et ab iis nullum non disciplinarum genus petendum esse suspicarentur, quod circa Aegyptios factum esse notum est. Magorum disciplinam praecipue commendabat cultus simplicior, doctrina de deo multo quam in popularibus Graecorum superstitionibus sanior, praeclara de moribus praecepta, ipsorumque Magorum casta et seuera viuendi ratio. Haec Eudoxus, qui vt clarissimam vtilissimamque sapientiae sectam celebrat *b)*, spectasse videtur. Accedebat diuinationum, astrologiae et commercii cum geniis s. theurgiae, quam Magi iactabant, admiratio *c)*, quae arcanae et reconditae sapientiae suspicionem iniicere debuit. Verbo, ad summam disciplinae Zoroastricae spectant istae laudes, non ad librorum singulorum argumentum rerumque tradendarum modum, quem, qui e nostra ratione metiri velit, inique agat. Sed huius non satis memores viri docti, alii libros Zendicos Zoroastre indignos iudicarunt, alii quaecunque in iis traduntur inepta et incondita interpretando emollire et ingeniose exornare fategerunt.

Equidem vt nullis argumentis recentioris aetatis aut fraudis conuictos esse libros Zendicos, sed pro antiquissimis religionis per Asiam olim celeberrimae monumentis habendos censere cogor; ita de pretio eorum et vsu paullo aliter me sentire fateor, quam viri docti, qui de iis explicandis meriti sunt. Primo enim apparet frustra esse, si quis ex iis accuratam placitorum Zoroastris delineationem adumbrare, aut iudicium de Zoroastre eiusque philosophia ferre tentet, cum nec libri omnes supersint, sed seruatae e naufragio tabulae, nec ii, quos habemus, pro primariis et praestantissimis haberi possint. Perierunt libri ad astrorum et omnino naturae cognitionem spectantes, porro de officiis regum et subditorum, et qui fuerunt alii. Vendidad iste, siue casu sit seruatus, siue, quod de peccatis expiandis praecepta tradens, quibus carere non poterant Magi, diligentius asseruaretur, fortasse ad deterius notae libros pertinuit, in ritibus et poenis totus fere occupatus, et propter hoc ipsum fortasse additamentis interpolatus; reliqui autem liturgici sunt, nec tuto discernere licet, quid sit *c* Zoroastris disciplina, quid a Magis additum. Cosmogonia porro, quam

b) Plin. H. N. XXX, 1.

c) Sotion ap. Diog. Laert. Prooem. Minuc. Felix Octay. c. 26.

quam Bundehefch dicunt, tam confusa est et obscura, tot fabulis et varii generis mythis referta, ut qui singula explicare et ad Zoroastris placita referre velit, operam perdat certissime. Accedit quod Anquetilius eiusque magistri an omnia recte intellexerint, valde dubitari possit. Saepe enim alia additur interpretatio, plane diuersum sensum fundens, alibi nomina propria leguntur, deficiente scilicet explicatione, quae fortasse adpellatiue vertenda fuerant, quaedam nimiam subtilitatem sapiunt, et nostri seculi sermonem *d*). Subsistendum igitur in praecipuis disciplinae Zoroastricae capitibus et rerum summa tenenda, comparatione facta veterum auctorum. — Alterum moneo, non quaerendam esse in his libris profundam sapientiam et metaphysicas subtilitates, quales ex iis nobis propinarunt cum Anquetilius, tum inprimis Kleukerus V. Cl. in epitome librorum Zendicorum germanica. Sunt quidem in his libris multa praeclara, inprimis quae ad mores spectant, ut cum puritatem mentis, sermonis et actionum ubique inculcat; in reliquis autem mihi quidem Zoroastris placita longe videntur simpliciora, et a philosophica subtilitate aliena; multa non ab ipso excogitata, sed ex opinionibus et religionibus vulgi hausta, quae ipse partim cum philosophia qualicunque coniuncta, partim nouis commentis exornata, libris suis intexuit, fere ut apud Homerum mythi veteres et in Corano fabulae et narrationes inter Iudaeos et Arabes vulgatae. Quod ne temere dixisse videar, age praecipua religionis Zoroastricae dogmata percurramus, ita quidem, ut primo, quae fuerit de singulis Zoroastris doctrina, ex antiquis scriptoribus et ipsis libris Zendicis declaremus, deinde, unde ducta sint haec placita, quantum fieri potest, inquiramus.

SECTIO II.

De placitis Zoroastris.

Quid de Deo statuerit Zoroaster, notum est, quam variis disputatum sit virorum doctorum sententiis; alii enim Dualismum eum primum

d) Minus adhuc fidendum versioni germanicae, non omnia ubiuis exprimentis. Laudabitur igitur in sequentibus gallica Zend Avestae editio. Commentationes tamen Anquetilii in Appendice cl. Kleukeri breuitatis causa laudo.

primum docuisse, alii vnum summum numen cognouisse affirmant, ipsumque in hoc veterem Magorum disciplinam emendasse, cum primam aliquam ἀρχὴν doceret, Zaruam, s. tempus infinitum, h. e. aeternum deum, cuius Oromazen et Ahrimanium esse vicarios et quasi praefectos huic mundo regendo. Posteriores sententiam ii inprimis tuentur, qui plurimum in his literis studii posuerunt, Hyde, Prideaux, Anquetil., Kleukerus, ut si in eiusmodi rebus valeret nominis auctoritas, sine dubio horum sententiae accedendum esset. Sed quae est humani ingenii imbecillitas, ut quanto plus in aliqua re studii posuerit, tanto cupidius hanc exornare et utcumque nobilitare allaboret, solatium quasi ex hoc et praemium impensae diligentiae capiens, eam eximios viros expertos esse vereor. Neque puto aut scriptorum antiquorum loca, aut librorum Zendicorum, ad quae prouocant, effata, ad doctrinam tam insignem Zoroastri et Magis vindicandam vlllo modo sufficere.

Ante Aristotelem vix aliquid Magicae disciplinae ad Graecos peruenisse videtur, nam quae Herodotus et Xenophon exponunt, ad ritus maxime et externum cultum spectant. Reclusis autem per Alexandri victorias intimis Persiae adytis, primus Aristoteles philosophiae Magorum mentionem facit, siue hoc ex Graecorum relationibus hauserit, siue ex ipsis Zoroastris libris, quos graece versos ab Alexandro ipsi transmissos esse, Persae narrant. Hic igitur (Metaph. XII. c. 4. ed. du Val. al. XIV) iis, qui τὸ πρῶτον γεννησαν αἶσαν s. primum rerum auctorem praestantissimam naturam esse statuunt, Magos adnumerat. Ex quo sequi putant, Magos perfectissimam rerum ἀρχὴν, adeoque vnum summum Deum statuisse. Sed idem Aristoteles alio loco apud Diogenem Laert. (Prooem. c. 3) in libris περὶ φιλοσοφίας disertius affirmat, Magos duas ἀρχὰς statuisse, bonam alteram, alteram malam; nihil addens de vno rerum principio. Nisi igitur ipsum sibi contradicentem facere velis, necesse est istud πρῶτον γεννησαν de horum principiorum alterutro intelligere, quod prius res produxerit. Atque haec est perpetua tam veterum scriptorum quam librorum Zendicorum doctrina, Oromazen, siue bonum principium primum produxisse alios deos, δαίμονας, Amschaspandos dicunt Per-

fae, antequam quidquam procreatum esset ab Ahrimanio. Temere igitur affirmari puto apud Kleukerum, Aristotelem h. l. primos tantum actores et legatos quasi nominasse, qui, non video quomodo αρχαι dici potuissent, si γεννησαν aliquid esset, cui ipsi deberent originem. Ne dicam Hermippum, diligentissimum de Magorum doctrina scriptorem, Eudoxum, Theopompum et tot alios constanter duo principia inter maxime insignia Magorum placita commemorare.

Idem valet de Eudemo, Aristotelis discipulo, qui apud Damascium e) Magos Deum bonum et daemonem malum statuuisse testatur, ortos ex mundo intelligibili et composito, quem alii locum, alii tempus dicebant. Hic nisi vim inferas verbis et cum Hydeo το ante ηνωμ. deleas, primum istud principium ita describitur, vt nulla habeat naturae intelligentis attributa, minime autem est, quod vult cl. Kleuker f), *das vereinigte geistige All, der große Allgeist*, vniuersum intellectuale, sibi vnitum; opposita enim sunt το νοητον et το ηνωμ. quae iuncta materiam primam s. chaos quodammodo efficiunt, quod aliis est Zaruam. Neque dicat aliquis, mundum materialem hic cogitari non posse, quum de Diis sermo sit; nam secundum libros Zendicos tam Oromazi quam Ahrimanic corpus tribuitur g). Quod lucem et tenebras ante Deos fuisse refert, eo spectat, quod Oromazen in luce esse, lucis naturam habere existimabant.

Theopompi verba apud Plutarchum h) mire in suam sententiam detorserunt viri docti, vt summum numen inde elicerent. Narrabat ille duorum principiorum pugnam per IX mille annos continuandam, deficiente tandem Ahrimanio; tum felicissimos et purissimos fore homines. Deum autem, postquam haec effecerit quieturum, τον δε ταυτα μηχανησαμενον Θεον ηρεμει κ. αναπαυεσθαι χρονω, καλως μεν κ πολυν τω Θεω, ωσπερ ανθρωπω κοιμωμενω μετριοι. Quae verba de alio quodam numine, a diis contrariis diuerso, intelligunt. Sed
mani-

e) De principiis, Wolf. *Anecd. Graec.* T. III. p. 259. Μαγοι — οι μεν τοπον, οι δε χρονον καλεσι το νοητον απαν και το ηνωμενον, εξ ε διακριθηναι και Θεον αγαθον, και δαιμονα κακον, η Φως η σκοτος προ τοιτων, ως ενις λεγειν.

f) *Anh. z. Z. Av.* III, 6. περτινα. p. 140 sq.

g) *Vendid. Sade* T. I. i. 180. 231. II. 262.

h) *De Is. Osir.* T. II. p. 369, Frcf.

manifestum est, quod iam vidit Meinersii acumen, de Oromazē haec dici, quem, victo Ahrimanio et felicitate donatis hominibus, aliquantulum quieturum esse putarent, ut re bene gesta, et nullo superstite aduersario; siue hoc eo spectet, ut ad nouum rerum ordinem condendum progressurus sit, siue statum beatum in his terris, quem secutura sit mortuorum resuscitatio, dei quiete declarare voluerint. Abruptior enim est locus, quam ut nunc certo explicari possit.

Quae *Plutarchus* (l. c.) de Magorum doctrina refert, huc fere redeunt: 1) Alii duos Deos s. duo principia contraria statuebant, alterum bonorum, alterum malorum auctorem. En perfectum Dualismum! 2) Alii, ut Zoroaster, horum principiorum alterum Deum s. Oromazen, alterum daemonem s. Ahrimanium adpellabant; istum luci, hunc tenebris et ignorantiae similem esse. 3) Oromazen, ex Magorum sententia, a luce purissima ortum esse, Ahrimanium e tenebris, hos inter se pugnare, ita ut Ahrimanius tandem victus euanescat (*αφανισθῆναι*). Apparet igitur, si fides est scriptori quem sequitur *Plutarchus*, Zoroastrem s. sectam, quae ab ipso nomen ducebat, in hoc ab aliis discessisse, ut bonum Deum Ahrimanio superiorem esse statuerent, plane ut *Aristoteles* et *Eudemus* referunt. Dualismum autem hoc esse, quanquam mitiorem, nemo negabit; de summo aliquo Deo, Oromazis et Ahrimani auctore, nullum vsquam vestigium.

Neque alia tradunt de Magorum placitis scriptores, qui sub *Sasanidis* scripserunt, restituta Zoroastris religione, *Porphyrus* i), *Eusebius*, *Agathias*, *Theodorus Mopsuestenus*, qui de Oromaze et Ahrimanio, ut primis principiis intelligentibus, et geniorum rerumque corporearum auctoribus, constanter loquuntur. Quem *Eusebius* (*Praep. Eu. I. c. 10.*) laudat librum, *ἱερα συνάγωγη των περσικων*, sine dubio erat graeca scriptio, memorabilia de religione Persica continens; in hoc igitur Zoroastris verbis, s. loco ex ipsius scriptis laudato, Deus dicitur, caput habens accipitris, primus, aeternus, non generatus &c. qualia etiam *Osthanes* in *Ostateucho* de Deo fertur pronuntiasse. Sed neque hic isti de vno summo Deo opinioni aliquid praesidii; quam

R 2

i) Vit. Pythag. p. 41.

quam nolim totum locum cum Kleukero *k*) pro supposito habere. Videtur enim ὁ Θεός nullus alius esse, nisi Oromazes, qui a Graecis, ubi Persarum dogmata describunt, saepe ita dicitur, ut apud Persas *Iezdan* (یزدان Deus, numen), opposita ad Ahrimanium, quem *Saïmova* adpellant. Omnia saltem, quae Deo hic tribuuntur, ita conueniunt cum librorum Zendicorum loco (Jeschtsch Ormuzd T. II. p. 145-148), ut ex hoc ductum esse iure suspiceris cum Anquetilio et Foucherio *l*), quanquam apparet, Graecum, qui ista excerpsit, plura contraxisse, alia aliter vertisse quam Anquetilius. Θεός ἀγέενντος, si ita locutus est Zoroaster, Oromazi optime conuenit, opposita ad genios ab ipso procreatos. Accipitris caput ad symbolicam repraesentationem spectat, saepe in libris Zendicis obuiam, qua aues coelestes celebrantur, mundi custodes, geniorum modo comites, modo vicarii. Et videtur ipse Oromazes cum aue comparatus fuisse, cuius rei iam vestigium occurrit in Persepolitani monumentis, humana figura in auem desinens, sine dudio boni numinis symbolica imago. Quid quod eodem libro (p. 6, et 321) inuocatur *auis*, *mundo inuigilans*, quae ad Oromazen referenda esse, ex meo quidem sensu, docet titulus: excellentissime, huic fere proprius *m*). Quidquid hoc sit, facile insolita auium coelestium imagine induci potuit homo graecus, ut accipitris caput deo tribui putaret.

Inprimis autem prouocant ad Theodori Mopsuesteni apud Photium testimonium (Cod. 81), qui Zoroastrem refert Zaruam, quem
etiam

k) Anh. z. Z. Av. T. II. P. 3. p. 125.

l) Anh. z. Z. Av. I, 2. p. 283.

m) Verba sunt haec: (p. 321) *Je fais khoschnoumen (preces) à Ormuzd éclatant de lumière et de gloire, aux Amshaspands, à Rameschné khârom, oiseau qui agit d'en haut; à toi, oiseau, qui veilles bien sur le monde, qui es l'être absorbé dans l'excellence, (à toi) révolution du ciel, donnée de Dieu; (c'est à dire) au temps sans bornes, au temps long donné de Dieu, (à Ram) appelé Ized. — Auem priorem esse reuolutionem coeli, h. e. tempus a summo numine definitum Oromazis imperio, alteram autem summum Deum s. aeternum tempus Zaruam, quod vult Anquet. vix mihi persuadeo, quum alibi (T. I. 216. 229. 415. 416.) plures aues commemorentur geniis sacrae. Hic autem Rameschne Kharom fortasse vertendum erat beneficis (cf. T. I. p. 82), ut auis, singulari numero, ad Oromazen spectet; saltem huic conuenit, quod mundo inuigilet, mundum regat, quae ipsis tribuuntur illo ipso loco T. I. p. 147. De Oromaze etiam intelligit Foucher. l. c. minus accurate laudans p. 6. Z. Av.*

etiam *τυχην* dixerit, statuisse *αρχηγον των παντων*. Hunc dum festinaret (nam *σπενδων* sine dubio legendum) Oromazen in lucem edere, simul Satanam edidisse *n*). Sed totus locus ita comparatus est, ut facile appareat, ab homine christiano, qui refutandi animo scriberet, Zoroastris sententiam invidiose proponi. Hinc Zaruam, quae eadem est, quae in libris Zendicis *Zeruane akerenē*, aeternitas, siue tempus infinitum, *αρχηγον* dicit, et personam facit, Deos entem, quam tamen cum Fatum, necessitatem, appellari dicat, apparet naturam intelligentem non esse. Nihil aliud veri inest, nisi hoc, tam bonum quam malum principium ab aeterno esse, adeoque Ahrimanium a bono Deo non ortum, quod cum iis congruit, quae Aristotelem et Eudemum tradidisse supra vidimus. Quodsi vero e libro aliquo Persico ducta haec esse statuas; non ex libro Zoroastris, sed e placitis sectae alicuius Zervanitarum, infra commemorandae, haurire debuit Theodorus. Frustra igitur ad Zoroastrem aliquem secundum sub Hytaspide hoc refert Foucherius (Anh. z. Z. Av. I, 2, p. 289). Quae de *αίμομιξια* dicuntur, mireris viros doctos referre ad deos contrarios, cum pronum sit ad *περσων* referre, ut ad incestas nuptias spectet, quas Persis frequentes fuisse crediderunt veteres.

Agathias denique, qui ipse Persiam adiit, duo prima principia, *πρωτας αρχας* Magis fuisse refert, Ormisdaften et Arimanem, de superiori aliquo principio plane silens *o*). Et cum eodem teste (p. 64) Chosroes de rerum ortu et natura, et num vna omnium *αρχη* statuenda sit, disputationes instituerit; satis patere arbitror, hanc quaestionem in sacris ipsorum libris definitam non fuisse *p*).

R 3

Sed

n) — εκτιθεται το μιανον των Περσων δογμα, ο Ζασραδης εισηγησατο, ητοι περι της Ζαρβαμ, ον αρχηγον παντων εισαγει, ον και τυχην καλει. Και επι σπενδων (pro σπενδων) ινα τεκη τον Ορμισδαν, ετεκεν ενεινον και τον Σαταναν. Και περι της αυτων αιμομιξιας, και απλως το δυσσεβες και υπεραισχρον δογμα κατα λεξιν εκθεις, ανασκευαζει εν τω πρωτω λογω.

o) Histor. L. II. p. 56. ed. Vulcan.

p) Cf. III. Mainers Comm. II. de Zoroastre, p. 69 sqq. Caeterum Agathiam hanc doctrinam ■ Manichaeis ad Persas propagatam credidisse, non video, quomodo e loco eliciam, cum praesentis doctrinae (vñ δὲ et *περσων των* vñ p. 58) auctorem esse Zoroastrem discrete adfirmet.

Sed videamus, num in libris Zendicis clariora sint vnus primi principii testimonia; in his enim subsistendum, ne seriorum scriptorum opinionibus abrepti antiquis libris alienam obtrudamus sententiam. Duo saltem loca sunt, ad quae maxime prouocat Anquetilius, quibus scilicet tempus sine finibus (*Zeruané akerené*) commemoratur, ipsius Oromazis origo. Primus est in libro Vendidad Sect. XIX. q), quo loco Oromazes Ahrimanium alloquitur: "Naturam excellentissimam, tempus sine finibus ipsum produxisse, vt similiter primi ordinis Genios." Hic igitur *Tempus* putant esse principium Oromaze superius, adeoque summum aeternumque Deum, qui tam Ahrimanium quam Amshaspandos, (immortales dicere liceat) adeoque ipsum Oromazen produxerit. — Non caret veri specie haec ratio; sed primum titulus ille nihil aliud est, nisi summus, praestantissimus, nec isti Tempori proprius, sed centies Oromazi tribuitur, vnde Foucherius (Anh. I, 1. 285.) de Oromaze totum locum intelligit. Deinde, quanquam concedam de Tempore s. Zaruam intelligendum esse, quod alias nunquam ab Oromaze productus esse dicitur Ahrimanius, tamen non video, cur de natura *intelligente* sit cogitandum, cum simplex sit sententia, Ahrimanium aequae ac Immortales, ipsumque Oromazen, aeternum esse, ab aeternitate procreatum, quo modo etiam Foucherius intellexit. Alter locus est ex *Izeshne* T.I. P. I. p. 180. vbi ignis ab initio agens inuocatur, "principium vnionis inter Oromazen *et* naturam praestantissimam." r) Sed neque hic naturam intelligentem aut numen supremum innui, mihi persuadeo. Spectat enim hoc siue ad ignis sanctitatem declarandam, quem, cum ab antiquissimis temporibus inprimis cultus fuisset apud Persas, ipso Oromaze sanctiorem quodammodo haberent, vnde etiam apud Xenophontem *ἑστία* Joui praeponitur; siue ad dogma Magorum de luce primigenia, in qua extitisse, cuius naturam habere dicitur Oromazes s). Haec medium siue vinculum est inter Oromazen et aeterni-

q) T. I. P. 2. p. 414. *l'être absorbé dans l'excellence t'a donné, le tems sans bornes t'a donné, il a aussi donné avec grandeur les Amshaspands.*

r) *Feu agissant dès le commencement, principe d'union entre Ormusd et l'être absorbé dans l'excellence, ce que j'ai la discretion de ne pas expliquer.*

s) Bundeheesch. T. I, 2. p. 168. T. II. 343.

aeternitatem, quatenus ex luce et in luce ab aeterno extitit; quod cum difficile profecto sit explicatu, non mirum addere auctorem, se hoc non intelligere. Sed totus hic locus, cum sit ex liturgico libro, dubium an sit Zoroastricus, et fateor istud *principe d'union* subtilius mihi videri, quam vt ab antiquissimo philosopho profectum putem.

Plura alia loca in Indice T. II. sub voce *Tems sans bornes* cumulauit Anquetilius, quae facile inducere possint incautum lectorem, cum tot locis ea tribui huic tempori videat, quae summum numen manifesto describant. Verum si accurate singula examines, ne vnicum quidem quidquam monotheismo praesidii adferre videbis, cum aut de Tempore siue Zaruam non agant, aut ea contineant, quae summum numen illud esse minime innuant. Sic v. c. Tempori tribuit, quod coelum condiderit, laudans T. I. 2. 415. Verum ibi coelum dicitur a Deo conditum, h. e. Oromaze. Porro auem super mundo vigilantem ad Tempus refert (T. II, 6. 321), cum tamen ista aut ad Ram, XXI^m diei Genium, aut, quod iam supra observavi, ad Oromazen spectent; minime ad Tempus siue aeternitatem, quae interiectis verbis: *revolution du ciel*, ab istis separatur. Mirum profecto, viros doctos, qui alibi Theopompi locum de Deo quiescente ad numen aeternum, rerum mundanarum tranquillum spectatorem, retulissent, nunc loca Zendica de numine vigilante et a sublimi agente ad eandem naturam trahere, quae manifesto repugnant. Alia loca in Append. Z. Av. I, 1. p. 197. laudatis, e quibus lucis primigeniae &c. auctorem esse tempus probat Anquetil. horum nihil continere cuius inspicienti patet. — Porro ubicunque commemoratur Zaruam s. Tempus infinitum, ita describitur, vt non de summo rerum auctore, sed de tempore ante mundum conditum, siue aeternitate intelligendum esse appareat. Precibus quidem inuocatur, sed nunquam, vt fas erat, ante Oromazen, sed post alios genios, et componitur fere cum coelo, et mundi periodo et tempore a Deo productum t), vt manifestum sit, nihil esse nisi tempus. Scilicet vt coelum est immensum spatium, sic Zaruam tempus immensum; hoc autem antemundanum tempus in precibus commemorari, non mirum, cum

in

t) Vid. Z. Av. T. I. P. 2. p. 415. 416. T. II. p. 6. 10. 321. 331.

in religione Magorum etiam alia temporis spatia inuocentur, et singulis anni partibus, mensibus, diebus, sui genii adsignati sint tutelares.

Sunt praeterea in libris Zendicis multa, quae nullum principium Oromaze superius, auctori cognitum fuisse, aperte declarant. Oromazes semper est primus, omnium bonorum perfectissimus, rerum auctor (T. II. 262), qui in luce primigenia extitit (I, 2. 168), natura omnia complectens (I, 2. 118). Tempore autem infinito nullae in condendo mundo, aut instruendo Oromaze partes tribuuntur; nam quod Anquetilius in Indice (voc. *Temps sans bornes*) commemorat, Oromazem esse huius aeterni numinis legatum et auctoritatis depositarium, ne verbulo quidem ipso libro indicatur. Quod aiunt, nullum Feruer, s. animam et vitae principium Tempori tribui (T. II. p. 262. n. 3) tantum abest, ut summum principium designet, ut potius manifesto innuat, Zoroastrem, qui omnibus rebus, agendi vi praeditis, vitae principium tribuit, Tempus istud pro re inerti, sensu et actione destituta habuisse. Denique insigni loco (I. P. 2. 164), quo Ahrimanius finito hoc rerum ordine emendandus describitur, Oromazi laudes dicturus esse fertur, non Tempori, cui tamen originem debebat. Accedit quod nec in serioribus libris ullum sit eiusmodi numinis vestigium. Nam Cosmogoniae (Bundeheesch) initio satis clare docetur Dualismus, et in particula precum Pehlevica (T. II. p. 25) Oromazes perpetuo extitisse dicitur. Neque vel nunc Parsi quidquam Oromaze superius aut norunt aut precibus et cultu prosequuntur. Omnis ista, de summo Zoroastris principio, opinio solis nititur seriorum scriptorum orientalium testimoniis, quibus inducti viri docti hanc sententiam tam in antiquis scriptoribus, quam in libris Zendicis reperire sibi visi sunt; unde Anquetilius retrogrado ordine a recentioribus incipit demonstrationem, quod profecto nulla crisis probauerit.

Zoroaster igitur, quantum e libris Zendicis et veterum scriptorum fide constat, duplex esse statuebat rerum principium, bonum et malum, siue Oromazen et Ahrimanium, h. e. summum regem et prauum ^{u)}, quorum istum in luce, hunc in tenebris esse dicebat, symbolice

^{u)} Hoc enim significant nomina Zendica Ehoréhé Mezdâo et Engréhé meeniéosh; posterius proprie est: mersus vitiis, *caché dans le crime*. vid. Anquet. Z. Av. T. I, 1. p. 81.

bolice bonitatem vt videtur s. perfectionem et prauitatem designans. Hos genitos esse ■ tempore infinito, (Zaruam, Zeruané akerené) h. e. aeternos esse, aut saltem priores omnibus naturis, adeoque malum deum ab Oromaze non procreatum. Caeterum, vtrum coaeterna sint haec principia, vnde ortae illae tenebrae et lux primigenia, quomodo malus factus sit Ahrimanius, non videtur definiisse. Hoc tantum apparet, Oromazen summum ipsi Deum esse, vnicum et primum bonorum rerum auctorem, Ahrimanio longe superiorem adeoque vnice colendum. Huc spectant veterum loca, το πρῶτον γεννησαν αριστον, apud Aristotelem et quod Θεον dicunt Oromazen, Ahrimanem δαιμόνα; porro quod de geniis ■ Deo creatis Plutarchus memorat, ante malos daemones ab Ahrimanio productos; denique quod solus Jupiter siue Oromazes ab historicis nominatur, nulla facta Ahrimani mentione, quod ille solus coleretur. De Ahrimani, omnis mali tam physici, quam moralis auctore, eiusque contra bonum Deum moliminibus, pleni sunt libri Zendici (cf. Vendidad init.), de natura eius, vt dixi, nihil definiunt, ■ ab initio natura sua prauus fuerit, aut quomodo factus, quanquam ad istud ducere videtur locus Izeschne (T. I, 1. 139), quo initio mundi coelestis prauum se fuisse fatetur Ahriman, et quod (Bundehesch init.) in tenebris primis extitisse dicitur, ingentem prauitatem designare videtur *). Frangetur aliquando Ahrimani vis et omnia ab Oromaze producta ad pristinam puritatem restituentur, ipsius tamen omnium malorum auctoris, quodnam fatum futurum sit, in ambiguo relinquunt libri Zendici. Aliquando eum emendatum iri existimant e loco Vendidad Sade (T. I, 2. 164), vbi dicitur, in fine mundi fore, vt pessimus prauorum (*des Darvands*) purus fiat et Oromazen laudet; sed potest hoc intelligi de prauis hominibus, qui eodem Darvand nomine adpellantur. Alius locus, p. 169. **) fortasse non ad Ahrimanium spectat, sed ad regem Tura-

*) Eum ab initio bonum nouisse, quod in indice et Tom. I. 193. n. 1. posuit Anquetil. ex alia versione, vix verum est, quum eadem pagina dicatur nil nisi malum nosse. Altera autem interpretatio confirmatur loco simili I, 2. p. 403.

**) Cet injuste, cet impur, qui n'est que Dew dans ses pensees, ce roi ténébreux des Darvands — executant la loi il l'établira même dans les demeures des Darvands.

Turaniorum, qui legem Zoroastris recepturus sit. Saltem plures Magorum, monente Anquetilio (T. II. p. 415. n. 3), omnes malos genies atque ipsum Ahrimanem in nihilum redactum iri credunt, quod etiam testatur, vt supra vidimus, Theopompus. Hos igitur aliter intellexisse apparet. Caeterum facile potuit ex eiusmodi locis et ex alio (I, 2. 202), vbi Zoroaster optat, vt ipse Ahrimanius legem suam recipiat, sententia oriri de Ahrimanio aliquando in melius mutando, quae in Bundehesch (II. p. 416) manifesto docetur. Etenim, cum senel ex Zoroastris disciplina omnia pura fore et bona, vt ab initio ■ bono Deo condita fuerant, constaret, pronum erat hanc ἀποκαταστασιν ad ipsum mali auctorem traducere.

Haec autem placitorum Zoroastris ambiguitas, in vetere philosopho facile excusanda, qui inculto sermone et ingenio ad subtilitatem metaphysicam non composito, super rerum principiis philosopharetur, largam praebere debuit serioribus Magis disputandi materiam. Vtitur ille in describendis istis ἀρχαῖς voce *dethe* s. *detehe*, perfice دد, *dedit*; Tempus infinitum dedisse Ahrimanium, Oromazi et Ahrimanio ab initio existentiam datam esse x); quod ex sermone vetusto vix aliud significat, nisi ab aeternitate procreatos esse h. e. existere ab aeterno, aeternos esse, plane vt in Graecorum veterum cosmogoniis γεννᾶν ponitur, et v. c. Cronus Jouem generasse, Nox terram dicitur y). Verum seriores Magi non attenti, vt fit, ad veteris sermonis rationes, inprimis cum vocem *dedit* de procreatione reliquarum rerum ab Oromaze, adhibitam viderent, tempus istud de subiecto quodam et natura agente partim intellexerunt. Hinc Hecataeus (ap. Diog. Laert. Prooem.) deos Persarum dixerat esse γεννῆτας, quanquam hoc de geniis, ab Oromaze procreatis, intelligi potest; hinc ■ Chosroe, teste Agathia, disputabatur, vtrum vnum primum principium statuendum sit. Hinc denique variae Magorum sectae, quas

x) Anh. z. Z. Av. I, 1. p. 203. Anquet. Z. Av. I, 1. p. 414. T. II. 344.

y) Hinc factum, vt Zaruam (tempus) per Κρονον verterint Graeci, dum Cronum coluisse Persas referunt, vt Berosus, Athenocles, Symmachus apud Agath. hist. p. 58. Vulcan. Eodem spectat locus apud Mosen Chorenensem (p. 16. Whiston.), quo ζερασιν τιταν ιαπετος τε commemorantur, permutato Zaruam cum Κρονω. Chaldaicum istum librum ■ graeco fonte fluxisse vel ex hoc manifestum est.

quas ad septuaginta numerat Scharifstanius, qui seculo p. C. XII. de religionibus Asiae diligentissime scripsit. Etenim postquam restituta sub Sassanidis vetere religione super Zoroastris placitis philosophari coepissent, non poterant non in diuersas discedere sectas, quarum suae quaeque sententiae in Zoroastris scriptis praesidia inueniret; vt fieri videmus apud omnes gentes, quae scriptis libris vtuntur religionis fundamento. Ab hoc inde tempore, inprimis post euersum ab Arabibus Sassanidarum imperium, frequens $\tau\eta\varsigma$ Zaruam, siue primi principii, Oromaze superioris, mentio, cum et ipsi Persae a polytheismi crimine religiones suas liberaturi, ad Islamismum se conformarent, et scriptores Arabes Persarum dogmata suo modo efferrent. Quam diuersa tum de origine mali, de hoc enim maxime quaerebatur, senserint Magi, docet idem Scharifstanius z). Alii duo principia statuebant coaeterna, alii Lucem s. bonum principium, aeternum, malum s. tenebras productas. Hi, quum difficile esset explicatu, quomodo a bono principio malum ortum sit, varie iterum statuebant. Alii Kaiomarthitae primos fuisse Oromazen et Ahrimanium, quem e dubitatione boni Dei ortum esse a); Zeruaitae autem Lucem primum principium faciebant, a quo productas esse plures naturas intelligentes, perfectas, quarum praecipuam Zeruam produxisse tam Ahrimanium, quam Oromazen; horum istum priorem prognatum esse e cogitatione: mundum esse imperfectum. Hi ergo Ahrimanium Oromaze priorem statuebant, et ad huius sectae sententiam adumbratam esse fortasse Theodori, $\tau\eta\varsigma$ Zaruam Deos enitentis descriptionem, supra monui, et obseruauit iam Hyde ad h. l. quanquam ibi simplicior est ratio; nulla lucis mentio, et simul prodeunt Dii. Caeterum apparet, haec non esse, nisi interpretum commenta e luce primigenia, quae in sacris Magorum libris commemoratur, et a tempore infinito, quod Oromazen et Ahrimanium procreasse dicitur, conficta. — Ab his discedebant Zerduschtitarum secta, quam praecipuam dicit Scharifstanius. Hi igitur primum aliquem Deum statuebant luce et tene-

S 2

bris

z) Apud Hyde de relig. vett. Pers. p. 295 sqq.

a) Quae de Zeruam magno hic habet, obscura sunt et male intellecta siue auctori siue Hydeo. Videtur enim de homine poni, quum sine dubio sit *Zeruane akerene* s. tempus infinitum. Hoc fortasse voluit, Zaruam esse primam naturam inter deos, vt Kaiomoras inter homines.

bris, Oromaze et Ahrimanio priorem et vtriusque auctorem. Paullo obscurior est locus, sed huc redire videntur, quae de huius sectae placitis narrantur.

- 1) Deus vnus et summus creauit lucem et tenebras; quae nisi repugnare velis sequentibus, de mundo spiritali et materiali intelligenda sunt.
- 2) Ad Deum **non** referenda existentia tenebrarum (i. e. mali, s. materiae, quatenus ex eius natura malum oritur). Ipse enim lucem instituit vt originale quiddam (h. e. ipse omnia bona primitus instituit, mundum spiritualem producendo.) Sed
- 3) bonum et malum ortum ■ mistione lucis et tenebrarum (spiritus et materiae), quae ad condendum mundum (corporeum) erat necessaria. Malum adeo non ex intentione auctoris, sed e naturali rerum corporearum conditione consequens, bonum comitatur, vt umbra corpus. Deus igitur, quanquam haec praeuiderit, et pro arbitrio in singulis rebus temperauerit, tamen mali auctor non dicendus.
- 4) Nunc inter vtrumque (spiritum et materiam) perpetuum est diffidium, sed aliquando separabuntur, quodque in suum mundum diuertens, atque ita fiet boni liberatio.

Ita exponendus videtur locus haud parum perplexus, siue auctoris, siue Hydei inconcinne vertentis culpa, et ■ viris doctis non satis intellectus *b*). Manifestum est hanc sectam superius luce et tenebris, quae ipsis cum Oromaze et Ahrimanio idem fuisse videntur, principium statuisse. Sed quis non videt, totam hanc declarationem Islamismum sapere et seriorum temporum subtilitatem, cum et Deus dicatur sine socio et pari aut simili, phrasibus apud Muhammedanos frequentatissimis, et tenebrae pro materia sumantur, quod a prisca Zoroastris simplicitate est alienum. Quod Zerduschti doctrinam se profiteri iactabant isti magistri, non magis probat haec esse a Zoroastris institutione accepta, quam Phariseorum, commenta sua ■ Mose repetentium, iactantia. Omnino videmus eas sectas, quae libris scriptis

b) Vid. Wolf. Manichaeismus ante Man. p. 55. Beausobre hist. des Manich. I. p. 175. Anquet. Anh. z. Z. Av. I, I. p. 187.

scriptis vtuntur, ita maxime primorum auctorum nomina suis placitis praetexere, vt ipsae de suo ingenio plura addiderint. — Eadem monenda de Abulfeda et Ebn Schona, similiter Zoroastrem Deum gemino principio priorem statuisse referentibus, antea Dualismum obtinuisse *c*); hi enim, quum Scharistanium exscripserint, pro nouis in hac causa testibus non sunt habendi. Neque aliter censendum de Zoroastricae doctrinae expositione, quam sub titulo Vlema Eslam laudat Anquetilius, a responsis docti cuiusdam Magi hausta *d*). Nam quae ibi leguntur: in lege Zoroastris Deum (Oromazen) a tempore procreatum declarari, verum creatorem esse Tempus, Oromazen esse ex igne et aqua compositum et luce fulgere purissima, haec omnia, e meo quidem sensu, manifesto produnt auctorem ad monotheismum Muhammedanorum, quibuscum disputabat, suae religionis placita vt-cunque componentem. In ipsis enim perfici cultus monumentis, vt vidimus, nil tale reperitur, neque aut illi, aut veterum narrationes vllum numen Oromaze superius agnoscunt.

Prolixiores fuimus in his exponendis; in reliquis breuioribus esse licebit, et quum haec a viris doctis satis sint illustrata, rerum summam attingere. Rerum creatarum, secundum Zoroastrem, duplex erat series, intellectualium et corporearum, quae iterum, prout a bono maloue principio procreata sunt, aut bona sunt aut mala. Primus Oromazes sex Deos, siue immortales (Amschaspand) produxit, quibus totidem malos genios opposuit Ahrimanius. Deinde XXIV genios inferioris ordinis, Ized appellant, mensium et dierum praesides; denique animarum humanarum (*Feruer*) innumeram multitudinem. Ahrimanius contra magnam malorum geniorum turbam produxit. Haec est duplex illa συστοιχία των κρειττονων apud Damascium, siue mundi intellectualis duplex ordo. Postquam in hoc intellectuali mundo per tria annorum millia solus regnasset Oromazes *e*), ad res corporeas condendas processit, coelum, ignem, aquam, terram, arbores, animalia, hominem, per certa interualla, ad numerum

S 3

dierum

c) Ap. Pocock, Spec. Hist. Ar. p. 143. 148. Hyde p. 163.

d) Z. Av. T. II. 344. 345.

e) Hamza Isphahan. Z. Av. T. II. 252. Theopomp. ap. Plutarch. l. c.

dierum anni solaris descripta *f*), produciens, atque in hoc mundo puro, nulla dum malorum labe infecto, alios ter mille annos solus regnavit. Cum septimo autem millenario Ahrimanius, qui adhuc cum geniiis suis in tenebris versatus erat, mundum infestare coepit. Prima animantia in terram demissa, Taurus primigenius homoque ex illo ortus, ab Ahrimanio victi et necati, originem dederunt hominibus, animalibus et plantis *g*), de quibus omnibus miras fabulas et serioribus additamentis, ut videtur, corruptas, nolo repetere *h*). Ab hoc inde tempore incipit pugna lucis et tenebrarum s. Oromazis et Ahrimani per VI mille annos continuanda, quibus hic omnimodo mundum malis corrumpere et ad mala facienda homines perducere studet. Sed per tria annorum millia diuisum erit inter vtrumque imperium, aliis tribus M. superior erit Ahrimanius, donec finito XII mille annorum spatio omnia mala dispereant, fractaque Ahrimani vi mortui resurgant et omnia ad pristinam puritatem restituantur.

Sed sunt etiam in his, quae nimis subtiliter tradi mihi videntur a viris doctis, quorum tamen vnum tantum et alterum attingere licet. Procreasse dicitur vniuersum mundum Oromazes verbo suo, *Honover*, de quo mira et magnifica praedicant libri Zendici. Scilicet hoc pronuntiasse Oromazen dum mundum conderet et continuo meditari et pronuntiare *i*); prius illud fuisse coelo, aqua, terra, igne, geniiisque malis *k*). Etiam animus illi tribuitur, et precibus inuocatur (T. II. 262). Ex his locis putant Verbum hoc esse naturam Oromaze priorem, inter hunc et primum principium (Zaruam) quasi mediam, quo ipse Oromazes sit productus *l*). Sed nisi subtilitates sequamur, a libri tam antiqui auctore alienas, nihil aliud significare videtur, nisi, quod ipsum nomen prodit, voluntatem Oromazis in condendo mundo efficacem. *Honover* enim, ipso Anquetilio interprete, est purum desiderium s. pura voluntas (T. I. 2. 85. n. 4). Atque hic sensus est, ubi de mundi creatione sermo est. Alibi indicat formulam Persis frequen-

f) Bundeheesch Z. Av. T. II. 348. p. 400.

g) Z. Av. T. I, 2. p. 86. 87. T. II. 242. 387.

h) Vid. Anquet. *Anh. z.* Z. Av. I, 1. p. 251 sqq.

i) Z. Av. T. I, 2. p. 139. 140. 412. T. II. 151.

k) p. 138.

l) Anquet. *Anhang. I, 1.* 230. Kleuk. *Zendavesta im Kleinen*, P. II. p. 4.

mento, quam ferioris sophistae, Vlema Eslam auctoris, commento, *p*) supra iam laudato, ex ignis et aquae primigeniae mixtione ortum esse Oromazem; quod mireris tantopere probasse et nouis subtilitatibus exornasse viros doctos. Nam, ne dicam, nemini vnquam in mentem venisse, ex igne et aqua lucem prodire, et totum hoc ■ Zoroastris simplicitate alienum esse, quem, cum Deo corpus et linguam aliaque anthropopathice tribuat, aquam et ignem spirituales quasi, et materiae expertem animo concepisse, vix est credibile; in libris Zendicis nullum certum eiusmodi virtutum Oromaze priorum occurrit vestigium. Perpetuo ibi aqua et ignis, vt Oromazis dona vel ab ipso procreata, celebrantur, quae cur alia elementa secundaria concipias, nulla est caussa. Quae enim de igne et aqua magnifice praedicantur, non sunt talia, vt naturas Oromaze priores designent, modo hyperbolicam et in laudibus profusam horum librorum rationem cogites, qui cum saepe inferioris ordinis genios iisdem quibus Oromazen encomiis prosequantur, non mirum, si ignis et aquae naturas, quae inprimis sacrae erant Persis, vbi vt pura elementa precibus inuocantur, splendidis titulis ornent. Sic aquae purae inuocantur, quae ab initio fuerint, et ex alto veniant *q*); sed non video, cur hic aliud intelligendum, nisi aqua elementaris, siue pluuiam cogites, siue ex mythologica Zoroastris ratione, aquam Arduisur ab Oromazis folio, vel monte Albors descendentem *r*). Aquae autem, quas tempus dulces et salutare fecit (T. II. p. 183) vix aliud sunt, quam fluuii et riui, quos sacros fuisse Persis notum est. Concidit igitur hoc de aqua primigenia, siue femineo principio, Oromaze superiore, commentum. Ignis vtique vnico loco, supra laudato (T. I, 2. p. 180), dicitur agens ab initio, et principium vnionis Oromazen inter et aeternitatem, quae verba, si sunt ■ Zoroastre profecta, et ab Anquetilio recte intellecta, quod dubitari posse iam monui supra, sublimiorem aliquam notionem inuoluunt ignis aeterni. Sed ex eiusmodi carmine, quod encomia ignis, sanctissimi apud Persas numinis, continet, non satis tuto licet dogmata metaphysica exsculpere. Cum fortasse ductum sit hoc omne ex antiquissimo ignis cultu, vnde

p) Z. Av. T. II. p. 344.
r) T. I, 2. 85. T. II. 65.

q) T. I, 2. p. 255.

vnde factum, vt hunc ante Oromazen inuocarent, et in indigitamentis tam magnificis titulis salutarent. — De luce primigenia insignem locum (T. I, 2. 278) laudat Anquetil., quo commemoratur lux a Deo data, sublimis, splendens, data (ab initio), quae per se luceat, per quam videant (luceant) astra, luna et sol. Hic tamen, si ipsa libri verba teneas s), lux prima describi videtur ab Oromaze procreata, neque differre haec descriptio a ratione veterum, lucem pro materia habentium, quae vel sine lucidis corporibus extiterit, iisque quasi receptaculis contineatur. Sic apud Mosen lux prima rerum creatur, et in Orphicis est Phanes *πρωτογονος*. Cum tamen alibi Oromazes in luce prima fuisse, et lucidum corpus habere dicatur t), facile erat concipere lucem primigeniam, vnde iam Eudemi et Plutarchi aetate Magorum quidam lucem Oromaze priorem esse statuebant, et Zeruanitarum secta apud Scharistanium. Vtut autem lucem et ignem primigenium ad Zoroastris aut Magorum placita referas, ista tamen de primo principio masculino et femineo, et de Oromazis geniorumque ex his formatione, a prisca Zoroastris ratione abhorreere videntur. Quod enim genios masculini et feminini sexus coluerunt Persae, quamquam ad vim actiuam et passiuam respicere fatear, non tamen ab aliarum gentium institutis diuersum putem, neque ad eiusmodi rationes metaphysicas exigendum.

Religionum autem Zoroastricarum summa haec est: Oromazen, bonum Deum, omnis boni et puri auctorem esse; hunc mentis, sermonis et actionum puritate colendum, et genios bonos, elementa omniaque ab ipso producta sancta habenda; Ahrimanium contra, eiusque opera et genios fugiendos et odio belloque perpetuo prosequendos, ad promouendam boni de malo victoriam. Huc etiam ritus

s) Omisso scil. *ab initio*, quod Anquet. inseruit. Idem *a Deo data* ad summum, quod statuit, numen refert, quae tamen ad Oromazen referenda esse docet alius locus T. II. p. 332. vbi lux dicitur sublimis pura, creatrix, ab Oromaze data. cf. T. I, 2. p. 88.

t) Sic intelligo Z. Av. T. I, 2. 180. vbi inuocatur Oromazes corpus corporum, lux prima omnibus sublimior. — Etiam apud Porphyrium Pythagoras Deum Oromazen quoad corpus luci similem esse, a Magis acceperat.

tus referuntur, de quibus vid. Anquet. et Kleuker. Bonorum hominum animae post obitum super pontem Tschinevad ad beatas Deorum sedes ibunt, improborum in infernum detrudentur (Zendav. T. I, 2. 409. 417 sq.), donec finito seculorum decursu mortui resurgant, planeque victo Ahrimanio orbis terrarum in puram purorum hominum habitationem mutetur. Addit Bundehesch T. II. 414. 415. fore ut etiam mali homines et daemones in melius mutati redimantur, atque ipsae inferorum sedes in loca felicitatis plena conuertantur, quae tamen cum iis, quae Theopompus et Plutarchus tradiderunt, non valde consentire supra iam observatum est.

Nunc videamus vnde ducta sint haec, et quomodo notionibus inter populares suos receptis usus sit Zoroaster ad condendas et commendandas novas religiones, in quo paucis speciminibus defungi liceat.

1. Praecipuum religionis Zoroastricae caput, duplex συστοιχία των κρειττονων, siue dogma de geniis bonis et malis vnde ortum sit, haud difficile est indicare. Etenim apud omnes fere rudes populos daemones siue genii cogitari solent, quos bonorum malorumque auctores, caussarum ignoratio et rerum naturae imperitia fingit. Hos Africae incolae Fetissos adpellant, Romani variis nominibus genios lemures, laruas dixerunt, Graecorum viuidius ingenium in varias Deorum, Panum, Satyrorum, Nympharum classes descripsit. Neque dubium in Persia Mediaque eiusmodi superstitiones extitisse, cum plena sint iis Persarum carmina et fabulae, et vel nunc Diui et Peri poetis memorentur. Cum autem ab antiquissimis temporibus coelum, astra, sol, ignis colerentur, pronum erat bonos genios lucidos et igneos cogitare, malos contra nigros, tenebrosos, ut omnino lux apud omnes gentes felicitatis, puritatis, veritatis imagines praebet, ipsa natura docente, tenebrae autem impuritatis et sic porro. Accedebat quod in septentrionalibus plagis Scytharum et Turcorum sedes essent, veterum Mediae hostium; erant ergo istarum regionum genii hostiles et infensi, et, ob situm regionis, tenebricosi, ut contra Oromazes, siue Sol is olim fuerit, siue coelum, et Medorum numina lucida cogitabantur.

Iam

Iam Zoroaster qualicumque philosophia instructus cum super boni malique origine meditari inciperet, his notionibus ita usus est, ut systema quoddam conderet bonorum malorumque geniorum, Oromazen bonum Deum, lucidae naturae inducens, bonorum geniorum omnisque boni auctorem; huic aduersum Ahrimanium cum suis daemonibus, a quibus, quidquid sit in mundo mali tum physici, tum moralis, ortum esse; sic sibi visus a Deo bono malorum causam remouisse. Ad seriem et gradus Deorum facile deducebat imperii Asiatici forma, ut pronum humanae imbecillitati, diuina comparare humanis. Adeoque ut Graeci concilium Deorum fingeant Jove praefide et moderatore de rebus humanis consultantium, sic ipsi duo erant Dei regum instar cum variis ministrorum ordinibus, quorum cuique sua demandata esset prouincia, res terrenas administrantes, et perpetuo bello depugnantes, imagine ducta a Turcorum siue Turaniorum regibus, quibuscum perpetua Medis bella exercenda erant. Duodecim mille annorum spatium, per quod varia fortuna utrumque Deum pugnaturum esse statuebat, donec apud bonum tandem Deum futura sit victoria, a duodecim zodiaci signis sine dubio petitem, quod ostendunt loca Bundehesch c. 34. et Hamzae Ispahanensis (ap. Anquet. Z. Av. II. 353), singula signa cum singulis millenariis comparantis, quanquam astrologicas huius cycli rationes, deperditis huius argumenti Zoroastris libris, accuratius indicare non licet.

2. Cur septem immortales s. Amschaspondos conceperit, h. e. Oromazen cum sex proceribus quasi Deorum, throno eius adstantibus, obscurior est quaestio. In procliui est responsio a septem planetarum numero ductum esse, inter quos ut Sol primus et praestantissimus elucet, coeli rex, sic Oromazen esse quidem a septem immortalium numero, sed reliquorum longe principem. Parum valere puto contra hanc rationem, quod VII planetae longe aliter describuntur et affixi iis dicuntur VII daemones mali. Namque hoc ex libro Bundehesch s. cosmogonia ductum, ubi VII stellae fixae tueri dicuntur VII planetas, senioris aetatis commentum esse, docent nomina Saturni et Veneris arabica u); alterum illud, de daemonibus affixis, ex Vlema Islam siue colloquio doctorum Arabum cum Mago quodam ha-

T 2

bito,

u) T. II. Z. Av. p. 356. n. V.

bito, plane Islamismum sapit x). Grauius est quod attributa horum immortalium cum planetis ipsis non conueniunt, et est inter illos Sapandomad, terrae genius, quae profecto antiquitus planetis adnumerata non fuit.

Aliam rationem sequitur Persa, confessionis Iranensis auctor (Anquet. Z. Av. II. p. 42 sq.), septem immortales ad septem rerum creatarum genera referens, hominem, animalia, ignem, metalla, terram, aquam, arbores. Ingeniose profecto, conuenit enim hoc cum attributis immortalium, v. c. quod Sapandomad terrae genius est, Amerdad arborum &c. et potuit sane Zoroastres res terrestres omnes in VII classes distribuere et singulis prouinciis suum tribuere praesidem, ita vt ipse Oromazes naturas intelligentes curet, Bahman reliqua viuientia, Ardibehescht ignem et sic porro. Sed ne memorem exiguam esse huius libelli auctoritatem, qui, recentiore Persica lingua conscriptus immixto Pehlevico, seculo VII posterior esse debet, vix putauerim attributa ista cum antiqua Zoroastris ratione conuenire. Etenim Ardibehescht igni praeesse in libris Zendicis non reperio, Khordad autem nomine a luce ducto aliam prodit significationem, et hic quidem annorum, mensium et dierum rex dicitur, quod in aquam, cui praeesse deberet, neutiquam conuenit.

Septem principes imperii Persici, a Dario inde Hytaspis filio institutos, originem dedisse VII immortalium numero, acuta est recentiorum scriptorum coniectura. Obstare tamen videtur, quod hi principes in libris Hebraeorum septem numero commemorantur, a rege diuersi. Ezr. VII, 14. Esth. I, 10. immortales autem sex tantum sunt praeter Oromazen. Sumendum igitur primo, Zaruam s. aeternitatem cum rege comparari, adeoque summi numinis loco habendam; deinde, post Hytaspiden ad regiam dignitatem euectum scripsisse Zoroastrem; quorum neutrum mihi probabile videri, supra professus sum. Equidem si omnino rei obscurae et antiquissimae causas adferre licet, antiquam rationem praetulerim, quam Plutarchus suggerit, optimis ille, vt totus locus declarat, auctoribus vsus et in hoc fortasse Hermippum secutus. Is igitur sex Deos explicat, εὐνοίας, ἀλη-

x) l. c. p. 339.

ἀληθείας, εὐνομίας, σοφίας, πλῆττα, δημιουργὸν ἰδίων ἐπὶ τοῖς καλοῖς, f. voluptatis de rebus honestis auctorem, ex quo apparet, nominibus istis attributa innui summi numinis siue Oromazis, in personas mutata, quod optime conuenit cum nominum significatione, ap. Anqu. Z. Av. T. I, 2. p. 81. et cum ipsorum librorum descriptione, T. II. 153. 154. 317. y). Nihil hic de tutela bestiarum, arborum, ignis &c. nisi quod Schariver metallis praesidere dicitur, quod quo spectet, ignoro, si illo vocabulo εὐνομία, aut secundum Anquetilium bona mentis dispositio significatur. — Confirmatur hoc Daemonum oppositorum nominibus, quae Anquetilius in *diff. de system. Zoroastris* explicat (*Anh. 2. Z. Av. I, 1. p. 148*). Nihil in his quod rerum creatarum classibus respondeat, omnes contra significationem habent moralem, vitiorum scilicet, istis virtutibus oppositorum. Putauerim igitur VII immortales ad virtutes diuinas spectare, numerum autem ductum esse a sacro planetarum numero. Hinc esse quod Oromazes ipse septem immortalibus adnumeratur, et quod septem isti primis septem mensis diebus praesident.

3. Reliqui dii ab elementis ducti sunt et rerum naturae partibus, vt igne, aqua, sole, luna, Sirio, vento, coelo, terra, luce, quae antiquitus sacra erant popularibus suis, aut ad virtutes spectant et mythologiam veterem, vt Gofchorun; numerus e mensis dierum numero descriptus. Sed his non opus est pluribus immorari.

4. Singularis plane est notio idearum siue animarum, *Feruer* dicunt Persae, quae omnibus rebus animatis, ipsi etiam Oromazi tribuuntur, vnde cum ideis Platonicis comparandas esse existimant viri docti z). Verum cum his nihil commune habent Ferueri Zoroastris, quae nihil aliud sunt nisi animae humanae, quas ab initio creauit Oromazes, quaeque, anteaquam corporibus iungerentur, copiarum coelestium maximam partem efficiebant. Etenim cum animam post mortem perdurare persuasum esset Zoroastri, procliue erat, etiam ante corpus existentem concipere. Dicuntur illae in libris Zendi-

T 3

cis

y) Videtur tamen Plutarchus duorum, qui vltimo loco sunt, nomina permixtasse. Amerdad enim potius est diuitiarum auctor, e librorum Zendicorum fide, quanquam in Jescht Averdada idem Khordado tribuitur.

z) v. Anqu. Z. Av. T. I, 2. p. 83. et Anhang T. I. 1,

cis pugnare contra daemones (Z. Av. T. II. 261), tueri bonos (251), felicitatem praebere (T. I, 2. 419), viuere in coelo (II. 252), inuigilare anni temporibus (I, 2. p. 83. 91), preces perferre ad Oromazen (II. 286). Inuocantur animae nondum natorum (I, 2. p. 247), mortuorum et viuentium (II. 250), sanctorum (251), quae omnia plane diuersa sunt ab ideis Platonis, et veras animas designant. — Iam quum animus in homine sit cogitandi et agendi principium prouinciatum erat etiam ad alias res transferre, in quibus aliquod agendi principium cogitari posset, vt lucem, solem, animalia, montes, prouincias (T. II. 272. 275 sq.), atque horum animos, quasi genios quosdam, his rebus praepositos, precibus inuocare. Quod autem Oromazi et immortalibus animi tribuuntur, ex anthropopathica ratione, apud omnes gentes sollenni, fieri, in aprico est. Facile ergo caremus istis subtilitatibus, quamuis ingeniosis, quae leguntur in Z. Av. Epitome germanica P. III. p. 67.

5. Ad fabulas ex auita religione haustas inprimis referendus est Taurus ille primigenius, ex quo omnia orta dicuntur, miro et portentoso commento. Anquetilius quidem Tauri signum coeleste huic mytho originem dedisse suspicatur, in quod cum olim vernalis aequinoctium incidit, e tauro omnes plantas, arbores, fructus prodiisse, fixisse Zoroastrem. Sed cum apud plures gentes ob agriculturae usum sacer esset Taurus, vt apud Persas equis etiam praeponeretur, potuit iam apud veteres Magos taurus esse foecunditatis symbolum, et mythice omnia e tauro orta esse dici. Totam enim fabulam a Zoroastre repertam esse vix mihi persuadeo, cum inconditis figmentis rudem hominum aetatem prodat, et simillima sit mythorum, qui apud alias gentes, Babylonios, Indos, de rerum origine fingerentur. Caeterum ex mythica hac Tauri dignitate ductus sine dubio frequens lotii bubuli in ablutionibus usus, Zoroastre ad opiniones vulgi praecepta sua accommodante. — Cum hac fabula cohaeret altera de primo homine, qui e tauro prodiit, ex quo iterum reliqui homines per Meschia et Meschiane orti sint; quae nec ipsa a Zoroastre reperta esse videtur, cum nec inter se cohaereant ea, quae de Meschia s. homine et femina prima traduntur, et in solo Bundehesch haec commemorantur.

Suspi-

Susplicari possis quaedam hic adsuta esse e Judaeorum, de primorum hominum peccato, narrationibus. *a)*

6. Porro ex populari traditione ductus est Hom, diuus Homanes apud Strabonem, quem inter suos sapientia clarum et ad diuinos honores euectum Zoroaster primum religionum suarum auctorem prudenter perhibet *b)*, scilicet commendaturus eas vetusti herois auctoritate. Neque minus ad opiniones domesticas spectat, quod ■ septentrione veniunt daemones, quippe e regionibus ab hostibus veterum Medorum habitatis. Pugna contra serpentes et noxia animalia ad Mediam iterum spectat, bestiarum venenatarum feracem *c)*, quae vt imminuerentur, religione adhibita effecit Zoroaster, his persequendis iunari bonum numen, frangi Ahrimanii vim. Mons Albors, terrae umbilicus, ex quo prodierunt reliqui montes, et aquae per terram distribuuntur, ad quem sol et luna commeant, quique est Deorum sedes, Olympo similis *d)*, sine dubio ad religiones domesticas pertinet. Denique plura alia figmenta, de asino tripede, de auibus coelestibus et quae sunt reliqua, quae piget referre, quis putet ■ Zoroastre excogitata, ad celanda quaedam philosophemata? quis non potius e vulgi opinionibus hausta, et ad commendanda praecepta sua, scriptis intexta? Ea tantum ipsius ingenio deberi videbuntur, quae ad disciplinae summam spectant, vt de Deo bono maloque, de pugna contra malum, de iudicio, poenis et praemiis futuris, de mortuis suscitandis, omniumque rerum futura *αποκαταστασις*. Haec profecto ingenium produnt sublime et ultra sua tempora sapiens, quod a Deo malorum causam remouere et ad mentis puritatem religionem referre studeret. Sed haec quum satis declarata sint a viris doctis, inprimis cl. Kleukero, non opus est pluribus persequi; mihi quidem hoc saltem propositum erat, quaedam monere, quae ad rectum de Zoroastre eiusque placitis et scriptis iudicium, sine ira et studio ferendum, prodesse possint.

a) T. II. 189. 191. Meschia fortasse de hominibus vniuerse intelligendum.

b) T. I, 2. p. 112.

c) Strabo L. XI. p. 513. Tavernier T. I. p. 336.

d) T. I, 2. 425. 26. II. 260. 357.

DE
 NVMIS HASMONAEORVM
 PARALIPOMENA

LEGIT
 THOM. CHR. TYCHSEN

DIE VII. JULII MDCCCXCII.

Notum Vobis est A.A. quanto studio, qua cupiditate ■ renatis inde literis agitata sit inter eruditos quaestio de Numorum Samaritanorum antiquitate, origine et fide, aliis eos ad antiquissimos Israelitarum reges referentibus, aliis ad Samaritanos, plerisque ad Simonem Maccabaeum et Hasmonaeorum familiam, dum alii omnes istos numos ad serioris aetatis imposturas et fraudulentorum hominum commenta ablegant. Recruduerunt nuper hae lites magno animorum motu inter viros doctissimos Franciscum Perez. Bayerium, Hispanum, huius societatis sodalem, et Ill. Olaum Gerhard. Tychsenium, Rostochienssem, quorum ille eximio *de Numis Hebraeo-Samaritanis* opere primus diuersa numorum genera diligentius distinxit, et praestantissimis imaginibus illustrauit, nuper etiam in *Vindiciis* huius operis numorum Samaritanorum fidem adferere conatus est, nouisque accessionibus hoc rei numariae caput locupletauit; alter pluribus libellis editis horum numorum fidem acriter impugnauit.

Vix in vlllo alio rei antiquariae capite grauiores erant dissentienti rationes, ■ praeiudicatis opinionibus et artis criticae ignoratione profectae, quales erant, ab altera parte, horum numorum reuerentia, quippe quos ad Salomonem, Daudem et Samuelem adeo referrent, tum, vt fit in re literaria, amor et studium earum rerum, in quibus explicandis et illustrandis operam collocaueris. Ab altera
 parte

parte sumebatur Hebraeos numis nunquam vsos esse; literas hebraicas, quibus nunc vtimur, antiquissimas esse et sacras, eas autem, qui his numis inscripti cernuntur, samaritanas. Accedebat quod plurimi aduersariorum in adulterina exemplaria inciderant, e quibus de vniuersa horum numorum familia paullo iniquius ferebant iudicium.

Quare cum societatum eruditarum sit, non modo nouis accessio- nibus augere rem literariam, sed etiam parta tueri et ab opinionibus, quae auctoritatis aut nouitatis commendationem habeant, vindicare, non inutile facturus mihi visus sum, si in argumento, quod ad rem criticam et antiquariam non nullius est momenti, obseruata quaedam, ad horum numorum fidem spectantia, proponerem, Vestro A.A. iu- dicio submittenda. Nolo autem totam hanc causam persequi et vtrius- que partis rationes excutere, quod longum foret, nec vestris auri- bus dignum; mihi sufficiat, tum quaedam monere, ad quae non fa- tis attendisse videntur vtriusque causae patroni, tum quae sine ido- neis rationibus nuper in hoc argumento proposita sunt, paucis exa- minare.

Omnis fere disputatio adhuc rediit ad siclos numosque Simonis nomine insignes; verum sunt alii numi ab huius successoribus cusi, quorum in hac causa non leue profecto erat momentum. Scilicet supersunt numi *Ioannis Hyrcani*, *Alexandri Iannaei* et *Antigoni* regum, a nemine vnquam in suspicionem vocati, eadem scriptura aut certe simillima illi insignes, quae in Simonis, qui putantur, numis legitur. Atqui hi numi a viris doctis aut non satis intellecti aut ad disputatio- nem non adhibiti, digni sunt qui paucis illustrentur.

I. Ad *Ioannem Hyrcanum* pertinent numi altera parte scripturam, coronae laureae inclusam, gerentes, altera parte cornu copiae gemi- num interposito papaueris flore. Tales sunt, quos delineatos dedit Bayerius de Numis Hebr. Sam. p. 190. N. II. III. IV. V. VI. VII.

Inscriptum priori

יהו | חננ הכהן |

כרחנ הכהן | שיה

Iehochanan sacerdos, princeps, Literas הכהן ad nomen ipsum pertinere, nemo facile cum Bayerio, qui יאוחננהן, inauditum nomen, effinxit,

Comment. Hist. et Phil. T. XI.

U

putaue-

putauerit; nec magis pro voce separata הן ecce! habuerim. Videntur illae caelatoris incuria fusae esse, qui dum primas vocis sequentis literas הב sculpere vellet, male הנ scripserat. Cuiusmodi errores in numis veteribus satis sunt frequentes.

N. III. a Relando primum publicatus a), sed male delineatus a femina, Wildii filia virgine, literarum quas pingeret ignara, totus legi non potest; sunt tamen satis manifesta vestigia nominis

יהוחננ

הכהנ ...

רחבריו

.....

Idem nomen seruat N. IV. a Bayerio vulgatus, e museo principis Hispaniarum regii.

N. V. Clerici, *bibl. choisie* T. XI. p. 105. apud Hauberum N. 28 similiter legit

יוח

ננ הכו

הנ הנ ..

Iochanan sacerdos summus.

N. VI. VII. Pembrochiani pessime delineati sunt, vt omnes qui hac Musei Pembrochiani tabula continentur. Legendi tamen videntur

N. VI. יהוחננ

הכהנ הגר

ל רחבב

N. VII. יהוחננ


הכהנ הגרל

רחבב

Simillimus hic Relandiano, N. III. quod ad literarum formam et dispositionem, vt eiusdem typi esse videatur. Ultima vox רחבב quid significet, dissensus est inter viros doctos. Suintonus aliique רחבריו et socii eius legunt in numo Antigoni mox commemorando; Bartholomaeus malit יוח רחבב vt sit φιλῆλλον, maxime propter literarum in his Pembrochianis numis ductus. Verum cum ista vox in Alexandri Jannaei etiam numis occurrat per ר scripta sine dubio, equidem Suintono

a) *Diff. de Num. Hebr.* ad p. 119. apud Hauberum *Nachricht v. den jüdisch. Münzen* N. 27.

Numus Jonathanis fr. Alexandri Jannaei.



Ad Tycksenii Comm. de Numis. Hasmonaeor.

tono assentiendum esse puto, ut *sociis* summi sacerdotis designetur synedrium, summus senatus Judaeorum, qui sane eodem iure numis inscribi poterat ac S. C. numis romanis sub Imperatoribus cufis.

II. *Alexandri Iannaei* regis numi an existant, adhuc dubitatum est; videntur autem ad hunc referendi esse numi duplicis generis. *Alii simillimi praecedentibus*, laurea scilicet et cornu copiae gemino ornati, cum inscriptione

ינתן הכהן הגדל וחבריו ב

Huiusmodi numum vulgavit et illustravit Bartholemius in Mem. de l'ac. des Inscr. T. XXIV. p. 60 sqq. alium similis typi mecum communicavit Vir S. R. Fridericus Münter, Theologus Havniensis, cuius ectypon hic sisto. Scriptum hic plenius

יהונתן הכהן הגדל וחבריו . .

Jonathan sacerdos summus et socii eius. Similis quidem hic Bartholemiiano l. c. et ap. Bayer p. 190. N. I. Hauber N. 26. Alius tamen typus, quippe hic nomen non quatuor, sed sex literis scriptum, voces etiam aliter dispositae, adeoque numus est ineditus. Observandum, in voce ultima non locum esse literae ב, quam addit Bartholemius, adeoque videri scriptum fuisse וחבריו *et socii eius.* ב igitur illud non ad ipsam vocem pertinere videtur, sed annum potius designare. Caeterum figura ב et כ in hoc numo ad vulgarem formam propius accedit, quod est indicio hoc scripturae genus iam tum usu receptum fuisse.

Alii bilingues sunt, altera parte rotae instar praeferentes, altera ancoram cum vocibus βασιλεως Αλεξανδρου. Primus talem vulgaue- rat Relandus p. 6 diff. de numis Hebr. tum Frölichius in Annal. Regg. Syriae, Tab. IX, 35. sine scriptura; Bartholemius autem in pluribus literas samaritanas vidit, quae Jonathanis nomen continere videban- tur. Rem extra dubium posuit numus ab eodem viro docto vulgatus in Epistola III. ad editores Ephemeridum *Journal des Savans* N. V. Tabulae. In hoc igitur clare legitur

יהונתן המלך

et altera parte βασιλεως Αλεξανδρου. Quod indicium praebet haud obscurum, ad quem regem pertineant. Ad Alexandrum Syriae re-

gem, Balam cognomine, Demetrii Soteris successorem, olim retulerat Barthelemius, ut ad Jonathanem, Mattathiae filium, Simonis in principatu antecessorem, spectaret hic numus. Verum cum is regis titulum nunquam gesserit, quem primus sibi sumsit siue secundum Josephum Ant. XIII, 11. Judas Aristobulus, siue secundum Strabonem (L. XVI. c. 17) huius successor Alexander Jannaeus, manifestum est ad horum alterutrum, aut aliquem seriorum Hasmonaeorum pertinere. Neque Alexandri nomen ad Syriae aliquem regem spectare potest, quippe post Alex. II., Joannis Hyrcani aequalem, nullus Syriae rex fuit huius nominis; sed ipsius Judaeae regis nomen habendum, qui duplici nomine altero patrio, altero graeco numo inscriptus est. Iam dubitari non potest, Alexandrum hunc esse Jannaeum; alter enim Alexander, Antigoni frater, regno nunquam potitus est. Fatendum quidem nusquam ex historiis constare, Jannaeum gentilitium nomen Jonathanis habuisse; sed quis nescit, ista aetate perpetuo fere geminum nomen gessisse Judaeos aliosque orientales populos. Et ex ipsa Hasmonaeorum familia certa sunt exempla Aristobuli et Alexandrae, quorum iste Judas, haec Salome patrium nomen habuit *b*). cf. Barthelemy *Mem. de l'ac. des Inscr.* T. XXIV. p. 60. Caeterum Alexandri Jannaei non esse numos a Bayerio descriptos c. ix. de N. Samar. trunco vitis cum pampino et vrna diota insignes, ipse vidit in *Vindiciis* p. 25. Sunt illi Herodis aut Philippi tetrarchae, cf. numum Harlaeanum ap. Bouteroue *Recherch. sur quelq. medail.* p. 24.

III. Ad *Antigonum*, Aristobuli fil. spectare videntur numi, qui

P. I. coronam lauream gerunt, inscripto siue ad marginem, siue in area, nomine βασιλεως Αντιγονα.

P. II. cornu copiae cum taenia dependente, aut geminum cornu copiae, ut in praecedentibus, adiectis circa literis samaritanis, in quibus haud obscura supersunt vestigia vocum

מתתיה כהן גדול

Ætÿpa eiusmodi numorum sunt apud Frölich. *Annal. regg. Syr.* Tab. II, 3. Reland *Diff.* V. p. 181. Barthelem. l. c. p. 52. Hauber. N. 30. 31. 32. Alium aliquanto diuersum dedit Pellerin (*Supplem. au recueil*

b) Jos. Ant. XX, 10. XIII, 12.

ueil de medailles Tom. IV. p. 119. cum inscriptione מתתיה הכהן ה'; qui delineatus extat in harum Commentatt. T. VIII. ad p. 128.

Antigonum hunc Asiae regem non esse, quod augurabatur Frölichius, sed principem aliquem Judaeorum, facile apparet. Atque is alius esse vix potest, nisi Antigonus Aristobuli filius, qui solus huius nominis pontificis et regis titulum gessit. Matthathiae nomen nolim cum Pellerino ad auctorem Maccabaicae stirpis referre, a rege Antigono hic honoris causa memoratum. Etenim post ea, quae modo monui, longe probabilius, obseruante iam Bartholemio, ipsius Antigoni patrium hoc nomen esse. Conueniunt igitur hi numi inter se tum insignibus, tum in hoc, quod geminum regis nomen praeferunt, quae ipsa ad fidem eorum confirmandam haud leui sunt argumento.

Atque hanc magis etiam declarat mira cum numis Seleucidarum, eadem fere aetate cusorum, conuenientia, siue vniuersum habitum spectes, siue figuras et insignia. *Cornu copiae* similiter occurrit in numis Demetrii Soteris et Nicatoris (Frölich Tab. VIII. 22. X. 2. Alexandri II. (Tab. XII. 13. 14) cornu *geminum* ibidem Tab. XII. 16. *Ancora* est in Demetrii Nicatoris numis (Tab. X. 18. 19), Demetrii Euergetae (Tab. XI. 1. 23) et Alexandri II. (Tab. XII. 4); *papaueris florem* praefert Cleopatrae Numus Tab. XIII. 1. — Apparet igitur Judaeorum reges Syrorum numos maxime imitatos esse. Quod duplicem inscriptionem gerunt hi numi, alteram graecam, alteram vernaculam hebraeam, etiam hoc e consuetudine vicinarum gentium ductum, quarum frequenter occurrunt numi phoenicia simul aut syriaca et graeca inscriptione ornati.

Si recte se habent quae adhuc disputata sunt, manifestum fit *primo*, quam vanum sit, quod identidem repetunt horum numorum aduersarii, Judaeos numos nunquam cudisse, adeoque Simonis, qui putantur, numos serioris aetatis figmenta esse. Potius, cum hos proximos Simonis successores numorum signandorum potestate vsos esse ex his ipsis monumentis constet, probabile fit, Simonem similiter numos cudisse, nisi aliae rationes obstant.

Neque magis valet, quod obiciunt: literas in siclis numisque Simonis obuias antiquas hebraicas non esse, sed ex Alphabetis Ambrosii Thefei et Postelli desumtas. Habemus enim hic numos eiusdem familiae, simillima scriptura, nisi quod quaedam literae ad chaldaicam formam propius accedunt, siclorum et Simonis numorum scriptura grandior est, simplicior, et antiquitatem quandam spirans. Quaecunque igitur sit haec scriptura, siue hebraicam siue phoeniciam aut palaestinensem dicas, certum est hoc literarum genus apud Iudaeos in usu fuisse, nec vlllo modo a literarum forma contra numorum Simonis antiquitatem duci posse argumentum.

Alteram obseruationem addo, in tota hac de numis Simonis quaestione parum confici mihi videri argumentis, quibus adhuc maxime pugnatum est, historicis et scriptorum testimoniis. Certum quidem esse puto, in notissimo historiae Maccabaeorum loco (1 Macc. XV, 6) numorum cudendorum potestatem Simoni concessam commemorari, et frustra contra hunc locum vrgeri Syri interpretis auctoritatem, cum satis declaratum sit a viris doctis, Syrum ex ipso graeco textu transtulisse, adeoque a verbis graecis non satis intellectis longe aliam extudisse sententiam. Verum tametsi recte se habere statuas graecam versionem, parum tamen valet hoc contra aduersarios, imprimis cum ipsi numi *ante* hanc potestatem concessam cusi esse videantur. Hoc tantum apparet, Simoni ius, dudum exoptatum, a rege siue tum primum concessum esse siue confirmatum, adeoque probabile fieri, eum vere hoc iure usum esse.

Neque magis tribuendum Iosephi testimonio Antig. III. c. 8. §. 2. ὁ δὲ σίκλος, νόμισμα Εβραίων ὢν, ἀττικὰς δέχεται δραχμὰς τέσσαρας, quae nemo graece doctus de numo cuso non intelliget, quippe quae est certissima vocis νόμισμα significatio. Huius numi pretium Iosephus cum attico tetradrachmo confert, falso quidem ille, cum de Mosaica aetate sermo sit, qua numi cusi nondum existerent; sed facile erat morem suae aetatis, qua sicli *cusi* soluebantur in capita, in Mosaicam transferre, quod aliis locis fecisse eum constat, imprimis v. c. in describendo tabernaculo et templo Salomoneo, ubi plura intexuit, quae a templo secundo manifesto translata sunt. Cum tamen
idem

idem auctor nusquam numorum a Simone procusorum mentionem faciat, ad nostros numos adstruendos parum adfert praesidii, atque ex isto loco hoc tantum consequitur, extitisse Iosephi aetate numos Hebraeorum quatuor drachmis Atticis aequales, incertum quo auctore aut quo tempore cufos. Quanquam, si aliunde de horum numorum fide et aetate constet, omnino probabile fit, Iosephum hos ipsos Simonis ficos in mente habuisse.

Reliqua, ad quae vulgo prouocare solent, scriptorum loca consulto praetereo; etenim quid quam continent nisi obscuram fici mentionem, nec nisi iam certa numorum hebraicorum fide in testimonium vocari possunt.

Verum non opus est historicis argumentis et scriptorum testimoniis, ubi monumentorum fides loquitur. Vix est aliud numorum veterum genus ad quorum antiquitatem et fidem declarandam plura conveniant. Innotuerunt illi seculo iam decimo tertio, quo mentionem fieri videmus Sicli Accone in Palaestina visi a Mose Nachmanide, quanquam nondum satis intellecta epigraphe. At ista aetate nusquam nec veterum numorum mentio occurrit, nec literarum, quibus hi numi inscribuntur, forma nota erat, nec numos hebraeos quisquam erat qui quaereret; quae omnia fraudis suspicionem longe remouent. Porro plerosque ex ipso oriente aduectos esse constat. Nolo vnice vrgere Postelli testimonium, in maceriis et rudibus Hierosolymorum crebro tales numos effodi affirmantis; sunt enim aliae auctoritates, quas, nisi iniurius esse velis, mendacii arguere non licet. Wildiani numi, a Relando illustrati, e Syria adlati sunt, nec lucri spe venditi; Bayeriani duo argentei, aerei tres ex Hierosolymis aut Palaestina aduecti, ipso testante *de Numis Hebraeo-Samarit.* p. 47. et *Vindic.* p. 33. Alios tres aereos Maredino et Halebo attulisse Eliam Scheidiacum affirmat, (*Vindic.* p. 39.). Iniquum igitur est, quod ex Italia omnes originem ducere dicunt, a reteratoribus fabricatos; nisi forte velis hoc artifices numulos in remotissimas orientis partes primum emittere, vt aliquando, casu reduces, exiguo pretio in Europa vendantur.

Accedit

Accedit quod rari sunt hi numi, ii scilicet, qui antiquitatis notos habent, et in paucis museis seruati. Bayerius quidem vltra XL se possidere testatur; sed is e plurium amicorum et virorum doctorum cimeliis opes suas congeffit. In ditissima Regis Gallorum collectione octoginta circiter seruantur, verum illi, teste Bartholemio (l. c.), studio conquisiti sunt, neque tamen, si vniuersum numerum Iudaicorum genus cogites, valde multi. Plurimi quidem numi Samaritani in Germania passim reperiuntur, plerique tamen spurii et imitando effecti, de quibus infra pluribus dicetur.

Sed certissimum antiquitatis documentum est ipsa numerum facies. Sunt illi cusi, non fusi; nihil in illis quod ab ista aetate et moribus gentis sit alienum, siue symbola impressa spectes, siue scripturam. Literae nec Samaritanis, quales in codicibus extant, similes, nec e numis Phoenicum ductae, sed cognatae maxime illis, quae in feriorum Hasmonaeorum numis conspiciuntur, modo simpliciores. Neque tamen ad vnam aliquam normam efformatae, sed ductibus sobinde variantes, quae res solitam scripturam prodit; et simile quid obseruatur in Phoeniciis numis, quamuis in vna eademque vrbe cufis. Typum numerum et vniuersum habitum vulde conuenire cum Seleucidarum numis, dudum obseruarant viri docti. Figurae etiam et symbola, quanquam ad fertilitatem Palaestinae ad ritus sacros et historiam gentis commode referantur, tamen vel haec ipsa in Seleucidarum numis deprehenduntur. *Palma* v. c. est in numo Antiochi M. (Froelich. Tab. VI. 16.) *Vasa* s. *vrcei* in numis Antiochi Epiphanis saepe occurrunt (l. c. T. XII. 13. XIII. 35. XI. 12.) *Lyra* in numo Seleuci IV. (Tab. VI. 4.) Ita per omnia aetati, qua cusi esse debuerunt, concinunt.

Atque his argumentis permoti fidem eorum et antiquitatem agnouerunt viri docti harum rerum peritissimi, quibus genuinos Simonis numos conspicere licuit, Spanhemius, Relandus, Bayerius, et Bartholemius, qui in literis ad Bayerium datis (p. VI Appendicis, ad Vindicias) grauissimis verbis eorum antiquitatem declarauit. His auctoritatibus, ne alios commemorem, tuto credere licet, existere numos Simonis, omnibus antiquitatis notis conspicuos. Si
 quas

quas faciunt difficultates siue chronologia, siue literarum in quibusdam ductus, siue ponderis varietas, haec nullo modo eo valere possunt, vt ipsorum numorum fidem eleuent. Quis enim ob interpretandi aliquam difficultatem antiquis monumentis statim fidem deroget, praesertim cum haec ipsa et pluribus aliis numis fiat communia, et documento sint hos numos non ex vna aliqua veteratoris fabrica prodiisse, aut ad certum aliquod exemplar conformatos esse. Silentium scriptorum, ad quod subinde prouocant aduersarii, neque tantum est, vt nulla apud veteres scriptores horum numorum mentio occurrat, etenim euicta eorum antiquitate vix dubitari potest, Josephum v. c. hos ipsos numos respexisse; neque contra eorum fidem quidquam valere potest, cum eodem argumento veteres numos tantum non omnes, antiquos esse negare possis. Verum haec cum iam aliis, Bayerio imprimis in *Vindiciis*, copiose tractata sint, non opus est pluribus persequi.

Quamuis igitur concedendum esse puto aequis rerum arbitris, dari genuinos Simonis numos, ex altera tamen parte non minus fatendum erit, multos esse falsos et adulterinos, et plures fortasse, quam in vlllo alio veterum numorum genere. Quippe cum primum per Postellum et Ariam Montanum de siclis Hebraeorum fama percrebuisset, nulli numi cupidius quaerebantur, quam hebraei, imprimis cum Dauidis, Salomonis et Samuelis haberentur. Hinc lucri cupiditati et fraudibus fores patefactae et ingens sensim siclorum copia procusa atque efficta, quorum diuersa sunt genera. *Alii* hebraicam recentem scripturam praeferunt, atque hi fere a Iudaeis efficti videntur, qui cum fando accepissent inscriptiones et symbola, haec vtcunque imitantes, eiusmodi numos partim fuderunt, partim scalpro efformarunt. Sunt autem hi numi, quos nusquam non offendas, plerumque argentei, magni moduli, inter se non multum diuersi. Exemplar scalpro effictum seruat museum academicum; sedecim alios, plerosque fusos, Cassellis vidi in museo Sereniss. Principis, in quibus vnum aureum aut saltem auro obductum.

Ad eosdem auctores referendi erunt numi, qui Moysis, Dauidis, Abrahami et Jesu vultus et nomina exhibent; conficti illi ad fabulo-

sum Talmudis locum (Baba Kama fol. 97), in quo tamen fortasse mica latet veritatis. Nam videtur illud דוד ושלמה *David et Salomo* et קודש עיר ירושלם *Ierusalem urbs sancta*, quod in numis Daudidis extitisse dicitur, ad siclos spectare, quarum inscriptionem male legissent aut fando accepissent huius narrationis auctores. Alterum illud de Abrahami numo (vid. Wagenfeil ad Sota, p. 574) fabulam manifestam sapit, serius fortasse in Talmudem illatam. Quanquam in Bereschit rabba, vetusto alias libro, et apud Epiphanium de ponderib. et mensuris similes ineptiae occurrunt, quae tamen non tam e numis descriptae, quam ex ingenio ficta fuisse videntur. Caeterum etiam haec docent, ipsos Iudaeos a numis cufis non abhorruisse.

Aliud numorum spuriorum genus, non minus frequens, samaritanis literis inscriptum est, quorum specimina duo habet museum academicum. Quidam simillimi sunt genuinis et antiquis, ut incautum facile fallere possint, alii rudi opere fusionem manifeste produnt, qualis est alter Gottingensium. Haec autem diuersitas ad coniecturam probabilem ducit, alios horum numorum ab impostoribus formatos esse, lucri causa, ad genuinorum exemplum, alios pro meris ectypis habendos esse, quae homines curiosi aut viri docti in suos usus fieri curarunt. Ad quod genus referre non dubito, quae de Philippo Melanchthone narrantur apud Tentzelium c), eum duos siclos sibi fieri iussisse; quippe literarum ductus eum maxime spectasse apparet.

Frequentissimi sunt hi numi in Germania; etenim pauca genuinorum exemplaria cum in Italiae Galliaeque cimeliis haerent, ad Germanos vix quidquam nisi ectypa perueniebant. Fabricabant igitur alii numos hebraica scriptura, alii astutiores genuinos imitabantur, quae ectypa tanto securius vendebant, quod genuinos in his regionibus incognitos esse nossent. Quod primo in siclis factum, mox ad numos aereos, qui serius innotuerunt, traductum; aurei adeo sicli facti, cuiusmodi vnum possidet museum academicum d). Iam cogitanti

c) *Curieuse Bibliothec*, T. II. p. 356.

d) Habet is altera parte vnam cum literis samaritanis שקל ישראל, altera parte florem trifidum et ירושלם קודש. Fabrica satis elegans, recentiore manu manifesto prodens, literarum etiam figurae male delineatae, partim inuersae, nulla supra vasculo addita anni nota. Ponderis duobus fere aureis hollandicis aequale.

gitanti quantum ad fraudem inuitare debuerit genuinorum numorum in borealibus terris raritas, incredibile non videbitur, quod Otho Sperlingius refert (de numis non cufis p. 102), hominem inter Holstos viuentem propriam incudem his numis exercuisse, quos tamen, cum *thuribulum* gessisse dicantur, hebraeis potius literis inscriptos fuisse putauerim, quam samaritanis. Neque mirabitur Schlaegerum aliosque, qui genuinos samaritanos nunquam vidisse se testantur, de toto numorum genere dubitasse; quippe ita ferre solet humanum ingenium, vt spem iterum iterumque decolatam plane abiiciamus. Nec tamen alibi terrarum nullos dari adulterinos putandum. Bayerius quidem (de Num. Sam. p. 51) nunquam sibi adulterinum numum literis samaritanis occurrisse paullo fidentius adfirmauerat, vere fortasse, cum suos a viris doctis et rei numariae peritis accepisset; ipse tamen hoc in *Vindiciis* p. 49. tacite retractauit, duos spurios commemorando. Apparet igitur, quanta circumspectione opus sit in iudicio de singulis numis et de vniuerso genere ferendo, nobis imprimis, qui estypis maxime vtimur aere expressis. Sunt illa, si Bayeriana excipias, plerumque tam parum fida, vt ex iis de literarum figura, situ, et vniuerso ipsius numi habitu disputari nequeat, et quum non omnia constet ad numos a viris peritis exploratos delineata esse, quis nouit, annon multae circumferantur numorum adulterinorum imagines? Quo magis cauendum est, ne ex his iniquius de vniuerso numorum genere sententiam feramus.

Singularem numorum Judaicorum classem constituunt *numi recusi Traiani*, h. e. denarii Traiani argentei, quibus impressus est typus similis Simonis Hasmonaei numis, ita tamen, vt typi Romani, tam vultus imperatorii, quam inscriptionis satis manifesta supersint vestigia. Cernitur in his numis Parte I. racemus cum reliquiis nominis שמעון (*Simon*); P. II. lyra, aut palma arbor, aut columnae duae, cum literis לחרות ירושלם (*libertatis s. ob libertatem Ierusalem*). Primus talem numum vulgauerat Henrion (*Memoires de l'acad. des Inscr.* T. III. p. 198), alios duos Hunterianos descripsit Woide (in *Append. ad Bayerium de Numis Hebr. Sam.*), quartum exhibet Bartholemius in

epistola supra laudata. Et sunt fortasse plures huius generis, in quibus typi veteris reliquias non obseruarunt viri docti e).

Iam his numis nixus Henrionus, miram excogitauit hypothesin, omnes numos Samaritanos, qui anni notam aut Simonis nomen praeferunt, non ad Simonem Maccabaeum, sed ad Simonem Barcochebam spectare, Judaeorum contra Hadrianum rebellium ducem. Hic cum post tres annos et dimidium victus caesusque sit, causam in aprico esse, cur vltra quartum annum non procedant epocha numis inscripta. Exornauit istam sententiam Barthelemius rationibus satis speciosis. Primum manifestum esse, hos numos Traiano esse posteriores, quippe recufos, Barcochebam porro, cum regis et Messiae titulum gereret, expugnata a Judaeis sub eius auspiciis Hierosolyma, potuisse urbem liberatam gloriari; cum denique numos cudisse feratur, epocha autem horum numorum cum istius belli historia apprime conueniat, multo verisimilius ad Barcochebam eos referri, quam ad Simonem Maccabaeum.

Verum haec, vtut speciosa sint ad primum adspectum, omni tamen pondere destituuntur, si ad criticam lancem exigas. Primo enim nusquam constat Barcochebam *Simonis* nomen gessisse, adeoque hoc ex his ipsis numis sumendum, de quibus disceptatur; et mirum profecto esset, eum ominosum Barcochebae nomen, quod ita frequentatum fuit ista aetate, vt verum eius nomen ad nos non peruenerit, nusquam numis inscripsisse. Deinde numos eum cudisse, plane precarium est, nec vlla veteris scriptoris auctoritate, quantum equidem reperire potui, suffultum. Sumtum illud, ni fallor, Scaligeri assero, ad Eusebii Chronicon p. 216. *Verum eius nomen כרוב et כרובא quomodo vocata est pecunia eius nomine cusa.* Sed temere haec posuit Scaliger, vt multa alia, et hoc ipsum, quod de nomine dixit. Denique falsissimum est, Hierosolimam Barcochebae auspiciis expugnatam et quasi restitutam esse. Etenim duplex erat, vt ex historiis constat, Judaeorum sub Hadriano seditio. Prior sub ipsa imperii eius initia. Tum

e) Ex hoc numero suspicor esse numum ap. Bouteroue sur les monnoies (sic l. plag. praec. pro *medaill.*) de France p. 22. Frölich Tab. XVIII. N. 15. (apud Hauberum N. 7. 8. 9.) Relandianum apud Hauber. N. 11.

Tum urbis Hierosolymae quae superessent reliquiae, quas Iudaei rebelles occupauerant, funditus deletae sunt, aratro etiam templo inducto. Mox in locum vastatae urbis colonia romana deducta, quae Aeliae Capitolinae postea nomen accepit vicennialibus Augusti. Haec noua urbs alteri seditioni causam dedit Iudaeis, et graue bellum exortum Barcocheba rebellium duce f). Verum hoc demum anno XVI Hadriani exarsit, XVIII^o debellatum est g), neque tum vnquam Hierosolymis potiti sunt Iudaei, sed Biththeram belli sedem fecerant. Ad neutrum bellum spectare possunt numi laudati, primo enim intra biennium finitum, non tribus annis et dimidio, quod numi poscunt, nec vllae tum Barcochebae partes; altero absurdum erat Hierosolymam et Sionem liberatas gloriari, quae nullae tum erant, condita iam noua vrbe, a qua prorsus exsulabant Iudaei. Caeterum quod per tres annos et dimidium bellum hoc durasse ferunt, solo nititur, quantum video, Hieronymi loco ad Dan. IX. p. 1117. ed. Martiana: *Tres anni, inquit, et sex menses sub Hadriano supputantur, quando Ierusalem omnino subuersa est. Haec loquuntur Iudaei, non magnopere curantes a primo Darii anno usque ad extremam subuersionem Ierusalem, quae sub Hadriano eis accidit, supputari olympiadas CLXXIV. — quando Cochebas dux Iudaeorum oppressus et Ierusalem usque ad solum diruta est.* Verum hic confusum esse bellum sub Vespasiano cum altero illo sub Hadriano, quis non videt. Solent Iudaei haec inter se permutare, turbatis temporum notis, et alio loco aperte confudit Hieronymus ad Zachar. c. VIII. p. 1762. Igitur hac quoque parte concidit haec ratio et omnino euanescent argumenta, quibus omnes hos numos ad Barcochebam spectare demonstratum itur.

Aliquanto cautius agit Barthelemius diuidendo sententiam. Scilicet diuersos esse numos Simoni tributos quod ad fabricam et habitum attrinet. Alios elegantiores proxime accedere ad numos regum Syriae, adeoque ad Simonem Maccabaeum recte referri posse; alios literis inuersis, deformibus, transpositis, ad hanc Barcochebae aetatem ablegat, quippe qua minus familiares fuerint artificibus veteres

X 3

literae

f) Dio Cass. Hist. L. LXIX. c. 12.

g) Euseb. Chron. ad h. a. cf. omnino Chr. Erdm. Deylingii Historia Aeliae Capitolinae §. XIV sq.

literae Samaritanae. E numis recusis Traiani, Simonis nomine inscriptis, colligendum aut Judaeos tum principem habuisse Simonem, aut potius numos suos ad antiquiorum modum formamque excudisse, atque hoc probabile fieri, quippe tum excusso Romanorum iugo, ut olim, Simonis aetate, Syrorum imperio, facile induci potuisse Barcochebam aut gentis principes ut imitandis Simonis numis eius quasi gloriam aemularentur. — Sed urgentur haec iisdem difficultatibus, et temporum computo ductis, quas modo contra Henrionis rationem commemoravi. Et cur Simonem, sub ipsius rei numariae inter Judaeos initiis, peritioribus artificibus usum esse statuemus, qui non nisi elegantes numos formauerint? Optandum sane fuerat, ut paullo disertius numos istos deformibus literis insignes indicaret vir celeberrimus, an illi sint argentei aut aerei, ■■ de numis, quos ipse viderit, dicat, aut de ectypis aere expressis, quibus parum fidendum esse supra monui. Caeterum si ad numos recusos Traiani, et primum tumultum, quo Hierosolymis potiti erant Judaei, hypothesin redigas, equidem non repugnauerim. Mirum profecto adhuc non nisi Traiani numos repertos esse, qui iudaico typo reficti sint. Potest quidem res alio modo explicari, ut his numis, valde frequentibus, usum esse dicas recentiore aliquem veteratorem; quanquam is melius laeuigaturus fuisse videtur numi aream, ■■ veteris typi extarent vestigia. Hactenus igitur haud improbabile, recusos hosce numos, nisi forte occurrant aliquando exempla, Hadriano posteriora, in bello sub Hadriano gesto priori factos esse; et cum illi omnes anni notam praeferant nullam, suspicari possis, plures numos epocha carentes ad haec tempora spectare. Verum haec ex ipsorum numorum inspectione diiudicanda, et ex exemplorum copia aestimanda malo in medio relinquere.

AN RVSSORVM, POLONORVM CETERO-
RVMQVE POPVLORVM SLAVICORVM ORI-
GINEM A GETIS SIVE DACIS

LICEAT REPETERE?

JOH. CHRISTOPH. GATTERERI
DISQVISITIO.

LECTA D. XIX. NOVEMBR. MDCCXCI.

§. 1.

Slauicae gentis populi, vt olim iam, ita nostrā inprimis aetate, nominis sui ac rerum gestarum fama gloriaque, non terras solum, sed maria quoque, ita impleuerunt, vt, si quid noui, vel rectius etiam pleniusue explorati ad cognoscendam eorum historiam a quocumque in lucem proferatur, haud ingratum fore illud lectoribus, praeuideri queat. *Origo inprimis Slauorum* crassis nunc quoque occultata est et circumfusa tenebris. De eo quidem, in hodierna doctrinarum luce, nemo rerum peritus facile dubitabit, esse Slauos inter *Europae indigenas* referendos: eo videlicet sensu, quo Graecos, Latinos, Gallos, Iberos, Britannos, Germanos cet. inter indigenas Europae referre solemus. Nam hoc nemini facile scrupulum aliquem iniicere poterit, quod ipsum *Slauorum nomen* ante saeculum sextum a nullo vsquam scriptore commemoratum est. Accidere scilicet potuit Slauis, quod pluribus aliis populis, vt Vasconibus, Kymris, Tuiskis, cet. accidit, vt a scriptoribus peregrinis peregrino nomine appellarentur: sunt etiam populorum exempla, qui, neglecto domestico nomine, nomen externum vel ipsi tribuerunt sibi, vel ab aliis inditum assumerunt.

§. 2.

§. 2.

Iam circumspicientibus nobis aliquod nomen, sub quo Slaui in Graecorum ac Romanorum scriptis absconditi fortasse latuerint, viam, ne per vniuersam Europam euagemur, breuissimam commonstrat JORNANDES, seu vt rectius vocatur, JORDANES, auctoritatis haud contemnendae scriptor: quippe qui (de rebus Geticis s. potius Gothicis, c. XXIII) disertis verbis testatur, omnes omnino gentis Slauicae populos sub imperium ditionemque *Ermanarici*, Gothorum regis potentissimi (inter an. Chr. 335 et 368) cecidisse. Iam quum imperium *Ermanarici* per vniuersam *Sarmatiam Daciamque* patuerit; *Sarmatia* vero omnem illum terrarum tractum, qui illinc Tanai, hinc Vistula et Danaestri terminatur, quemadmodum *Dacia* terras Danaestri et Tibisco inclusas, complexa sit; manifestum est, Slauium sedes vel in *Sarmatia*, vel in *Dacia*, vel in vtraque etiam, quaerendas esse. In *Sarmatia* habitauerunt eo tempore, id est, saeculo IV medio, praeter Germanicos populos, qui huc non pertinent, non nisi SARMATAE et SCYTHAE; *Daciam* vero vnus tantum populus, GETAE scilicet seu DACI incoluerunt. Ex quo sequitur, vt Slaui vel sub *Sarmatis*, vel sub *Scythis*, vel sub *Getis* s. *Dacis*, absconditi latuerint. Ego quidem, missis nunc, data opera, tam *Sarmatis*, quam *Scythis*, solos GETAS s. DACOS tentabo, an ab iis Slauium originem repetere liceat. Ne autem titubemus in loco tam lubrico, aut a vero prorsus aberremus, non indulgebimus opinionum commentis aut vanis hariolationibus, sed vbique locorum duces sequemur peritos itinerum ac fide dignos. In his primi sunt JORNANDES et PROCOPIUS, qui ambo circa medium saeculum VI^{um} vixerunt. Cognoscere ex iis, ac certo quidem, licet, quibus in terris sua ipsorum aetate vniuersa Slauium gens habitauerit.

§. 3.

Ac Jornandes quidem haec habet (c. V): "In — *Scythia*, prima ab occidente gens sedit *Gepidarum*, quae magnis opinatisque ambitur fluminibus. Nam Tisianus per aquilonem eius eorumque discurret. Ab africo vero magnus ipse Danubius, ab euro fluuius Tausis secatur, qui rapidus et verticosus in Histri fluentia furens deuoluitur. Introrsus illi *Dacia* est, ad coronae speciem arduis alpibus emunita,

iuxta

iuxta quarum sinistrum latus, quod in aquilonem vergit, et ab ortu Vistulae fluminis per immensa spatia venit, *Winidarum* natio populosa confedit (in Cod. Ambros. spatia Venetarum natio populosa confidet). Quorum nomina licet *nunc* per varias familias et loca mutantur, principaliter tamen SCLAVINI et ANTES nominantur. SCLAVINI a ciuitate noua, et Sclauino Rumunnense, et lacu, qui appellatur Murfianus (Ambros. ad ciuitatem noui et unense, et lacu, qui dicitur Murfianus) vsque ad Danastrum, et in boream Viscla tenus commorantur (Ambros. commanentes). Hi paludes siluasque pro ciuitatibus habent. ANTES vero, qui sunt eorum fortissimi, qui ad Ponticum mare curuantur, a Danastro extenduntur vsque ad Danubium (Ambros. Danaprum. Capite V extremo Jornandes ipse ait, Borysthenem h. e. Danaprum, ab accolis vocari Danubium), quae flumina multis mansionibus ab inuicem absunt. Ad litus autem Oceani (id est, maris baltici), vbi tribus faucibus fluenta Vistulae fluminis ebibuntur, *Vidioarii* (Ambros. *Vidiuarii*) resident, ex diuersis nationibus aggregati, post quos ripam Oceani *Itemesti* tenent, pacatum hominum genus omnino. Quibus in austro adsedit gens *Agazzirorum* fortissima, frugum ignara, quae pecoribus et venationibus victitat. Ultra quos distenduntur supra mare Ponticum *Bulgarorum* sedes, quos notissimos peccatorum nostrorum mala fecere. Hinc iam *Hunni* (id est, *Vngri*), quasi fortissimarum gentium fecundissimus cespes, in bifariam populorum rabiem pullularunt," cet. Cum hoc loco alius (c. XXIII) coniungendus est: "Post *Erulorum* caedem idem *Ermanaricus* in VENEDOS arma commouit, qui, quamuis armis desperiti, sed numerositate pollentes, primo resistere conabantur. Sed nihil valet multitudo in bello, praesertim vbi et multitudo armata aduenerit. Nam hi, vt ab initio expositionis, vel catalogo gentis dicere coepimus, *ab una stirpe exorti, tria nunc nomina reddidere*, id est, VENEDI, ANTES, SCLAVI: qui quamuis *nunc* ita facientibus peccatis nostris *ubique desaeuiunt*, tamen *tunc omnes Ermanarici imperiis seruierunt. Aestrorum* quoque similiter nationem, qui longissima ripa Oceani Germanici insident, idem ipse prudentiae virtute subegit." Huc denique etiam pertinet locus (c. XII): "*Daciam dico antiquam, quam nunc Gepidarum populi possidere noscuntur. Quae patria in conspectu Moesiae sita trans Da-*

nubium corona montium cingitur, duos tantum habens accessus, vnum per Bontas (Ambros. Boutas), alterum per Tabas (Ambros. Zapas). Hanc *Gothicam*, quam *Daciam* appellauere maiores, quae nunc, vt diximus, *Gepidia* dicitur," cet.

§. 4.

Cum Jornande PROCOPIUS (de bello Gothico), quod ad rerum caput ac summam attinet, optime consentit. Referenda huc sunt haec quatuor potissimum loca:

(IV 4): Ἀνδρωποι δέ, οἱ ταυτῇ ὤκηνται, Κιμμεριοὶ μὲν τὸ παλαιὸν ὠνομαζόντο, ταυτὴν δὲ Οὐτργουροὶ καλεῖνται. καὶ αὐτῶν κατ' ὑπερθεῖν, εἰς βορρὰν ἀνεμὸν, εἶδη τα Ἀντῶν ἀμετρά ἰδρυνται.

(IV. 4.): Ἀνται, οἱ Σκλαβηνῶν ἀγχιεῖα ὤκηνται.

(IV. 14): Καὶ μὲν καὶ ὄνομα Σκλαβηνοῖς τε καὶ Ἀνταῖς ἐν τῷ ἀνεκαθεῖν ἦν. Σπορεὶς γάρ τὸ παλαιὸν ἀμφοτέρως ἐκαλοῦν· ὅτι δὴ σποραδὴν, οἶμα, διεσπνημένοι τὴν χώραν οἰκοῦσι· τὸ γὰρ πλεῖστον τῆς ἑτέρας τῆς Ἰστρίας ὀχθῆς αὐτοὶ νεμόνται.

(I. 27): Μαρτίνος τε καὶ Βαλεριανὸς ἦκον, ἑξακοσίαις τε καὶ χίλις στρατιώταις ἵππεις ἐπαγομένοι· καὶ αὐτῶν οἱ πλεῖστοι Οὐννοὶ τε ἦσαν, καὶ ΣΚΛΑΒΗΝΟΙ, καὶ ἈΝΤΑΙ· οἱ ὑπὲρ ποταμὸν Ἰστρὸν ἔμακρην τῆς ἐκείνῃ ὀχθῆς ἰδρυνται.

Qui illic (ad Maeotin et Euxinum Pontum) habitant, dicti olim *Cimmerii*, nunc vocantur *Vturguri*. Vltiora ad boream habent *Antarum* populi infiniti.

Antae, *Sclavenorum* accolae.

Nomen etiam quondam *Sclavenis* et *Antis* vnum erat: vtrosque enim appellauit *Sporos* antiquitas, quia σποραδὴν, hoc est, *sparsim* et rare positis tabernaculis regionem obtinent: quo fit, vt magnum occupent spatium Et vero *ulterioris ripae Istri partem maximam* habent.

Aduenere Martinus et Valerianus cum MDC equitibus, quorum plerique *Hunni* erant, *SCLAVENI* et *ANTAE*: qui *trans fluium Istrum*, non procul a ripa sedes patrias habent.

§. 5.

Iam si allata modo Jornandis et Procopii testimonia in vnum colligamus, efficiuntur haec:

I) Vniuersus Slauium populus saeculo VI^{to} medio diuisus fuit in gentes duas, SCLAVENOS et ANTAS, vel in tres etiam, si quidem VENEDI seu WINIDAE seorsim a Sclavenis considerentur.

II) SCLAVENI, *proprie dicti*, inde ab orientalibus Pannoniae finibus ad Danastrum, quo ab Antis diuidebantur, habitarunt: meridiem versus non attigerunt quidem Danubium, parum tamen a ripa eius remoti fuerunt: a Venedis boream versus longa Carpathicorum montium catena fuerunt discreti.

III) VENEDI, admodum numerosa gens (populosam barbaram vocat Jornandes) immensum terrarum tractum, ad septentrionale Carpathicorum montium latus a Vistulae inde fontibus in ortum tenuerunt.

IV) ANTAE, siue, ut vocantur a Procopio, *Antarum populi innumeri*, vel, ut Jornandes ait, *omnium Ponti Euxini accolarum fortissimi*, Danastrum ac Danapri fluuiis interclusi fuerunt: boream versus quam longe a Ponti Euxini ora fuerint remoti, auctores nostri non definiunt.

Atque hae quidem Slauiarum gentium sedes Jornandis ac Procopii aetate fuerunt. Nunc omne studium operamque omnem in hoc vno consumemus, ut, potuerintne Getae s. Daci his ipsis temporibus easdem, quas Slaui, sedes habere, nec nisi nomine solo a Slauis fuerint distincti, clarum faciamus. Quod quidem quo certius explorari securiusque definiri possit, Getarum s. Dacorum vestigia inde ab Herodoti tempore per omnium saeculorum decursum ac per omnia loca persequemur, donec euicisse videamur, hos ipsos Getas s. Dacos non alios, nisi Slauos, esse posse.

I. GETAE ODRYSICO IMPERIO SVBIECTI:

ad A. circ. 3560 = A. ante Christ. nat. 423.

§. 6.

Getae quum primum innotuissent, eam *Thraciae septentrionalis* incoluerunt partem, quae partim Istro et Haemo, partim flumine Iathro (hodie *Iantra*) et Ponto Euxino circumscripta erat. Ac in occidentem quidem Iathrus Getas a *Crobyzis*, Ister vero boream versus a *Scythis*, diremit.

Y. 2. Iam

Iam ante Herodoti aetatem inclaruit inter Getas philosophus ille celebratissimus, ZAMOLXIS (al. *Zalmoxis* f. *Zalmolxis*), quem, vt Herodotus addit, nonnulli Getarum eundem esse GEBELEIZIN (al. *Beleizin* f. *Gebeleizein*) arbitrati sunt. Zamolxis hic Getas immortalitatem animorum docuit, Regumque fuit intimus consiliarius; post mortem autem adoratus est vt Deus, ad quem etiam, qui defuncti erant, meare existimati sunt. Getae, Herodoto testante, Thracum fuerunt, vt iustissimi, ita fortissimi etiam: cultu autem, vt Thucydides prodit, Scythis similes cunctique equestres sagittarii.

§. 7.

Libertatem Getis, vt cunctis fere Thracibus, primi ademerunt *Persarum* reges, Darius et Xerxes: quamquam eorum imperium non nisi ad exiguum tempus (ab an. 3476 vsque ad an. 3514 Petauianae computationis) durabat. Sed aliud mox ac magis diuturnum inter ipsos Thracas imperium exortum est, *Odrysicum* scilicet, quod subito, vt in turbis fit, ad magnam potentiam perueniebat, ac Getas quoque complectebatur: Getae enim, vt ex Thucydide constat (II. 96), si non sub Odrysarum potestate, socii tamen eorum fuere.

Quae hucusque de Getis ex *Herodoto* (IV. 49, 93, 94, cet.) et e *Thucydide* (II. 96, 97, cet.) a me commemorata sunt, ea pluribus exposita in commentatione mea I. de Herodoti ac Thucydidis Thracia inueniuntur, et per tabulam etiam geographicam repraesentata sunt.*)

II. GETAE LIBERI f. *Daco-Getae*:

ab A. circ. 3560 = A. ante Christ. nat. 423.

§. 8.

Iam ante Alexandri M. tempora Getae auitas, quas in *Thracia boreali* habuerant, sedes reliquerunt, et oppositam Istrum oram, hoc est, *Scythiam occidentalem*, occuparunt: quod quidem tam certum est, quam quod certissimum. Nam Alexander M., qui A. 3649 Getas inopinato impetu exterrere cupiebat, exsequi hoc, velut praedonis, consilium tum demum potuit, quum Istrum traiecisset. Sed quo praecise
tempore

*) Vid. Commentationum Societatis nostrae regiae Vol. IV, p. 87 sqq.

tempore quibusue rebus adducti Getae patriam cum terris, conterminis quidem sibi, at peregrinis tamen, commutauerint, respondere non tam proclive est, quam quisquam fortasse existimauerit. Sed faciemus tamen, ne susceptam semel causam intempestive deseruisse videamur, explicandae rei periculum. Sunt inprimis, quae illis temporibus, tam in Thracia septentrionali, quam in Scythia, acciderunt magnae rerum conuersiones, perscrutandae atque expendendae.

§. 9.

Ac *Scythae* quidem, victores olim, tam Medorum A. 3351, quam Persarum A. 3476: et anno adhuc III. belli peloponnesiaci, hoc est, A. 3555 non potentia tantum, fortitudine et copiarum numero, sed solertia etiam ac prudentia in procurandis ad vitam necessariis rebus, ita florentes, ut eos Thucydides (II. 97) omnibus tam Europae, quam Asiae populis praeferre nullus dubitauerit: *Scythae* hi iam sub Xenophontis aetatem, circ. A. 3600, partem aliquam pristinae laudis ac famae amiserunt, ita quidem, ut deberent subigendarum aliarum gentium cogitationem ex animo dimittere, ac suis se in sedibus continere; nec tamen haberent, quod aliorum potentiam extimescerent. Libratis ita utrobique inter populos viribus, otiosa inde quies orta est, quae mox *Scythis*, genti bellicosae, operosae semperque aliquid agere solitae, admodum perniciofa fuit. Vixit tunc inter eos maxima, per colonias dispersorum multitudo *Graecorum*, quorum moribus deprauatis, velut contagione quadam pestifera correpti *Scythae*, et animos et corpora eneruabant. Quam dediti voluptatibus *Scythae*, tam ante Philippi, Macedoniae regis, tempora, quam post ea quoque fuerint, testis est *Clearchus Solensis*, Aristotelis auditor, qui non tantum de sua aetate, sed etiam de pristina, interpretandus est. Verba eius (apud *Athenaeum* p. 524) haec sunt:

Μονον δε νομοις κοινοις πρωτον
ἔθνος ἐχρησατο το Σκυθων. Εἰτα
παλιν ἐγενοντο παντων ἀθλιωτατοι
βροτων δια την ὑβριν. Ἐτρυφηταν
μεν γαρ, ὡς οὐδενες ἑτεροι των παν-
των, εὐρειας καὶ πλουτου καὶ της
λοιπης αὐτης χορηγιας κατασχ-

Initio legibus tantum commu-
nibus vsi sunt *Scythae*: postea au-
tem per morum insolentiam et
proteruitatem omnium hominum
miserrimi facti sunt. Voluptati
enim ita indulserunt, ut non alii
aliqui populi, quum affluentia et

σης. Τοῦτο δὲλον ἐκ ἐτι καὶ νυν
ὑπολειπουσης περι τῆς ἡγεμονας
αὐτῶν ἐσθνητος τε καὶ διατης.

opibus caeterisque rebus ad vitia
corrumperentur. Id manifestum
fit ex cultu ac victu, qualis hoc
nostro quoque tempore inter princi-
pes eorum obtinet.

Sed praeterea Scythae antiquitus iam conflictati sunt cum alio
malo: quod quidem, si serpsisset latius, eorum imperium dudum per-
didisset. Adoptarunt videlicet Scytharum pars, ac Principes inpri-
mis nonnulli, *Graecorum religiones*: retinentibus contra plerisque Scy-
this patrios ritus, ac peregrina sacra, vt scelesti et impia, detestan-
tibus, eorumque cultores capitali odio ac ferro ipso persequentibus.
Anacharsidis principis, ac *Scylae* regis fata, quae Herodotus (IV. 76-
81) pluribus exposuit, exempli loco esse possunt.

§. 10.

Vidimus hactenus, quam versa apud Scythas et mutata in pe-
iorem partem fuerint omnia eo tempore, quo Getas in *Scythiam oc-
cidentalem* immigrasse necesse est. Iam restat, vt qualis fuerit *borea-
lis Thracia* eo tempore, quo Getae illam reliquerant, dicamus. At-
que id quidem iam in superioribus (§. 7) commemoratum est, fuga-
tis *Persis*, maximam Thraciae vniuersae partem ab *Odrysis* fuisse sub-
iugatam. Quod ad Thraciam septentrionalem, hoc est, eam, quae
Istro ac Haemo inclusa est, attinet, tres populi eam Herodoti aetate
incoluerunt: ac primo quidem *Getae* ipsi, ab Euxino inde Ponto ad
Iathrum vsque fluuium: deinde *Crobyzi*, Iathro (hodie Iantra) a Ge-
tis, et Escio s. Oscio flumine (hod. Ischa s. Isker) a Triballis diuisi:
ac denique *Triballi*, inde ab Escio ad Illyrios vsque pertinentēs. Ex
tribus his populis (qui omnes, partim ab Herodoto, partim a Thucy-
dide, inter Thracas referuntur) Thucydides *Getas* solos odrysico im-
perio assignat, *Crobyzos* autem, ab Herodoto memoratos, silentio
praeterit, et *Triballos* populum sui iuris cognominat. Vt ab vltimis
ordiamur, fuerunt *Triballi*, Thucydide teste (II. 96), populus liber,
id est, odrysico imperio non subiectus, licet ei ab occasu conterminus,
nec nisi Oscio flumine ab eo diremtus; sed fuerunt Triballi etiam eo
ipso tempore populus *admodum potens*, vt qui cum Odrysis de princi-
patu

patu borealis Thraciae contendebant, et quum octauo belli peloponnesiaci anno, hoc est, A. 3560, ideoque centum annis ante Alexandri M. obitum, res ad manus atque ad pugnam venisset, Odrysos ita profligabant, vt hi proelium, cum ipso eorum Rege, *Sitalce*, amitterent (Thucyd. IV. 101). Clade hac imperium Odrysicum, quod, secundum Scythicum, hucusque omnium regnorum maximum ac potentissimum fuerat, insigniter fuisse debilitatum ac fractum, cum res ipsa loquitur, tum ex eo inprimis perspicui potest, quod Odrysicum imperium post Sitalcae necem in duo regna, superius s. *Odrysicum*, et inferius s. *Sapaicum*, fuit discerptum. Iam qualem in his turbis fortunam *Crobyzi* ac *Getae* fuerint experti, quilibet per se ipse poterit iudicare. Triballorum imperium per vniuersam Thraciam borealem, ab Illyriorum inde finibus ad Euxinum vsque Pontum fuisse extensum, certum est: qui quidem Triballorum principatus ad Philippi et Alexandri M. tempora durauit. Ipse itaque rerum ordo postulat, vt *Crobyzi* ac *Getae* aut in Triballorum potestatem sint redacti, aut aliorum aufugerint. Ac posterius *Crobyzos* elegisse, haud dubium est. Nam vt nec de eo dicam, *Crobyzos* a Triballis victoribus non nisi Oscio flumine fuisse discretos, nec illud repetam, commemorari eos ab Herodoto, contra a Thucydide omitti: posterioris aevi scriptores, inde a Strabone, omnes vno ore *Crobyzorum* sedes *extra Thraciam* collocarunt.

1. STRABO ipse (Lib. VII. p. 318): Ὑπεροικουσι δ' οὗτοι (Τριβαλλοὶ καὶ Μυτοὶ) τὴ καὶ Κροβυζοὶ, καὶ οἱ Τρωγλοδυταὶ λεγόμενοι, τῶν περὶ Καλατίν καὶ Τομαεάν καὶ Ἰσρόν, τοπῶν: *Hi* (scilicet Triballi et Mysi) *et CROBYZI*, *et qui Troglodytae dicuntur, in tractibus supra Calatin, Tomaeam et Istrum sitis.*

2. PLINIUS (IV. 26): Mox Axiacae, cognomines flumini (inter Danastrin et Hypanin s. Bogum decurrenti, hodie *Kagalnik* dicto): ultra quos *Crobyzi*. (Habitarunt itaque tunc *Crobyzi* inter Bogum et Danaprin s. Borysthenem.)

3. PTOLEMAEUS: Eorum, qui sunt ad orientem, qui ostium Danubii ποτιωτατον, Peucen nominatim accolunt, Troglodytae nominantur, qui reliqua ostia, Peucini, qui Pontum (Euxinum), *Crobyzi*.

4. STEPHANUS: Crobyzi *supra Istrum ad boream.*

Ex his testimoniis, *Plinii* imprimis, patet, Crobyzorum sedes nouas in eo tractu sitas esse, in quibus iam ante *Strabonis* aetatem, vt infra videbimus, *Getarum* pars, seriori autem tempore *Slauica* gens, *Cribizi*, habitarunt.

§. II.

Iam ad *Getas* redeundum est. Atque hi quidem, vtrum statim post memoratam supra (§. 10) Triballorum victoriam (A. 3560, s. anno ante Chr. nat. 423), an interiecto aliquo temporis spatio, in *Scythiam occidentalem* traiecerint: itemque vtrum irruperint per vim *Scythisque* inuitis, an vero finium, contra praeualentium Triballorum incursiones, tuendorum caussa, inuitati a *Scythis* ipsis aduenerint: quis est, qui in tanta scriptorum, huius potissimum aevi, iactura, certo definire auset? Si mihi tamen, quod suspicor, aperire liceat, crediderim, *Getas*, Triballorum iniuriis fatigatos, dum illi nouas sedes quaererent, persuasos fuisse a *Scythis*, vt in partes *Scythiae* occidentales (hoc est, in hodiernam *Walachiam* et *Moldauiam*) secederent. Atque id quidem vt credam, haec me commouent. *Scythia* occidentalis (*Walachia* et *Moldauia*) tunc temporis, vt ex *Herodoto* (IV. 48, 53) nouimus, non nisi a *Scythis* aratoribus inhabitabatur, hoc est, a rusticis inermibus ac per agros late dispersis, qui a *Triballis* bellicosis ac dominandi cupidis Istro tantum secernebantur, ac praeterea occasum versus *Agathyrsos*, populum non *Scythicum* (in hodierna *Transilvania*) vicinum, ac, si non inimicum tunc, attamen parum amicum, habebant. Tam patens atque obuia hostibus quibuscumque terra, qualis tunc *Scythia* occidentalis erat, defendi sane potuit a *Getis*, qui ab *Herodoto* *Thracum fortissimi*, et a *Thucydide* *Scythis* etiam cultu similes, vocantur. Quam hostiles spiritus, seriori etiam tempore, in *Scythas* gesserint *Triballi*, Rex *Scytharum Atheas* A. 3643 expertus est. Hic enim bello *Triballorum*, vt *Frontinus* (*Stratagem.* II. 4) vocat, siue *Istrianorum*, vt *Justinus* (IX. 2) ait (intelligit autem *Justinus* *Istrianorum* nomine quoscumque Istri accolae, tam *Triballos* ipsos, quam gentes triballicae potestati subiectas), tam grauiter premebatur, vt, quia imparem se fore *Triballorum* potentiae arbitrabatur, auxilium a *Philippo*,

Philippo, Macedoniae Rege, per Apollonienses peteret, in successionem adeo regni scythici eum adoptaturus. Sed quum interim Triballorum Rex decessisset (quod tradit Justinus), vel stratagemate esset victus (quod Frontinus narrat); Atheas, nunc et metu belli et alienae opis necessitate solutus, Philippi auxilium non tam deprecatus est, quam aperte contempsit. Ex eo accensus ira Philippus in Scythiam infestis armis irrupit, ac licet Scythae Macedonibus et virtute et numero fuissent praestantiores; Philippi tamen astu ac vafritia ita profligati sunt, vt ex hoc tempore Scythicum nomen, tam formidabile antea, non contemni modo coeptum sit, sed prope fuerit deletum. Viginti millia puerorum ac feminarum a Macedonibus capta sunt, pecoris etiam magna vis, inprimisque viginti millia nobilium equorum (non *equarum*, vt vulgo editum est) ad genus faciendum in Macedoniam missa. Sed reuertenti ab Scythia Philippo *Triballi* (verba sunt Iustini, IX. 3) occurrunt: negant, se transitum daturus, ni portionem accipiant praedae. Hinc iurgium et mox proelium, in quo ita in femore vulneratus est Philippus, vt per corpus eius equus interficeretur. Quum omnes occisum putarent (Philippum), praeda amissa est.

§. 12.

Reiectis ita magis magisque in orientem Scythis, *Getae* finium ad *Danastrin* vsque, ac in vltiora fortasse, proferendorum occasionem facilem nacti sunt; an vero hoc ipso tempore occasum versus *Tibiscum* iam attigerint, incompertum est. In *Transilvania* hodierna AGATHYRSOS, populum non scythicum, iam ante Getarum aduentum habitasse, constat. Est et hoc certum, Agathyrsos numquam coaluisse cum Getis in populi vnus corpus, sed transmigrasse potius, incertum, quo potissimum tempore, at ante Strabonis tamen aetatem, in orientales Europae plagas. Vt ne quid hac in re dubii remaneat, apponam scriptorum de Agathyrsis loca praecipua:

1. ex HERODOTO (IV. 49): *Ex AGATHYRSIS fluens Maris* (hodie *Marosch*) *Istro se immiscet* — (IV. 100): *Secluditur Scythia a primis* (occidentem versus) *AGATHYRSIS: deinde a Neuris: —* (IV. 104): *AGATHYRSI lautissimi viri sunt, et aurum plerumque gerunt.*
Comment. Hist. et Phil. T. XI. Z *stant*

stant (Transilvania igitur, iam sub Herodoti aetatem, suas habuit aurifodinas): in commune coeunt cum mulieribus, ut inter se germani sint ac domestici omnes: nihil neque liuoris neque odii mutuo exercentes: in ceteris ad Thracum consuetudines accedunt.

2. MELA (II. 1): *Maeotidis flexum Buceis amnis secat, AGATHYRSI et Sauromatae ambiunt: quia pro sedibus plaustra habent, dicti Hamaxobii.*
3. PLINIUS (IV. 25): *A Taphris (in ceruice Chersonesi Tauricae) per continentem introrsus tenent Auchetae (Herodoti Auchatae Scythae, citra Borysthenem), apud quos Hypanis oritur, Neuri, apud quos Borysthenes, Geloni, Thussagetae, Budini, Basilidae, et caeruleo capillo AGATHYRSI.*
4. AMMIANUS MARCELLINUS (XXXI. 5. Vales. 2): *Gelonis AGATHYRSI collimitant.*

§. 13.

Properandum nunc est ad ALEXANDRI M. ac successorum eius tempora. Atque ALEXANDER quidem, antequam longinquam in Persas expeditionem suscepisset, opus esse existimauit, populos Thraciae, *Triballos* imprimis, nondum satis domitos, debellari. Id quum fecisset, in *Getas* etiam traiecit, vnumque ex eorum oppidis, ab Istro nonnisi parasangam vnam (h. e. vnam leucam gallicam) distans, occupauit ac deleuit. Tota haec Alexandri in *Getas* expeditio, quam Strabo (L. VII. p. 301) et Arrianus (I. 3) memorant, vnus duntaxat diei labor fuit, nec alio suscepta est consilio, nisi vt *Getae*, quid eius valeret robur ac virtus, viderent. Ex Alexandri M. successoribus *LYSIMACHUS*, Thraciae Rex, bellum intulit *DROMICHAETAE*, *Getarum* Regi, non, vt, quod Alexander fecerat, exterreret tantum *Getas*, sed vt fines imperii, per se satis magni, dilataret. At enimuero belli huius exitus fuit tam infelix, quam qui infelicissimus: exercitus *Lyfimachi* fusus est, et ipse cum filio captus; a *Getarum* tamen Rege libertatem accepit, tam excelfo tamque generoso Regis barbari animo summopere pudefactus. De bello hoc Strabo (L. VII. p. 302), *Plutarchus* (in *Demetrio* extremo), *Polyaenus* (L. VII. s. v. *Dromichaetes*), *Pausanias* (in *Attic.* I. 9) exposuerunt.

§. 14.

§. 14.

In haec circiter tempora incidit *Gallorum* s. *Celtarum* ex Italia superiore in Illyricum et Pannoniam transitus. Iam Alexander M. (teste Arriano, l. 4) eos A. 3649 ad Ionium sinum, id est, in boreali maris Adriatici ora, confidentes inuenit; sed haud ita multo post Celticorum populorum et numerus et vires sic inualuerunt, ut ipsorum etiam *Triballorum* fines attingerent. Quanta hinc rerum conuersio per Illyricum, Pannoniam ac Thraciam borealem orta sit, nunc nihil attinet dicere; sed qualem in his turbis fortunam *Triballi* inprimis habuerint, silentio praeterire non debemus. *Triballorum* enim fata penitus noscere, ideo plurimum nostra interest, quia illi, ut *Crobyzi* (§. 10), ex vna eademque cum *Getis* stirpe *Thracica* fuerunt prognati (Strabo L. VII. p. 305 et 315), tandemque in vnam cum *Getis* gentem, ut mox videbimus, coaluerunt. Ac *Triballi* per se ipsi iam terrarum amplissimum tenuerunt tractum, utpote qui, Oscio et Illyriorum finibus inclusus (Thucydides II. 96), inde ab *Agrianibus* (populo *Paeonico*, circa *Rhodopen* indeque ad fontes *Oscii* ac *Strymonis* colente *) ad Istrum vsque XV dierum itineris spatium occupauerat (*Τριβαλλες ἀπο Ἀγριανων μέχρι τῆς Ἰστρου καθήκοντας ἡμερῶν πεντεκαίδεκα ὁδόν*, Strabo L. VII. p. 318). Postea vero imperii sui fines per vniuersam Thraciam borealem, ut supra (§. 10 sq.) dictum est, protulerunt. Sed populus hic potentissimus, etsi ex *Philippi*, eiusque filii, *Alexandri* M. insidiis integer discesserat, nec a *Gallis Brenni*, qui circa A. 3706 ipsorum et *Getarum* copias fugauerunt, multum acceperat detrimenti (Justin. XXV. 1); postea tamen, ut populorum fata ferunt, ab *Autariatis*, maximo pariter atque optimo *Illyriorum* populo, subiugatus est (*Αὐταριαται — το μέγιστον καὶ ἀρίστον τῶν Ἰλλυριῶν ἔθνος — κατασφραμμένοι Τριβαλλες*, Strabo VII. p. 317. extr. et p. 318). Quamdiu *Triballi* sub *Autariatarum* dominatione vixerint, incertum est; id vero constat, eos, cum *Autariatis* ipsis, incertum, quo potissimum anno, sub imperium ditionemque *Scordischorum*, Celtici s. Gallici populi, cecidisse. Strabo enim (VII. p. 318) ait:

Z 2

κατελυ-

*) Vid. Commentat. meam III. de Herodoti ac Thucydidis Thracia in Commentatt. Societatis nostrae Vol. VI. p. 42 sq.

Κατελυθησαν (Αὐταριαται) δ' ὑπο Σκορδισκων προτερον, ὑστερον δ' ὑπο Ῥωμαίων, οἱ καὶ τὰς Σκορδισκας αὐτὰς κατεπολεμησαν πολὺν χρόνον ἰσχυσαντας.

Iugum *Scordischorum* vt ab suis depellerent ceruicibus, diu frustra *Triballi* laborarunt: donec bellis diuturnis fessi non magis, quam debilitati, ad *Getas*, cognatos suos, eo tempore admodum potentes, trans Istrum secesserunt: id quod Appianus Alexandrinus (in *Illyr.* p. 758, edit. Toll. p. 1195) his verbis testatur:

οἱ (Σκορδισκοὶ καὶ Τριβαλλοὶ) ἐς τοσέτον ἀλλήλους πολεμῶ διεφθίραν, ὥς Τριβαλλῶν ἐτι ὑπολοιπὸν ἦν ἐς Γέτας ὑπὲρ Ἰστρον φυγεῖν, καὶ γένος ἀκμάσαν μεχρὶ Φιλίππου πατρὸς Ἀλεξάνδρου, νυνὲς ἔρημον καὶ ἀνωχυμὸν τοῖς τῆδε εἶναι.

Sunt autem (*Autariatae*) potentia sua exuti prius a *Scordiscis*, deinde ab ipsis Romanis, qui *Scordiscos* etiam debellauerunt, diuturno vsos imperio.

qui (*Scordisci* et *Triballi*) tam diu inter se bello dimicarunt, quoad *Triballorum*, qui supererant, omnes ad *Getas* trans Istrum confugerant. Sic natio haec, ad *Philippi* et *Alexandri* vsque tempora potentia florens, nunc adeo euiluit, vt nullo fere cognomine superesse videatur.

Iam quum *Triballi* in oppositam auitis ipsorum sedibus Danubii oram discessissent, *Agathyrsi*, pristini eius incolae, aut sua sponte deseruerint eam, aut expulsi a *Triballis* ac *Getis* sint, oportet (vid. supra §. 12 locum de *Agathyrsis*). Tenemus igitur nunc velut manibus populum illum, *Getis* contiguum, quem Romani potissimum *Dacorum* nomine insignierunt. Deposuisse autem *Triballos* in sedibus suis novis priscum nomen suum, ipse Appianus, allatis paullo ante verbis, innuisse videtur. *Etymon* nominis *Dacorum*, nunc certe, latet: quod quidem haud mirum est, quum innumerabilium aliorum nominum *etymon* lateat. Reliquerunt *Triballi* in prisca etiam patria sua vrbes, quarum nomina, in *dava* s. potius *dav* desinentia, geticam cognationem produnt (conf. infra §. 50). Huius generis nomina sunt *Thermidava* in Dalmatia (ap. Ptolem. L. II. c. 17. p. 60), *Quimedava* in Dardania (ap. Procop. de Aed. L. IV. c. 1. p. 68). Commemoranda etiam est, ac inprimis quidem, Moesiae vrbs *Bylazora*, cuius nomen totum geticum (s. flauicum) est. Sed discedendum nunc quidem est ab hoc loco, et ad alia pergendum.

§. 15.

Ad summum potentiae culmen imperium Getarum proximo ante Christum natum saeculo euexit BOEREBISTAS (Burebistas) Rex. Atque id quidem aestimari potest cum ex eo, quod militum ducenta millia in hostem ducere potuit; tum inprimis ex rebus multis, fortiter feliciterque ab eo gestis, de quibus haec apud Strabonem (L.VII. p. 303 sq.) exposita leguntur:

Βοιρεβίστας ἀνὴρ Γετίας, ἐπίστας τὴν τῶ ἐθνὸς ἐπίσταςίαν, ἀνελαβε κενაკωμένους τὰς ἀνδρώπας ὑποσυχνῶν πολεμῶν καὶ τοσοῦτον ἐπήρεν [ἐν] ἀσκήσει καὶ νηψεί, καὶ το προτεχεῖν τοῖς πραγμασίν, ὥστ' ὀλιγῶν ἐτῶν μεγαλὴν ἀρχὴν κατεστησατο, καὶ τῶν ὁμορῶν τὰς πλείους ὑπέταξε τοῖς Γεταῖς· ἤδη δὲ καὶ Ῥωμαίοις φοβερός ἦν, διαβαίνων ἀδεῶς τὸν Ἰσθμὸν, καὶ τὴν Θρακίαν λεηλατῶν μέχρι Μακεδονίας, καὶ τῆς Ἰλλυριδος· τὰς δὲ Κελτὰς τὰς ἀναμιγμένους τοῖς τε Θραξί καὶ τοῖς Ἰλλυριοῖς ἐξεπορῆσε, καὶ ἀρδὴν ἠφάνισε τὰς ὑπὸ Κριτασίρῳ Βοῖας καὶ Ταυρισκῶν, πρὸς τὴν εὐπορίαν τοῦ ἐθνὸς. Συναγωνίστην ἐσχέ δὲ Κερεὼν (*Δεκαεῖον) ἀνδρὰ γόντα, καὶ πεπλανημένον κατὰ τὴν Αἴγυπτον, καὶ προσημασίας ἐκμεμαθηκότα τινὰς, δι' ὧν ὑπεκρίνατο τὰ θεῖα· καὶ διολίγους καθίστατο θεός, καθάπερ ἐφάμεν περὶ τῶ Ζαμολξίῳς διηγούμενοι. Τῆς δὲ εὐπειθείας σημεῖον· ἐπειῶθησαν γὰρ ἐκκοῦσαι τὴν ἀμπέλον, καὶ ζῆν οἶνον χωρὶς.

Boerebistas, natione *Geta*, quum imperare genti suae coepisset, eam, crebris afflictam bellis, refecit: tantumque exercitatione, sobrietate ac diligentia profecit, ut intra paucos annos magnum constitueret regnum finitimasque plerasque gentes *Getarum* potestati subiiceret: quin et *Romanis* iam coepit terrorem iniicere, Istrum audacter transiens, Thraciamque ad Macedoniam vsque et Illyricum populans: idem *Celtas* Thracibus et Illyriis permixtos euastavit, *Boios* et *Tauriscos*, qui sub Critasiro erant, prorsus deleuit, ut suae genti tanto essent maiores facultates. Vfus est autem opera *Cenei* (vulgo editum *Decaenei*), praestigiatoris hominis, et qui per Aegyptum vagatus didicerat quasdam diuinationes, ex quibus Deorum responsa simulabat: ac parum absfuit, quin pro Deo haberetur, sicuti de Zamolxi narravimus. Indicio est, quam fuerint dicto eius audientes (*Getae*), quod suadenti, ut vites exciderent, viverentque absque vino, paruerunt.

Supplendae huic Strabonis narrationi possunt inseruire ea, quae *Dio Chrysostomus* in oratione ad Borysthenitas, A. Chr. 94 habita, dixit (p. 437. edit. Morelli):

Ἡ δὲ πόλις τῶν Βορυσθενιτῶν το
μεγεθος ἐστὶν ἔ
προς τὴν παλαιὰν
δοξάν, διὰ τὰς συνεχεῖς ἀλώσεις,
καὶ τὰς πολέμους — Ἡ τελευταία
καὶ μεγίστη ἀλώσις, οὐ προ. πλειονῶν
ἢ πεντηκοντα καὶ ἑκατον ἐτῶν· εἶλον
δὲ ταυτὴν ΓΕΤΑΙ καὶ τὰς ἄλλας τὰς
ἐν τοῖς ἀριστεροῖς τῆς Ποντικῆς πόλεις,
μέχρι Ἀπολλωνίας.

Vrbs Borysthenitarum pro veteri
gloria non item nunc ampla est,
quod saepe capta, multa bello per-
tulit — Extrema vrbs expugna-
tio, omnium acerbissima, accidit
annis non amplius *centum et quin-*
quaginta ante hunc diem: ceperunt
autem *Getae, cum hanc urbem, tum*
ceteras sinistro litore Ponti vrbes, us-
que ad Apolloniam.

Incidit ergo expugnatio, cum Olbiae Borysthenicae, tum reliquarum
vrbum maritimarum, in *annum ante Chr. nat. 56*, seu Ao. Vrb. 698.
Addit Dio Chrysostomus, Getas postea miseratos, Olbiam, tam flo-
rentem antea mercatibus urbem, in ruinis iacere, ad instaurandam
eam contulisse, quae potuerint, omnia. Id vnum ego quidem addo:
quum Getae *maritimas vrbes expugnasse a Dione Chrysostomo* dican-
tur, haud incredibile videri debere, studuisse Getas tunc temporis
etiam rei maritimae, ac mare tentasse. Florentissimus hic Getici im-
perii status, vix vnus hominis aetatem duravit. Boerebistas enim,
exorta populi seditione, circ. A. V. 722, anno ante Chr. nat. 32 oc-
ciscus est, et imperium inter plures regulos discerptum (Strabo L. VII.
p. 304). Ac de his turbis, Boerebistae necem insecutis, certior fa-
ctus *Caesar* statim de coercendis Getis cogitavit; sed haec et multa
alia meditantem sua ipsius violenta mors praeuenit (*Sueton. Jul. Caes.*
c. 44. et August. 8). Sed antequam progrediamur ad enarranda *bella*,
quae Getae *cum Romanis* gesserunt, quaeque in bonis initiis orsa, tam
tristes habuerunt exitus, vt a Romanis tandem subigerentur, ac terra
eorum redigeretur in prouinciae formam; necesse erit, *fines geticae*
terrae, seu, vt a Romanis vocabatur, *Daciae*, tam e Strabone, quam
e Plinio, quam fieri poterit, accuratissime describere.

§. 16.

Fines geticae terrae s. Daciae, a STRABONE descripti.

(L. VII. p. 294 sq.): Το δὲ νοτιον
μερος τῆς Γερμανίας, το πέραν του
Ἀλβίου, το μὲν συνεχὲς ἀκμὴν ὑπο

Latus autem Germaniae meri-
dionale, quod est trans Albim, con-
tinuo *Sueui* tenent: his statim de-

Σηβων

Σηιβων κατεχεται· εἰθ' εὐθύς ἡ Γε-
των συναπτεται γῆ, καταρχὰς μὲν
σειν, παρατεταμένη τῷ Ἰσρῷ κατα-
νοτιον μέρος· κατα δὲ τὸν ἀντιον,
τῇ παρορίᾳ τῆς Ἑρκυνικῆς δρυμῆς, με-
ρος τι καὶ αὐτῇ τῶν ὄρων κατεχουσα,
εἴτα πλατυνεται πρὸς τὰς ἀρκτὰς
μέχρι Τυριγετων· τὰς δ' ἀκριβεῖς
ὄρους οὐκ ἔχομεν φράζειν.

(L VII. p. 304 sq.): Γεγονε δε
καὶ ἄλλος τῆς χώρας μερισμός, συμ-
μενων ἐκ παλαιῶν· τὰς μὲν γὰρ Δα-
κὰς προσαγορευουσι, τὰς δὲ Γετας.
Γετας μὲν, τὰς πρὸς τὸν Πόντον κε-
κλιμένους, καὶ πρὸς τὴν ἐὼς Δακὰς
δε, τὰς εἰς τὰναντία πρὸς Γερμα-
νίαν, καὶ τὰς τῆς Ἰσρῆς πηγὰς, οὓς
οἶμαι Δαυοὺς καλεῖσθαι τὸ πα-
λαιον· ἂν οὐ δὲ παρα τοῖς Ἀττικοῖς
ἐπεπολάσεται τῶν οἰκετῶν ὀνόματα
Γεταὶ καὶ Δαυοὶ — — — Περὶ δὲ δι'
αὐτῶν Μαρῖσος ποταμός εἰς τὸν
Δανεβιον, ὃν τὰς παρακτενὰς ἀνε-
κομίζον οἱ Ῥωμαῖοι, τὰ πρὸς τὸν
πολεμόν. Καὶ γὰρ τῆς ποταμῆς τῆς
μὲν ἀνω καὶ πρὸς ταῖς πηγὰς μερὶ,
μέχρι τῶν καταρακτῶν, Δανεβιον
προσηγορευόν, ἃ μάλιστα διὰ τῶν
Δακῶν φέρεται· τὰ δὲ κατω μέχρι
τῆς Πόντης τὰ περὶ τῆς Γετας, καλε-
σιν Ἰσρον. Ὁμογλωττοὶ δ' εἰσιν
οἱ Γεταὶ τοῖς Δακοῖς· Παρα μὲν
οὖν τοῖς Ἑλλήσιν οἱ Γεταὶ γνωρίζον-
ται μάλλον, διὰ τὸ συνεχεῖς τὰς
μεταναστροφὰς ἐφ' ἑκάτερα τῆς Ἰσρῆς
πεποιοῦσθαι, καὶ τοῖς Θραξί, καὶ

inde (in eorum versus) *contigua*
est GETARUM terra, angusta initio,
quia, austrum versus Istri, ex op-
posita autem parte (in septentrio-
nem) silvae Hercyniae finibus co-
arctatur, ita tamen, ut complectatur
ipsorum etiam montium par-
tem aliquam; deinde vero, ac in
aquilonem quidem, usque ad *Ty-
rigetas* dilatatur: quamquam ac-
curatius fines describere non pos-
sumus.

Sed alia quoque regionis diuisio
antiquitus iam introducta est, ut
incolarum alii DACI, alii GETAE
appellantur. Ac GETAE quidem
vocantur, qui in Pontum ac orien-
tem versus inclinant; DACI autem,
qui in diuersum, ac in Istri quidem
fontes spectant, et Germaniae con-
tigui sunt. Dacos crediderim olim
Davos esse appellatos, unde etiam
apud Atticos in usu fuerint *seruor-
um* nomina *Getae* ac *Davi* — Per
eos (Getas s. potius Dacos) *Mari-
sus* fluuius (hodie *Marosch*) in Da-
nubium labitur, quo Romani res
ad bellum necessarias subuexerunt.
Etenim fluminis partes superiores,
quae inde ab eius fontibus ad ca-
taractas usque pertingunt, maxi-
meque per Dacos feruntur, *Danu-
bium* vocant; inferiores autem, ad
Pontum usque Euxinum, quibus
Getae vicini sunt, appellant *Istrum*.
Eadem autem lingua utuntur Getae
ac Daci. Graecis quidem notio-
res facti sunt Getae, ob crebras in
vtramque Istri ripam migrationes,

τοῖς

τοῖς Μυσοῖς ἀναμεμιχθαι — Μεταξὺ δὲ τῆς Ποντικῆς θαλάττης τῆς ἀπὸ τῆς Ἰστροῦ ἐπὶ Τυραν, καὶ ἡ τῶν Γετῶν ἐρημία προκείται, πεδίας πασα καὶ ἀνυδρὸς· ἐν ἡ Δαρείος ἀποληφθεὶς ὁ Ὑδασπείῳ καὶ ὄν καιρὸν διεβη τὸν Ἰστρον ἐπὶ τῆς Σκυθίας, ἐκινδύνευσεν πανστρατία διψῆσαι διαλυθῆναι — Πρὸς δὲ ταῖς ἐκβολαῖς μεγάλῃ νησὸς ἐστὶν ἡ Πευκὴ· κατασχόντες δ' αὐτὴν Βασαρναί, Πευκῖνοι προσηγορεύθησαν· εἰσὶ δὲ καὶ ἄλλαι νησοὶ πολὺ ἐλάττω —

(L. VII. p. 306): Ἡ δ' ὑπερκείμενη πασα χώρα τῆς λεχθέντος μεταξὺ Βορυθηνῆς καὶ Ἰστροῦ, πρώτη μὲν ἐστὶν ἡ τῶν Γετῶν ἐρημία· ἐπειτα οἱ Τυρρῆγεταί· μεθ' οὓς οἱ Ἰαζυγεὶς Σαρμάται, καὶ οἱ Βασιλῆιοι λεγόμενοι καὶ Οὐργοί, το μὲν πλεονομαδεῖς, ὀλίγοι δὲ καὶ γεωργίας ἐπιμελῆμενοι — Ἐν δὲ τῇ μεσογαίᾳ Βασαρναί μὲν τοῖς Τυρρῆγεταῖς ὁμοροὶ καὶ Γερμανοῖς, σχεδόντι καὶ αὐτοὶ τῆς Γερμανικῆς γενεῆς ὄντες, εἰς πλείω φυλὰς διηρημένοι· καὶ γὰρ Ἀτμόνοι λεγόνται τινες, καὶ Σιδόνες, οἱ δὲ Πευκὴν κατασχόντες τὴν ἐν τῷ Ἰστροῦ νησὸν Πευκῖνοι· Ῥωξολανοὶ δ' ἀρκτικώτατοι μεταξὺ τῆς Ταναΐδος καὶ τῆς Βορυθηνῆς νεμόμενοι πεδία. Ἡ γὰρ προσαρκτικός πασα ἀπὸ Γερμανίας μέχρι τῆς Κασπίας πεδίας ἐστὶν ἣν ἴσμεν. Ὑπὲρ δὲ τῶν Ῥωξολανῶν εἰ τινες οἰκῶσιν, οὐκ ἴσμεν.

et quod *Thracibus sunt Mysisque permixti* — Iuxta ponticum mare, ab Istro inde ad Tyran (hodie Dnjeſter) vsque, iacet *Getarum solitudo*, campestris tota et aqua carens, in qua Darius Hyſtaſpis, quum, traiecto Istro, in Scythiam transiſſet, in periculum, cum vniuerso exercitu ſiti pereundi, incidit — Ad ostia Iſtri inſula magna ſita eſt, *Peuce*, cuius incolae, *Bastarnae*, inde cognominati ſunt *Peucini*: ſunt et aliae, at multo minores, inſulae.

Regionis autem totius, quae praedicto inter Boryſthenem et Iſtrum interuallo ſuperiacet, prima portio eſt *ſolitudo Getarum*: deinde *Tyregetae*: poſt hos *Iazyges Sarmatae*, et qui *Bafilii* (i. e. Regii) dicuntur, et *Vrgi*, quorum plerique nomades ſunt, quidam etiam agriculturae ſtudent — In mediterraneis *Bastarnae* ſunt *Tyregetis ac Germanis confines*, ac fere ipſi quoque *Germanici generis*, in plures diuiſi populos. Nam *Atmoni* vocantur quidam, alii *Sidones*, et, qui inſulam Peucen incolunt, *Peucini*, *Roxolani* denique, qui maxime ſeptentrionales ſunt eorum, qui campos inter Tanain et Boryſthenem tenent. Nam quantum eſt nobis cognitum regionis ſeptemtrionalis inde a Germania ad mare vsque Caſpium, id omne eſt campeſtre. An vero ſupra *Roxolanos* habitet aliquis, nescimus.

§. 17.

Fines geticae terrae s. Daciae, a PLINIO descripti.

(IV. 25): "Ab eo (h. e. inde ab Istri ostiis in eorum versus, NW) in plenum quidem omnes Scytharum sunt gentes: variae tamen littori apposita tenuere: alias *Getae*, *Daci Romanis dicti*: alias *Sarmatae*, Graecis *Sauromatae*, eorumque *Hamaxobii* aut *Aorsi*: alias *Scythae* degeneres et a seruis orti, aut *Troglodytae*: mox *Alani* et *Rhoxalani*. *Superiora* (h. e. aduersum Danubium legendo, siue, quod idem est, in occasum versus) *inter Danubium et Hercynium saltum usque ad Pannonica hiberna Carnunti* (quae vrbs opposita fere est ostio *Morauae* fluminis) *Germanorumque ibi confinium*, (tenent) *campos et plana Jazyges Sarmatae*; *montes vero (Carpaticos) et saltus (Hercynios) pulsati ab his (Jazygibus) Daci* (tenent) *ad Pathissum (Tibiscum) amnem, a Maro* (hod. March s. Moraua), *siue is Duria* (hod. Tyrna) *est, a Suevis regnoque Vanniano dirimens eos*: *aduersa* (i. e. borealia montium *Carpaticorum*) *Baslernae* tenent, alique inde *Germani* — *Scytharum nomen usque quaque transit in Sarmatas atque Germanos*. Nec aliis prisca illa durauit appellatio, quam qui *extremi gentium harum*, *ignoti prope ceteris mortalibus*, degunt."

(IV. 26): "Verum ab Istro (in ortum) — *clarus amnis Tyra*, opido nomen imponens, vbi antea *Ophiusa* dicebatur. In eodem insulam spatiosam (hod. Tandra) incolunt *Tyragetae* (*Tyragetarum* pars) — Mox *Axiacae* cognomines flumini, ultra quos *Crobyzi* — Et a Tyra centum viginti millibus passuum flumen *Borysthenes*."

§. 18.

Iam si, quae Strabo et Plinius de Geticae terrae siue Daciae finibus tradiderunt, inter se conferantur; manifestum fiet hoc:

I. In termino tam boreali, quam australi Getices s. Daciae consentiunt inter se Strabo et Plinius: ambo enim Geticen s. Daciam *Carpaticis montibus septentrionem versus*, et *Istro s. Danubio meridiem versus*, inclusam esse tradunt: ambo addunt etiam, ipsorum *Carpaticorum montium partem aliquam*, ac in eorum quidem (NW), occupatam a Getis s. Dacis fuisse.

2. Nec in figendo *termino orientali* inter se discrepant scriptores nostri: extendi enim aiunt Geticen s. Daciam ad *Tyran* (hod. *Dniestr*) vsque fluuium, ac, si etiam *Tyregetae*, vti par est, annumerantur Getis, paullo vltra *Tyran*.

3. Sed in definiendo *termino occidentali* haud exiguum inter *Strabonem* ac *Plinium* discrimen intercedit. *Strabonis* enim aetate (circ. A. Chr. 18) *Getae Sueuis* omninoque *Germanis* fuerunt contermini, ideoque ad *Marum* siue *Morauam* vsque pertinuerunt; at *Plinii* tempore (circ. A. Chr. 78) *Marum* fluuium non omnino attigerunt *Getae* s. *Daci*, quia *Iazyges Sarmatae* siue *Metanastae*, incertum, quo praecise anno quoue casu in *Daciam occidentalem* e *Sarmatia* delati, interiectum *Tibisco* ac *Morauae* tractum ita velut cum *Getis* diuiserant, vt sibi meridionalia, ac *Danubio* propiora, id est, campos ac plana vindicarent, *Getis* vero non nisi septentrionalia, id est, montes *Carpaticos* ac *Hercynios* saltus relinquerent, habitandos.

§. 19.

Sed pergendum nunc est ad breuiter enarranda *Getarum* cum *Romanis* bella, quae, per centum et quod excurrit annos haud infeliciter gesta, libertati tandem geticae exitiosissima fuere. Quae necem *BOEREBISTAE*, potentissimi *Getarum* Regis, insecuta sunt, dissidia interna, iis *Romani*, vt supra iam innui, ad suam vtilitatem abvsi sunt. *Augusto* scilicet imperante, *Geticorum* regulorum alii ad *Romanos* descuerunt, alii vero discesserunt in alia omnia. Ex tribus eiusmodi *Getarum* regulis, a *Dione Cassio* (L. LI. c. 24-26) memoratis, *ROLES* A. V. 725, anno ante Chr. nat. 29, *Romanorum* partibus fauit, et est etiam, quum ad *Caesarem Augustum* profectus esset, amicus ab eo sociusque dictus. Contra *DAPYX* fuit et *Rolae* et *Romanis* inimicissimus, quamquam mox periit in bello, quod cum *Role* et *M. Licinio Crasso* gesserat: qua occasione *Crassus* etiam *Getarum* speluncam, cui nomen *Ceira* erat, expugnauit. Quod denique ad *ZYRAXEN* attinet, ei, quamquam neutram in partem inclinare viso, *Crassus* tamen inferre bellum decreuit: quod quum *Zyraxes* praesensisset, ad *Scythas* profectus est, vt eos in adiutorium secum traheret. Sed antequam reuertisset ab *Scythia*, *Crassus* valentissimum oppidorum

rum eius, Genucla ad Istrum, occupavit (Vid. praeter *Dion. Cass.*, etiam *Sueton. August. 21*).

In Caesaris Augusti tempora (A. V. 743 et 744, i. e. A. ante Chr. nat. 11 et 10) incidunt etiam incursiones COTISONIS, qui non omnium omnino Dacorum fuisse Rex videtur, sed *Dacorum tantum montibus inhaerentium* regulus, id est, eorum, qui, ut supra dictum est, a Sarmatis Metanastis in campis ac planis Daciae maxime occidentalis in boreales montes silvasque reiecti fuerant. Patet hoc ex his Flori (IV. 12) verbis: "*Daci montibus inhaerent.* COTISONIS Regis imperio, quotiens concretus gelu Danubius iunxerat ripas, decurrere solebant, et vicina populari. Visum est Caesari Augusto gentem aditu difficilissimam submovere. Misso igitur *Lentulo*, ultra ulteriorem repulit ripam: *citra* (in Moesia, Romanorum prouincia) *praesidia* constituit. *Sic tunc Dacia non victa, sed summoti atque dilata* (ad Traiani vsque tempora) *est.* Sarmatae (s. Jazyges Metanastae) *patentibus campis inequitant.* Et hos per eundem Lentulum prohibere Danubio satis fuit." Cotifonis meminit etiam Horatius, victoriam Augusti (Carmin. III. 8) his verbis concelebrans: "Occidit (Augustus) Daci Cotifonis agmen." Sed quae Suetonius (August. 64) de Julia, Cotifoni Geta-
rum Regi desponsata, tradit, non de nostro Cotifone, sed de Coty, Thraciae rege, intelligenda sunt.

§. 20.

Cotifonis clade, tantum abest, ut Getae fuerint debilitati, aut a deuastanda Moesia absterriti, ut potius nullus fere annus reperitur, qui vacuus ab eorum incursionibus fuerit: id quod fugere ne tirones quidem potest, qui Ouidii Tristia Epistolasque ex Ponto legunt. Post medium vero primum a Christo nato saeculum non tam de finibus imperii, quam de imperio ipso, inter Romanos Getasque dimicari coeptum videtur. Apud Romanos eo tempore summa rerum ab eximiis praedecessoribus, *Vespasiano* ac *Tito*, in degenerem successorem, DOMITIANUM, transiit; contra ea apud *Getas* s. Dacos *Duras* Rex, quod DECEBALUM se ipso meliorem esse ideoque digniorem regno iudicasset, summam rerum in Decebalum sua sponte transtulit, eoque ipso incomparabile summi in patriam amoris documen-

tum dedit. In singulari hac summorum vtriusque imperii principum inaequalitate, inaequalis etiam rerum gerendarum exitus haud immerito expectari debuit, et fuit etiam inaequalis. "Ea insecuta sunt reipublicae tempora (ait Tacitus in Agricola c. 41), quae sileri Agricola non sinerent: tot exercitus in *Moesia Daciaque*, et *Germania Pannoniaque*, temeritate, aut per ignaviam ducum, amissi, tot milites viri cum tot cohortibus expugnati et capti: nec iam de limite imperii, et ripa, sed de hibernis legionum, et possessione dubitatum." Duas autem, testante Suetonio (in Domitian. c. 6), in Dacos expeditiones suscepit Domitianus, A. Chr. 85 et 86, non ipse quidem, sed ducibus suis usus: ac primam Oppio Sabino, consulari, oppresso: secundam vero aequae infelicem, Cornelio Fusco, Praefecto cohortium praetoriarum, cui belli summam commiserat. Tertiam denique expeditionem A. Chr. 89 Domitianus ipse suscepit, sed tam improspere exitu, ut pacem cum Decebalo ignominiosam facere ac tributarius Dacorum fieri cogeretur. Tametsi vero Domitianus victus a Decebalo fuit, Romae tamen impotens ac stolidus homo victorem simulavit, et A. Chr. 90 triumphum de Dacis egit. Fuisse lateque bellum hoc Dio Cassius (LXVII. 6, 7, 10) et Jornandes (c. 13) enarrant; sed Jornandes a Dione, tam in populi victoris, quam in Regis ipsius nomine, multum discrepat: attribuit enim victoriam *Gothis* suis, ac pro Decebalo, nescio quem*), *Durpaneum* substituit. Si Jornandes non omnino erraverit, confundendo, quod facit interdum, Getas cum Gothis; in eo tamen haud dubie peccavit, quod victoriam assignavit *Gothis solis*, qui, si proelio interfuerint, ad summum non nisi auxiliarium copiarum numero haberi possunt. Praesto autem fuisse Decebalo in eo bello copias e vicinis populis, ut *Roxalans*, *Sarmatis*, cet., certum est:***) quidni etiam e *Gothis*, qui eo iam tempore, si non attigerint Daciam, haud procul tamen ab ea abfuere.

§. 21.

*) Cum Jornandes non de tertia, Domitiani ipsius expeditione, sed de duabus prioribus, per duces administratis, loquatur; Regis *Durpanei*, nomine, *Duram*, qui ante Decebalum Getarum Rex fuit, innuisse videtur.

**) Vid. *Gruteri Inscript. CCCCLIII*,

§. 21.

Desierunt tandem Getae superiores per tractus Istrianos esse, ex quo TRAIANUS, omnium Augustorum facile princeps, A. Chr. 98 summae rerum praeesse coeperat. Duo bella Decebalus cum Traiano gessit, et ambo quidem infelicissime ac Traiani triumphis terminata: gestum vnum A. Chr. 100-103, alterum A. 104-106. Bellorum causa fuit haec. Decebalus tributum, Domitiano impositum, quum a Traiano quoque exegisset, repudiatus est ab eo, utpote numquam victo. Repulsa hac exacerbatum Dacorum Rex, vincere adhuc solitus Romanos, clandestina cum Parthorum Rege, Pacoro, consilia agitavit, incursionemque inopinatam, traiecto Istro, in terras Romanas fecit. Quo audito, aduolauit Traianus, ac Decebalum non repulit tantum, sed transgressus etiam in Daciam ipsam, victoricibus armis eo adegit, ut peteret pacem, et in vrbes suas, Istro propinquas, romana praesidia reciperet. Sed finito vix, quem Traianus Romae de Dacis egerat, triumpho, Decebalus, impatiens iugi, quod vocabat, romani, de bello renouando cogitavit; quod quum per plures menses diligentissime comparasset, militibusque conscribendis, muniendis urbibus ac castellis, sociorum auxiliis conuocandis apparandisque reliquis ad bellum necessariis rebus vacaret; Traianus cum exercitu aduenit, non iam, ut in priori bello, praepropere agens, sed festinans lente, ponte etiam in Istro summa arte aedificato. Traductis tandem copiis in Daciam, regni caput, Zarmizegethusam, ac omnia fere loca reliqua cepit. Iam Decebalus, diffidens ac desperans rebus suis, mortem sibi ipse consciuit, ne viuus in arbitrium ac potestatem veniret hostis superbi, eique ob id quoque infensissimi, quod antea in caput eius insidias praeparasset (vid. Dio Cassius, LXVIII. 6, 11-15). Sic *Dacia* A. 106 *Romanorum prouincia* facta est.

III. DACO-GETAE ROMANIS SVBIECTI:

ab A. Chr. 106 vsque ad A. 274.

§. 22.

Qualis fuerit *Traiani Dacia*, quamque late patuerit, non accurate satis definiunt veteres scriptores. Solus ex iis *Eutropius* est,

Aa 3

quo,

quo, tamquam itineris duce, per obscuras has latebras vti licet. At quam fallax is ipse sit, ex his eius verbis manifestum fiet: "Daciam, inquit (VIII. 2), Decibalo victo, subegit (Traianus), prouincia trans Danubium facta in his agris, quos nunc (medio saeculo IV) TAIPHALI habent, et VICTOPHALI et THERVINGI. Ea prouincia *decies centena millia in circuitu* tenet." Ad conscientiam aequalium suorum quasi prouocat Eutropius, quos sane *Taiphalorum, Victophalorum et Theru-vingorum* sedes non facile potuerunt latere: ast nobis, tam sero uidentibus, incognitae sunt: quamquam hoc nouimus, pertinuisse hos tres populos ad *Visigothorum* gentem, Daciamque ab iis saeculo IV fuisse inhabitatam. Alterum vero, quod subiicit Eutropius, prouinciam hanc Traiani 1000 *milliaria romana*, hoc est, 200 *germanica milliaria, in circuitu* tenuisse, perceptu nobis iucundum ac vtile esse debet: cognoscimus enim ex eo, *non uniuersam Getarum s. Dacorum terram* ■ Traiano in prouinciae formam fuisse redactam. At quam late patuerit coarctata sic Traiani Dacia, nec ex Eutropio, nec ex alio fide digno auctore cognoscere licet; etsi de termino australi, *Istro* scilicet, res minime dubia esse potest.

§. 23.

Derelictis itaque nobis ab idoneis scriptoribus circumspectienda sunt alia, ■ quibus *Daciae Traianae fines* conici possint. Et in his praecipua ac fere vnica sunt, primo *vallum* romanum, deinde munitae ■ Romanis per Daciam *viae militares*, quarum nonnullae hodieque ab incolis *Troianae*, hoc est, *Traianae* vocantur. Ac *vallum* quidem, cuius reliquiae in Comitibus Marfigli opere splendido expressae cernuntur, incipit ab *Istro*, medio inter Singidunum (hod. Belgrad) et Viminacium (hod. *Vi-Palanka*) loco, id est, prope urbem hodiernam *Senderouiam* siue *Semendriam*, et boream versus, recto fere itinere gradum longitudinis $38\frac{1}{2}$ sequens, ad Marisi (Marosch) ripam finitur. Ab ulteriore ripa Marisi in septentrionem ad confluens vsque Tibisci (*Theis*) et Samosii (*Samosch*) *vallum* non est continuatum, sed, Marfiglio testante, viae tantum militaris, aggere fossaque munitae, reliquiae cernuntur. Ac ille quidem tractus, qui, hinc *Istro* et Mariso, illinc vallo et Transilvaniae finibus inclusus erat, maximamque *Bana-*
tus

tus Temesiensis partem comprehendebat, frequenter tunc temporis habitatus fuit; sed in altero eoque multo ampliore tractu, inter Marisum ac Tibiscum superiorem interiecto, certa romanarum sedium vestigia vix ac ne vix quidem deprehenderis. Atque haec de *vallo romano* dicta sufficiant. Quod vero ad *vias romanas* attinet, non nisi eas, quae in septentrionem ab Istro inde ducunt, ex tabula *Peutingeriana* (editionis Scheybianae segment. VI et VII) nunc commemorabo. Ac vna quidem, primo boream versus a Viminacio ad urbem usque Tibiscum (hod. *Temesvar*), deinde in orientem, per loca maxime aspera et confragosa, ad caput Daciae, Zarmizegethusam siue Vlpianam Traianam, et hinc denique in septentrionem usque ad Parolissum, urbem, prope fontes Samosii, ideoque in maxime boreali Transilvaniae tractu, sitam, nos ducit. Altera autem via, inde a Nicopoli, ad Istrum urbem, primo ascendit in septentrionem, secundum Alutae fluminis occidentale latus, usque ad fines Transilvaniae australes, deinde convertit se in corum versus (NW), donec cum via prima, ad urbem Apulum (hod. *Alba Iulia* s. *Weissenburg*), in vnum coëat.

§. 24.

Iam si ea, quae modo diximus, cum iis, quae aliunde nota sunt, coniungantur, *fines Daciae Traianae* facile poterunt describi. Complexa est videlicet prouincia haec romana: I) maximam *Banatus Temesiensis* partem, II) *Transilvaniam* totam, III) tertiam circiter partem *Walachiae*, eam scilicet, quae in occasum spectat, et *Aluta* fluuius secreta est a partibus orientalibus, IV) exiguum illum *Moldaviae borealis* tractum, qui partim *Praetoriam Augustam* (hod. forte *Roman*, ad confluentes Sireti et Moldauae), partim *Iassiorum municipium* (hodie *Iassij*) ad fluuium hodie *Bahlui* dictum, paullo supra confluentem *Poratae* (*Pruth*), partim finitimam duabus his urbibus regionem comprehendit.

§. 25.

Relictae itaque *Getis* siue *Dacis* fuerunt *duae* circiter *tertia* *uniuersae Daciae*, hoc est: I) *Regio borealis*, hinc vallo romano ac *Transilvaniae* occidentalis finibus, illinc *Mariso* et *Tibisco* superiore inclusa; II) *Montana regio*, inter superiores *Morauae* ac *Tibisci* partes interiecta,

iecta, et Oderae Vistulaeque fontibus opposita, quam pulsi a *Iazygibus metanastis* ex planis ac campis *Daci* tenebant (§. 10); III) duo circiter trientes *Walachiae*, in ortum spectantes; IV) tota fere *Moldania*; V) *Russiae rubrae* pars orientalis, Carpaticis montibus ac *Danastris* superiore inclusa, in hoc enim tractu sita erat Geticarum urbium, quas nouimus, maxime septentrionalis, *Netin-dava* ad Poratam (Pruth), quae hodie dicitur *Snjatyn*, regionis *Pocutiae* caput. Huc accedunt denique duo tractus, extra fines *Daciae* propriae in ortum siti, quos *Daciae adiectae* vel *orientalis* nomine comprehendere licebit. Eorum vno continentur *ulteriora Danastris*, siue terra *Tyragetarum* (§. 18. n. 2), quae hodie partim ad palatinatum *Brazlauiensem*, partim ad *Otschakouiensem* prouinciam pertinet; altero autem comprehenditur terra *Crobyzorum*, *Bogo* et *Danastris* inclusa, vbi hodie *Russia noua*, gubernii *Jekaterinoflauiensis* pars, sita est (§. 10. n. 2).

§. 26.

Sed festinandum nunc est ad caput rei, vt indagemus, quid *Daciae*, a *Traiano* expugnatae, incolis, *Getis* nimirum siue *Dacis* eue-nerit? Suntne *abducti* aliorsum, non radicitus *deleti*? Neutrum factum esse, primo ex omnium omnino scriptorum silentio manifestum fit. *Getae*, gens tam antiqua ac celebris, tam numerosa, tam formidabilis ac molesta ipsis *Romanis*, quomodo, insciis annalibus, transportari aut interire potuissent? Debuerunt fane vires eorum attritae esse bello, non diuturno quidem, at cruento tamen, quod gesserant cum *Romanis*. Tantum vero abest, vt victi a *Traiano* *Daci* ad incitas fuerint redacti, vt potius, quod infra videbimus, haud ita multis annis post, robur pristinum recuperarint. Deinde cogitandum est, non vniuersam *Daciam*, sed tertiam modo eius partem, a *Traiano* in prouinciae formam fuisse redactam: vt taceam *adiectae* siue *orientalis* *Daciae* incolae, inter *Danastrin* et *Danaprin* secure ac sine vlla *Romanorum* offensa habitantes. *Romani* igitur gentem totam nec abducere potuerunt, nec vendere alioque modo abolere. Potuerunt etiam, vt in turbis fit, permulti incolae ex subiugatis *Daciae* regionibus demigrare in eas, quae libertatem suam retinuerant: nec dubitandum est, quin fecerint. Ex his, quae diximus, interpretandus est

est decantatus ille *Eutropii* locus (VIII. 3): "Traianus, victa Dacia, ex toto orbe Romano infinitas eo copias hominum transtulerat, ad agros et vrbes colendas. Dacia enim diuturno bello Decibali viris fuerat exhausta."

§. 27.

Sed sunt multa alia, ■ quibus euinci potest, Daco-Getas in auitis sedibus permansisse. Euoluamus modo, vt inde initium dicendi faciam, *Ptolemaeum* (III. 8), et videbimus Daciam indigenarum et populis et vrbibus repletam. Ac POPULORUM quidem hic est recens:

Κατεχουσι δε την Δακίαν, ἀρ-
κτικωτατοι μὲν ἀρχομενοις ἀπο
δυτμων·

■ Ἀναρτοι, καὶ Τευρισκοι, καὶ Κισο-
βοκοι.

Ὑπο δε τετρες·

Πρενδαντισιοι, καὶ Ῥατακηνσιοι,
καὶ Κακονησιοι.

Ὑφ οὗς ὁμοιως·

Βιηφοι, καὶ Βεριδενσιοι, καὶ Κο-
τηνσιοι.

Καὶ ἐτι ὑπο τετρες·

Ἀλβοκηνσιοι, καὶ Ποτελατηνσιοι
καὶ Σινσιοι.

Ὑφ οὗς μετημβρινωτατοι·

Σαλδηνσιοι, καὶ Κιαγεισοι, καὶ
Πιεφιγοι.

His populis addendi sunt, e cap. 10, tam *Arpii*, quam *Britolagae*, de quibus *Ptolemaeus* haec prodit:

Την δε ἀπο τε ἀρκτικωτατε σο-
ματος τε ἱσθ παραλιον μεχρι των
τε Βορυθθενες (vitiose vel editum
vel scriptum pro *Tyrae*, vt ex tab.
geogr. apparet) τε ποταμς ἐκβο-
λων, καὶ την ἐντος χωραν μεχρι τε
ἱερατε ποταμς, κατεχουσιν ἈΡΠΙΟΙ
Comment. Hist. et Phil. T. XI.

Tenent autem Daciam maxime septentrionales, ■ plaga occiden-
tali incipiendo:

Anarti, et *Teurisci*, et *Cistoboci*.

Et sub his:

Prendavesii, et *Rhatacensii*, et
Cacoensii.

Sub quibus similiter:

Biephi, et *Buridensii*, et *Cotensii*.

Et iterum sub his:

Albocensii, et *Potulatenii*, et
Sinsii.

Sub quibus maxime australes:

Saldensii, et *Ciageisi*, et *Piephigi*.

Maritima autem ab Istri ostio maxi-
me septentrionali vsque ad Bory-
sthenis (vitiosum pro *Tyrae*, h. e.
Danastris) exonerationem, et in-
teriore regionem vsque ad Hie-
rasum (h. e. *Poratam* s. *Pruth*) in-
colunt ἈΡΠΙΙ quidem sub *Tyran-*
Bb μιν

μεν ὑπο τῆς Τυραγγίτας Σαρμα-
τας, BRITOLAGAI δὲ ὑπὲρ τοὺς
Πευκίνοὺς.

geitis Sarmatis; BRITOLAGAE au-
tem supra Peucinos.

Porro, e cap. 5, huc transcribendi sunt, praeter *Tagros*, inprimis
Tyrangitae:

Ὑπο δὲ τῆς Βασερνας πρὸς τὴν
Δακίαν ΤΑΓΡΟΙ, καὶ ὑπ' αὐτῆς ΤΥ-
ΡΑΓΓΙΤΑΙ.

Sub Basternis autem iuxta Da-
ciam, TAGRI: et sub his ipsis TY-
RANGITAE (Tyragetae).

Mentio denique est etiam facienda *Iassiorum*, qui quidem omissi sunt a Ptolemaeo, at commemorati tamen in inscriptione statuae, Antonino Pio positae, ap. Gruter. p. 259. num. 8: dedicator enim appellatur PRAEFectus M.unicipii DACORVM IASSIORVM. Nescio, annon *Iassii* inter *aduenas* Daciae potiori iure, quam inter indigenas, referendi sint. Commemoratur *Iassiorum* populus a Ptolemaeo inter superioris Pannoniae populos. Potuerunt hi post Ptolemaei aetatem e Pannonia translati in Daciam esse. Fortassis etiam alii nonnulli ex supra allatis Daciae populis non indigenae fuerunt, sed aduenae.

§. 28.

Progrediamur nunc ad explicandas *Daciae vrbes*, quarum Ptolemaeus mentionem fecit (III. 8). Hodierna urbium nomina potiori ex parte e *D'Anvillii* commentat. de Dacia Traiani (Mém. de l'Acad. des Inscrip. Vol. 28. p. 444 sqq.) mutuatus sum.

Πολεῖς δὲ εἰσιν ἐν τῇ Δακίᾳ ἐπι-
φανέστεραι, αἵδε:

Insigniores Daciae vrbes hae
sunt:

Ῥουκκονιον, Rhucconium, hodie *Regen.*

Δοκιρανα, Docirava, hod. *Dorna.*

Παρολισσον, Parolissum s. *Parolifum.*

Ἀρκοβαδαρα, Arcobadara (ita habet versio latina), suppletum nomen ex Cod. Palatino.

Τριφελον, Triphulum.

Πατριδαυα, Patridava, hod. fortasse *Piatra.*

Καρσιδαυα, Carfidava.

Πετροδαυα, Petrodava, hod. fortasse *Petroja.*

Οὐλπιανον, Vlpianum, hod. *Kolosvar.*

Ναπυκα, Napuca: in tab. Peutinger. *Napoca*, hod. *Dopoka* s. *Dobotza.*

Πατριισσα

Πατρεισσα, Patruissa: in tab. Peuting. melius *Patavissa*: in inscriptione aliqua *Petovium*, hod. *Ptovis* s. *Tovis*.

Σαλιναί, Salinae, hod. *Torda*.

Πραιτωρία Αύγουστα, Praetoria Augusta, hod. *Roman*.

Σανδανα, Sandava.

Αύγουστια, Augustia.

Ουτιδανα, Utidava, hod. *Vdvarhely*.

Μαρκοδανα, Marcodava.

Ζιριδανα, Zridava.

Σιγγιδανα, Singidava.

Ἀπυλον, Apulum, hod. *Alba Iulia* s. *Weissenburg*.

Ζερμιζιργα, Zermizirga: in tab. Peuting. corrupte *Germihera*, hod. *Arany-var*.

Κομιδανα, Comidava.

Ῥαμιδανα, Rhamidava.

Πιρμ, Pirum.

Ζουσιδανα, Zosidava, hod. *Suczava*.

Παλοδα, Paloda, hod. *Ballad* s. *Barlad* in Moldavia.

Ζυροβαρα, Zurobara.

Λιζισις, Lizisis.

Ἀργιδανα, Argidava: in tab. Peutinger. *Arcidava*.

Τιρισκον, Tiriscum, hod. *Taros* s. potius *Thoraczka*.

Ζαρμιγεθουσα (s. vt L. VIII vocatur, Ζαρμισογεθουσα) βασιλειον, Zarmigethusa (s. Zarmisogethusa) regia, hod. *Varhely* s. *Gradiska*.

Ὑδατα, Hydata s. Aquae: in tab. Peutinger. *ad Aquas*, hod. prope *Hatzeg* s. *Hatzok*.

Νεντιδανα s. potius *Νενιδανα*, Nentidava s. potius *Netindava*, hod. *Snjatyn*.

Τιασον, Tiasum: fortasse idem, quod *Gias* apud Constantin. Porphyrogen., ideoque, corruptione sublata, similitudinem habens cum *Iassii*.

Ζευγμα, Zeugma: in tab. Peutinger. *Pons Augusti* (vel in Mariso ipso, vel in aliquo eius confluentium factus).

Τιβισκον, Tibiscum: in tab. Peut. *Tiuiscum*, hod. *Temesvar*.

Διερνα, Dierna, hod. *Orsova*.

Ἀκμονία, Acmonia: in tab. Peut. in nomen *Agnavie* corrupta.

Δρυφηγίς, Druphegis: in tab. Peut. rectius *Drupetis*, hod. *Drivizza*.

Φρατερία, Phrateria, hod. fortasse *Brozza*.

Ἀρκίνα (Palat. Ἀρκίνα), Arcina (Pal Arcinna).

Πινον, Pinum.

Ἀμυτρίον, Amutrium: in tab. Peut. *Amutria*, hod. *Motru*.

Σορνον, Sornum.

Πολεῖς δὲ εἰσὶ καὶ ἐν τῇ πλευρᾷ
ταύτῃ μεσογείοι, παρὰ μὲν τὸν Ἱε-
ρασὸν ποταμὸν (e cap. 10):

Ζαργίδανα, Zargidava, hodie *Orhej* (non *Orchei*, vti apud D'Anvil-
lium) in Moldavia.

Ταμασιδαῖνα, Tamafidava.

Πιροβοριδαῖνα, Piroboridava, hod. *Braila*.

Ὑπὲρ δὲ τὸν Τυραν ποταμὸν πρὸς
τῇ Δακίᾳ (e cap. 5):

Sunt vero etiam mediterraneae
vrbes in latere hoc, ac prope Hie-
rasum (*Pruth*) quidem amnem:

Supra autem Tyram (superiorem)
iuxta Daciam (in Dacia adiecta s.
in terra Tyrigetorum):

Κληπιδαῖνα, Clepidava, fortasse Kaminiez aut alia quaedam Podo-
liae vrbs.

Fuerunt in his Daciae vrbibus etiam *romanae*. Ac illae quidem, quibus *italicum ius* concessum est, his verbis recensentur in lege 1 Dig. de censibus; "In Dacia (ita legendum e Basilicis, pro Indicia, vt vulgo editum est) *Zernenfium* colonia, a diuo Traiano deducta, iuris italici est (Vrbs *Zernes*, hod. *Czernez*, prope pontem a Traiano in Istro factum, omissa in Ptolemaeo pariter atque in tabula Peutingeriana). *Zermizegethusa* (Vlpia Traiana) quoque eiusdem iuris est: item *Napocensis* colonia et *Apulensis*, et *Patauicenfium* vicus, qui a diuo Seuero ius coloniae impetrauit."

§. 29.

Nunc percurramus quoque *successorum Traiani* historias, et perspiciemus ex iis, *Dacos* siue *Getas* non superstites tantum in *Dacia* mansisse ac saluos, sed potentes etiam denuo esse factos, ita, vt deficerent saepius a Romanis, tandemque cogerent eos, vt Daciam, suo arbitrio relictam, prorsus dimitterent.

Adrianus iam, Traiani successor, de relinquenda Dacia cogitavit, non tam inuidens Traiani gloriae, vt Eutropius (VIII. 3) existimat, sed, vt Spartianus (in *Adrian.* c. 5) rectius tradit, quia nationes a Traiano subactae, et in his Daci quoque, defecissent; ipse vero *Adrianus*, adeptus imperium, ad priscum se statim instituisset morem,

morem, et tenendae per orbem terrarum paci operam intendisset. Reliquit igitur Adrianus (ita pergit Eutropius l. c.) statim prouincias tres (Assyriam, Mesopotamiam et Armeniam) — Idem de Dacia facere conatum, amici deterruerunt, ne multi ciues romani *barbaris* (h. e. Daco-Getis) traderentur. Etsi vero Daciam retinuerat Adrianus, semper tamen, ne amitteret eam, extimuit. Qua de caussa. audito tumultu *Sarmatarum* et *Roxalanorum*, Martium Turbonem, post Mauretaniae praefecturam, infulis ornatum Pannoniae, *Daciae* quoque ad tempus praefecit, eidemque postea Daciam credidit titulo aegyptiacae praefecturae, *quo plus haberet auctoritatis*: eadem etiam de caussa cum Rege *Roxalanorum* (Bastarnici, ideoque germanici, populi, olim Daco-Getarum amici sociique, sed nunc, ac fortasse iam inde a Traiano, Romanorum stipendiis a Daco-Getis auersi), qui de imminutis stipendiis querebatur, cognito negotio, pacem composuit (Spartianus in Adrian. c. 6 et 7). Prodit denique et hoc animum timoris plenum, quod factum a Traiano in Istro pontem splendidissimum tantum non destruxit. "Hunc pontem (ait Dio Cassius LXVIII. 13 extremo) Traianus fecit, metuens, ne Danubio frigoribus congelato, Romanis, qui trans flumen essent, bellum inferretur: vt eo casu posset per pontem copias facile traducere. Sed Adrianus contra metuens, ne barbari, oppressis custodibus pontis, in Mysiam facile transirent, *superiorem eius struem disturbari iussit*, ἀφαιλε τὴν ἐπιπολὴς κατασκευὴν."

Antonino Pio imperante, praeter alias gentes, *Daci* etiam, rebellarunt, testante quidem Jul. Capitolino (in Ant. Pio c. 5): "Germanos, et *Dacos*, et multas gentes, atque Iudaeos, rebellantes contudit per praefides ac legatos."

Venimus nunc ad bellum Marcomannicum, siue, quod rectius dixeris, sociale barbarorum bellum, quod *Antoninus Philosophus* per plures annos ac varia fortuna cum multis diuersisque populis gessit, nec tamen omnino confecit. "Gentes omnes, ait Jul. Capitolinus (in Antonino Philos. c. 22), ab Illyrici limite vsque in Galliam (Victor distinctius dicit: "ab vsque vrbe Pannoniae, cui Carnunto nomen est, ad media Gallorum") conspirauerant, vt Marcomanni, Narisci,

Hermunduri, et Quadi, Sueui, Sarmatae (Dioni Jazyges), *Dacringes* (populus *Dacius* in Dacia adiecta habitans. Editum vulgo, sed corrupte: *Latringes*), et Buri; Hi, alique, cum Victoualis (*Vifegothico* populo), Sotibes, Sicobotes (duo non ina corrupta). Roxolani, Bastarnae, Alani, Peucini, *Costoboci* (Dioni *Κεστοβωνες* *). Populis his Jul. Capitolinus (c. 17) *Wandalos*. sicut Dio (LXXI. 12) *Astingos*, populum Vandalicum, adiunxit. Causa vero, qua compulsi tot tamque diuersae originis populi arma sua contra Romanos iunxerint, non alia facile excogitari potest, nisi ea, ut Romani non e Dacia tantum expellerentur, sed impedirentur etiam, quo minus imperii sui fines in reliquas trans Danubium sitas regiones propagarent. Nec omnino spes transdanubianos populos frustrata est. Daciae enim iam ab hoc inde tempore imminebant *Vandali* ac *Gothi*, populi, qui intra centum annos Daciam Romanis erepturi sunt; quid? quod, Dione teste (LXXI. 11 et 12), nunc iam recepti sunt a Romanis in quaedam Daciae loca, cum innominatae *germanicae* gentis pars, tum inprimis *ASTINGI*, Vandalicae stirpis populus. Dionis locus, etsi paullo amplior, dignus tamen est, qui huc, ex latina saltem versione, transcribatur: "Multi (barbarorum legati) ad eum (Antoninum, in Pannonia commorantem) tunc temporis quoque (A. V. 927, A. Chr. 174) veniebant, quorum pars societatem pollicebatur — Hi pecuniam acceperunt, et Tarbum (al. Tashum), sibi finitimum regulum, cum *Daciam* ingressus argentum postularet, ac bellum, ni accepisset, minaretur, coercuerunt. Pars pacem petiit, ex quibus eam Quadi obtinuerunt, ut a Marcomannis auellerentur — Praeter hos, qui venerant ad Marcum (Antoninum Philos.) complures, permissuri se fidei ipsius, partim secundum nationes, partim secundum prouincias, legatos miserunt: eorumque nonnulli in militiam recepti sunt, et aliorum missi — quidam agros, partim in *Dacia*, partim in Pannonia, partim in Mylia — consecuti sunt — *ASTINGI* vero, qui Rhaum et Rhaptum duces habebant, venere quidem et illi, ut *Daciam* incoherent, spe consequendi pecuniam et agros, sub conditione praestandi in bello auxilii: at nihil horum adepti, vxores ac liberos suos

*) Ptolemaeus distinguit *Κεστοβωνες*, populum *dacicum*, et *Κεστοβωνες*, *sarmatico* populo.

suos apud Clementem (Daciae, ut videtur, tunc praefectum) deposuere, velut armis COSTUBOCORUM regionem occupaturi. Sed quum eos vicissent, *Daciam* (romanam) nihilominus etiam infestabant. Metuentes autem DAKRINGI (in Dacia adiecta: Ptolemaeo TAGRI dicti, TYRAGETIS vicini), ne timore illorum adductus Clemens, in terram, quam incolebant ipsi, eos immitteret; nihil tale expectantes adorti, et longe superiores iis facti sunt: adeo quidem, ut ASTINGI nihil amplius hostile contra Romanos tentantes, multis Marcum (Antoninum Philos.) precibus obtestati, supplices rogauerint, ut pecuniam et agros ab eo acciperent, hac conditione, si nationibus tunc bellum cum eo gerentibus cladem intulissent. Ac praestiterunt sane non-nihil eorum, quae pollicebantur."

Commodus, Antonini Philosophi successor, bella, cum barbaris hucusque gesta, confecit. "Buriis quoque quum legatos misissent, pacem concessit — et multos quidem captiuos a Buriis, a ceteris vero XV millia consecutus, coactis etiam, ut sacramento promitterent, numquam se, nec sedes, nec pascua quaesituros in regione sua, *Daciae* vicina limitibus, ad quintum milliarium. Sabinianus autem *Dacorum finitimorum*, (Δακων των προστορων, scil. Daciae romanae) ad XII millia, qui suo expulsi agro, ceteris opem lataturi erant, suam in potestatem redegit; aliquam iis terrae partem in *Dacia nostra* (ἐν τῇ Δακίᾳ τῇ ἡμετέρᾳ, id est, in *Dacia romana*) se concessurum pollicitus (Dio LXXII. 3 extr.)" — "Fuere Commodus etiam bella quaedam cum barbaris, qui supra *Daciam* (romanam) incolebant: ex quibus Albinus et Niger, qui postea (ceu Anticaesares) cum Seuerus imperatore bellum gerebant, magnam gloriam consecuti sunt (Dio LXXII. 8)." Populi hi, *Daciae romanae* boream versus contermini, videntur *Dacos romanos*, immo ipsos in *Dacia* prouinciales, incitasse ad rebellandum: rebellasse certe eos, e Lampridio [in Commodus c. 13] cognoscimus. Victi sunt, inquit Lampridius, sub eo [Commodo] tamen, quum ille sic viueret, per legatos Mauri, *victi Daci*, Pannoniae quoque compositae: in Britannia, in Germania et in *Dacia* imperium eius recusantibus *prouincialibus*: quae omnia ista per duces sedata sunt."

§. 30.

Incidimus nunc in ea tempora, quibus, *Caracalla* imperante, *Gothos* fixas iam sedes inter *Daco-Getas* habere debuerunt: nam ab ipsis inde *Caracallae* temporibus Romani *Getarum* et *Gothorum* nomina promiscue vsurpare incipiunt. Habemus locupletem rei huius testem, *Spartianum*, qui [in *Caracall.* c. 10]: Quum *Caracalla*, inquit, *Germanici*, et *Parthici*, et *Arabici*, et *Alemannici* nomen adscriberet [nam *Alemannorum* gentem deuicerat]; *Heluius Pertinax*, filius *Pertinacis*, dicitur ioco dixisse: Adde, si placet, etiam *GETICUS MAXIMUS*, quod *Getam* occiderat fratrem, et *Gothi Getae* dicerentur, quos ille, dum ad orientem transiit, tumultuariis proeliis deuicerat.

Neque tamen haec ita intelligenda sunt, quasi Romani eo iam tempore amiserint *Daciam*. *Gothi* enim non domini facti sunt, sed eorum tantum pars intra *Daciae* fines est recepta: licet negari nequeat, hac *Gothorum* receptione Romanos prouinciae suae quieti ac saluti haud bene consuluisse. *Daci* enim, per se iam peregrinae dominationis pertaesi, facile ad excutiendum Romanorum iugum incitari a *Gothis* potuerunt: et rebellasse *Dacos* haud ita multo post, vel ex eo clarum est, quod *Maximino* Imperatori eiusque filio, vt *Sarmatici*, ita *DACICI* quoque, titulus in inscriptionibus [ap. *Gruter.* LI. 5] tributus est. Quale autem fuerit bellum, quod *Maximinus* contra *Dacos* gesserat, propter negligentiam scriptorum aequalium ignoramus [Confer tamen *Jul. Capitolin.* in *Maximin.* c. 13, et *Herodian.* VII. 2]. Ignoramus etiam, quam ob rem *Dacia felix* celebretur in Imperatoris *Decii* numis [ap. *Bandur.* p. 2]. Id vero haud ignoramus, appropinquare iam, vel potius instare tempus, quo summa apud *Daco-Getas* rerum commutatio fiet.

Gallieno scilicet imperante, Romanorum imperium in multas partes discerptum est, siue, vt verbis *Trebellii Pollionis* [de triginta tyrann. c. 10] vtar: "Fati publici fuit, vt *Gallieni* tempore quicumque potuit, ad imperium profiliret." Hac opportunitate vsi *Sarmatae* ac *Quadi*, irruerunt in *Daciam*, ac magnam eius partem occuparunt. Etsi vero hi mox fuerunt expulsi, amissa tamen est iam *Gallieni* tempore, vt *Eutropius* [IX. 6] ait, *Dacia*, quae a *Traiano* ultra Danu-

Danubium fuerat adiecta: hoc est, in summa illa rerum perturbatione Romani barbarorum praeualentium arbitrio Daciam relinquere coacti sunt: licet ius suum in hanc prouinciam minime reliquisse videri velent: namque hoc demum Aurelianus fecit.

§. 31.

Ac de *Daciae* quidem *derelictione* haec refert Vopiscus (in Aureliano. c. 39): "Quum vastatum Illyricum ac Moesiam deperditam videret (Aurelianus), prouinciam trans Danubium Daciam a Traiano constitutam SUBLATO EXERCITU ET PROVINCIALIBUS reliquit, *desperans eam posse retineri*: abductosque ex ea populos in Moesiam collocavit, appellavitque suam Daciam, quae nunc duas Moesias diuidit." Eadem, sed multo distinctius clariusque, narrat Eutropius (IX. 9): "Prouinciam Daciam, quam Traianus ultra Danubium fecerat, intermisit (Aurelianus), vastato omni Illyrico et Moesia, *desperans eam posse retineri*: ABDUCTOSQUE ROMANOS EX VRBIBUS ET AGRIS DACIAE, in media Moesia collocavit: appellavitque eam Daciam, quae nunc duas Moesias diuidit, et est in dextra Danubio in mare fluenti, cum antea fuerit in laeua."

Superstitem igitur in Dacia *saluamque* mansisse gentem *Daco-Getarum* ad Aureliani vsque tempora, satis mihi haecenus probasse videor. Addo nunc hoc etiam, sub ipso adhuc Aureliano, antequam prouinciam Daciam intermisisset, *Dacorum agmina* inter Romanorum auxiliares, et equites quidem, militasse: immo in ipsis, vel praetorianis, vel aliis, legionibus meruisse Dacos, quorum opera Aurelianus ad compescendam monetariorum seditionem periculosissimam vsus sit, ipse Aurelianus in epistola ad patrem suum Vlpium hac de re scripta, testatur, his quidem verbis (ap. Vopisc. in Aurel. c. 38): "Seditio intramurana bellum mihi grauissimum peperit: monetarii auctore Felicissimo, ultimo seruorum, cui procurationem fisci mandaueram, rebelles spiritus extulerunt. Hi compressi sunt, septem millibus Hiberorum (al. Lembariorum), Ripariensium, et Castrianorum, et *Dacorum* (vulgo *Daciscorum*) interemtis." At vero non natio tantum *Daco-Getarum* seruata est integra, sed ipso etiam *regio* *Daco-Getarum sanguine* natum principem, REGILLIANUM nomine, superstitem vidit

et admirata est *aetas Gallieni*. Fuit is adeo ■ militibus ad imperialem dignitatem euectus, sed mox ab iisdem interemptus. Testis rei est Trebellius Pollio, qui (in triginta tyrann. c. 10): "*Regillianus*, inquit, in Illyrico ducatum gerens, *imperator* est factus, auctoribus imperii Moesis, qui cum Ingenuo fuerant ante superati. In quorum parentes (cognatos) grauiter saeuierat. Hic (Regillianus) tamen multa fortiter contra Sarmatas (qui, vt supra diximus, in Daciam irruerant) gessit; sed auctoribus Roxalanis, consentientibusque militibus, et timore prouincialium, ne iterum Gallienus grauiora faceret, interemptus est — Fuit, quod negari non potest, vir in militari re semper probatus, et Gallieno iam ante suspectus, quod dignus videretur imperio, *gentis Daciae*, DECIBALI ipsius, vt fertur, *affinis*."

IV. DACO-GETAE GOTHIS SVBIECTI,

inde ab A. Chr. 274.

§. 32.

Sunt, et sunt inter ipsos etiam nostrates, nominatim Mascouius, quod mirum est de viro tam acuto tamque diligente: sunt igitur, qui existimant, *non solos Romanos, sed ipsos quoque indigenas, Daco-Getas*, ab Aureliano e Dacia Traiana in Moesiam fuisse abductos; quod autem quam falso existiment, allata paullo ante, tam Vopisci, quam Eutropii, verba sole clarius demonstrant. Causa, qua commotus Aurelianus Traiani Daciam reliquerat, fuit haec, *quod desperaret eam posse retineri*: id quod scriptores nostri, Vopiscus et Eutropius, vno ore iisdemque verbis asseuerant. *Gothi* scilicet, qui iam inde ab A. Chr. 213 incurfionibus perpetuis molestam Daciae possessionem fecerant Romanis, eaque iam Gallieni tempore potiti erant, effecerunt tandem, vt Aurelianus, asportatis ante, quae sola Romanorum fuerant, hoc est, exercitu ac prouincialibus, terram ipsam cum eius incolis, Daco-Getis, arbitrio ac dominationi Gothorum sacrificaret.

§. 33.

Tenuisse autem Daciam Traianam *Gothos*, ac nominatim *Taiphalos*, *Viðophalos* et *Thervingos*, ad HUNNORUM vsque incurfiones, patet

tet ex his Eutropii, supra iam allatis verbis (VIII. 2): "Daciam, Decibalo victo, (Traianus) subegit, prouincia trans Danubium facta in his agris, quos NUNC (circa medium saeculum IV^{um}) *Taiphali* habent, et *Viſtophali* et *Thervingi*." Imperator quidem *Maximianus*, victis circ. A. 289 Gothis, *Daciam imperio restituisse* praedicatur ab Eumenio (in Panegyr. IV. 3). Eandem deinde etiam *Constantinus M.* recuperasse dicitur ■ *Juliano* (in Caesar. p. 328): ita enim de se ipso gloriantem *Constantinum* introducit *Julianus*: "In quo vero eam, quam (Traianus) acquisierat, regionem (*Daciam* puta) *recuperaui*, haud abs re par (Traiano) iudicarer, nisi quoque perdita recipere, quam parare, excellentius est. Marcus vero de se ipso tacens, nobis omnium primum honoris gradum cedit." Sed frustra susceptas esse a Maximiano et Constantino M. has expeditiones, euentus docuit; vt taceam, testimoniorum illorum vnum ■ *Panegyrista*, alterum ■ *Satyrico* proficisci.

§. 34.

Id tamen certum est, Gothos eo tempore non admodum polluisse viribus, ac ideo quoque, et maxime quidem, quod *Bastarnae* pariter, atque *Carpi* siue *Carpatici Bastarnae*, qui ambo hucusque Gothis, si non subiecti, at foedere tamen iuncti, ac perpetui bellorum comites erant, a Romanis vel deleti fuerint, vel abducti. Iam *Aurelianus* *Carporum* copias afflixit (*Vopiscus* in *Aurel.* c. 30); *Probus* autem, vt idem *Vopiscus* (in *Probo* c. 18) narrat, centum millia *Bastarnarum* (A. 279) in solo romano (ac in *Thracia* quidem, quod addit *Zosimus* I. 71) constituit, qui omnes fidem seruauerunt; sed quum et ex aliis gentibus plerosque pariter transtulisset, id est, ex *Gepidis*, *Gautungis* (*Juthungis*) et *Vandalis*, illi omnes fidem fregerunt, cet. Notatu inprimis digna sunt, quae *Aurelius Victor* (in *Caesar.* c. 39) de *Diocletiano* memorat: "Interea caesi *Marcomanni*, *Carporumque natio translata omnis* (A. 295) in nostrum solum, cuius fere pars iam ab *Aureliano* erat," siue vt *Ammian. Marcellinus* (XXVIII. 2) paullo accuratius rem definit: "*Carpos antiquis excitos sedibus Diocletianus transtulit in Pannoniam.*" Breuius autem omnia haec ita comprehendit *Eutropius* (IX. 15): "Varia deinceps, et simul, et viritim, bella

gesserunt (Diocletianus et Galerius), *Carpis et Bastarnis subactis*, Sarmatis victis: quarum nationum ingentes captiuorum copias in romanis finibus locauerat."

§. 35.

Sed *Daco-Getarum gentem*, ex quo Gothi Daciam Romanis eripuerant, *superstitem adhuc in auitis sedibus atque integrum* mansisse: cum ex eo manifestum fit, quod Daco-Getae, ut supra vidimus (§. 31), a Romanis non abducti sunt: tum etiam, quia expulsos eos aut deletos a Gothis, memoriae proditum a nemine umquam fuit. Huc denique accedit, quod *Getarum* pariter atque *Dacorum* post ipsum etiam Hunnorum in Europam transitum mentio fit: quamquam *Getarum* nomen haud raro *Gothis* quoque affectum reperitur. Commemorat Zosimus etiam *Carpodacas*, dum (IV. 38) narrat, praeter Scirros et Hunnos, etiam *CarpoDacas*, *Καρποδάκας*, id est, *Carpaticos Dacos* A. Chr. 385 voluisse Istrum transire, nec aliter a Theodosio M., nisi proelio iusto antea facto, propulsari potuisse. Datum a Zosimo Dacis cognomen *Carpaticorum* maxime memorabile est. Prisca aetas non alios nouerat *Carpaticos*, praeter supra commemoratum *Bastarnarum* populum, *Cárpos* s. *Carpianos*. Nec tamen longe repetenda ratio est, cur idem cognomen *Dacorum* aliqua pars acceperit. *Bastarnis* enim ac *Carpis* a Probo et Diocletiano partim in solum romanum traductis, partim deletis, successerunt in vacuefacta loca *Daci*, qui a *Bastarnis* antea iam nonnisi *Carpatico* iugo discreti fuerunt.

Iam primo post Christum natum saeculo (inter A. 18 et 78) *Dacorum* pars a Sarmatis Metanastis a campis planisque pulsa, montes occupauerat, *Morauae* ac *Vistulae* fontibus oppositos (vid. Plinii locum supra §. 17). *Daci* hi *montani*, per aliquot saecula, interpositu interiectuque *Bastarnicorum* populorum, disiuncti a *Dacringis* ac *Tyragetis*, nunc iis contigui facti sunt, postquam *Bastarnici* populi tam borealia alpium *carpaticarum*, siue, ut etiam vocabantur, *bastarnicarum*, quam superiora fluuiorum *Poratae* (*Pruth*), *Tyrae* (*Dniestr*) et *Hypanis* (*Bog*) deferere a Romanis coacti erant. Cernimus itaque exsistere hinc populorum *Daco-Geticorum* veluti catenam, catenae *sarmaticarum carpaticarumque alpium* parallelam, et a fontibus *Morauae*

rauae ac Vistulae ad tractus vsque, Tyra ac Borysthene inclusos, itidemque a populis *Daco-Geticis* inhabitatos (§. 25).

§. 36.

Sed redeundum nobis est nunc ad Gothos, Daciae Traianae dominos. Ab anno 274 ad annum circiter 335 Dacia *Gothis*, inprimisque *Visigothis*, paruit; sed postea venit sub potestatem *Ostrogothorum*; quorum Rex tunc ERMANARICUS erat. *Ostrogothorum regnum* antea exiguis finibus supra Pontum Euxinum (Jornand. c. 5 fere extr.) inter Danastrin et Danaprin, vbi *Getae orientales in Dacia adiecta* habitarunt (§. 25), continebatur; sed Ermanaricus illud ad summum potentiae culmen euexit. Subegit enim, testante Jornande (c. 23), I) *Gothos*, hoc est, *Visigothos*, quibus Ermanaricus, haud ita multo post Regis ipsorum Geberichi, A. 335 mortui, obitum, ademerat *Daciam Traianam*, in qua *Daco-Getae* salui adhuc, etsi oppressi, restabant: ita vt visigothicum regnum regno ostrogothico, vt olim fuerat, denuo iungeretur: II) *duodecim circiter populos Sarmaticos*, Sarmatiam septentrionalem, seu mediam potius incolentes, quorum nomina per se barbara, sed multo magis barbare descripta, commemorare nihil nunc nostra refert: III) *Herulos*, germanicam gentem, "iuxta Maeotidas paludes in locis stagnantibus habitantem, leuique armatura conspicuam:" IV) *VENEDOS*, populum *flauicum*, seu quod idem est, *DACOS SEPTENTRIONALES*, Daciam adiectam eamque borealem inhabitantes (§. 3, et 5. III, coll. cum §. 35): V) *Aestrorum* nationem, "longissima ripa Oceani germanici (baltici maris) insidentem."

§. 37.

Vnam tantum Slauorum nationem, *VENEDOS*, hoc loco (c. 23) ait Jornandes, ab Ermanarico fuisse subactam: cur omisit reliquas duas, *ANTAS* scilicet ac *Sclauos*, quas alio, eoque iam supra [§. 3] commemorato loco, itidem ab Ermanarico victas esse narravit? Haud difficilis erit responsio. Horum populorum nomina, quoniam Ermanarici aetate nondum vsitata fuerant [vid. supra §. 3 eius verba], nec potuit commemorare, nec voluit. Qui *Antae* ac *Sclau* postea, inprimisque Jornandis ac Procopii aeuo appellati sunt, hos *Getas* et *Dacos* prisca vocauit aetas. Dum igitur Jornandes narravit, Ermana-

ricum primo *Gothiae orientalis*, deinde *occidentalis* etiam *Gothiae* Regem esse factum, hoc perinde est, quasi dixisset, Ermanaricum factum esse Regem *DacoGetarum*, quorum illi, qui in *Dacia orientali* s. *adiecta* habitabant, Jornandis tempore *Antae*, hi vero, qui incolebant *Daciam occidentalem* s. *Traianam*, eodem tempore *Sclauini* appellati sunt.

§. 38.

Tenemus igitur iam et manu velutiprehendimus SLAVOS IN DACOGETIS LATENTES: sed explicare etiam possumus, qua ratione quoue iure Nestor Russicus aliique annalium scriptores auitas populorum flauicorum sedes in regionibus cisdanubianis positas fuisse tradant. Sed qua de causa Daco-Getis nomina *Antarum*, et *Sclauorum*, s. vt a Procopio vocantur, *Sclauenorum* fuerint tributa, quaerentibus nobis accidit, quod nominum priorum notationem scrutantibus plerumque accidere solet, vt rem ignoremus. *Antarum* nomen breui tempore obsoleuit, et pro *Sclauis* s. *Sclauenis* introductum est ab ipsis *Sclauis* molliter inflexum *Slauorum* s. *Slauenorum* nomen. De *Venedorum* autem nomine, vnde ad *DacoGetas septentrionales* transierit, quaestio non admodum dubia esse videtur. Fuit olim populus germanicus, cui Tacitus *Venedorum*, Plinius autem *Vindelorum* s. *Vandulorum* nomen tribuerat. Venedi isti germanici, testante Tacito [in Germaniae c. 46] a septentrione inde attigerant Peucinos s. Bastarnas, montium carpaticorum accolae. Nonne hinc explicare licebit *Venedorum* s. *Winidarum* nomen, DacoGetis tributum ideo, quod *Venedorum* s. *Vandalorum* terras occuparunt: eodem modo [vt hoc exemplo vtar], quo *Czechi*, flauicus populus, nunc quoque *Bohemi* vocantur, quia in locis a *Bojis*, gallico populo, antea possessis confederunt? Et habet etiam Tabula Peutingeriana in iisdem Sarmatiae locis, quae DacoGetae septentrionales Jornandis aetate tenuerunt, *Venados*.

V. *Daco-Getae* s. *Slau* HVNNIS subiecti:

inde ab A. 376.

§. 39.

Quum Hunni A. 376 in Europam transissent, Ermanarici imperium debilitatum iam ac discerptum in duo iterum regna erat:
Athana-

Athanaricus enim *) A. 368 *Gothiam occidentalem* s. *Daciam Traianam* Ermanarico eripuit: ita ut DacoGetae occidentales s. *Sclavi* iterum sub potestatem *Visigothorum* caderent: reliquis DacoGetis, h. e. orientalibus s. *Antis*, et septentrionalibus s. *Venedis*, sub imperio Ermanarici remanentibus: donec Hunni utrumque Gothorum regnum armis subegissent: quo facto DacoGetae etiam, tam orientales s. *Antae*, quam occidentales s. *Sclavi* sub Hunnorum imperium ditionemque redacti sunt; ita tamen, ut ipsis, pariter atque Gothis, reges suos retinere concederetur. Patet hoc ex iis, quae Jornandes [c. 48] hunc in modum commemorat: "*Ostrogothae* — *Hunnorum* subditi ditioni, in eadem patria remorati sunt; *Winithario* tamen Amalo principatus sui insignia retinente. Qui moleste ferens Hunnorum imperio subiacerere, paullulum se subtrahebat ab illis, suamque dum nititur ostentare virtutem, [A. 384] in *Antarum* fines movit procinctum, eosque dum aggreditur, prima congressione superatur: deinde fortiter egit, regemque eorum, *Box* nomine, cum filiis suis et LXX primatibus in exemplo terroris cruci affixit, ut dedititiis metum cadauera pendentium geminarent. Sed quum tali libertate vix anni spatio imperasset, non est passus *Balamber* rex Hunnorum, sed adscito ad se *Sigismundo*, Hunimundi M. filio — super *Winitharium* duxit exercitum; diuque certantibus — tertio proelio — *Balamber* sagitta missa caput *Winitharii* saucians interemit — iam omnem in pace Gothorum populum subactum possedit: ita tamen, ut genti Gothorum semper unus proprius regulus, quamvis Hunnorum consilio, imperaret. Et mox, defuncto *Winithario*, rexit eos *Hunimundus* filius quondam regis potentissimi Ermanarici — eoque defuncto, successit *Thorismond*, filius eius — qui — contra *Gepidas* movit exercitum — Quo defuncto, sic eum luxere *Ostrogothae*, ut XL per annos in eius loco rex alius non succederet," cet.

§. 40.

Quod vero ad DacoGetas septentrionales s. *Venedos* attinet, ad eos usque Hunnorum arma, ante *Attilae* regnum, non videntur penetrasse;

*) Isidor. in Chr. Goth. er. 407: "Anno V imperii Valentis, primus Gothorum gentis administrationem suscepit Athanaricus."

netrasse; sed *Attila*, si, vt dicitur,*) ad *mare* vsque *balticum* imperii sui fines protulerit, haud dubie *Venedos* quoque subiugauit.

VI. *Daco-Getae* f. *Slau*i, OMNES LIBERI:

ab A. 453 vel 454 vsque ad A. circ. 472.

§. 41.

Attilae mors vitam, vt reliquis nationibus ab eo oppressis, ita etiam *Daco-Getis* f. *Slauis* restituit. Quum enim *Attilae filii*, quorum magnus erat numerus, de imperio acerrime contendissent; *Ardarici*, *Gepidarum* regis, fortitudo ac fortuna effecit, vt Hunnicum imperium in partes dilaberetur: qua temporis opportunitate etiam *Daco-Getae* f. *Slau*i ad recuperandam libertatem vsi sunt. Vt vere non magis, quam breuiter hinc me expediam, verbis vtar *Jornandis* [c. 50]: "Quod dum *Gepidarum* rex comperit *Ardaricus*, de tot gentibus indignatus, velut vilissimorum mancipiorum conditione tractari, contra filios *Attilae* primus insurgit, illatumque seruiendi pudorem secuta felicitate deterfit: nec solum suam gentem, sed et caeteros, quae pariter premebantur, sua discessione absoluit — Diuiduntur regna cum populis, fiuntque ex vno corpore membra diuersa" cet.

VII. *Daco-Getae* f. *Slau*i, OMNES LIBERI, PRAETER ANTAS:

ab A. circ. 472 vsque ad A. 561.

§. 42.

DacoGetae septentrionales f. *Venedi*, quo remotiores a reliquis *DacoGetis* erant, eo facilius poterant libertatem suam tueri: fuerunt etiam e *Venedis* populi, qui his iam temporibus in loca magis septentrionalia ac *mari baltico* propiora emigrauerant: id quod cum aliunde, tum inprimis ex *Procopii* [de bello Goth. II. 15] narratione de itinere *Herulorum* ex *Gepidia*, per continuos longo ordine *Slauorum* populos (*ἡμεῖς μὲν τὰ Σκλαβηνῶν ἐθνὴ ἐφεξῆς ἀπαντα*), ad *Varnorum* vsque terras suscepto, apparet. Nec *DacoGetae* occidentales f. *Sclau*i liber-

*) Vid. *Priscus* p. 64.]

libertatem, mortuo Attila recuperatam, amiserunt: etsi *Gepidae* Daciam Traianam inde ab A. 543 vsque ad A. 566 tenuerant. *Socios* fortasse *Gepidarum* dixeris Sclauos, at non eorum potestati subiectos. Quod quo rectius intelligatur, cogitandum est, Sclauos tunc temporis non amplius ipsam attigisse Danubii ripam, sed, vt Procopius ad an. 537 ait (vid. supra §. 4), remotas paullulum a ripa terras et montana incoluisse: quod quidem ex hac etiam Procopii narratione perspici potest: "Quum *Sclauenorum* ingens multitudo, inquit (de bello Goth. IV. 25), facta in Illyricum irruptione, infanda perpetraret; in eos Justinianus Augustus misit exercitum — Nihilo tamen minus grassabantur hi barbari — Neque enim ad *Istri fluminis* traiectum illis insidias Romani struere, nec vim ullam afferre poterant: propterea quod a *Gepaedibus* excepti transuehebantur, pacto transuectionis pretio non exiguo: quippe aureum staterem unum pendebant in capita. Ex eo anxius Imperator, quod iam illos inhibere non posset, siue fluuium Istrum transirent, Romanum direpturi imperium, siue hinc repente excederent; hac de causa pacisci cum *Gepaedibus* cupiebat."

§. 43.

Contra *ea* *DacoGetae* orientales s. *ANTAE* inde ab A. circ. 472 vsque ad A. 561 in ditione ac potestate *KUTRIGURORUM* s. *Vngrorum Europaeorum* et ortorum ab eadem vgrica stirpe *BULGARORUM* s. *Wolgarorum* fuerunt: asciti etiam sunt *Antae*, tam a *Kutriguris*, quam a *Bulgaris*, in commilitium, quotiescumque hi populi traiecissent Danubium, ac in Byzantini imperii prouincias incursiones hostiles fecissent. Pleni harum expeditionum sunt Procopii aliorumque byzantinae historiae scriptorum libri; ad quos tamen rite intelligendos memineris semper, *HUNNOS*, vel etiam *GETAS*, quibus bella haec a scriptoribus byzantinis attribuuntur, non alios, nisi *Kutriguros* s. *Vngros Europaeos*, *Bulgaros* et *Slauos*, fuisse.*)

VIII.

*) Conf. b. THUNMANNI *Untersuchungen über die Geschichte der östlichen europäischen Völker*, p. 49 sqq. et p. 61 sqq.

VIII. *DacoGetae orientales* f. ANTAE ab A. 561, et pars
DacoGetarum occidentaliū f. SCLAVORVM ab A. 565,
 AVARIBVS subiecti.

§. 44.

DacoGetae septentrionales f. VENEDI totum fere saeculum sextum susceptis in loca, eorum ac zephyrum versus remota, ideoque extra teli iactum posita, *migrationibus* consumserunt. Contra vero DacoGetae orientales f. ANTAE, iuxta cum dominis suis, *Kutriguris* et *Bulgaris*, A. 561 vel 562 in AVARVM, populi Finnici, potestatem redacti sunt. Etsi vero iidem Auares *Gepidarum* regnum, quod per Daciam Traianam late patuerat, A. 565 deleuerant; DacoGetarum tamen occidentaliū f. SCLAVORVM vel nullam vel exiguam certe partem subegisse probabile fit. Atque id quidem satis clare ex hac Menandri narratione (in Excerptis legat. p. 123 sq.) patet: "Abarorum in Sclauinos irruptioni (A. 576 vel 577) non sola Caesaris legatio causam dedit, aut quod Baianus Romanis gratiam referre vellet, quod eum Caesar liberaliter profecutus fuerat; sed eum etiam priuatae inimicitiae mouebant, quia Baianus erat Sclauinis priuatim infensus. Miserat enim Abarorum dux ad *Laurentium Sclauinorum ducem*, et ad eos, qui apud gentem (Sclauinorum) auctoritatem habebant, *ut Abaris dicto audientes essent, et eorum numero se adscribi sinnerent, qui tributa illis pendebant*. At Laurentius et gentis principes, *quis hominum, inquit, est, qui solis radiis tepescit, qui nostram potentiam possit sibi subigere et domare?* Aliorum regionis dominatum acquirere solemus, non alii nostrae: *qui dominatus nos certo manet, donec erunt bella et enses*. Ad hunc modum superbe et arroganter loquentibus Sclauinis, non minori superbia et arrogantia erga eos Abari vti sunt. Hinc in probra et conuicia itum — *Sclauini* quum irae moderari nequirent, *legatos, qui ad ipsos* (a Baiano, Auarum Chacano) *missi erant, occiderunt*. Haec audita Baianum abalienauerunt — Baianus in vltiorem fluminis ripam transgressus, viros et pagos Sclauinorum igni ferroque vastauit, et quum nemo barbarorum auderet cum illo manus conferere: etenim in siluas et cauernas confugerant; omnia, quae potuit, rapuit." At ipse tamen Sclauorum
 populus

populus saluus mansit, suoque arbitrio relictus fuit. Quid? quod annis etiam proxime insecutis Sclauī ab Auaribus nec domiti sunt, nec tributarii facti: id quod vel ex eo perspicuum est, quod Auarum Chacanus A. 583 nonnullas Sclauorum nationes non coëgit ad euasandas Byzantinorum prouincias, sed artificiiis tantum ac persuasioneibus, ut irruerent, effecit (Theophanes in Chronogr. ad an. II Mauriti; Zonaras p. 74; Simocatta l. 7). Quam imprudenter autem quamque incaute egerint Sclauī, quod se ■ Chacano ad inferenda Byzantinis bella inde ab A. 583 subornari passi essent, quilibet per se facile existimabit. Chacanus enim, qui totus ex fraude ac mendacio factus erat, omnes adhibuit machinas, ut Byzantinos non magis, quam Sclauos ipsos, perderet. Quando enim Byzantini, ut par pari referrent, in Sclauorum terras impetum fecerant omniaque late vastabant ac diripiebant: id quod per ultimos saeculi VI^{ti} annos perpetuo fere accidit; Chacanus, tantum abest, ut succurreret afflictis, ut potius cladium ac calamitatum Sclauorum otiosum se spectatorem praeberit. *)

§. 45.

Anno demum 603, memoriae proditum legimus, DacoGetas tam orientales s. ANTAS, quam occidentales s. SCLAVOS, non in potestate quidem aliena, at in societate tamen, ac Antas quidem *Byzantinorum*, Sclauos autem *Auarum* fuisse. Memorato enim anno, quum exercitus Byzantinus, Petro duce, Sclauos vicisset proelio, eorumque terras diripuisset; Chacanus illatam hanc *sociis suis* iniuriam tam vehementer in *Antis*, qui tum *Byzantinorum socii* erant, vindicauit, ut Antarum gentis nomen ab eo inde tempore euanesceret **): quod vero, caue, in eam interpreteris partem, quasi ipsa Antarum gens interierit; sed ita potius statuas, eam, relictis auitis sedibus, utpote cuius hostium terra marique minitantium generi expositis, ad interiora, ab euxini ponti litoribus remota, ideoque magis tuta, migrasse.

Dd 2

§. 46.

*) Vid. GEORG. PRAYI Annal. veter. Hunnorum, Auarum et Hungarorum, p. 217-228.

**) Vide JOH. GOTTH. STRITTERI Memorias populorum, olim ad Danubium, Pontum Euxinum &c. incolentium, ex scriptoribus historiae Byzantinae erutas et digestas, T. I. p. 739.

§. 46.

Nunc ex DacoGetis occidentales soli, *Sclau*i scilicet, in patrio solo reliqui sunt. Sed hi etiam circa A. 635, qui Slaucarum gentium quasi *decretorius annus* est, sedes auitas relinquere coacti sunt. "Sub idem fere tempus, hoc est, circa A. 635 (ait Nicephorus Patriarcha in breuiario histor.) CUBRATUS (s. *Cobratus*), Ogoranae consobrinus, VNNOGUNDURORUM dominus contra Abarorum Chacantum rebellat, POPULUMQUE OMNEM, quem ab ipso acceperat, contumeliose habitum, patriis sedibus expellit. Inde legatione ad Heraclium missa, pacem cum eo componit, quam ad finem vsque vitae conseruarunt. Nam et munera ad ipsum Heraclius misit, et Patriciatum detulit." Locum hunc Nicephori, per se non admodum obscurum, maxime tamen intricatum ac difficilem intellectu reddiderunt interpretatione sua viri ceteroquin doctissimi, in quibus etiam est Georg. Pray (in Annal. vet. Hunn. Auar. et Hungar. p. 251-253). Duo potissimum sunt, quae explicationis indigent: primo nomen *Vnnogundurorum*, quorum dominus Cubratus fuit, ac deinde innominatus ille *populus*, quem expulit Cubratus.

§. 47.

Quod primo ad *Vnnogundurorum* nomen attinet, fuerunt Vnnogunduri vnus e tribus populis Vgricis *), ac ii quidem ipsi, qui alias *Onoguri* s. *Vngri* appellati, et iam circa A. 479 in *Kutriguros* s. *Vngros Europaeos* et *Vtriguros* s. *Vngros Asiaticos* diuisi erant. Huc soli *Kutriguri* s. *Vngri* Europaei pertinent, ob id ipsum, quod de Europaeis solis hic nobis sermo est. Ab eadem Vgrica stirpe prognati sunt *Bulgari* vel *Belgari*, s. *Wolgari* (h. e. Wolgae fluminis olim accolae): qui quidem iuxta cum *Kutriguris*, fratribus suis veluti germanis, ab A. circ. 474 et 487 sensim sensimque terras omnes, Tanai ac Danaestri inclusas earumque incolas, ac in iis etiam *Antas* s. *DacoGetas* orientales (§. 43) subiugarunt. Atque in his terris *Kutriguri* s. *Vngri* Europaei et *Bulgari* ita promiscue ac mistim habitauerunt, vt vnus idemque inde *populus* existeret, et vnum etiam idemque regnum,

ab

*) In indagandis explicandisque Vgricorum populorum originibus multum iam industriae doctrinaeque posuit b. THUNMANNUS in *den Untersuchungen über die Gesch. der östl. europ. Völker* p. 37 sqq.

ab vno eodemque rege gubernari solitum. Haec duorum populorum, Kutrigurorum Bulgarorumque vnitas publica, quae ad A. 536 expressis verbis ■ Nicephoro (p. 16) memoratur, fecit, vt eos simpliciter, *Latini* scriptores plerumque Bulgaros, *Graeci* vero Kutriguros (minus recte Kuturguros) vocarent. Diu Kutriguri ac Bulgari provincias byzantinas omni clade belli peruaftauerant, quum A. circ. 561 vel 562, tam ipsi, quam subiecti iis Antae, sub *Auarum* imperium ditionemque caderent; *retentis* tamen *regibus propriis*, quorum vltimus fuit *Cubratus*, de quo dicere instituimus. Ex iis autem, quae hucusque diximus, patebit simul, quare quoue sensu Cubratus a Nicephoro *Vnnogundurorum dominus* sit vocatus. Fuit scilicet Cubratus tam Kutrigurorum s. *Vngrorum Europaeorum*, quam *Bulgarorum dominus*, hoc est, non rex, qui per omnia arbitrato suo agere poterat, sed qui plus minusue ab Auarici Regis nutu pendeat.

§. 48.

Sed festinandum nunc est ad explicandum alterum illud, quod in Nicephori narratione pro obscuro haberi posse, supra diximus: quisnam scilicet ac qualis fuerit *populus ille omnis, quem Cubratus accepisse* ab Auarum Chacano, deinde vero ex patriis sedibus *expulisse* memoratur. Sunt inter viros doctos, qui, *Kutriguros Bulgarosque* intelligendos esse, existimant; at quam insigniter fallantur isti, vel ex hoc vno clarum est, quod Cubratus populos eos non *accipere* demum necesse habuit ■ Chacano, quum eorum rex fuisset *hereditarius*. Sed huc aliud praeterea accedit. *Expulisse* dicitur Cubratus populum omnem, quem ei regendum commiserat Chacanus. Iam si eum Kutriguros Bulgarosque expulisse sumas, quorumnam populorum regem putabis eum deinceps fuisse? Et perrexit tamen regnare Cubratus, quamquam expulso populo omni, quem ■ Chacano acceperat: ac diutissime quidem, ad annum vsque 660, si non vltra, regnavit, numeratus praeterea est inter potentissimos aetatis suae reges, maximique ab aula byzantina fuit aestimatus. Sed sunt alii eruditi viri, in iisque Georg. Pray, qui in *Auares* Nicephori narrationem trahere non dubitant. At vero his obstat, vt alia taceam, illud inprimis, quod Auares non minus, quam Kutriguri Bulgarique, *aduenis* annumeran-

di sunt; quum e contrario populus, ■ Cubrato expulsus, in numero indigenarum sit habendus: fuit enim *ex patriis s. auitis sedibus expulsus*.

Circumspiciendus itaque nobis est alius populus, in quem quadrent tria haec, vt primo accipi potuerit ■ Cubrato, deinde vt indigena sit, non aduena, ac denique vt potuerit, salua Cubrati potentia, *expelli omnis*. Quo facilius autem inueniamus eiusmodi populum, primo cogitandum est, Kutrigurorum Bulgarorumque terras tunc temporis Danastri fluuio ■ reliquis Chacani Auarici terris fuisse seiunctas. Commisus itaque ■ Chacano in potestatem ac fidem Cubrati populus non alibi, nisi in finitima ac contigua Kutriguris Bulgarisque *Dacia traiana* quaerendus est. Iam quum in Traiana Dacia eo tempore non nisi *Daco Getae* occidentales s. *Sclau*i, praeter aliquam fortassis Auarum, dominantis populi, partem, habitassent; dubitare vix licet, *Sclauos* fuisse populum eum, quem sibi ■ Chacano *commisum* Cubratus, contumeliose vexatum, tandem e patriis sedibus expulerat *omnem*.

§. 49.

Iam si ea, quae modo de Sclauorum per *Bulgaros* vexatione contumeliosa turpique expulsionem diximus, cum ■ Sclauorum vexatione atque expulsionem, quam *Rufficus Nestor* († circ. A. 1120) tribuit *Walachis*, siue (vt ad rudiorum priorum temporum pronuntiationem scribere nomen solet Nestor) *Wolochis*, conferuntur; parum, aut nihil inter se distare vtraque narratio videri debet. Etsi enim *Bulgari* et *Walachi* diuersissimi inter se populi sunt; incidit tamen Nestoris aetas in ea tempora, quibus horum populorum nomina promiscue ab historicis vsurpari coepta sunt: idque ideo, quod, inde a saeculo XI ad finem properante, Bulgari et Walachi vnum idemque regnum constituerant. Vnum adhuc addo, optime congruere expulsionem Sclauorum ■ Cubrato factam cum aliis rebus, quae expulsionem eam proxime consecutae sunt, eique suum fortasse ortum debent. Respicio imprimis ad *Chrobatos* et *Serbios*, qui ■ Chrobatia magna et ■ Serbia magna, hoc est, ■ Polonia, Silesia, Bohemia, cet. A. 640 egressi, in Dalmatiam se receperunt. Sed quae postremo dixi, perinde erit, vt acceperit lector: quia enim ad consilium rationemque huius commenta-

mentationis non pertinent, nihil mea refert, vtrum credibilia videantur, nec ne.

§. 50.

Iam in exitu est haec mea qualiscumque commentatio: lector ipse nunc decernere poterit, *vtrum Slavorum originem a Getis repetere liceat*, nec ne. De *lingua getica* nihil nunc addo, praeterquam hoc vnum, esse illam, quantum ex eius reliquiis in tanta temporum distantia iudicare licet, *flauicis* linguis, quam quibuscumque aliis, similiorum. Et getica etiam consuetudo terminandi urbium oppidorumque nomina in *dav* (vnde *Davorum*, hoc est, mancipiorum dacicorum, nomen graecum, vide allatum supra §. 16 Strabonis locum) in *dev*, *ov*, *iz*, cet., quamquam maxime singularis, immo vnica esse videtur, non tamen a flauica terminandorum nominum ratione abhorret — Sed manum de tabula.

C O M M E N T A T I O
DE
STVDII GRAECARVM LITERARVM
INTER ARABES
INITIIS ET RATIONIBVS

RECITATA IN CONSESSV REGIAE SOCIETATIS D. XXVI. MART. MDCCXCI.

A
JOANNE GOTTLIEB BUHLE.

Viguisse olim inter Arabes graecarum literarum studium, nisi vel hoc fidem faceret, quod aliunde, praeterquam a Graecis, bonarum artium literarumque cultus exquisitior ad eos transferri potuerit, abunde testantur cum multa eorum scripta eruditionis graecae copiis referta et locupletata, tum librorum graecorum versiones arabicae maximam partem in bibliothecis passim delitescentes. Hoc vero etsi certum, satisque notum et tritum adeo, existimandum sit, Arabes scientiae suae saltem subtilioris fundum a Graecis accepisse, supersunt nihilominus in eo historiae Arabum literariae loco, quae, vti maiori luce, quam qua curiosius inquirenti post plurium doctissimorum virorum curas illa patefcunt, ita seueriori discussione indigeant. Quamuis enim Arabes a Graecorum penu depromserint fere omnia, quibus ipsi inter gentes literarum humanitate perpolitas nomen et famam consecuti sunt, nondum tamen adhuc extra dubitationem positum est, vtrum ab initio per Graecos, an per horum interpretes literis instituti fuerint; quinimo, vtrum vnquam in graeca lingua addiscenda operam paullo diligentiore, non perfunctoriam et desultoriam, collocauerint, an vero libros graecos e versionibus tantum legerint aut syriacis, aut arabicis. Grauiissimae autem istae quaestiones haberi debent ad fata recte

recte cognoscenda et diiudicanda, quae literae omnino sub Arabum imperio expertae sunt, cum ratione, qua illi ad scriptorum graecorum notitiam peruenerint, et e finibus, quibus scientia, quam graecarum literarum tenebant, circumscripta fuerit, solummodo explicari possit, cur, aliis disciplinis magis minusue neglectis, in artem medicam potissimum, in rerum naturalium historiam, in philosophiam, in mathesin, astronomiam et astrologiam incumbere, et cur hae disciplinae sensim sensimque tam singularem formam habitumque inter eos induerent, tot vitiis, erroribus, nugis, fabellis, absurdisque figmentis conspurcarentur, ut saepe graecam earum originem non nisi aegre agnoscas. Praeterea etiam necesse est easdem quaestiones enodari, si de versionibus graecorum librorum arabicis, quaenam sit earum indoles, virtus, et siue ad ipsos scriptores illustrandos, siue ad eorum verba pristinae integritati restituenda usus criticus, tuto pronuntiare velis. Fuisse inprimis hoc alterum fateor, quod me commouit, ut rem denuo et accuratius perscrutarer, cum mihi noua librorum Aristotelis editione adornanda occupato necessitatem quoque impositam viderem, de horum versionibus arabicis, quotquot innotuere, earumque origine, fontibus, et dotibus dispiciendi, nec non, quantum id per me fieri posset, statuendi pretium commentariis in Aristotelis libros ab arabicis interpretibus contextis. Bene quidem scio, me non eum esse, a quo, ut in promptu habeat, facile expectetur, quae ad conficiendum argumentum ex literarum arabicarum ambitu petatum iure exigas; interea dicam ingenue, quae eo conducere ratus sum; habebunt forte conatus mei hanc utilitatem, ut existat alius harum rerum peritior, qui disquisitionem a me inchoatam doctius et felicius prosequatur.

Ante Mohammedem Arabiae desertorum incolae, aut Nomadum more degentes sub tentoriis ex vna regione in alteram pro lubitu, siue necessitate id urgente, sine magna molestia translocandis, aut, si vrbes oppidaque inhabitarent, soli quaestui ex agrorum satione, palmarum fructibus, pecore, et mercatura faciendo intenti, literarum studiis, quibus ingenium animumque expolirent, parum

vacarunt. Neque post Mohammedis obitum per duo prima Hegirae saecula, cum patriae fines egressi, abrepti furore quodam Islamismum vi et ferro inter alias quoque gentes propagandi, Syriam, Aegyptum, aliasque Asiae minoris prouincias victricibus armis subegissent, vltra pristinam vitae morumque simplicitatem seu potius ruditatem processere. Sectati tantum sunt sermonis patrii aliquam elegantiam, et tribuerunt propterea semper poesei laudem et honorem; quo etiam factum est, vt Arabum lingua vbertate et copia mirifice prae aliis Orientis linguis excellat; verum ipsa, quae ore ferebant, carmina aut erant lyrici generis, et ea quidem vehementiori spiritu et viuidioribus imaginibus distincta, qualia tamen inter plures barbaras gentes ceteroquin parum excultas decantata esse constat; aut erant contexta e prouerbiis et praeceptis ad vitam et sanitatem tuendam salubribus, aut commentariorum instar componebantur, quibus modo seruarentur nobilium gentium stirpes, modo eriperentur obliuioni res gestae memoria dignae. Non magis ad eruditionem insignem referendum est, quod Arabes iam Mohammedis aetate et ante eam planetarum stellarumque fixarum ortus, occasus, et oppositiones notas habuerint; quippe cuius scientiae, nequaquam recto et seueri ordine dispositae, aut ad principia sua reuocatae, rationes repetendae sunt partim a siderum cultu ab antiquissimis inde temporibus apud eos recepto, et praesertim a superstitionis astrologicae fraudibus, quibus cum aliis Orientis populis irretiti fuerunt, partim a vitae genere pastoritio, quo ipso ad coeli diligentem contemplationem inuitati sunt, maxime postquam e stellarum varia positione obseruata tempestates sibi et gregibus proficuas vel noxias praenosci posse opinionem animis imbibissent a). Erant autem primi Arabum

a) Ante Abassidarum tempora Arabum studia fuisse tantum circa linguae suae cultum, poesin, medicamentorum quorundam vsum, nec non astronomiam, et astrologiam, vt inde gregibus et vitae prospicerent, auctores sunt Saehdus Andalusius, et Gregorius Bar Hebraeus, quibuscum consentit Abulpharag. hist. dynast. p. 44. Opinatus quidem est Abrahamus Echellensis (Hist. Arab. p. 161), *statum ignorantiae* Arabum, quem seriores scriptores arabici nuncupare solent, non tam de literarum incitia, sed de verae Deum colendi rationis ignorantia intelligendum esse. Verum repugnant huic interpretationi, non nisi aliqua ex parte admittendae, quae ceteroquin

Arabum principes tanta legis nouae a Mohammede promulgatae, siue Islamismi, veneratione capti, vt solius Corani lectione omne scientiae desiderium expleri posse rati, literarum ab illius argumento alienarum studiis locum relinquere non auderent; quod quidem eorum exemplum haud dubie plurimum contulit, vt etiam vulgus Corani praeceptis animo memoriaeque infigendis sibi acquiescendum esse diu persuasum haberet. Agitati etiam iidem principes prophetae sui memoria, cum a placitis moribusque eius vel paullulum dissentire religioni sibi ducerent, atque insuper nouum imperium confirmandum roborandumque esse bene perspicerent, ab initio ad Islamismi et armorum vim et gloriam cuncta reuocarunt. Quare primo Hegirae saeculo cum Syris, Aegyptiis, Graecis, quibus literae curae essent, non aliter consueuere, nisi vbi omnia turbis bellicis miscbantur, et in caedes et rapinas discurrebatur, in qua rerum conditione et statu igitur ne fieri quidem potuit, vt literis artibusque aliquid tribuerent.

Prima exquisitioris eruditionis semina inde ab eo demum tempore inter Arabes spargi coeperunt radicesque egerunt, quo Merwano II († a. Heg. 133), qui Ommiahdarum vltimus regnauit, gens *Abbassidarum* siue *Haschemidarum* successit. Fuerunt autem potissimum Iudaei et Christiani in Arabia et Syria degentes, quorum opera factum est, vt literis in principum Saracenorum aulam aditus aperiretur. Etsi plerique horum more vulgi non tam literis, quam opificiis, mercaturae, aut quaestui e pecore aliisque terrae prouentibus faciendo se tradidissent, erant tamen inter eos, qui graecos libros legerent et in linguam patriam transferrent. Justiniani Imp. iam aetate Sergius b), Rhesinensis medicus, plura Graecorum scripta

Ee 2

argu-

roquin de antiquiori Arabum cultu novimus. Sunt etiam, qui ad Sabaeos prouocent, de quibus tamen recentiores melius iudicarunt. Laudatur ab Achmed Ebn Yuseph (ap. Pocock. specim. hist. Arab. p. 164) ex antiquis Yamanensium regulis *Hareth* quidem, cognomine *Philosophus*. Fuit is haud dubie princeps prudentia sua vitaeque et rerum humanarum experientia insignis.

b) Agathias de reb. gest. sub Justiniani Imp. p. 141. ed. Paris. Abulpharaj. hist. dynast. p. 94. Cf. de Sergio Jos. Sim. Assemani bibl. Orient. T. II. p. 272. 323. Renaudot epist. ad Andr. Dacerium ap. Fabric. B. G. Vol. I. p. 861.

argumenti philosophici, in his nonnullos Hippocratis libros, Syriaco sermone reddiderat, et conuerterat quoque e lingua graeca in Syriacam c) Homeri Iliadem Theophilus Edessenus Maronita, († a. C. 791) teste Gregorio Bar Hebraeo, ut Damascium, Eulanium celeberrimos philosophos peripateticos e Syria oriundos, et alios taceam. Isti vero docti Iudaei et Christiani, inter Arabes versantes, maximam partem e Graecorum disciplina profecti, cum praecipue arte medica, quam plerumque exercebant, principibus Arabum se commendarent, nec non matheosos, philosophiae et elegantiorum literarum scientia ingenii et animi cultum quendam prae se ferrent, paullatim apud eos et sibi, et doctrinis, quas profitebantur, auctoritatem et famam conciliarent. Quamuis enim Arabes medicis Christianis diu diffiderent, et aegrotos potius popularibus suis curandos committerent, horum tamen omnis scientia medica cum paucis observationibus contineretur d), grauioribus morbis impliciti ad Christianorum artem et doctrinam confugere coacti sunt. Id maxime inde ab eo tempore factum esse probabile est, quo Bochtjesu e), e Persia arcessitus ad aegrotum Al Mansorem Chaliphum († a. Heg. 158) post irritos medicorum Arabum conatus principem hunc morbo feliciter liberauit. Is enim gente Syrus, Nestorianorum partibus addictus, cum suam artis medicae scientiam e Graecorum scriptis hausisset, quorum plurima etiam

c) Ios. Sim. Assemani bibl. orient. T. I. p. 64. 521. Monuit Gregorius Bar Hebraeus, Theophilum primum ambiguas voces Syriacas in hac versione vocalibus graecis notasse, quem punctandi morem omnes deinde Syri, Nestorianis exceptis, amplexi sint. Abulpharajus (l. l. p. 26. 40. 148.) non integram Homeri Iliadem, sed *duos Homeri de Ilii excidio libros* Theophilum Syriace conuertisse auctor est. Sed qualesnam fuerint hi duo libri, vix assequaris, nam Abulpharajum Odyssaeae lib. 9 inuuisse, aut Theophilum hunc sigillatim conuersum in duos libros dispescuisse, credi nequit. Puto igitur, Arabem, si illi maior fides habenda sit, aut incertum vulgi rumorem de Homeri Iliade eiusque versione Syriaca secutum esse; aut fuisse libros illos de Ilii excidio ex eorum genere, qui a senioribus Graeculis compilati Homero supponerentur.

d) V. Gulistan p. 239. Fertur nobilis medicus Arabs fuisse *Hareth Ebn Chalda*, Muhammedi inprimis gratus, qui simplicibus tantum medicamentis usus fuerit. Ab huius praeceptis discedere Arabes diu sibi religioni duxerunt.

e) Idem, qui ab aliis *Bachtishua*, *Bohtiechua*, a Pocockio *Bachina*, perperam vocatur.

etiam in linguam suam conuerterat, maiori medicorum Christianorum peritiae primus fidem fecit. Offert posteriorum Al Manfore Chalipharum historia exempla plura, e quibus patet, medicos Christianos non solum doctrinae suae laudem apud illos vindicasse, sed etiam debere iisdem potissimum, quod literarum omnino amore Arabes incenderentur. Al Rashid Chalipha, qui fuit quintus ex Abbassidarum stirpe, Caroli M. aequalis, cum apoplexia correptus medici Christiani consilio pristinam valetudinem recuperasset, et paullo post puellam forma excellentem et adamatam, quae grauissimo morbo laboraret, medici Alexandrini peritia restitutam vidisset, in ipsa regia Bagdadi medicis Christianis sedem fixit, eorumque studia magnis sumtibus subleuauit. Notum autem omnibus est, quantam gratiam medica scientia sua, praesertim apud Al Mamun, optimum principem, Ioannes Damascenus Mesueh adeptus fuerit *f*).

Ex his modo commemoratis explicandum est, cur potissimum scripta Graecorum *medici* et *philosophici* argumenti in Arabum notitiam venere. Erat enim medicinae et rerum naturalium scientia, quam Saracenorum duces in viris doctis, quos secum habebant, maxime admirati sunt, cuius etiam utilitas et fructus statim in promptu erat hominibus ceteroquin ab eminentiori ingeniorum cultu alienis. Medici autem illius aetatis non solum arti, quam recte vocant, salutari, diligentiam suam dicare solebant, sed in philosophiae quoque studiis magnam otii partem consumserunt. Necessario id requirebatur, quandoquidem omnis doctrina medica tum a Graecorum penu erat deriuanda, libri vero Graecorum medici argumenti sine accurata philosophiae cognitione intelligi non poterant. Ipsius igitur artis medicae studia inter Arabes progerminantia, Hippocrates et Galenus a Syris graece doctis frequenter appellati, horum libri saepius ab iisdem citati, occasionem praebere debuerunt, vt etiam de libris graecis ad philosophiam spectantibus sermones fierent. Ex his quidem tum temporis nulli magis eruditorum manibus versabantur, quam libri Platonis et Aristotelis, ad

Ee 3 quos

f) Eutychii Alexandr. Annal. T. II. p. 407. Elmacin. hist. Sarac. lib. II. c. 6. p. 123. Consulendus omnino est *Leonis Africani* de claris et illustribus medicis apud Arabes libellus.

quos curiose perscrutandos medici etiam Galeni scriptis excitabantur, quae placita Platoni et Aristoteli saepissime attingunt. Praeterea omne fere philosophiae studium eo iam abierat, ut, quae Plato et Aristoteles de rebus diuinis humanisque commentati essent, ea aut illustrarent viri docti, aut alternatim modo impugnarent, modo defenderent, modo inuicem inter se coniungere anniterentur. Quoties igitur inter viros doctos de rebus philosophicis aut medicis coram Arabibus agebatur, tam Hippocratis et Galeni, quam Platonis et Aristotelis nomina Arabum aures personabant; quare istos etiam desiderium subiit, horum scripta ipsa pernosceri, de quibus tot praecleara fando acceperant. Quod autem Arabes excolendis quoque doctrinis mathematicis, praesertim astronomiae, tanto cum ardore se applicuere, id saltem aliqua ex parte ■ peculiari arabicae gentis indole et pristina vitae conditione repetendum esse videtur. Etiam ante Mohammedem constat, ut supra diximus, desertorum Arabiae incolae stellarum ortus et occasus obseruasse. Iam vero cum essent inter Syros Christianos, qui astronomiam et omnino mathematicam scientiam profiterentur, et scripta Euclidis, Eratosthenis, Ptolemaei, Arati, et Apollonii Pergaei sedulo legerent, mirationem facere nullam potest cura illa, qua Arabes et hos Graecorum libros in usum suum conuertere conati sunt.

Simulac Arabes eorumque principes ipsi animaduertissent, quantum literae et ad vitae commoda, et ad ingenii animique expolitio- nem vim et vtilitatem haberent, omnibus viribus contenderunt, ut earum amorem popularibus instillarent, eosque praesertim ad scripta Graecorum legenda excitarent. At enim Arabes ipsi graecam linguam ignorabant; quamobrem, ne graecae doctrinae fontes illis occluderentur, primus Al Mansor larga proposuit praemia illis, qui libros graecos ad medicinam, philosophiam et astronomiam pertinentes arabica veste induissent g). Quod quamuis non magis per Arabes ipsos

g) Abulphar. hist. dynast. p. 99. Tradit idem (l. l. p. 129), iussisse Walidum I Chaliphum († ■ Heg. 96) Christianorum scribas, ut non amplius *graece*, sed *arabice* scriberent. Arbitratus est quidem Conringius (Antiq. acad. supplem. XIX. p. 247), spectasse id Chaliphae edictum ad illud tantum scribarum genus, quos hodie *Notarios* vocamus. Rectius dixeris, attinuisse illud omnes, qui negotia ciuilia et ■ publice administrandas literis per- scribe-

iplos effici posset, excitati tamen sunt Chaliphae mandatis et exhortationibus Syri, vt libros graecos Syriaco sermone, qui Bagdadi vernaculus erat, redderent, quo facilius illi si non ab Arabibus commode satis intelligi, e lingua tamen ipsis minus ignota in patrium sermonem traduci possent. Itaque Arabes primum libros a Graecis scriptos non eo, quo ab auctoribus compositi sunt, sermone, sed ex versionibus Syriacis legerunt; vix enim tum aderant praeter Syros, quibus ducibus in sapientiae graecae adyta penetrare licuisset *h*). Qua ratione, quorumue virorum industria primae librorum graecorum versiones Syriacae confectae fuerint, nunc quidem certo definiri nequit. Versionum iussu Al Mansoris Chaliphae susceptarum nulla seruata sunt exempla; nam extra omnem dubitationem positum videri debet, nullam graeci alicuius libri versionem Syriacam ex earum numero, quas adhuc tenemus, ad Al Mansoris aetatem referendam esse. De Bochtjesu versionibus Syriacis ceterum nihil relatum legimus. Sergii versiones valde imperfectae fuerunt naeuisque scatentes; quare librorum Hippocratis nouam Syriacam Honainus Ben Isaac postea curare instituit. Haud dubie autem primi interpretes Syri libros graecos *Syriace*, nec statim *arabice*, verterunt, quod tum temporis arabicae linguae non satis gnari essent.

Primae librorum graecorum versiones *arabicae* confectae demum sunt regnantibus Chaliphis Al Mamun († a Heg. 218) et Al Motawakkel († a. Heg. 247). Facile quidem prior perspexit, Syriacis
versio-

scriberent. Interea haud improbabile est, omnino graecas literas Arabum principes extinguere voluisse. Saltem post Walidi edictum nullum librum in terris Arabum imperio subiectis *graece* scriptum nouimus, et fortasse hinc *primo* consilium subnatum est, graecos libros vel *syriace*, vel *arabice* *vertendi*.

h) In Aegypto graecarum literarum vsus diutius, quam in Syria, obtinuit, cum Christiani Orthodoxi, vulgo Melchitae appellati, in liturgiis suis linguam graecam seruarent. Apud Persas quoque graecae doctrinae laus et honos fuit, vt vel exemplum Simplicii, aliorumque philosophorum graecorum docet, qui aliquamdiu in aula Chosrois versati sunt. Ipse Sergius nonnullos libros graecos, teste Agathia (l. l.), in linguam Persicam transtulit. Paucae tamen fuere et versiones graecorum librorum aegyptiacae, et Persicae, si cum Syriacarum numero comparentur, neque ad Arabes inde fructus redundare potuit,

versionibus popularibus suis non satis consultum iri, quippe quibus Syriaca quoque lingua erat exotica: vt itaque graecae eruditionis copiae magis illis innotescerent et patefierent, consilio Joannis Mesueh, medici sui, adiutus, ingentem virorum doctorum numerum congregavit, qui libros ad artem medicam, historiam naturalem, philosophiam, cosmographiam, astronomiam et mathesin pertinentes in arabicum sermonem transferrent. Ipse ■ Michaelē Balbo Imp. libros praestantiores exegit et impetrauit, misitque insuper in Syriam, Armeniam et Aegyptum, qui alios vndeque coemerent i). Ioannes Mesueh autem cum sociis Chaliphae mandatum ita exsecuti sunt, vt libros graecos primum ■ graeco in linguam Syriacam et ex hac in arabicam conuerterent, quare istas versiones innumeris mendis vitiisque refertas fuisse necesse est k), cum earum auctores nec graece nec arabice satis callerent. Perierunt quoque istae versiones, post nouas ab *Honainorum* gente conditas. Omnino autem memorabile est, quod *Geuzi*, scriptor arabicus, quem Leo Africanus excerpsit, narrat, Al Mamonem post versiones confectas *πρωτότυπα* graeca comburi iussisse l). Neque hoc probabilitate destitutum est. Primum Al Mamuni cum popularium suorum superstitione conflictandum erat; fuere adeo, qui illi ob propensum in graecas literas animum succenserent; quare, exemplis graecis combustis forsitan se consecuturum esse arbitratus est Chalipha, vt graecae doctrinae non amplius *graecae*, sed *arabicae* viderentur, et vel ipsum graecum nomen magis magisque obliteraretur. Deinde post versiones semel curatas nulla in posterum

i) Abulphar. hist. dynast. p. 246. Natus est Al Mamun a. Heg. 170. (a. Chr. 787); Chalipha renuntiatus est, teste Elmacino (Hist. Sarac. p. 126) a. H. 196; Bagdadum se contulit a. H. 204, ibique mansit vsque ad a. 215 (ab a. C. 819 – 830). Intra hoc temporis spatium igitur versiones arabicae elaboratae sunt, quibus conficiendis Jo. Mesueh praefuit. Incidit aetas Al Mamunis in tempora Imperatorum graecorum Michaelis Curopalatae (quem Arabes scriptores *Constantinum* vocant), Leonis Armenii, et Michaelis Balbi. A postremo libros graecos petiit. Cf. Chronolog. Eutyech. Synops. additam Eutychio epoch. XI.

k) Antiquissimam Hippocratis versionem *arabicam* e syriaca Sergii fluxisse, coniectio. Magna enim fuit Sergii translatoris apud Joannem Mesueh auctoritas, ita vt hic eius exemplum Honaino Ben Isaac imitandum proponeret.

l) Leo Afric. de viris illustr. Arab. p. 261.

sterum videbatur ipforum librorum graecorum vtilitas esse; nam de naevis versionum certe parum cogitauit optimus princeps, quippe quas a doctissimis viris elaboratas credebat. Nulla denique mentio etiam fit exemplorum graecorum inter Arabes post Ioannis Mesueh, eiusque discipulorum aetatem; quinimo Arabes in Hispaniam et Siciliam transeuntes non *prototypa* graeca, sed eorum tantum *versiones* vel syriacas, vel arabicas secum asportarunt.

Omni- bus interpretibus, qui sub Ioannis Mesueh auspiciis et postea in scriptoribus graecis syriace et arabice conuertendis desudarunt, Honainorum gens palmam praecripuit. Natus est Honain Ben Isaac Hirae (al Hirah), et fuit ex Christianorum Ebadianorum numero. Contulit se primum in Ioannis Mesueh disciplinam, quo tamen exacerbatus in Graeciam iter fecit, ibique per biennium literis, inprimisque graecae linguae addiscendae, operam dedit. Redux inde cum magna librorum copia, praesertim Aristotells, Euclidis, Ptolemaei, Galeni, Alexandri Aphrodisiei, Porphyrii, Themistii, Simplicii, Bagdadum, deinde Bassoram venit, Arabicam linguam didicit, reuersusque Bagdadum, regnante El Motawackel Chalipha, in versionibus syriacis et arabicis conficiendis diligentissimam operam collocavit *m*). Tantam mox nominis famam Honainus adeptus est, vt versiones eius omnibus aliis, quae iam exstabant, praeferrentur. Videtur ille omnino in locum Ioannis Mesueh successisse; fuit enim primus Chaliphae medicus, et sub eius auspiciis operam fecerunt tum filii Isaac Ben Honain, et David Ben Honain, tum sororis filius Hobaisih Bar Hasan, tum Georgius Ben Bochtjesu, et Bochtjesu Ben Gabriel, alii, qui versiones suas Honainis castigandas et emendandas traderent. Quamobrem plurimae versiones librorum graecorum et syriacae et arabicae, quae etiamnum in bibliothecis asseruantur, Honainum nomen prae

m) Secutus sum in his Abulpharajum. Monuit Reiskius (*Allgem. Weltgesch. von Guthrie und Gray* Vol. VI. P. I. in nota p. 731) Honainum Bagdadi arabicae linguae videri tantum didicisse, vsum praeceptore *Chalil Ben Ahmed*, magni nominis tum inter Arabes Grammatico; ceterum calluisse eum iam linguam arabicam, cum Hirani non solum syriace, sed etiam arabice locuti fuerint. Abulpharajus tamen Honainum *Bassorae* demum linguam Arabicam didicisse, diserte testatur.

prae se ferunt. Difficile autem est distinguere, quatenus versiones patri, vel filiis debeantur, quoniam librarii, qui eas exarauerunt, plerumque ad Honainum aliquem ~~cas~~ retulere, et ab ipsis Honaini filiis patris versiones postea immutatae sunt *n*). Auctor quoque est Gregorius Bar Hebraeus *o*), bono Honaini fato accidisse, ut plerique libri, quos *Hobaish* interpretatus fuerit, ab imperitis librariis Honaino adscriberentur; atque hac de causa paucos superesse sub Hobaisi nomine libros. Tribuuntur patri versiones librorum Hippocratis, Galeni, Euclidis, Almagesti Ptolemaei, libri Nicolai Damasceni de summa philosophiae Aristotelis, et aliae *p*). Verum hae versiones omnes fuerunt syriacae, et modo ab Honaini filiis, modo ab aliis in arabicum sermonem demum traductae sunt. Conuertit quoque Honainus pater plures Aristotelis libros, ut librum de interpretatione, Analytica priora et posteriora, Topica, libros de anima, e graeca in syriacam linguam, et e syriaco eosdem Isaac ben Honain arabice vertit. Memorantur Ethicorum Aristotelis libri *duodecim* e graeco arabice ab Honaino ben Isaac conuersi *q*); dubitari tamen potest, an non per librorum errorem patris nomen huic versioni inscriptum sit. Ceteroquin autem apparet, tum Honainum patrem, tum filios, et alios huius aetatis graecorum librorum interpretes in vertendis illis ita versatos esse, ut primum syriace, deinde ex syriaco arabice verterent. Nam omnes fere versiones arabicae, quas Thabet Ben Corrah, Ebn Al Batrick, Abu Baschar Mata, Jahia Ben Adi, Abrahamus Abdallah et alii postea curarunt, ex syriacis maximam partem Honainorum versionibus fluxerunt *r*). Ferebatur ilis temporibus versionum genus duplex, syriacarum alterum, alterum arabicarum, quarum priores erant quasi prototypa, et hinc etiam factum est, ut veteres codices versionum arabicarum saepenumero cum syriacis col-

lati

n) Affemani bibl. Orient. T. II. p. 272.

o) Ibid. p. 310. 311.

p) Teste Abulpharajo (Hist. dyn. p. 49) Euclidis, Archimedis, Apollonii Pergaei et Ptolemaei scripta iam sub Al Mamone conuersa sunt. Igitur Honainus istas versiones aut emendauit tantum, aut earum loco nouas fecit.

q) Casiri bibl. arab. hispan. T. I. p. 306. Additur ab auctore bibliothecae arabicae, existisse huius versionis exemplum manu Honaini *fili*i exaratum apud Abi Zachariam Jahia Ben Adi, una cum Themistii commentariis in Ethica *syriace* conuersis.

r) Ibid. p. 243 sq.

lati, et ad hos emendati sint. Quamuis enim in codicibus versionum arabicarum, quae ad nostram aetatem peruenere, non semper a librariis diserte monitum sit, esse eas ex versionibus syriacis correctas; cum tamen Arabes, dum in terras Europae occidentales transirent, ipsum graecum textum non secum attulerint, nec vnquam rerum arabicarum scriptoribus memoretur graece doctus Arabs, qui ipso graeco textu, non versionibus tantum graecorum librorum usus fuerit, arabicae versiones non nisi collatione cum syriacis instituta emendari potuerunt. Ipsa adeo celeberrima operum Aristotelis versio arabica ab Averrhoë Cordubensi confecta minime ex graeco fluxit; nusquam enim equidem traditum inueni, Averrhoem graecum textum ante oculos habuisse; sed videtur potius nobilissimus interpres, quod etiam versionis indoles satis docet, nihil aliud fecisse, quam vt vulgatam suo tempore versionem arabicam denuo cum antiquiori syriaca conferret et ad hanc castigaret.

Versiones graecorum librorum arabicae seriores licet variis curis et a pluribus viris doctis emaculatae fuerint, innumeris tamen non minus quam antiquiores erroribus mendisque obsitae fuerunt, quibus eas ne recentiorum quidem Arabum in Hispania et Sicilia degentium studia, exemplis graecis deficientibus, purgare poterant. Plurimae quidem, Arabibus ex Europa expulsis, postea deperditae sunt, earumque, quas adhuc tenemus, maxima pars nondum publici iuris facta est, sed in bibliothecis latet; quare de omnibus idem iudicari nequit; quodsi autem paucis illis, quas typis impressas, aut aliunde accuratius cognitae habemus, ad ceteras quodammodo conclusio valuerit, fuisse omnes vitiosissimas, haud temere aliquis pronuntiauerit. Etenim multae ex his versionibus Rabbini sub auspiciis Arabum literis operam nauantibus adeoque arabice doctis in sermonem hebraicum translatae sunt, antequam ipsae graecae literae in Italiam reducerentur. Exstant e. c. adhuc in bibliotheca Vindobonensi Aristotelis Organon ex arabico Averrhois cum huius commentariis hebraice conuersum a R. Jac. Antoli a. 1232 (aerae Iudaicae 4992) sub Friderico II. Imp. r); in

Ff 2

biblio-

r) Vid. Lambec. Comment. de bibl. Vindob. T. I. p. 294. Cf. Catal. bibl. Paris. T. I. p. 50. 52. Bartolocci bibl. Rabb. P. I. p. 480. Chph. Wolfii bibl. Hebr. P. I. p. 219.

bibliotheca Parisiensi versiones librorum Aristotelis physicorum hebraicae ex arabico factae partim per R. Aben Tybbon, partim per Anonymos; memorantur denique in Cod. Parisiensi Aristotelis Ethica et Oeconomica ex arabico Averrhois in hebraicam linguam traducta, illa auctore R. Meir Alvarez, haec auctore Aben Tybbon. Ex his versionibus hebraicis antiquae illae latinae versiones tam operum Aristotelis, quam commentariorum in ea Averrhois fluxerunt, quibus primi Scholastici, in his Albertus Magnus et Thomas Aquinas, vsi sunt s). Iam vero sunt versiones hae latinae, quantum de iis constat, tam barbarae, incomptae et ineptae, ut plurima loca sensu plane destituta sint t). Satis quidem certum est, non omnia vitia in his obuia in Averrhoem cadere, et fuisse earum auctores et arabicae et latinae linguae imperitos, ita ut ab vna parte arabica verba non intelligerent, et ab altera latine ea exprimere nescirent; verumtamen errores in nominibus propriis commissi vix translatoribus, sed ipsi potius Averrhoi tribuendi sunt. Nam in commentariis quoque ad Aristotelis libros Averrhoes inscitiam tam linguae graecae, quam literarum graecarum omnino nimis luculenter prodidit. Ponit in his Protagoram pro Pythagora, Democritum pro Cratylo, Herculem pro Heraclito; et distinguit adeo Pythagoricos a philosophis Italicis, quibus Anaxagoram

s) Cf. *Reliqua Friderici II. Imp. de arte venandi cum avibus*. Edit. Schneideri. In praef. p. 3 sq.

t) Prima et antiquissima versio latina Operum Aristotelis in Hebraica facta, quae iterum ex arabica Averrhois fluxerat, mista exstat, necdum impressa est. Qualisnam pretii autem illa sit et haec fuerit, ex superioribus versionibus latinis immediate ex arabico Averrhois factis diiudicari potest. En exemplum: Arist. Metaphys. I. cap. VI. “μετὰ δὲ τὰς εἰρημένους φιλοσοφίας ἡ Πλάτωνος ἐγένετο πραγματεία, τὰ μὲν πολλὰ τοῖς Πυθαγορείοις τούτοις ἀκολουθοῦσα, τὰ δὲ καὶ ἴδια παρὰ τὴν τῶν Ἰταλικῶν ἔχουσα φιλοσοφίαν. Ἐκ νεῦ τε γὰρ συγγενόμενος πρῶτον Κρατύλῳ καὶ τοῖς Ἡρακλείτειοις δόξαις, ὡς ἀπάντων τῶν αἰσθητῶν αἰὲρ ῥεόντων, καὶ ἐπισήμης περὶ αὐτῶν οὐκ οὔσης, ταῦτα μὲν ὕπερον ἕτως ὑπέλαβεν, Σωκράτους δὲ περὶ τὰ ἡθικά πραγματευομένου, περὶ δὲ τῆς ὅλης φύσεως οὐδὲν” — Haec ita vertuntur: “Et post hoc, quod dictum fuit, de modis philosophiae, inuenta fuit philosophia Platonis, et sequebatur illos in multitudine, in unitatibus autem erat opinionibus Italicorum; et primus qui contigit post Democritum, fuit opinio Herculeorum, scilicet quod omnia entia sint semper in fluxu, et quod nulla in eis est scientia. Ista igitur opiniones secundum hos accepimus in postremo. Socrates autem locutus fuit in moralibus, et nihil dixit de natura.”

goram adiungit, quem vna cum Democrito et Empedocle numeros principia rerum fecisse dicit *u*). Etiamſi Arabem igitur a vitiorum culpa liberaſ, quae interpretum hebraicorum et latinorum ignorantiae et ſtupori forte debeantur, manet nihilominus verſioni arabicae magna errorum ſeges ab ipſo Auerrhoe fata. Neque neceſſe eſt, vt a ſolis librorum Ariſtotelis verſionibus arabicis iudicium noſtrum de verſionum arabicarum indole pendere ſinamus; ſuperſunt aliorum quoque librorum graecorum verſiones arabicae, vnde illud firmari poteſt. Habemus arabicam paraphraſin tabulae Cebetis et aureorum carminum Pythagorae a Ioanne Elichmanno latine conuerſam et a Salmaſio editam *v*). Introduxit auctor Arabs in hac paraphraſi duos interlocutores, Cebetem et Herculem, qui in graeco textu non comparent. Notum eſt ex hoc, Cebetem narrare, ſe Thebis cum aliis in aede Saturni inambulantiem, et donaria vaſa in ea appenſa contemplantiem vidiffe tabulam pictam, quam cum ob nouitatem rerum in ea repraeſentatarum admiraretur, et ex ſociis quaereret, quidnam illae ſibi velent, forte fortuna ſenem indigenam adſtantiem tabulae argumentum explicuiſſe. Arabicae verſionis auctor hunc ſenem nominauit *Herculem*, eoque nomine Socraticum aliquem philoſophum appellatum fuiſſe ſibi perſuaſit; nam ad calcem verſionis addidit: *Explicit expoſitio Herculis Socratici ad Cebetem Platicum*. Apparet autem, Arabem nomen Herculis hariolatum fuiſſe ex male intellecta locutione ὁ Ἡράκλεις, qua admirandi formula reſpondet Cebes ſeni mythos in tabula exhibitos declaranti. Multa quoque alia, in quibus grauiter lapſus eſt interpret Arabes in verſione et tabulae Cebetis et carminum aureorum Pythagorae collegit Salmaſius *x*), quae hic diligentius enotare non attinet. Videntur igitur omnino tam Syri quam Arabes vertendis libris graecis in patriam linguam occupati ipſius graeci ſermonis non ſatis gnari fuiſſe, quam vt feliciter in hac opera verſarentur.

Ff 3

Quod

u) V. Ludov. Vives de cauſſis corrupt. art. Lib. V. p. 167. Cf. C. Rhodigini Lectt. antiq. lib. III. cap. II. p. 73.

v) Lugd. Bat. 1640. 4. Exſcripſit hanc verſionem Elichmannus ex libro miſto bibliothecae Leidenſis a variis auctoribus, Indicis, Perſicis, Arabicis. Graecis compilato, quem vna cum aliis ſecum ex Oriente retulit Iacobus Golius.

x) Vide huius praefat.

Quod autem cum ita se habuerit, facile nunc quidem intelligitur, cur a doctrinis e Graecorum penu in Arabes deriuatis non maior fructus ad hos redundauerit, et cur illae ipsae doctrinae aliqua ex parte mox tantopere degenerarent, vt fere aliae prorsus factae esse videantur. Corruptio doctrinarum graecarum inter Arabes maxime locum habuit in *philosophia*. Nam doctrinae medicae, physicae, mathematicae, astronomicae mendosis versionibus librorum graecorum non tantum detrimenti ceperunt, quippe quae natura sua ita comparatae sunt, vt Arabes propria rerum naturalium disquisitione instituta, et factis denuo obseruationibus et computationibus, errores aut ab ipsis scriptoribus graecis, aut ab horum interpretibus commissos, detegere et emendare possent. Recte adeo et cum fide dici potest, eos doctrinas physicas, mathematicas et astronomicas ad altiore perfectionis gradum extulisse, cum non solum in iis, quae a Graecis acceperant, subsisterent, sed etiam proprio ingenii et animi impulsu ea latius prosequerentur, instigantibus insuper superstitionibus astrologicis, magicis, theurgicis, ad quas ab antiquissimis inde temporibus gens inclinaret. Verum circa philosophiam plura se coniunxerunt, quae eius corruptionem maiorem inter Arabes efficere debuere. Vetusissimam Graecorum doctrinam philosophicam ab Ionicis, Pythagoreis, Eleaticis propinatam, si sententias et apophthegmata Pythagorae vel Pythagoreis a veteribus passim tribui solita excipias, non ex ipsis fontibus Arabes hauserunt, sed ex fragmentis tantum et commemorationibus ab Aristotele eiusque interpretibus scriptis suis intertextis. Quare historiae philosophiae graecae antiquioris parum gnari, quae scholis Ionicae, Eleaticae, Pythagoricae placuere, ea non in vnum ambitum collegerunt et inter se distinxerunt, sed iis promiscue, quasi corporis vnus eiusdemque membris disiectis vti sunt, tam singula asserta, quam nomina philosophorum, quibus illa debentur, miro modo distorquentes et confundentes. Ipse quoque Aristoteles eiusque interpretes vetustissimorum Graeciae sapientum doctrinas tam frustillatim, tam obscure et parum diserte saepenumero commemorarunt, vt condonandum sit Arabibus, si eas aut plane non, aut male caperent, cum nos ipsi post tot doctissimorum virorum lucubrationes haud raro in iis haereamus. Accessit interpretum Aristotelis exemplum,

plum, in quorum quidem scripta Arabes *maxime* incubuere. Isti enim minus de vera priscae philosophiae graecae imagine exhibenda solliciti fuerunt, quam quomodo singula opinionum commenta nude adducta et a ceteris, quibuscum connexa essent, diuulsa cum doctrina vel Platonis vel Aristotelis conciliarent. Philosophiam [Socratis et Socraticorum reliquias Arabes maximam partem ignorarunt; nam non memini versionem aliquam syriacam vel arabicam Memorabilium Socratis Xenophonteorum, aut dialogorum Aeschinis, et quae in arabica philosophorum bibliotheca apud Casirium de Socratis et Platonis vita, ingenio, moribus et scriptis traduntur, tam manca et ieiuna sunt, et verae Socraticorum historiae tantopere repugnant, ut auctorem illius operis nec libros Xenophontis, nec Platonis scripta legisse luculenter satis appareat y). Laudantur quidem versiones dialogorum Platonis syriacae et arabicae; verum omnino Platonis, sicut Epicuri, Stoicorum et Academicorum philosophiam parum curasse videntur Arabes, et fauisse eos potissimum Stagiritae, ut in philosophia principi, etiam exinde concludere licet, quod medio aeuo, transeunte philosophia Aristotelica ab Arabibus ad Scholasticos, doctrina Platonica in terris Europae occidentalibus tam diu inaudita esset, donec Platonis scripta in Graecia in Italiam reportarentur. Etenim ea aetate, qua literae Graecae ad Arabes peruenirent, libri Platonis minus curiose a viris doctis legebantur, quam libri Aristotelici, et interpretum graecorum in hos commentarii; forsitan etiam fortuna quadam factum est, ut Arabes, qui Chalipharum iussu libros graecos coemerent, et ipse Honain Ben Isaac, dum in Graecia eos conquireret, in libros maxime Aristotelis et interpretum, qui tum omnium manibus versabantur, inciderent. Igitur, cum doctrina Arabum philosophica fere omnis ex Aristotelis scriptis depromta esset, cum porro vsi fuerint illi non textu graeco, sed versionibus ineptis, et immensa vitiorum segete obsitis; ipsa denique philosophia Aristotelica, etiamsi ad eam intelligendam adiumenta necessaria haud desint, magnis tamen difficultatibus circumsepta et impedita sit, non mirum sane videri debet, euasisse philosophiam Arabum corruptam et nugis potius tricisque subtilibus, quam veris de rebus diuinis huma-

huma-

y) Casirii bibl. arab. hisp. T.I. p. 301.

humanisque praeceptis conspicuam. Acre studium et inquirendi diligentiam a se desiderari Arabes certe non passi sunt 2); nam dicuntur fere omnes, qui in philosophiae historia aliquam laudem et famam consecuti sunt, summo ardore eruendo vero sensu verborum Aristotelis mentem defatigasse; verum contingere non poterat illis esse tam felicibus, ut errorum nebulas, quibus interpretes maxime arabici ea circumfuderant, penetrarent. Attulit praeterea hoc philosophiae studiis inter Arabes damnum haud mediocre, quod illi superstitionibus tam Islamismi, quam aliis genti suae peculiaribus essent imbuti; quamobrem saepenumero eo annexi sunt, ut Corani doctrinam ex philosophia Aristotelica dilucidare, aut illam cum hac conciliare studerent, quae quidem opera non solum innumeris rixis inter eos occasionem praebuit, sed etiam ipsam philosophiam misere corrumpit et pessumdedit. Historici et Poetae graeci, ut hoc obiter moneam, aut non in Arabum notitiam venere, aut non magno honore apud eos habiti sunt. Praeter eorum nonnullos, qui expeditionem Alexandri M. in Asiam perscripserunt, alius graeci historiarum scriptoris vix ab Arabe quodam mentio iniecta est, et elucet quoque ex pluribus auctorum arabicorum locis rerum a veteribus Graecis gestarum et antiquitatis historiam omnino attingentibus, eos illarum et huius plane ignaros fuisse. De Homero quidem fando aliquid acceperant; de poetis lyricis vero, tragicis et comicis altum inter eos silentium; carminum tantum didacticorum a senioribus poetis graecis conditorum, ut Phaenomenorum et Dioscemeorum Arati Solensis, cuius occurrit versio arabica in Cod. bibliothecae Parisiensis, aliquod pretium fuisse videtur. Sane non magnopere interfuit Arabum, res praeas Graecorum accuratius pernoscere; impedierunt etiam fortasse eadem, quae supra attigi, quo minus Graecorum carmina et historiae ad Arabes transferrentur; aut erant carmina non ita composita, nec historiae ita perscriptae, ut *Arabibus* satis placerent.

Supereft, ut et de fructu pauca adiiciam, qui ex collatione versionum arabicarum cum textu graeco, qualem nunc habemus, ad

2) Vide, quae Avicenna de studiis suis ipse narravit, apud Abulpharaj. Hist. dynast. p. 230.

ad huius pristinam integritatem restituendam trahi possit. Cum interpretes et syriaci et arabici textum graecum plerumque ad singula verba exprimere soliti fuerint; cum porro ante oculos habuerint codices graecos, qui omnes hodie superstites aetate anteeunt, patet, loca corrupta in graeco saepe ex eorum versionibus emendari aut meliorem vulgata lectionem inde elici posse. Quo consilio etiam librorum Veteris et Noui Foederis Critici variis eorum versionibus arabicis praeclare vsi sunt, sicut nonnumquam librorum Aristotelis sospitatores vetustis versionibus latinis ex arabico Averrhois factis. Enimuero ab altera parte statim in oculos incurrit, summa cum modestia in hac opera nos versari oportere, nec interpreti cuidam Arabico fidem habendam esse, nisi in singulis verbis, et vbi manifestum sit, eum ceteroquin verborum graecorum vim et sensum recte cepisse.

C O M M E N T A T I O
DE
PHILOSOPHORVM GRAECORVM
ANTE ARISTOTELEM
IN ARTE LOGICA INVENIENDA ET PERFICIENDA
CONAMINIBVS.

RECITATA IN CONSESSV REGIAE SOCIETATIS D. XXV. AUG. MDCCXCII.

A
JOANNE GOTTLIEB BUHLE.

Si de omni fere scientia, quae non meris descriptionibus aut enarrationibus continetur, sed quae praecipit, quomodo aliquid recte *instituitur* et *perficiatur*, historiae fide dici potest, esse eam inuentam demum et conditam post illud ipsum iam pluries tentatum aut peractum, in nullam tamen id magis cadere videri debet, quam in artem logicam. Et sane fert ita iam mentis humanae natura, ut sentiamus, ut nobis eorum, quae sensus incurrunt, notiones informemus, hasque notiones modo diuidamus, modo componamus, ut plurium connexarum aut comparatarum rationem inter se diiudicemus, ut denique ratiocinemur a notis ad ignota progressi. Cogitarunt igitur homines de rebus diuinis humanisque; iudicia tulerunt de vero et falso, antequam intelligerent quidem, esse cogitandi *artem*; sicut inter nos vulgus iudicat et argumentatur, exquisitae adeo nonnumquam et accurate, licet logicae praeceptis plane non instructum; cui etiam potissimum debetur hoc, ut fuerint semper et nunc sint, qui doctrinam logicam fastidiant et contemptui habeant, quippe qua existimantes mente sana praeditum facile carere, ingenio vero destitutum et stupi-

stupidum parum aut nihil adiuuari. Neque *artis* logicae necessitas fatis obuia est in vita communi et quotidiana, praesertim si haec sit simplex et rudis; quare in antiquitate remotiori, quandiu intra illius curas animus coercebatur, nec ad altiora tendebat, optimus quisque philosophus ipse verum et falsum ad suum vtriusque sensum naturâ insitum retulit, nulla disquisitione facta, quonam fundamento hic veri et falsi sensus nitatur, quaenam sint eius leges, et quibusnam erroribus ille possit irretiri.

Omnino per se manifestum est, tum demum philosophos doctrinam logicam excolere coepisse *a)*, cum ea indigerent ad asserta sua vel roboranda, vel ab aduersariis defendenda, in primis si argumentatio illis obstaret, quoad formam iusta et vera, vt videbatur, rem tamen aperte falsam concludens, aut si vna opinio super eadem re alteri esset contraria, vtraque autem veritatis speciem prae se ferret, ita vt dubitantes, cuinam se addicerent, cogerentur, ipsam veri et falsi normam menti humanae infixam diligentius perscrutari. Nisi enim obseruassent philosophi, esse discrimen inter eognitionis humanae formam et materiam, et posse illam esse accuratam, quamuis cognitio respectu ad hanc habito falsa sit; deinde, nisi saepius repugnantiam experientiae sensuum, et decretorum rationis, siue etiam rationis decreta sibi met ipsis contraria animaduertissent, certe fuisset nihil, quo fortius commouerentur, vt de natura veri et falsi dispicerent. Satis vero hoc ipsa quoque philosophiae historia firmatur. Nam antiquissimi Graecorum philosophi, siue simpliciter opiniones suas de rerum natura proferentes, easque ita constitutas, vt vulgaris sensuum experientia illis non statim refragaretur, siue tradendis praeceptis ad vitam feliciter tuendam vtilibus, siue etiam ferendis nouis legibus patriae aliisque ciuitatibus occupati, nec de ipsa animi facultate cogitandi, nec de limitibus, quibus circumscripta est, nec de rationibus veri et falsi per se solliciti fuerunt. Quinetiam in Pytha-

Gg 2

gorae

a) Historiam logicae enarrare iam instituerunt Petrus Ramus in *animaduerss. Aristotelicis*, Tom. I. lib. I. p. 2-32 (ed. Paris. 1656. 8) et in *scholis dialect.* I. 3. Gassendi *de logicae origine et varietate* in Opp. T. I. p. 31. Walchius in *Parergis academ.* p. 490 sq. Brucker *hist. crit. philos.* T. I. passim. Sed non est horum opera talis, vt hodierno philosopho facile approbetur.

gorae et vetustissimorum eius discipulorum philosophia, quantum de ea inter nos constat, doctrinae logicae nullus videtur locus fuisse. Etsi enim in plurium disciplinarum studium, quae ad Logicae inuentionem ducere potuissent, vt Arithmetices, et Geometriae, cum ardore haud mediocri incubuerint Pythagorei, nullus tamen veterum auctor est, eos artis Logicae vel notionem aliquam concepis-
se, aut dialectice inter se disputasse, quod ipsum institutionis Pythagoricae proprietati non consentaneum erat. Poterit forsitan aliquis prouocare ad doctrinam de octo cognitionis humanae instrumentis, quam Pythagoras aut Pythagorei propinasse dicuntur. Contendit Anonymus vitae Pythagorae auctor apud Photium *b*), tribuisse philosophum Samium animae octo facultates cognoscendi, sensum, imaginationem, opinionem, prudentiam, scientiam, intelligentiam, mentem, e quibus homini duae priores cum brutis animalibus, quatuor postremae cum Diis communes sint, opinio vero sola illi propria sit *c*). Verum vt taceam, hanc facultatem animae diuisionem *naturam* animae potius attinere, quam eius cognitionem logicam, neque congruere cum aliis Pythagorae de anima, vt volunt, placitis *d*), et esse insuper ex Aristotelis philosophia haustam, nimis sublesta est, iudice etiam MEINERSIO, illius Anonymi auctoritas, vt ea tibi aliquid per-

b) Cod. CCLIX. Edidit eam vna cum Porphyrii et Jamblichi Vitae Pythagorae L. Kusterus Basil. 1598. 4.

c) N. 17. p. 64.

d) Ex plurium scriptorum fide dignorum consensu Pythagoras animam dixit esse *quaternionem*. Esse enim eam aerae diuinae particulam (Diog. Laert. VIII, 27), numerum *parem* et *perfectum*; elementis autem quaternionis dissolutis sibiue inuicem additis, existere decadem: (1. 2. 3. 4 = 10.) — numerum omnium perfectissimum, quo concentus Vniuersi nitatur. In quaternionis definitione maximopere variant scriptores. Alii intelligunt: sensum, opinionem, scientiam, mentem: v. Plutarch. de decret. phys. philos. IV, 7; alii quatuor elementa; alii quatuor virtutes; alii alia. Sunt etiam, qui secundum Pythagoram animae tres partes s. facultates esse contendunt, *ζύμων* (vim vitalem), *φρόνη* (intelligentiam) et *νῆς* (mentem). Stob. eclog. phys. p. 94. Haec et eiusmodi plura philosophiae Pythagoricae capita nunquam ad liquidum perducere posse arbitror. Diuisionem animae facultatum ab Anonymo ap. Photium Pythagorae tributam plane Aristotelicam esse, patet ex Analyt. poster. lib. II, 18 ed. Bip. Cf. Ethic. ad Nicom. VI, 4. III, 4.

persuaderi patiaris e). Non magis *huc* trahi debet Archytae Tarentini, philosophi Pythagorei, *de categoriis* liber, quo adeo Aristotelem prae sua irrigasse volunt nonnulli f). Primum de vetustissimis Pythagoreis nobis hic sermo est, non de serioribus, e quorum numero Archytas fuit; quoniam ab horum tentaminibus logicis ad Pythagorae ipsius et proximorum eius aetati asseclarum conatus concludi nequit. Praeterea diuerso prorsus consilio Archytas categoriarum vim exposuit, quam quo Aristoteles easdem persecutus est. Archytae sunt categoriae notiones de primis rerum naturalium elementis; Aristoteli vero notiones primae, quae omnino enti per se (*dem Dinge an sich*) attribui possunt. Archytas categorias in eum finem explicauit, ut ostenderet, quomodo prima rerum naturalium elementa ad numeros numerorumque rationes reuocanda sint; quamobrem opus eius ad physicam pertinet, non ad logicam, cum contra Aristotelem categoriarum doctrina, quasi fundamento totam logicam superstruxisse, notum sit. Scripsit tamen Archytas plura ad doctrinam logicam facientia, ut tractatum *περὶ τῶν ἀντικειμένων*, *de oppositis*, quo et Plato et Aristoteles vsi sunt, et cuius praeclara fragmenta passim apud veteres occurrunt g). Exstat apud Stobaeum alius libri Archytaei *διατρίβας* inscripti fragmentum, valde tamen mutilum et corruptum, cuius sensum integrum equidem non capio. Coniici quidem potest, in *διατρίβας* subintelligenda esse verba: *περὶ μαθηματικῆς ἐπιστήμης*, siue *περὶ ἀριθμῶν*, quasi argumentum totius libri fuerit mathematicum. Composuit quoque Archytas de mathesi librum,

G g 3

cuius

e) Meiners *Gesch. der Wissensch. in Griechenland und Rom*, Vol. I. p. 289.

f) Vulgaris huius libri inscriptio est: *περὶ τῶν δέκα κατηγοριῶν* (qua utitur Ammonius Hermiae ad Porphyry. *Isagog.* fol. 20, a), siue: *περὶ τῶν καθόλου λόγων*. Simplic. ad Arist. *Categ.* init. *Ἀρχύτας μέντοι τοῦ τῶν κατηγοριῶν βιβλίου ἀρχόμενος, ἥτοι τῶν καθόλου λόγων* — Edidit fragmentum eius graece Camerarius sub titulo: *Ἀρχύτου φερόμενοι δέκα λόγοι καθολικοί*, Lips. 1564. 8. Alia quoque fertur libri inscriptio *περὶ τοῦ παντός*, quae forsitan ab ipso Archyta profecta est. Simplic. l. c. fol. 3. b. Multa fragmenta eius praeter editum illud hic illic dispersa latent, quae utinam aliquando colligantur!

g) Simplic. l. c. fol. 97, a. *Τὰ περὶ ἀντικειμένων Ἀριστοτέλης ἐκ τῆς Ἀρχυταίου βιβλίου μεταλαβὼν τῆς περὶ ἀντικειμένων ἐπιγεγραμμένου, ὅπερ ἐνεῖνος ἔσται ἐταξέ τῳ περὶ γενῶν (de categoriis) λόγῳ, ἀλλ' ἰδίᾳς πραγματείας ἤξειλε.*

cuius laciniae haud exiguae saepius editae sunt *h*), nec ignoro, lubricum et ambiguum esse, ex paucis verbis e libro quodam excerptis de libri argumento tuto pronuntiare; quodsi tamen ab ipso fragmento iudicium meum pendere sinam, mihi probabilius fit, Archytam in libro illo, cuius particulam Stobaeus seruauit, logica quaedam capita pertractasse; incipit enim fragmentum cum asserto hoc: *Logisticam ■ reliquarum artium scientia multum differre i*). Fac autem, hoc ita sit, minime ex hoc libro et ex ceteris ex Archytae scriptis logicis colligendum est, Pythagoram ipsum vel vetustissimos Pythagoreos de Logicae inuentione aut perfectione meruisse *k*).

Certum utique videtur esse, quod veteres vno ore testati sunt, primam logicae artis inuentionem philosophis Eleaticis deberi, et sunt quoque horum de rerum origine et natura sententiae eiusmodi, ut ex iis sine difficultate explicari possit, non solum, qua via Eleatici ad disceptationes logicas deducerentur, sed etiam qui factum sit, ut artis logicae talis existeret indoles, qualis ab initio fuit, et quae postea, accedentibus aliis causis, tam celeriter et tantopere in deterius ruit, ut totum fere philosophiae studium ad meras nugas conuerteretur, ex quo omnes Graeciae ciuitates, si Lacedaemoniorum rempublicam excipias, haud leue detrimentum ceperunt. Etenim maxime verisimile est, duplicem iudicandi et verum et falsum discernendi modum, alterum ex ratione, alterum ex opinione, Eleaticis occasionem dedisse, ut contentiosas disputationes inirent. Cum eorum asserta de Vno et Omni, ad quod rerum summam reuocabant, modo
sensibus

h) Archytae fragmentum libri *περὶ μαθηματικῆς*, graece in Aristotelis et Theophrasti scriptis quibusdam Paris. 1557. 8. p. 80.

i) Stobaei eclog. phys. P. I. T. I. p. 12 ed. Heeren. *Καὶ δοκεῖ ἡ λογιστικὴ περὶ τὴν ἄλλαν σοφίαν τῶν μὲν ἄλλων τεχνῶν καὶ πολὺ διαφέρειν.*

k) Voluere quidam exinde probare, iam Pythagoram arti logicae operam tribuisse, quod reperiantur apud veteres nomina logica ■ Geometria ducta. Sic e. c. *propositio* (*πρότασις*) nonnumquam dicitur Aristoteli *διάστημα* (*intervallum*). *Analyt. prior. II, 2, 3.* Compararunt igitur veteres *propositionem* cum *linea*, et illius terminos cum huius *punctis*. Sicut termini *extrema* propositionis constituunt, sic puncta lineae. Hinc termini etiam vocantur *ἄκρα*. Cum tamen haec nomina apud Aristotelem demum occurrant, possunt ea esse ferioribus temporibus ab aliis, nec ■ Pythagoreis, adinuenta.

sensibus aduersarentur, modo sibi inuicem repugnarent, Xenophanes quidem sensuum fidem negauit; qua tamen negata, nec ab omni parte refelli, nec satis feliciter eludi aduersariorum argumenta cum perspexissent Parmenides et Zeno, quo magis aut doctrinam suam tuerentur, aut saltem in vtramque partem disputari posse ostenderent, falsa ratiocinia adhibuerunt, vnde enatum illis est incitamentum, de ratiociniorum formulis et legibus curiosius dispiciendi. Non conspirant inter se veteres scriptores, ex Eleaticis vtrum Parmenides, an vero Zeno primus artis logicae auctor et pater dicendus sit. Diogenes Laertius *l*), Sextus Empiricus et Suidas posteriori hanc laudem vindicarunt, freti quidem Aristotelis auctoritate; quibus tamen *an* assentiam, dubius haereo. Saltem Parmenides primus discrimen inter *scientiam* et *opinionem* statuit, illam ponens vnice niti decretis rationis a priori, et esse certam et veram; hanc vero esse vagam et fallacem, et sensuum fraudibus obnoxiam. Ex carminum eius reliquiis, quae aetatem tulerunt, elucet etiam quodammodo, eum de rebus ad philosophiam pertinentibus dialectice differuisse *m*). Porro induxit Plato in dialogo, Parmenidis nomine insignito, hunc ipsum philosophum de rerum natura disputantem, et simul magnopere praedicantem artem dialecticam, eiusque necessitatem et vsum *n*). Parmenides cum Zenone discipulo prope iam septuagenarius Athenas cum venisset, liberque Zenonis tum primum eodem delatus esset; Socrates disputationem cum Zenone est orsus; cui succurrens deinde Parmenides Socratem reprehendit, quod recte mentem in abstrusis his quaestionibus nondum exercuisset, docetque, qua ratione dialectica in his sit versandum. Conflixisse haec omnia, et ne temporum quidem rationes in iis secutum esse Platonem, cum Parmenides ante Socratem natum obierit, vix est, quod moneam; nihilominus recte inde colligere mihi videor, ex communi fama Platonis aetate per-
vulgata Parmenidem iam artis dialecticae intentiori studio dialecticis-
que

l) Diog. Laert. prooem. Ἀπὸ δὲ Ζήνωνος τῆς Ἑλεάτης τὸ Διαλεκτικόν. Sext. Empir. adv. Mathem. VII. p. 193 Παρμενίδης δὲ οὐκ ἂν δόξαι τῆς Διαλεκτικῆς ἀπέριως ἔχειν, ἐπεὶ περ πάλιν Ἀριστέλης τὸν γνώριμον αὐτοῦ Ζήωνα Διαλεκτικῆς ἀρχηγὸν ὑπέστηλεν. Suidas v. Ζήνων.

m) Poef. philos. H. Steph. p. 42.

n) Platon. Parmen. p. 90. Opp. T. X. edit. Bip.

que disputationibus vacasse. Locus autem Aristotelis ■ Sexto excitatus e libro illius nunc deperdito depromptus est; saepius alias Aristoteles Zenonis et quatuor ratiocinationum eius, quibus, nihil moveri, demonstrare cupiebat, mentionem fecit, sed nullibi eum artis dialecticae auctorem diserte pronuntiat o). Ipsa quoque Sexti verba, si recte ea interpreteris, nihil aliud volunt, nisi, quod omnes concedent, Zenonem ἀρχηγὸν τῶν Διαλεκτικῶν, Dialecticorum ducem fuisse, siue in arte dialectica prae aliis ingenium exercuisse.

Enimuero, quamuis Zeno pro Dialectices auctore sensu stricto haberi non possit, ab altera tamen parte negari nequit, eum primum ratiociniorum leges et formulas quasdam descripsisse. De harum ipsarum legum et formularum indole ex iis tantum iudicare licet, quas seriores philosophi passim memorarunt. Redeunt illae omnes, vt v. c. quae *Achillis* nomine constat, ad sophismata, nimisque futes sunt, quam vt iis immorer p). Celebravit quidem Gassendi miro praeconio Zenonem q), quod ille tradiderit iam viginti quatuor modos consecutionum ex posito quodam asserto deducendarum, adeoque dilucidauerit artem meditandi, quae nostrae logicae, quam vocant, practicae caput constituit; verum deceptus est magnus, dum fuit, vir errore Procli, qui explicans locum ex Platonis Parmenide, vbi hic Socratem monet, quemadmodum quaestio instituenda sit, praecepta ibi a Parmenide data ex Zenonis libro quodam petita esse ait r); quod neutiquam ita se habet, cum ex tota dialogi compositione satis appareat, Platonem ipsum Parmenidis personam indutum sua praecepta logica, non Zenonis, in medium proferre. Extitit olim opus Zenonis *Εἰδης* inscriptum, quod dolendum est temporis iniuriam nobis eripuisse; nam per colloquia res ad philosophiam pertinentes in eo pertractasse fertur Zeno, et quidem multis vsus sophisticis

o) Aristot. Anal. pr. II, 10, 2. Topic. lib. VIII sub fin. Elench. Soph. cap. 4. Auscult. phys. VI, 9. et alibi.

p) Vide Simplic. ad Arist. ausc. phys. fol. 236. b. sq. Conf. fol. 30. a, vbi memorantur Zenonis epichiremata ex eius libro: περὶ τοῦ ὄντος. Alia sophismata, in his λόγος, ὃν ἤρετο (Zeno) Πρωταγόραν τὸν σοφιστὴν traduntur fol. 255.

q) Gassendi Opp. T. I. p. 34.

r) Proclus Lycius in Plat. Tim. lib. I. p. 6.

phisticis elenchis r). Haud male contendunt igitur nonnulli, toti hinc differendi arti, et insequentibus temporibus toti Logicae nomen *Dialectices* ἀπὸ τῆ διαλέγεσθαι inhaesisse t), neque absurde forsitan aliquis coniiceret, Zenonis librum multum contulisse, vt Socratici postea disquisitiones suas philosophicas in dialogis proponerent. Ceterum ne quemquam moueat, quod Diogenes Laertius, qui etiam Zenonem primum dialogos scripsisse refert, alio loco narrat, Aristotelem, Niciam Nicaenum, et Soterionem ad hoc potius citare Alexamenum Styrensem, siue, secundum Phauorinum, Teium, notandum est, Alexamenum fuisse Zenone posteriorem, et aequalem Platonis u). Vtcunque hoc se habuerit, ita deinceps inualuit dialectice de rebus philosophicis disputandi seu interrogandi et respondendi mos, vt adeo omnis ratiocinatio vocata fuerit *interrogatio*; quippe ab illo vsque tempore philosophi non argumentationes et syllogismos absolute proposuerunt, quemadmodum hodie est in vsu, sed interrogando duntaxat, et tenebatur respondens ad singulas enuntiationes sententiam interponere, vt ex concessis aut negatis argumentatio concluderetur. Sed reuertendum est.

Leucippus et Democritus, ex Eleaticorum disciplina profecti, tametsi de rerum origine et natura longe alia illis placuerint, quam quae Xenophanes et Parmenides statuissent, de fundamento tamen veri et falsi fere eadem cum his senserunt. Negabant enim quoque experientiae sensuum veritatem; parere hanc in animo contendebant non nisi rerum phantasmata, minime autem veras ipsarum notiones; quare ex illis enasci cognitionem tenebricosam, spuriam, et mendacem;

s) Suidas l. l. "Εγραψεν Εριδας, Εξηγησιν τῶν Εμπεδοκλέους, Πρὸς τὰς Φιλοσόφους, Περὶ Φύσεως. Plutarch. Vit. Pericl. T. III. p. 278. Δήμησος δὲ Περιπληγὴς καὶ Ζήνωνος τοῦ Ἐλεάτου, πραγματευομένου περὶ Φύσιν, ὡς Παρμενίδης ἐλεγκτικὴν δέ τινα, καὶ δι' ἐναντιολογίας εἰς ἀπορίαν κατακλείουσιν ἐξασκήσαντος ἔξιν.

t) Dialectices nomen primum usurpasse Dionysium Carthaginiensem, refert Diog. Laert. II, 106. Jonf. Hist. phil. III, 8 pro Καρχηδόνιος apud Laertium legi vult Χαλκηδόνιος, vt fuerit iste Dionysius idem ■ Dionysius Bithynus.

u) Diog. Laert. III, 48. Cf. Athen. Dipnosoph. XI, 15. Athenaeus quidem ait, Alexamenum primum Socraticos dialogos edidisse. Styra, vnde ille oriundus, Euboeae oppidum fuit.

cem; contra mentem solam cernere verum, eiusque decretis omnem de rebus *scientiam* niti oportere; quaecunque igitur vere de rebus extra nos positae intelligi possint, eo redire: esse atoma seu individua, quae in spatio vacuo infinito ab aeterno moveantur, et vnde sensibus nostris apparentia oriuntur. Quodsi enim mens perscrutetur, quid in rebus sensibus obuiis verum sit, eam ad atoma deuenire; in his ergo, utpote vnicuique veris, subsistendum esse *v*). Memorantur saepius apud veteres Democriti canones logici. Probabile autem est, eum his nihil aliud praecepisse, nisi hoc ipsum veri et falsi criterium modo expositum; erat enim hoc quasi postulatum, quod doctrina eius naturalis concessum supposebat, quo respectu etiam idem postea amplexus est Epicurus. Dicitur igitur non potest, Leucippi et Democriti ingenio et studio artis logicae scientiam auctam et magis excultam esse; neque amplius quid ei addiderunt Empedocles, Melissus, et alii huius aetatis philosophi, cum in *en* omnes consentirent, sensibus esse diffidendum, verum et falsum a sola ratione discerni. Forsitan aliqua laus potior Heraclito et Anaxagorae vindicanda est. Prior pro fundamento omnis veritatis posuit principium contradictionis, quod nunc vocant. 'Ο μὲν Ἡρακλείτου λόγος, πάντα εἶναι καὶ μὴ εἶναι, ἅπαντα ἀληθῆ ποιεῖν *x*). Alter, teste Aristotele, iam ante Protagoram Sophistam, cui primo hoc placuisse vulgo creditur, asseruit, *res tales esse, quales unicuique videantur*, sive, ut hodierno philosophorum sermone utar, *omne verum esse subiectivum y*); nam sensibus fide abrogata circa cognitionem rerum per se consideratarum, si tamen rationem sensus duces sequi necesse est, omnis veritas eo modo continetur, quo unusquisque sibi rerum notiones informet. Praeterea Anaxagoras iam incidit in diuersa iudiciorum sibi inuicem oppositorum genera, quae nos quidem nunc in *contraria* et *contradictoria* distinguimus. E duobus iudiciis contradictoriis vnum necesse est verum, alterum falsum esse; duo contraria vero utraque possunt esse falsa. Iam vero id, quod nobis tritissimum est, haud leuem Anaxagorae difficultatem mouit, cum eius solutionem *non* reperiret. Animaduer-

v) Poet. Philol. H. Steph. p. 156.

x) Aristot. Metaphys. III, 6.

y) Ibid. III, 4: Ἀναξαγόρας καὶ ἀπόφθεγμα μνημονεύεται πρὸς τῶν ἐταίρων τινὰς, ὅτι τοιαῦτα αὐτοῖς ἔσαι τὰ ὄντα, οἷα αὖν ὑπολάβωσι.

aduertebat enim, si id, quod neque *bonum*, neque *non bonum* sit, misceatur, existere aliquid, quod *neutrum* horum dici possit, adeoque putauit, intra duas contradictiones esse *medium* aliquid, siue, vt clarius loquar, esse *medium* inter τὸ Esse et τὸ Non esse z). Apparet statim, iunxisse Anaxagoram res *contrarie*, non *contradictorie*, oppositas, quae vtraeque simul esse possunt; falsam itaque eius conclusionem esse, inter duas *contradictiones* esse *medium*; et dicendum illi potius fuisse, duo *contraria* *medium* habere; nam iunctis, eo, quod neque bonum, neque non bonum, est, existit μέσον (*das Gleichgültige*), vt Graeci aiunt.

Interea, etsi in arte dialectica efformanda parum elaborauerint philosophi modo laudati, Eleaticorum nihilominus doctrina, inprimis vero Zenonis disputationes effecerunt, vt Graecorum ingenia inde ab hoc tempore in Dialectices studium cum feruore quodam raperentur. Florebant tum maxime Graecorum ciuitates opibus et commerciis; incensus erat vbique literarum amor, praesertim philosophiae; doctrinae Ionicae, Pythagoricae, et Eleaticae fama late erat sparsa. Ipsa rerum-publicarum Graeciae conditio ita comparata erat, vt ad prouehendum Rhetorices et Dialectices studium excitaret. Penes populum erat in plurimis ciuitatibus summum rerum arbitrium, neque alio modo de negotiis publicis consilia agitare, nouas leges ferre aut abrogare, criminum reos coram populo accusare aut defendere licebat, nisi orationibus pro concione habitis; quin etiam omnes causae forenses ore dicebantur. Hinc vnicuique graeco homini paullo melioris indolis et generosioris spiritus necessarium erat, vt in artem dicendi, aliis persuadendi, aliorumque animos ad suam voluntatem flectendi incumberet. Exorti igitur mox sunt Rhetores, qui iuuenes edocerent, non solum quemadmodum recte animo concepta eloquerentur, sed etiam, quemadmodum alios dicendo vincerent, et vel malam causam bene tamen defenderent, ita vt Rhetorica et Dialectica institutio artissimo vinculo connecterentur. Principes autem in hoc doctrinae genere vtique fuerunt Eleatici; ad quorum exemplum non solum Rhe-

Hh 2

tores

z) Ibid. III, 8. ὁ δ' Ἀναξαγόρας λόγος, εἶναι τι μεταξὺ τῆς ἀντιφάσεως, ὥς τε πάντα ψευδῆ. Ὅταν γὰρ μὴ οὔτε ἀγαθόν, οὔτε οὐκ ἀγαθόν τὸ μέσον ὥς τε οὐδὲν εἶπειν ἀληθές. Videntur hic quaedam deficere.

tores et Sophistae ingenia exercuerunt, ostentationis aut lucri captandi causa, sed quos etiam imitati sunt, qui philosophis Megaricis siue Eristicis accensentur.

Feruntur inter alios Protagoras Sophista, et Gorgias Leontinus Zenonis disciplina vti esse, et fuit vterque etiam maxime in his, qui artem sophisticam excolerent *a*). Secundum Diogenem Laertium scripsit Protagoras Τέχνην ἐρισιανήν, *artem litigandi*, qua viam strauit omnis generis sophismatibus, praecipue talibus, quibus, ommissa sententia, contra vocabula differitur. Praeterea edidit ἀντιλογιών siue *contradictionum* libros, in quibus contendit, duas esse rationes de quacunque re mutuo sibi oppositas, et iuxta has etiam interrogandum esse. Omnia arbitrabatur simul vera et falsa esse; multos enim aliorum opinionibus contrarias amplecti, et non cum his consentientes erroris incusare; igitur sequi, idem simul esse et non esse; quod si autem ita se habeat, vera esse, quae cuique videantur *b*). Famosa est quoque alia eius argumentatio sophistica, a Graecis ἀντίστροφον (*reciprocum*) appellata, quam aduersus discipulum Euathium, mercedem pro institutione illi denegantem, coram iudicibus, si vera est fabula, protulit *c*). Quod autem iuuenum animos et studia maxime corripit, ad ostentationem, nugacitatem, iniurias, et lasciviam proclives fecit, id erat peruersus iuuenilis institutionis finis, quem Protagoras, Gorgias, et alii Sophistae tum temporis sibi propositum habuerunt *d*). Omne id hominum genus non eo annitebatur, ut iuvenes recte dicendi et argumentandi artem ediscerent, sed ut ornate et cum fastu quodam ambizioso loqui, ut verum in falsum, et falsum in verum artificiosis interrogationibus et responsionibus detorquere edocerentur. Aperte professi sunt Protagoras, Gorgias, alii, esse se Sophistas, quo vocabulo sapientes intelligebant, et posse de quacunque re tum rogando et respondendo differere, tum oratione perpetua sermonem prolixum habere. Iam vero non tam artis huius

praece-

a) Diog. Laert. IX. f. 55.

b) Platon Theaetet. Aristot. Metaph. III, 5. Sext. Emp. adv. Math. p. 148. 209. Pyrrhon. Hypotyp. I, 32. Cic. Quaes. acad. IV, 46. Euseb. Praep. euang. XIV, 20.

c) Quintilian. Instit. orat. III, 1. A. Gellii noct. Att. V, 3. Narratur tamen ab aliis idem de Corace et Tisia.

d) Platon. Theag. Cf. Menag. Obsvv. ad Diog. Laert. Vol. II. p. 419.

praeceptis iuuenes imbuebant, sed dictarunt illis varias orationes, ratiocinationes, locos circa ea, quae vulgo in vita communi occurrerent, quas qui exceperant ut ad omnem dicendi occasionem parati forent. Diserte saltem Plato innuit, ipsam artem dialecticam paucos a Protagora edoctos fuisse, hos quidem pretio permagno, et ἐν ἀπορρήτῳ, quod nos dicimus, *privatissime* e).

Vtunque autem perniciosus fuerit Eleaticorum et Sophistarum mos, de omni re in vtramque partem differendi, iuuenumque ingenia et animos sophismatibus corrumpendi, fructum tamen aliquem et eum haud mediocrem inde tulerunt ars logica et tota philosophia. Apparebat enim ex Sophistarum disputationibus, quam parum certa, rationibusque validis sustentata essent priorum philosophorum de rerum natura et origine commenta; quibus rite perspectis, aliam viam, qua scientiae verae adyta intrarent, seriores ingressi sunt; et haud dubie subtiles et intricatae quaestiones tum temporis agitari solitae Socratem maxime impulerunt, ut, missis et spreis omnibus disquisitionibus metaphysicis, ad res hominem propius attinentes, et facilius explorandas animum conuerteret. Deinde ostenderunt Sophistae, miro saepe cum acumine, quam vagus et ambiguus adhuc esset Graecorum sermo; quam parum distinctae, clarae et iustae essent pleraeque rerum philosophicarum notiones et definitiones vulgo receptae; quam facile vel per sermonis ambiguitatem esset, falsis veri speciem induere, aut aduersarii cuiusdam telæ repellere; quot modis vnum idemque possit considerari et tractari. Factum hinc est, ut philosophicus sermo graecus magna caperet paullatim incrementa, ut verbis suae subiicerentur notiones distinctae et finitae, ut definitiones facerent philosophi maiori cura, denique, ut in ipsas veri et falsi leges diligentius inquirerent, quo tandem existeret instrumentum tam inveniendi verum, quam vitandi errorum laqueos. Adiuvit autem hanc imprimis disquisitionem ratiocinationum et verarum et falsarum copia a Sophistis iam inuenta et usurpata; has enim dissolventi et ad veri falsique normam referenti mox patere debuit, vbinam lateat vitium, et quomodo iis sit occurrendum; ut adeo Sophistarum perniciofa studia verae arti logicae efformandae haud parum infer-

Hh 3

vierint.

e) Platon. Theaetet. Vol. II. p. 96, c. ed. Bip.

vierint. Ipse Socrâtes, etsi artem dialecticam vilipenderet; ~~et~~ scilicet ratione adhibitam, quam Sophistae sequebantur, in institutione tamen sua methodo dialectica usus est, hoc tantum discrimine, ut interrogationes et argumentationes eius ad verum semper tenderent; nam Socratem methodum, quae ab eo nomen accepit, non inuenisse, ab aliis iam animaduersum est. Celebrantur etiam plures ex eius familiaribus, qui Sophistarum arrogantia excitati, de dialecticis rebus egregie scripserint, ut inclytus ille coriarius *Simon* Atheniensis, cuius apud Laertium memorantur dialogi *de scientia*, *de iudicio* et *περὶ τῆς διαλέγεσθαι*, *de differendi ratione*; ut *Simmias* Thebanus, cuius etiam dialogi fuerunt inter ceteros *de veritate* et *περὶ τῆς λογισμῆς*, *de ratiocinatione*; ut *Crito*, cuius fuere rursus dialogi *de discendo*, *de cognitione* s. *de scientia*, et *περὶ τῆς τί τὸ ἐπίσασθαι*, *de eo, quid sit scire*.f)

Mirum sane videri debet, fuisse ex Socratis discipulis, qui relicta prudenti eius philosophandi et disputandi ratione, Zenonem, Protagoram, et alios Sophistas potiores sibi duces eligerent. Maximam inter hos famam consecutus est Euclides, Megaris oriundus, quem Parmenidea tractasse, et in Dialecticis ad Zenonem et Protagoram deflexisse Cicero tradit g). Condidit ille scholam *Megaricam*, a veteribus saepe *Eristicam* appellatam, quod ea in arte litigandi prae aliis excelleret h). Euclides quidem solitus est aliorum demonstrationes non sumtionibus impugnare, sed conclusionibus duntaxat, quasi consecutiones forent satis perspicuae i); quae argumentandi ratio, requiescere non sinens aduersarium, cum omnium maxime vrgeat, notatus est Euclides a Timone Sillographo, quasi λύσσαν ἐρισμοῦ, *contentionis rabiem* Megaricis inspirasset. Fertur idem inualidum censuisse argumentum a *comparatione* ductum, siue illud a similibus, siue a dissimilibus sumatur; quoniam, si ex similibus, insistendum sit potius

f) Diog. Laert. lib. II. f. 122. Suidas v. *Κριτων*.

g) Quaest. acad. IV, 42.

h) *Alexinus* scholae Megaricae nomen *Eristicae* primus indidisse dicitur. Aristoteles in libro de Sophisticis elenchis non tantum philosophos Megaricos, sed quoscunque litigiose disputantes *Ἐριστικῶν* titulo appellat. Sub Euclidis nomine circumferebantur in antiquitate sex dialogi, quos tamen pro supposititiis iam Panaetius habuit. Diog. Laert. II. f. 107.

i) Sic recte exposuit Diogenes Laertii (l. l.) verba, a Walchio (Parerg. acad. p. 539) in falsum detorta, Gassendi Opp. T. I. p. 35.

tius ei, propter quod similia inducantur; si ex dissimilibus, haec sint superuacanea, quia rem ipsam dubitationi obiectam nihil attineant. Omnino introduxerunt non solum Euclides, sed etiam qui ex eius disciplina profecti sunt, Alexinus, Eubulides, Apollodorus, Diodorus Cronus, Stilpo in Dialecticam πόλλες λόγους ἐρωτήσεως, multos ratiocinandi modos, e quibus apud veteres praecipue celebrantur Ψευδό-μενος (Mentiens), Διαλανθάνων (Fallens), Ἡλέκτρα (Electra), Ἐγκυκαλυμμένος (Obuelatus), Σωρείτης (Acerualis), Κεράτινος (Cornutus) et Φαλακρός (Caluus) ^k). Sunt autem isti modi, sicut iam innui, nihil aliud, quam captiosae quaedam rationes argumentationesue, a voce, quam continebant quasi praecipuam, aut ab exemplo denominatae, in quibus vix assequaris, quomodo homines docti et acuti vires ingenii et otium consumserint. Occurrunt alia insuper subtilitatis Eristicorum in argumentando specimina apud veteres. Sic hodierni quidem Logici recte distinguunt inter veritatem *consequentiae* et *consequentis*; ~~nam~~ potest consequentia quoad formam vera esse, licet consequens quoad materiam falsum sit. Megarici vero, hanc distinctionem aut negligentes aut non rite percipientes, vehementer inter se disceptarunt, quidnam pro fundamento veritatis consequentiae in propositionibus hypotheticis habendum sit. Statuit Philo, veram esse propositionem hypotheticam, *a.* si antecedens et consequens verum sit, (v. c. *si dies est, lux est*); *b.* si vtrumque falsum sit, (*si terra volat, habet alas*); *c.* si ~~■~~ falso incipiens in verum definat, (*si terra volat, est terra*). Contra monuit Diodorus, etiamsi antecedens et consequens verum sit, posse tamen consequentiam falsam esse; velut in hac propositione: *si dies est, ille differit*; nam fieri posse, vt, cum dies

^k) *Mentientis* meminit Aristot. Elench. Sophist. cap. XII. et Ethic. ad Nicom. VII, 3, vbi eius solutionem affert: Cic. qu aest. acad. IV, 30. De diuinat. II, 4. Alludit ad eum Seneca (epist. 45) quoque, dum, *Quid me detines*, inquit, *in eo, quem tu ipse Pseudomenon appellas, de quo tantum librorum compositum est? Ecce mihi fortuna mentitur; hanc coargue; hanc ad verum et iustum, si acutus es, dirige.* Praeclarum et lepore et simplicitate se commendans est epitaphium Philetæ cuiusdam, qui prae harum argumentarum studio perierit, apud Athen. Dipnos. lib. IX, 403. Ξεῖνε, Φιλήτας εἰμὶ, λόγων ὁ ψευδόμενος με ὄλεσε. *Fallentis, Electrae et Velati exempla* dedit Lucian. de Vit. auct. opp. Vol. III. p. 106 edit. Bip. *Soritem* attigit Cicero Qu aest. acad. IV, 6. De *Cornuto* et *Caluo*, vt et de ceteris cf. Menagii Obsvv. ad Diog. Laert. II. f. 108.

dies sit, ille non differat, sed fileat. Elucet satis, vtrumque philosophum in eo peccasse, quod materiam et formam propositionum conditionatarum non discernent, nec rationem huius et illius ad consequentiae veritatem diuersam esse animaduenterent. Quare etiam Sextus Empiricus ^{l)} parum feliciter ex hac Megaricorum disputatione probare studuit, fundamentum veritatis propositionum hypotheticarum omnino incertum esse. Magis adhuc ad doctrinae logicae historiam memorabile est, quod Stilpo *uniuersalia* esse plane negauerit. Contenderant enim tam Plato, quam Aristoteles, esse *uniuersalia* rerum, siue *species* animo tantum percipiendas, in eo tantum diuersi, vt ille eas opinaretur *extra* res ab aeterno fuisse et esse, materiamque ab illis formam accepisse, hic vero existimaret, ~~ens~~ esse *in* rebus, siue omnes res in se habere notas speciei et generis, ad quod pertineant. Cui sententiae opposuit Stilpo, notionem abstractam *hominis* stricto sensu nullius hominis, omninoque nullius rei notionem esse, nam eam neque *hunc*, neque *illum* hominem significare, nec *huic* magis, quam *alteri* conuenire; adeoque *uniuersalia* esse non posse, quia illa propius considerata *nihil* sint ^{m)}; qua argumentatione praelusit iam rixae, quae multis saeculis post inter philosophos *Reales* et *Nominales* oborta est. Addidit illi asserto aliud Stilpo non minus notatu dignum, inprimis si ad philosophiae immutationem respicias a *Kantio*, immortalis viro, peractam, quae ex hoc ipso fluxit. Intelligere non poterat Stilpo, quomodo aliquid de subiecto praedicari possit, quod in illo subiecto non ita insit, vt per huius dissolutionem patefiat, esse illud cum hoc coniunctum, siue, vt cum hodiernis philosophis loquar, quomodo *iudicia synthetica* fieri possint. Recte dicebat Stilpo, aliud esse hominem, aliud bonum, nec posse alterutrum per se spectatum de alterutro praedicari, et hinc male quidem, at acute,

^{l)} Sext. Empir. adv. Logicos II. f. 115 sq. Explicandus e Sexto est locus Ciceronis Qu aest. acad. IV, 47. *In hoc ipso, quod in elementis Dialectici docent, quomodo indicare oporteat, verum falsumne sit, si quid ita connexum est, vt hoc: si dies est, lucet, quanta contentio est; aliter Diodoro, aliter Philoni, Chrysippo aliter placet.* De aliis Diodori inprimis argutiis conf. Pyrrh. Hypotyp. II, 22, 142, 145. Arriani dissertatt. Epictet. II, 19.

^{m)} Diog. Laert. II. f. 119. Cf. Plutarch. adv. Colotem T. V. p. 424. Colotes Platonis de ideis doctrinam defenderat.

acute, inferebat, vnum (per se diuersum) de alio (per se diuerso) praedicari non posse, omninoque subiecti, et eorum, quae de subiecto dicantur, nisi idem sint cum subiecto, nullam esse complexionem. Arbitratus est Plutarchus, niti totam Stilponis sententiam negatione vniuersalium; nisi enim ~~ea~~ sint, nihil de altero praedicari recte posse; his autem positis, eam facile subuerti; in quo tamen erravit. Etiam si statuamus, esse vniuersalia, hinc non assequemur, quomodo iudicia synthetica fiant, quoniam saepissime subiectum huius generis cum praedicato alius generis ab illo prorsus diuersi connectitur; quare lis eodem redibit. Aliter nostro tempore hanc quaestionem a Stilpone iam, quod mireris, agitatum, quomodo iudicia synthetica tam ab experientia ducta, quam ~~a~~ priori, fiant, Kantium enodasse, notum est *n*). Apparet autem simul ex his Stilponis argumentationibus, Megaricos, quamuis illi inutilibus subtilitatibus et sophisticis cauillationibus nimis indulserint, philosophiae tamen promouendae eatenus inseruuisse, vt ostenderentur difficultates, quae asserta Platonica et Aristotelica impedirent, et deductos eos fuisse insuper ad plures disceptationes dialecticas eo ipso, quod nec cognitionis humanae leges et formulae ~~ea~~ aetate satis essent erutae et descriptae, nec sermo philosophorum modusque loquendi satis esset finitus et distinctus. Quare aliqua ex parte iniuria quadam mala fama iis adhaesit. Quanta admiratione Stilponis acumen dignum habuissent veteres, si augurari potuissent, Kantium nostratem ab eadem quaestione cum Stilpone exorsum philosophiae inter nos iamiam senescentis restauratorem et reformatorem fore.

Non superest quidem Platonis opus, quod ad Dialecticam proprie spectet; quia autem nihilominus Plato et artem dialecticam saepissime discipulis suis commendauit, et quis eius finis, quae munera sint, diligenter exposuit, ideo ex variis locis in dialogis Platonis occurrentibus, qualem esse eam voluerit, licet vtcunque colligere. Cavendum vero est in hac opera, primum ~~ne~~ Academicorum veterum prae-

n) V. Prolegomena zu jeder künftigen Metaphysik, die als Wissenschaft wird auftreten können, p. 40 sq.

praecepta de arte differendi omnia ad Platonem referamus, quae imprimis post Peripateticorum doctrinam Athenis euulgatam haud raro a Platoniceis discefferunt o); deinde ne recentiorum Platoniceorum, aut Apuleii et Alcinoi philosophiae Platonicae expositionibus nobis imponi patiamur p), cum ea, quae isti ut logicam Platonis doctrinam perhibent, maximam partem ex philosophia Aristotelica hausta, aut cum hac confusa sint. Quoniam enim ab Aristotele in Organo de decem praedicamentis et de tribus absolutorum syllogismorum figuris actum est, Plato autem interdum οὐσίαν (substantiam), ποσότητα (quantitatem), ποιότητα (qualitatem) aliaque ■ Stagirita in praedicamentorum numerum recepta laudauit, et nunc ista forma, nunc alia argumentatus fuit, idcirco, ut recte iam Gassendi q) iudicauit, occasionem ceperunt Apuleius et Alcinous, haec in Platonis logicam inducendi; quamuis eadem non apud Platonem modo, sed quoque apud quemuis alium scriptorem reperiantur. Equidem igitur Platonis Dialecticam ita adumbrabo, ut non nisi eum ipsum ducem sequar.

Plato, utpote doctrina Cratyli, Heracliti, Pythagoreorum et Eleaticorum praeclare imbutus, vna cum his pro fundamento omnis de rerum natura philosophandi rationis posuit, cognitionem humanam niti aut *scientia*, aut *opinionem*, e quibus illa certa et vera, haec mutationi semper obnoxia et fallax sit. Proficisci quidem bene intellexit omnem cognitionem ■ sensibus; attamen cum sensus ipsi nos saepissime fallant et decipiant, praeterea res sensus incurrentes caducae et in sempiterno motu et fluxu sint, haberi docuit rerum sensibilibus tantum opinionem; hinc vero sequi, ■ sensibus *iudicium veritatis* pendere minime posse, sed hoc soli menti esse tribuendum. Mens intelligit ex sententia Platonis ope sensuum, cum quae in rebus naturalibus sint *prima* earumque essentiam constituent, tum quae sint *secunda* iisque tantum accidant. Etenim est mens humana particula aerae illius diuinae s. mentis diuinae, quae totam Vniuersi agit molem, rerumque omnium

o) Cic. quaeft. acad. I, 9. sub fin.

p) Alcinoi doctrin. Platon. lineam. ap. Stanlejum hist. philos. T. I. P. IV. p. 338. Apulej. de dogm. Plat. l. III. p. 313 sq. Commiscuit etiam Platonis logicam cum Aristotelica Fr. Patricius disc. Peripat. T. III. lib. IV. p. 314.

q) Opp. T. I. p. 37.

omnium sciens est. Iam vero cum mens diuina *ideas* s. *species* omnium rerum contineat, et sic ipsa sit veluti *idea*, s. τόπος νοητός τῶν ὄντως ὄντων, i. e. omnium formarum, quae rebus imprimuntur, mens sane nostra quoque, vtpote ex illo principio enata, *natura sua* omnisca est, sed tamen tum, cum demergitur in corpus, quasi in specum tenebrosum, veluti obtenebrescit, contrahitque rerum omnium obliuionem, quas prius, dum suo iuncto principio esset, notas habuerit. Anima in corpore inclusa, tabulae cereae similis, accipit per instrumenta sensuum rerum externarum impressiones, quae memoria conseruatae, et inter se iunctae de ipsis rebus earumque virtutibus opinionem pariunt. Quae opinio licet per se vaga et incerta sit, cum nec sensibus sit fides habenda, nec materiae sensibus obuiaae competat permanentia (*Bestand*), mens tamen rerum sensibilibum formis opinione perceptis excitatur, vt in *primas* rerum virtutes inquireat, per varios *reminiscentiae* gradus lumen recuperare tentet, et sensim sensimque ad diuini fontis sui, et ad specierum sola mente intelligendarum, siue τῶν ὄντως ὄντων, notitiam quasi postliminio redeat r).

Voluit autem Plato, Dialecticae finem et vtilitatem in eo maxime versari, vt animaduertat aliquis opinionis et scientiae discrimen, assuescat cauere sibi a posterioris fraudibus et laqueis, vt mentem per ipsam repurget ■ prauis erroribus, germanam vero scientiam adipiscatur. Quo igitur respectu Dialecticam considerat, vt *viam* e corporis specu, qua, sicut oculi e tenebris ad lucem, ita *mens* ad veritatem contendat; menti enim primo ab ipsis vmbis seu rebus sensibilibus ad simulacra siue formas adscendendum esse, quae per se consistunt, donec ad Ipsum Verum, τὸ Αὐταληθές, deueniatur. Ad hanc vero scientiam priusquam connitamur, praeparari iussit mentem doctrinis mathematicis, quasi προπαιδεία quadam, vt cogitare *mens* solo intellectu capienda discat, vsque ad annum aetatis trigesimum, quo demum aetatis anno mens debeat Dialectica imbui s).

li 2

autem

- r) Loca in dialogis Platonis huc maxime pertinentia sunt: Phileb. T. II. p. 34. sq. Theaetet. T. I. p. 185. 201 sq. Phaedon. T. I. p. 74 sq. Menon. T. II. p. 74 sq. De republ. lib. VI. T. II. p. 509. lib. IX. p. 586. Tim. T. III. p. 30. Parmenid. T. III. p. 135. edit. Frcf.
s) De republ. lib. VII. T. II. p. 540 sq.

autem maximum quoque fructum arbitratus est Plato ■ Dialectices studio ad ipsam rerum sensibilibus cognitionem, et ad facultatem animi de opinionis alicuius veritate aut falsitate iudicandi. Cum enim sit Dialecticae, ad resolutionem quandam cum animo conceptorum, tum a sensibus oblatorum dirigere mentis aciem, ut diuidendo, definiendo, inducendo ad primum verum deducamur, sane possumus, postquam ad ipsum euecti fuerimus, inde ad res sensibiles regredi, easque accuratius et rectius ad normam Ipsius Veri, qua instructi erimus, expendere.

Non est exspectandum a me, ut recensendis singulis locis et praeceptis dialecticis in Platonis dialogis passim dispersis hoc loco immorer; quare in vniuersum tantum de iis agam, quae ad peculiarem eius philosophandi et differendi rationem pertinere videantur. Ad Dialecticam, ut iam innui, Plato potissimum retulit praecepta diuisionis, definitionis, resolutionis, et distinctionis verborum, quibus aliquis utatur. *Diuisio* fit ita, ut perscrutemur, quid sit rebus proprium, et quid sit alienum aut accidens *t*). Hoc autem intelligemus, si singula ad speciem suam vel genus referamus, aut si vice versa genus dispescamus in species et indiuidua, siue Totum in partes. *Diuisionem* sequi oportet *definitionem* rerum, quarum naturam et rationes cognoscere nobis forte animus fuerit. Inueniemus definitionem, si a sumto rei genere per proximas huius differentias ad species et indiuiduum descenderimus; constitutis enim generis rei definiendae proprietate, et speciei indiuiduique illi subordinati differentiis, ad rei definitionem nihil amplius desiderabimus. Quodsi tamen fuerint problemata, quibus resoluendis aut diuisio et definitio singularum rerum non sufficiant, aut ubi nec diuisiones, nec definitiones statim in promptu sint; ut illa eo facilius resoluamus, sensibilia cum eorum *ideis* sunt comparanda, aut explicatio quaerenda est a propositionibus iam demonstratis, aut a suppositionibus pergendum est ad ea, quae sine suppositione sumantur *u*). Sunt in his a Platone praeceptis, quae etiam in doctrina logica, qualis nostra aetate doceri solet, iure suo locum habent; quinetiam ipse Aristoteles, qui ceteroquin omnibus viribus allaborauit, ut alius, quam Plato, videretur, in hac tamen doctrina de

t) Theaetet. T. I. p. 147. 210. Phaedr. T. III. p. 266.

u) Cf. Diog. Laert. III. f. 80 sq.

de diuisione, definitione et resolutione logica eius vestigiis institit x). Praecipue vero Platonem discipulos suos adhortatum esse, vt verborum, quae in argumentationibus philosophicis adhiberent, claras et distinctas notiones illi sectarentur, ipsumque explicandis verbis vulgari sermone philosophico, aut in communi vita ambigue nec finite satis vsurpari solitis saepius operam dedisse, plures eius dialogi abunde testantur y). Neque aliter fieri poterat, quam vt in hoc studii dialectici genus incideret, cum illi fere quotidie cum Sophistis disputandum esset, quorum cauillationes et sophismata pleraque ad verborum ambiguitatem redirent. Adduxerunt quoque Platonem Sophistarum mores, vt non solum de verbis ambiguis, sed etiam omnino de elenchis sophisticis quaedam praeciperet, etsi non tanta cum subtilitate et ἀκριβείᾳ, quanta doctrinam de elenchis et veris et falsis Aristoteles post eum persecutus est z). Notatu vero dignum est, eundem philosophum parum honorifice de *Rhetorica* sensisse, quatenus nempe haec locis ad persuadendum aliis aliquid aptis contineatur. Arbitratus est potius Plato, omnem rhetoricam, vtilem quidem et bonam, paucis comprehendere; desiderari enim ad perfectum oratorem nihil amplius, quam vt praeter dotes naturales, quibus eum praeditum esse oporteat, facultates animi, varios hominum situs, modos agendi, mores, aliasque eorum differentias cognoscat, praeterea diuersas orationis species, et persuadendi rationes perspectas habeat, denique

li 3

sciat

x) Aristot. Anal. poster. II, 1-7. ed. Bip.

y) Sic in *Euthyphrone* disputauit Plato de notione *Sancti*; in *Critone* de *liusto* et *honesto*; de *philosophiae* notione in *Amatoribus*; de *scientiae* definitione in *Theaeteto*. Obiecit quidem Aristoteles Platoni, quod hic saepius vsus fuerit in definitionibus suis verbis inusitatis, obscuris et impropriis, adeoque ipse contra definitionis regulas peccauerit (vid. Topic. VI, 2); verum hinc argumentum contra Platonis studium sermonis philosophici peti nequit, inprimis, si conferantur, quae in *Cratylo* et Platone de recta nominum ratione expofita sunt.

z) Aristot. de Sophist. elench. sub fin. Καὶ γὰρ τῶν περὶ τοὺς ἐριστικούς λόγους μισθαρνοῦντων ὅμοιά τις ἦν ἡ παιδεία τῇ Γοργία πραγματείᾳ. Λόγος γὰρ οἱ μὲν ῥητορικός, οἱ δὲ ἐρωτηματικός ἐδίδουσαν ἐμμανθάνειν, εἰς οὗς πλείονες ἐμπίπτειν εἰώθησαν ἐκότεροι τῶν ἀλλήλων λόγος. Διόπερ τάχιστα μὲν, ἀτεχνος δ' ἦν ἡ διδασκαλία τοῖς μανθάνουσι παρ' αὐτῶν — Περὶ δὲ τῆς συλλογισμοῦ παντελῶς οὐδὲν εἶχεμεν πρὶν ἄλλο, ἀλλὰ τριβὴ (par rōtine) ζητοῦντες πολὺν χρόνον ἐποιῶμεν.

sciat occasione oblata uti a). Grauius autem vituperauit vulgarem rhetoricam, ut *artem* persuadendi, siue consilia dicentis sint mala, siue bona; nam hanc docere improba, quae non in ciuium salutem, sed in eorum perniciem facile vertantur. Elucet interea ex his iudicii de vulgari rhetorica causis a Platone allatis, eum non simpliciter *artem* dicendi innuisse, cuius quidem utilitas negari nullo modo potest, verum sophisticam illam *artem* ea aetate exerceri solitam τοῦ τὸν ἥττονα λόγον κρείττονα ποιεῖν. Quare mihi videtur Sextus Empiricus, ut probaret, rhetoricam non esse *artem*, minus recte ad Platonem prouocasse, utpote qui idem senserit; sicut etiam existimo, ipsos Academicos, et Quintilianum b) sententiam Platonis sensu nimis stricto cepisse; nam Plato haud dubie Rhetoribus et Sophistis sui temporis succensens, horum tantum institutionem oratoriam reprehendit, minime vero *artem* dicendi omnino.

Ex omnibus philosophorum scholis, quae aut simul cum Platonica, aut non multo post eam ortae sunt et floruerunt, nulla magis *arti* dialecticae operam tribuit, quam Stoica et Epicurea. Quamuis Zeno Cittieus, Stoicorum dux, maxime Cynicorum institutioni se applicasset, quorum studium doctrinis ethicis potissimum vacaret, audierat tamen quoque Megaricos, inprimis Diodorum Cronum, et hinc factum est non solum, ut ipse Dialectices amore incenderetur c), sed etiam, ut omnis Stoicorum dialectica Megaricae similis euaderet. Grauius vituperat Cicero d) spinosum Stoicorum differendi genus; vel lere eos, ait, de spinis, atque ossa nudare, et pungere, quasi aculeis, interrogatiunculis angustis, quibus etiam qui assentiantur nihil commoueantur animo, et iidem abeant, qui venissent. Exstitit olim magna librorum a Stoicis conscriptorum copia, quorum argumentum ad Dialecticen spectaret; nam recensuit vel vnus Chrysippi supra trecentum volumina Diogenes Laertius, e quibus quatuordecim de Sophismate Pseudomeno,

a) Cf. Phaedr. T. I. p. 275 sq., et Gorgiam fere integrum.

b) Sext. Empir. adv. Mathem. l. II. f. 12. ubi etiam Critolai Academici de rhetorica iudicium affertur. Quintil. instit. orat. II. 17. Quod Aristoteles initio librorum de rhetorica asserere studuerit, Rhetoricam esse *artem*, videtur hoc non Platonis, sed Academicorum quorundam opiniones spectare.

c) Diog. Laert. VII. f. 25.

d) Cic. de fin. bon. et m. III, 4. Cf. Senecae epist. 82. 113.

meno, s. Mente egerunt; cum tamen hi omnes nunc deperditi sint, non aliunde, qualis fuerit Stoicorum Logica, nunc definiri potest, nisi ex iis veterum scriptorum locis, vbi eius obiter mentio iniecta est. Diuiserunt Stoici *philosophiam* in tres partes, quarum prima *Logicam*, secunda *Physicam*, tertia *doctrinam moralem* complectebatur. Ad Logicam quidem retulerunt Rhetoricam et Dialecticam. Priorem definierunt esse artem bene dicendi de iis, quae copiosa et perpetua oratione proferri oportet; posteriorem vero esse artem disserendi per interrogationes et responsiones *e*). Cum ad artem disserendi praecipue requiri intelligerent, vt a sensibus oblata (visa) recte percipiamus, vt errorum laqueos circumspeciamus et euitemus, vt firmi maneamus et constantes contra redarguentes, omniaque ad veram rationem reuocemus, de his etiam diligenter praeceperunt, etsi in plurimis argute nimis et subtiliter. Miratus est Cicero *f*), Stoicos, licet tot libros de Dialectica composuerint, nihil tamen de *inventione* tradidisse; videtur autem hic Ciceroni memoria excidisse, quod inueniendi artem illi caput Rhetoricae constituerint, et cum semel Rhetoricam cum Dialectica coniungerent, fieri vix aliter potuit, quam vt, quae huius propria sint, aliqua ex parte ad illam transferrent. Primum igitur duos locos in Dialectica sua Stoici exposuerunt, alterum de *vocibus* res significantibus, alterum de *rebus* voce aut oratione significatis. Quatenus de vocibus tam simplicibus quam connexis sermo erat, tota Grammatica, quam dicimus, vniuersalis in Logices ambitum recepta est; et insuper etiam huc pertinere arbitrati sunt doctrinam de orationis virtutibus, de perspicuitate, breuitate, et de Hellenismo, nec non de eiusdem vitiis, de barbarismo et soloecismo; denique de poesi et de musica (latiori sensu). Sub rebus voce aut oratione significatis non tam intellexerunt res ipsas extra nos positas, sed prout illae sunt in anima, et sensuum ope percipiuntur.

e) Diog. Laert. I. I. f. 42. Sext. Emp. adv. Mathem. II. f. 7. Cic. de fin. II, 6. de orat. cap. 32. Quintil. Instit. orat. II, 22. Memorabile est exemplum, quo, si Sexto fidem habeas, Zeno Rhetorices et Dialectices discrimen dilucidare studuit. Illam similem esse voluit manui expansae; hanc manui compressae. De Diog. Laert. loco cf. Tiedemann *System der Stoischen Philosophie*, P. I. p. 30.

f) Cic. Topic. cap. II.

piuntur. Statuerunt enim Stoici, ab externis rebus fieri per sensus impressionem in parte animae dirigenti (τῷ ἡγεμονικῷ), et hanc impressionem receptam esse *visum* (φαντασίαν, *Vorstellung*), quae aut ex mente Cleanthis cum depressione siue eminentia partis animae principalis coniuncta sit, aut ex sententia Chrysippi in alteratione quadam animae nobis ceteroquin incognita consistat g). *Visum* per se spectatum dicitur *comprehensibile* (κατάληπτον); quodsi autem sensuum impressioni accesserit voluntarius animi assensus, quo ille eam recipit et approbat, vocatur *visum Comprehensio* (κατάληψις); et quando haec eiusmodi est, ut ratione destrui nequeat, appellatur *Scientia*. Comprehensionem sensuum per se veram esse necesse est, cum hanc scientiae legem ipsa natura dederit; omnia autem sensuum ope apprehenduntur; nam intellectus, antequam homo in lucem editus fuerit, ab omni impressione et notione vacuus est; igitur tota cognitio humana a sensibus oritur, iisdemque illius fides et veritas nituntur. E pluribus visis inter se coniunctis efformantur *notiones* (ἐννοίαι), quae aut sunt *naturales*, quodammodo sponte existunt, et sensim sensimque congregatae et complicatae efficiunt *praenotiones* (πρόληψεις) omnibus hominibus *communes*; aut sunt *artificiales*, siue adhibito intellectu cum e comprehensionibus, tum ex praenotionibus collectae. Vtrarumque complexus vocari potest *ratio humana*; siue enim novas comprehensiones acceperimus, siue in singularum praenotionum, vel notionum artificialium indolem et veritatem inquirere animus nobis fuerit, referendae sunt et illae et hae ad alias notiones communes et artificiales, et videndum est, num et quatenus cum his conueniant, aut iis repugnent. Quare plurimi etiam Stoici, in his Chrysippus, pro fundamento omnis veritatis in cognitione humana posuerunt tum comprehensionem ab eo, quod reuera est, proficiscentem; tum praenotionem s. naturalem quandam rerum cognitionem animae per experientiam insitam. Respectu ad hoc veritatis principium vera sunt, ipsius Zenonis Cittici iudicio, quae sic animae impressa sunt ab eo, unde

g) Cic. Qu aest. acad. I, 11. Sext. Emp. adv. Mathem. VII. f. 163. 228. Plutarch. de decret. phys. philos. IV, 12. De differentia nominum Φαντασία, Φάντασμα, Φαντασόν, Φαντασικόν cf. Tiedemann's *System d. stoisch. Philos.* P. I. p. 71.

vnde sunt; vt esse non possint ab eo, vnde non sunt; probabilia autem habentur, quorum perceptione facta animus tranquillo et aequali statu manet, quoniam de iis minus dubitamus; improbabilia contra, in quibus animo acquiescere non licet; quaedam denique sunt aut vera, aut falsa, aut probabilia, aut improbabilia pro diuersa eorum vel ad hoc, vel ad illud relatione. Quicquid igitur *mens* intelligit, id vel per visa, vel per incidentem ratiocinationem (κατ' ἐνέργειαν περιπτωτικῶς) intelligit, et haec ratiocinatio nititur vel assimilatione, vel compositione, vel relatione, vel augmentatione, vel diminutione. Haec de cognitionis humanae fontibus et legibus praecepta excipiunt in Stoicorum logica loci de definitione, de diuisione, de genere et specie, de categoremate, de axioma et de argumentatione, quos hic fusius exponere non attinet *h*). Syllogismum dixerunt Stoici esse λόγον s. orationem e tribus axiomatibus constantem, sumptione, assumptione et conclusionem. Tenendum autem est, quamuis syllogismorum omnino duo sint genera, vnum absolutorum, alterum hypotheticorum, Stoicos tantum tradendis praeceptis de hoc altero genere syllogismorum substituisse; sicut Aristoteles contra syllogismos hypotheticos plane non attigit, in describendis absolutis solummodo versatus. Enimuero ista Stoicae et Peripateticae Dialecticae differentia facile explicari potest; nam vtriusque syllogismorum generis regulae eodem redeunt, cum nullus sit syllogismus absolutus, qui non hypothetice, nec syllogismus hypotheticus, qui non absolute possit efferri. Neque etiam omittendum est, praeter sophistarum argumentationum modos, quos Megaricis acceptos λόγους ἀπόρους vocarunt, introduxisse Stoicos in Dialecticam novos quosdam, ■ quibus *Crocodilus* (Κροκόδειλος), *Metens* (Θερίζων) apud veteres maxime celebrati sunt *i*).

Cum Stoicorum praeceptis logicis statim coniungendi sunt Epicuri *Canones* logici, quoniam ab vna quidem parte cum illis consentiunt,

h) Vide plura de his ap. Diog. Laert. VII, 60 sq. Sext. Emp. adv. Mathem. VIII, 411 sq. Cf. Gassendi Opp. T. I. p. 44. Brucker. Hist. crit. philos. T. I. p. 918.

i) Vtriusque exempla occurrunt apud Lucian. in *Hermotim.* et in *Aust. vit.* Cf. Diog. Laert. l. l.

tiunt, ab altera vero iis repugnant *k*). Auerfatus est Epicurus maxime omnes illas nugas et tricas dialecticas et sophisticas, quas Megarici inprimis et Stoici adinuenerant, et quibus tantum tribuere, ut eum solum sapientem esse iactarent, qui his foret instructus; quare ~~ne~~ Dialecticae nomen quidem retinuit, pauca illa praecepta de vero et falso, quae recte tradantur, *canonum* nomine melius insigniri ratus. Posuit Epicurus *tria* omnis veri et falsi criteria, *sensum* (αἰσθησις), *anticipationem* (πρόληψις), et *affectionem* (πάθος). Anticipatio sensationem ex mente Epicuri minime praecessit, quod persuasere sibi nonnulli, in his Kantius, sed, impressione rei per sensus in animo facta, quoties deinceps eandem ~~rem~~ cogitamus, eius species siue imago animo, licet obscure forte, obuersans iam *antecepta* fuit, vnde *anticipatio* nouae sensationis eiusdem rei iam alias perceptae appellatur. Iam vero primus Epicuri canon erat: I) *in sensum ipsum non cadere errorem*. Nam sensus nude tantum rem apprehendit; est igitur criterium *primum*, cuius ope diiudicari possit, utrum et quid res sit; cuius igitur fide et certitudine sublata tollitur etiam omnis scientia et vitae ratio, quae tamen aliquam certitudinem requirunt. II) *Sensationi*, quae per se considerata semper vera est, superadiicitur *opinio* de re percepta veri quidem aut falsi capax, cum quatenus sensus ei, remotis omnibus sensationis impedimentis (v. c- rei distantia, motu, mediis inter rem et sensum) suffragatur, vel refragatur, cum quatenus plures sensus eandem opinionem tuentur, aut diuersam. III) Omnis anticipatio rei sensatione nititur; veritas itaque et falsitas eius legibus iisdem subiecta est; sed potest anticipatio esse diuersa, quatenus siue ~~a~~ simplici sensatione proficiscitur, siue seruata rei proportionem quadam aut amplificata, aut extenuata est, siue ad similitudinem verae sensationis effingitur, siue denique ex pluribus sensationibus composita praesentatur. IV) Anticipationibus uti nos oportet et ad nominandas res, et ad conficiendas earum definitiones, diuisiones, et coniunctiones, et ad opinandum et dubitandum. Omnis igitur definitionis, diuisionis, opinionis, dubitationis criterium in anticipationis indole positum est, et huius fides iterum ~~a~~ sensatione pendet. Hinc etiam

k) Diog. Laert. lib. X. Sext. Emp. adv. Mathem. VII. f. 203. Plut. de decret. phys. philos. IV, 8.

etiam anticipatio omnium ratiocinationum fundamentum est; ad hanc enim semper respicientes concludimus, aliquid esse idem aut diuersum, coniunctum cum alio, aut ab eo separatum. V) Quo melius et facilius Sophistis occurrerent, cohortatus est Epicurus discipulos suos, vt in argumentationibus eligerent voces notas, communes et perspicuas, in disputando semper de vi vocibus subiecta quæerent, ne earum obscuritate aut ambiguitate deluderentur.

Expositis adhuc philosophorum ante Aristotelem florentium et partim eius aequalium in arte logica inuenienda et perficienda conaminibus, fatis elucescere arbitror, omnia fere doctrinae logicae capita egregie iam exculta fuisse, cum Aristoteles Organo suo elaborando se accingeret; quod quidem magis adeo constaret, si tot argumenti logici, dialectici et rhetorici scripta, quae graeca antiquitas tulit, ad nostram aetatem peruenissent. Manet tamen Stagiritae quoque laus sua et honos debitus, cum sublimis et profundi ingenii, et ardui studii res esset, rudem illam et indigestam praeceptorum logicorum copiam ad certa principia reuocare, totam scientiam logicam limitibus suis circumscribere, litesque dialecticas et sophisticas, quantum liceret, dirimere et componere; id quod in Organo demum factum esse, asserere haud dubitamus.

C O M M E N T A T I O
DE
G R A E C O R V M G Y M N A S I O R V M
V T I L I T A T E E T D A M N I S.

RECITATA IN CONSESSV REGIAE SOCIETATIS D. XVII. DEC. MDCCXCI.

A
C. M E I N E R S.

Dum nuper in varia corporis exercitationum genera inquirerem, quae inter antiquos et recentiores populos locum habuerunt, vel adhuc habent; non poteram non Graecorum quoque gymnasia ingredi, eorumque leges et disciplinam cum aliarum gentium institutis comparare. Non sufficebant mihi illa testimonia, quae in perlustrandis Graecorum ac Romanorum monumentis ipse deprehenderam. Consulebam praeterea illos scriptores, qui de arte gymnastica Graecorum singularibus libris tractarunt, inprimis *Petri Fabri Agonisticon* *a)*, *Hieronymi Mercurialis Commentarium de arte gymnastica* *b)*, nec non illustris *Barthelemi* annotationes, quae in immortali viri huius opere occurrunt *c)*. In hisce scriptis multa inueniebam, quae industriam meam vel quaecunque ingenii mei acumen haecenus fugerant; neque tamen dubia illa soluebantur, quae mihi dudum de re gymnastica Graecorum meditati suborta erant. Nemo satis explicauit, quomodo factum sit, ut maximi scriptores de vna eademque re, de gymnasticarum exercitationum effectu tam contraria iudicia protulerint. Notum quippe est, quosdam gymnasia tanquam virtu-

a) Lugduni 1595. 4.

b) Amstelodami 1672. 4.

c) I. p. 351 et sq. *Voyages d'Anacharsis*.

tis scholas praedicasse, eorumque artes tanquam causas adduxisse, quare Spartani reliquos Graecos, Thebani Spartanos primum in palaestra, deinde in acie superauerint *d*). Alii vero non minoris auctoritatis viri gymnasia et athletarum artes tanquam sentinam describunt, vnde omnium vitiorum et malorum genera in vniuersam Graeciam profluxerint; inprimis vero palaestram accusant, quod corporis et animi robur sensim sensimque inter Graecos fregerit, et tandem penitus exstinxerit. Inter recentiores auctores nemo est, qui gymnasticorum exercitiorum aetates, et corruptionem accurate distinguere, atque veterum loca, quae inter se pugnare videntur, conciliare anisus sit. Quotquot iam Socratis aevo de prisca moris obliuione querebantur, ii omnes hoc quoque deplorare solebant: gymnasia magis magisque deferri, et iuuentutem potius in calida balnea atque in popinas, quam ad exercenda corpora confluere. Si quis ex his querelis concluderet, Graecos vitiis debilitatos post Socratem gymnasia, vti virtutis et sapientiae doctores, reliquisse, illum profecto insequentium saeculorum scriptores summa admiratione adficere deberent, qui vno ore affirmant, gymnasia nunquam magis floruisse, quam quum Graecorum mores et res publicae grauiore indies lapsu ruere inciperent. Ob haec contraria Graecorum iudicia et testimonia ~~ne~~ doctorum quidem nostri temporis hominum opinio de gymnasiis certa atque fixa est, et multo magis ingens legentium multitudo fluctuat, quae magnum aliquem virum sequi solet. Haberem profecto, quod mihi gratularer, si veterum auctorum repugnantias conciliare, simulque luculentis rationibus demonstrare mihi contingeret, quid in Graecorum gymnasiis laudandum, quid vero reprehendendum fuerit.

Quodsi in prisca illa tempora ascendimus, quae Poetas, non vero historiarum scriptores ferebant; inuenimus, Homeri aetate dudum omnia illa exercitationum genera in usu fuisse, quae Graeci postea retinuerunt et amplificauerunt. Phaeaces enim, et Graecorum duces tam lucta, pugilatu, cursu, saltu, et discorum iactu, quam armis inter se certantes describuntur *e*).

Kk 3

ianis

d) Arist. VIII, 4. Polit. Plutarch. in Pelopid. II. p. 339. Symp. II. 5. ed. Reisk.

e) vid. Iliad. XIII. 258 et sq. v. et Odyss. VIII. 100 et sq. v.

ianis temporibus non, vti antiquitus, robur tantum atque magnitudinem corporis in ludis gymnics valuisse, verum artem potius et diuturnum vsum; neque igitur dubitari potest, iam tunc exercitia gymnastica, sicuti armorum peritiam a magistris intelligentibus edocta fuisse. Longum tyrocinium, quod diuersa exercitia armorumque vsum requirebant, in causa erat, quare illa hominum genera, quae agris colendis, vel opificiis, mercaturae et nauticae arti dedita erant, a gymnasticis exercitationibus vel penitus sese abstinerent, vel eiusmodi saltem viris occurrere non auderent, qui a prima iuuentute corpora sua exercuerant, atque propterea athletae vocabantur *f*). Nondum vero diuersae artis gymnasticae partes a perditis hominibus occupatae erant, qui illas sordidi quaestus causa coluissent. E contrario ars gymnastica sicuti armorum et musices peritia liberalibus studiis annumerabatur, quibus generosi praesertim iuuenes et primarii viri operam nauare deberent, vt corpora et animos firmarent, atque ad belli pericula et negotia suscipienda praepararent. Ipsis regibus ac principibus magnae gloriae erat, aduersarios vel cursu vel lucta,

f) vid. Odyss. l. c. v. 159 et sq. vbi Euryalus Vlysssem ita alloquitur:

Ου γαρ σ' εδε, ξεινε, δαημονι Φωτι εισκω
 Αθλων, οια τε πολλα μετ' ανθρωποισι πελονται.
 Αλλα τω, ως δ' αμα νηι πολυκληιδι θαμιζων,
 αρχος ναυτων, οίτε πρηκτηρες εασιν
 Φορτε τε μνημων, και επιτικοποσησιν οδαιων
 κερδεων δ' αρπαλυν. ουδ' αθλητηρι εοικας.

Homerus vbique eos, qui in parte aliqua Gymnasticas excellebant, tanquam artis peritos, vel arte doctos describit. Epëus, pugilum praestantissimus, ipsi est ειδως πυγμαχης — XIII, 665. et idem Epëus de se ipse dicit:

επει ευχομαι ειναι αριστος
 η ουχ αλις, οττι μαχης επιδευομαι ουδ' αρα πωσην
 εν παντεσσ' εργοισι δαιμονα Φωτα γενεσθαι.

Pugiles Homeri aetate manus vel pugnosc suos loris bouinis eodem modo armabant, vti seriori aevo fiebat: ib. 648 et sq. v. Male mulctabatur Inus, quum sese forti et exercitato Vlysssi obiiceret, qui aduersarium suum vno ictu interficere potuisset, nisi illum tanquam indignum contempsisset. Odyss. XVIII, 95 et sq. v. Quum Vlysses cum Aiace colluctaretur, primus solertia tantum efficiebat, vt aequalis discederet, neque a robusto aduersario vinceretur. Il. XXIII, 725 et sq. v. Alcinous denique de Phaeacibus suis fatabatur, ipsos neque pugilatu, neque lucta, verum pedum celeritate atque nauigandi scientia excellere. VIII, 246 et sq. Quoduis igitur exercitiorum genus Homeri aevo tanquam ars discebatur et docebatur.

lucta, discorumue iactu superasse g); atque in omnibus itaque ludis, quos Homerus depinxit, principes tantum Phaeacum et Graecorum prodeunt, reliqua vero multitudo spectandi causa circa arenam vel palaestram circumfusa est. Celeberrimi Graecorum pugnatore vno quidem alteroue exercitiorum et armorum genere maxime insignes erant: minime vero, vti postea athleticis solitum erat, intra vnam aliquam exercitationem sese coercebant, sed potius omnes corporis exercitationes, omniumque armorum vsum ita discebant, vt non facile nisi a peritissimis vincerentur. Cum Euryalus de Vlyssis virtute dubitasset, Ithacae regis animus adeo commouebatur, vt omnes Phaeacum bellatores, vno Laodamante hospite suo excepto, ad certamen prouocaret, siue cursum, siue luctam, siue pugilatum, siue etiam arma experiri vellent h). Apud eundem poetam Nestor victorias celebrat, quas iuuenis quondam in quouis exercitiorum et armorum genere reportauerat i). Homeri tempestate magni illi ludi, qui postea frequentia atque gloria sua reliquos omnes obscurabant, nondum instituti erant. Quoties vero reges et principes aliis magnifica sacrificia offerre, vel defunctorum parentum et amicorum manes placare, vel illustres hospites honorare sibi proposuerant, toties certamina indicebant, et victoribus vel pulcras ancillas, vel boues, equos, et mulos, vel aureas et argenteas pateras, aliasue magni pretii res tanquam praemia constituebant k). In Homero nullum prorsus gymnasiorum vestigium deprehenditur. Cum Phaeaces in Vlyssis honorem ludos edere vellent, in forum conueniebant, quod hic tantum locus ingentem spectatorum multitudinem capere posset l).

Praeclare cum Graecia actum fuisset, si gymnastica exercitia eam semper formam retinuissent, quam Homeri vel Trojanis temporibus habebant. Quod si fortuna voluisset, ditiorum ac nobiliorum paren-

g) Odyss. VIII, 148: ου μὲν γὰρ μείζον κλεος ἀνέρος, ὅφρα κενῆσιν, ἢ ὅτι ποσσὶν τε ρεῖξῃ, καὶ χερσὶν ἔησιν.

h) Odyss. VIII, 205: Δευρ' ἀγε πειρηθῆτω, ἐπεὶ μ' ἐχώλοσάτε λην, ἢ πύξ, ἢ παλῃ, ἢ καὶ ποσσὶν οὐτε μεγαίρω.

i) Iliad. XXIII, 631 et sq. v.

k) Il. cc.

l) Odyss. VIII, 109: Βᾶν δ' ἵενε εἰς ἀγορὴν, ἅμα δ' ἔσπατ' ὄμιλος, μυριοὶ &c.

parentum filii armorum atque gymnasticarum artium magistros, reliqui vero ciuium ordines sua quibus negotia secuti fuissent. Iam vero certum vel probabile est, post Troianum bellum temporum calamitate *m*) armorum peritiam atque doctas corporis exercitationes inter Graeciae populos sensim obsoleuisse, atque ne ■ generosae quidem indolis iuuenibus principibusque iuris tanto studio quaesitas fuisse, quanto ipsorum maiores in illas incubuerant. Omnes Graecorum scriptores, et praesertim Plato atque Aristoteles, de Cretensibus atque Spartanis tanquam illis gentibus loquuntur, quae gymnastica exercitia quodammodo inuenerint, siue saltem renouarint, atque in Graeciam reducerint. Haud sane diu est, inquit Plato in quinto de re publica libro, quum Graecis turpia atque ridicula viderentur, quae hodie barbarorum plerisque turpia atque ridicula videntur, nudos videlicet spectare viros. Quando vero primum Cretenses, et postea Lacedaemonii gymnasia inchoarent, licebat profecto facietis viris, qui tunc erant, haec omnia carpere *n*). Aristotele teste Spartani per longum tempus caeteris Graecis praestabant, non quod iuuenes suos singulari quodam modo exercerent, verum quod illos exercerent, quum caeteri iuuentutem rudem atque incultam relinquerent. Postquam vero aliae quoque ciuitates gymnasia atque armorum studia introduxerant, Spartani facile ab aemulis atque imitatoribus suis vincebantur *o*). Cretenses atque Spartani multo facilius, quam caeteri Graeci, vniuersam iuuentutem suam ad gymnastica exercitia compellere poterant, quum neque agris colendis, neque opificiis vel mercaturae exercendis operam nauarent, et nullis itaque quaestuosis laboribus ■ militaribus studiis auocarentur.

Gymnasticas corporis exercitationes post Troianum bellum per aliquod tempus ■ Graecis magis neglectas, quam auctas esse, inde quoque

m) Post Troianum bellum vniuersa Graecia conuellebatur. vid. histor. meam scientiar. I. p. 10 et sq.

n) p. 330. edit. Massey: καὶ ὅτε ἤρχοντο τῶν γυμνασίων πρῶτον μὲν Κρητές, σπειτα Λακεδαιμόνιοι &c.

o) VIII, 4. Polit. ἐτι δ' αὐτὰς τὰς Λακωνὰς ἴσμεν, — — νυν καὶ τοῖς γυμναστικαῖς καὶ τοῖς πολεμικοῖς ἀγωσὶ λειπομένους ἑτέρων. Οὐ γὰρ τῶ τὰς νεκρὰς γυμνάζειν τὸν τρόπον τῆτον διαφέρουν, ἀλλὰ τὸ μόνον μὴ πρὸς ἀσκήντας ἀσκεῖν. — — ἀνταγωνιστὰς γὰρ τῆς παιδείας νυν ἔχουσι, πρῶτον δ' ἐκ εἰχόν.

quoque concludi posse existimo, quod in Olympicis ludis non omnium exercitationum simul, sed vnus post alteram diuersis temporibus praemia constituta sunt. Cursoribus primum circa Olympiadum initia, luctatoribus in decima atque octaua Olympiade, et pugilibus tandem tertia ac vicesima Olympiade praemia proposita fuerunt *p*). Multo serius pancratiaestae, quorum ars ex lucta ac pugilatu composita erat, in solennibus ludis coronati esse videntur *q*). Quamuis Spartani inter antiquiores Graecos maximam gloriam iuuentutis suae institutione, et corporum exercitationibus consequerentur, nunquam tamen pugilatum et pancratium publice receperunt: non propterea tantum, quod pugiles atque pancratiaestae victos se esse fateri deberent, verum imprimis ab mutilationis et deturpationis pericula, quibus pugiles atque pancratiaestae subiecti erant *r*). Coniicio, hanc pancratii ac pugilatus detestationem Aristotelem permouisse, vt Spartanos laudaret, quod non caeterorum Graecorum instar iuuenibus suis athleticum habitum ingenerarent *s*). Graecorum Grammatici aliique docti viri operose inuestigabant, quare Homerus inter varia certamina pugilatum semper primum, deinde luctam, et postremo cursum posuerit, cum tamen vel lucta vel cursus omnium certaminum antiquissima sint *t*). Graeci semper sibi persuasum habebant, luctam omnium exercitationum artificiosissimam ac difficillimam esse *u*).

Non

p) vid. Fab. agon. l. c. 32. p. 203. 204. et Lib. II. c. 23 - 25. p. 343 et sq.

q) Plut. Symp. II. 4. ὅτι γὰρ μεμικται το παγκρατιον ■ τε πυγμης και παλης, δηλον.

r) Senec. Lib. V. c. 3. de Benef. Lacedaemonii vetant suos pancratio aut cestu decernere, vbi inferiorem ostendit victi confessio. Cursor metam prior contingit: velocitate alium, non animo antecessit. Luctator ter abiectus perdidit palmam, non tradidit. Cum inuictos esse Laeadaemonii ciues suos magno aestimarent, ab his certaminibus remouerunt, in quibus victorem non facit iudex, non per se ipse exitus, sed vox cedentis ac tradere iubentis.

s) Νυν μεν αι μαλιστα δοκεσαι των πολεων επιμελεισθαι των παιδων, αι μεν αθλητικην εξιν εμποισι. Οι, δε Λακωνες ταυτην μεν εχ ημαρτον αμαρτιαν. VIII. 4. init.

t) Plut. Symp. II. 5.

u) ib. c. 4.

Non longe post ludorum solennium certis tempestatibus et locis redeuntium institutionem omnem statim Graeciam certaminum furor peruasisse videtur. Vehementer errant, quicunque credunt, fragiles coronas, quae auctoribus in solennibus ludis imponebantur, et vniuersae Graeciae plausus tantam iuuenum aemulationem, tantosque motus excitasse. Inanes laudes, inaniaque dona nunquam Graecorum animos, et res publicas peruertissent, nisi amplissimi honores, et non minus magnifica dona accessissent, quibus ciuitates victores in ludis coronatos decorare incipiebant. Tam magnae, quam mediocres Graeciae vrbes splendida gymnasia exstruebant, in quibus pueri ac iuuenes sub publicorum magistrorum disciplina, nec non magistratuum cura exercebantur. Haec gymnasia ab Atheniensibus aliisque populis tanta arte, tantisque sumtibus aedificabantur, vt inter praecipua pulcherrimarum vrbiū ornamenta numerarentur. Non magis vero Graeciae ciuitates de gymnasiorum splendore, quam de athletarum, vel athleticae iuuentutis multitudine atque gloria inter se certabant. Vt igitur ciuium suorum animos eo vehementius ad gymnasticas artes incenderent, victum vel sumtus praebebant iuuenibus, qui se athleticae vitae tradere, atque duro gymnastarum imperio subiicere volebant x). Promittebant praeterea illis, qui in Olympicis aliisque solennibus Graeciae ludis vicissent, eadem praemia, quae Patriae liberatoribus vel defensoribus praebebantur: liberationem scilicet ab omnibus publicis oneribus, et publicum victum, siue annua, annuosue fructus, vnde abunde sese alere possint y). Quum sumtus, qui in Athletas profundeabantur, iam Solonis aetate non paruo reipublicae detrimento creuissent, moderandos illos arbitrabatur.

x) Iuuenes athleticarum artium studiosi in ephebiis vel ἡβητηριοῖς alebantur, Fabr. Agon. p. 694. 665, in quibus tanquam publici serui sub dura gymnastarum disciplina tenebantur. p. 519. ib. Nemo ad solennes ludos admittebatur, nisi qui testari, vel probare posset, sese saltem per decem menses secundum athletarum regulas vixisse, atque sub gymnastis athletico more corpus exercuisse. Athleticos tyrones iam ante Solonem publicis sumtibus nutritos esse, ex sequenti Diogenis loco intelligitur, qui sine dubio ex antiquo scriptore excerptus est. Dum enim rationes reddit, quare Solon athletarum praemia minuerit, addit: ἀθληταὶ δὲ καὶ ἀσκημένοι, πολυδαπανοὶ καὶ νικῶντες, ἐπιζήμιοι. I. 56. in vita Solonis.

y) ib. II. c. 18. p. 306 et 307.

batur. Salutarem vero hanc Solonis legem non diu valuisse, et victores non longe post Solonem in Prytaneo exceptos esse, iam a Petito *z)* et Menagio *a)* obseruatum est. Cum his praemiis, vel commodis exquisitissimi honores coniuncti erant. Redeuntes enim victores solenni pompa et praelucentibus lampadibus vel faculis in patriam deducebantur. Non raro tripudiantes ciues muri partem diruebant, atque victores per muri ruinas reducebant, tanquam patria, quae tales viros procreasset, aliis munimentis in posterum non indigeret *b)*. Quin imo Graeculi eo insaniae prolabebantur, vt ciues, qui pluries vel semper victoriam reportauerant, tanquam spirantia numina diuinis honoribus afficerent *c)*. Non immerito igitur Cicero pronuntiauit, apud Graecos Olympionicen esse prope maius atque gloriosius habitum, quam Romae triumphasse, et Olympiorum inprimis victoriam antiquum Romanorum consulatum aequare videri *d)*.

Quum furentes Graecorum ciuitates cursorum agilitati, et pugilum atque luctatorum robori siue versutiae maiora praemia et ampliores honores decernerent, quam vtilissimis artibus et doctrinis, vel summis virtutibus et immortalibus de patria meritis; non poterant non hominum ingenia deprauari, atque iuuenum praesertim animi ad gymnastica studia penitus conuerti. Graeci non amplius corpora sua exercebant, vt ea excelsiora, robustiora, pulchriora, atque duriora efficerent, verum vt aduersarios suos in publicis certaminibus deicerent, eaque praemia consequerentur, quae victoribus proposita erant. Eadem ignauia morumque corruptio, quae spectaculorum rabiem, ingentia athletarum praemia, et plurimos artis athleticae sectatores gignebat, Graecam simul iuuentutem a salutaribus exercitationibus arcebat, quibus illustres quondam Persarum victores formati atque roborati erant. Quo magis igitur malae Gymnastarum artes efflorescebant, eo magis vera ~~ars~~ gymnastica deficiebat: et vtraque mala iam Aristophanis aetate Graecos et inprimis Athenienses ita afflixerant, vt maioribus suis plane dissimiles euaderent *e)*. Viri isti, inquit bona causa apud hunc poetam, qui ad Marathonem

Ll 2

Grae-

z) p. 60 ad leg. At.*a)* Ad loc. cit. Diog.*b)* II. c. 10. p. 269. 70. ib.*c)* VII. c. 47. Plin. Hist. Nat.*d)* ap. Fabr. p. 298.*e)* Nub. Arist. v. 985 - 1054.

Graeciam liberarunt, atque pro patria honestam mortem oppetierunt, non semper in foro versabantur, neque animos suos scurrilibus iocis oblectabant. Non eneruabant corpora sua meretriciis amoribus, fervidisque balneis, verum frigida potius lauatione, atque continuis in palaestra exercitationibus roborabant. Habebant propterea cutem nitidam, lata pectora, et robustos lacertos. Iam vero quum Palaestra deserta, balneaque plena sint, liuidos tantum homunciones videmus, in quibus nihil grande atque exercitatum est, quam proteruiae atque libidinis instrumenta f). Omnis mox ars Gymnastica in Athleticen degenerabat, quumque virtus militaris de die in diem deficeret, Graeciae ciuitates gymnasiis atque athleticis repletae erant, et nulla, quamuis parua vel mediocris ciuitas restabat, quae non gymnicos ludos instituisset, atque in hanc solennitatem publicas pecunias effunderet, quibus vel collabentibus antiquitatis monumentis, vel exhaustis ciuibz subueniendum fuisset g). Graeci atque Romani sicuti eiusdem vitiis, ita etiam simili modo periebant. Vterque populus iam ante, et multo magis post libertatem amissam per totos dies in theatris sedebat, vt ludos gymnicos vel circenses et scenicos, siue etiam athletarum et gladiatorum certamina spectaret, et Graeci pariter atque Romani de histrionum, athletarum, gladiatorum vel aurigarum victoriis magis quam de patriae salute solliciti erant.

Causae

f) v. 1009 et sq.

ην ταῦτα ποιῆς, ἄγω Φραζω,
καὶ πρὸς τέτοις προσεχῆς τὸν νῦν,
ἔξεις αἰεὶ στηθὸς λιπαρὸν,
χροῖαν λαμπράν, ὠμὸς μεγάλῃς,
γλωττὰν βαιάν, πυγὴν μεγάλην,
ποσθὴν μικράν· ἦνδε, ἅπερ οἱ νῦν
ἐπιτηδεύῃς, πρῶτα μὲν ἔξεις
χροῖαν ὠχρὰν, ὠμὸς μικρὰς
στηθὸς λεπτόν, γλωττὰν μεγάλην
πυγὴν μικράν, κωλὴν μεγάλην
ψηφισιμα μακρόν. — et v. 1053.

ταῦτ' ἐστὶ τυχὲν ἐκείνῃ,
ἂ τῶν νεανισκῶν αἰεὶ δι' ἡμέρας καλεντῶν
πληρὲς τὸ βαλανεῖον ποιεῖ, κενὰς δὲ τὰς παλαιστράς.

g) Fabr. Agon. 647-656 p.

Causae huius calamitatis, priscae nempe virtutis, atque bonarum artium vel interitus vel fastidium magis notae sunt, quam tempora, quibus effraenata spectaculorum, et inter haec ludorum gymnycorum lauiditas primum coepisse dici potest. Galenus affirmat, Gymnastarum artem atque athletarum institutionem non longe ante Platonem ortam esse *h*). Ex legibus autem, quas Solon de athletarum praemiis tulit, nec non ex antiquissimorum scriptorum de athletis, atque arte athletica testimoniis patet, haec mala pluribus saltem ante Platonem aetatibus exstitisse. Hippocrates enim et Euripides, et post illos Plato atque Aristoteles Athletas, atque athleticas exercitationes eodem modo, vti postea Galenus reprehenderunt, et statuendum itaque est, morbum, quem sapientes hi viri curare satagebant, per aliquod tempus durasse, et longe lateque disseminatum fuisse, quum omnia eius symptomata, tristesque effectus perfecte cognoscerent.

Inter Graecorum atque Romanorum scriptores nemo Gymnastis atque Athletis tam inexpiabile bellum indixerat, quam Galenus. Egregius hic vniuersae et praesertim humanae naturae scrutator libros suos, in quibus in Athleticam inuehitur, hoc plerumque argumento incipit: omnes antiquos medicos, philosophos, atque poetas athleticas exercitationes tanquam perniciosissimas detestatas esse *i*). Et certum quoque est, auctores illos, qui athleticas artes vituperarunt, omnia damna quae inde orta erant, et adhuc oriebantur, tam accurate exposuisse, vt athleticarum exercitationum effectus multo melius, quam reliquam athleticae disciplinae formam et partes cognoscamus. Quum moderata, et sapienter instituta exercitia eam vim habeant vel habere debeant, vt corporum agilitatem, robur, pulcritudinem, et duritiem augeant, animisque fiduciam, periculorum contemptum, atque certaminum ardorem instillent; athletica contra exercitia corporum atque animorum vires labefactabant, atque homines omnium

L I 3

pacis

h) Oper. Hippoc. et Galeni Edit. I Par. Tom. VI. ad Thrasyll. c. 36. ηρξάτο γὰρ ὀλίγον ἐμπροσθεν τῆς Πλατωνοῦς χρόνων ἡ τέχνη τῶν γυμνασίων, ὅτε περ καὶ τὸ τῶν ἀθλητῶν ἐπιτηδεύμα συνέστη. &c.

i) De bono habitu p. 7. et suas. ad art. orat. c. 6. p. 7. Edit. Bas. Frob. fol. de a. 1561.

pacis et belli negotiorum incapaces reddebant. Haec κακοτεχνίας, uti Galenus Athleticen appellat *k*), detrimenta enumerari et explicari merentur, ut indocti tandem antiquitatis laudatores, qui omnia Graecorum instituta in coelum extollere solent, Gymnasia saltem atque athletas praedicare desinant.

Graecorum ciuitates naturae ordinem ac leges, ciuiumque suorum salutem adeo ignorabant, vel negligebant, ut non solum robustos iuuenes et viros, verum etiam teneros, et nondum adultos pueros Gymnastarum artibus subiicerent. Intempestiua haec exercitia efficiebant, ut puerorum corpora subita incrementa fumerent, mox vero insanabili imbecillitate et praematura senectute opprimerentur. Suadebat itaque Aristoteles Magistratibus, ut pueros ab Athletarum victu atque exercitiis plane arcerent, quod athletica vitae ratio corporis formam corrumpat, atque duratura ipsius incrementa impediat *l*). Quantopere athletica exercitia puerorum corporibus noceant, raris eorum hominum exemplis probabat, qui pueri simul ac iuuenes victoria potiti sint: vix enim duo aut tres inter omnes Olympionicas inueniri, quibus talis fortuna obtigerit *m*).

Vniuersum vitae genus, quod athletae sequebantur, ita comparatum erat, ut validissima quoque iuuenum atque virorum corpora eodem quassari atque debilitari necesse esset. Quum enim Athleticae artis finis hic esset, quosuis aduersarios deicere, eorumque ictus sustinere posse *n*); Gymnastae id vnice curabant, ut athletarum corpora immensum pondus, atque ingens quamuis fluxum robur acquirerent *o*). Siue igitur Athletarum potiones et cibos, siue labores et quietem, siue voluptates voluptatumue abstinentiam respicias; non potes

k) c. 37. ad Thrasyl.

l) VIII. 4.... αθλητικήν ἔξιν ἐμποιοῦσι λωβώμεναι τὰ τε εἶδη, καὶ τὴν αὐξήσιν τῶν σωμάτων.

m) ib. ἐν γὰρ τοῖς ολυμπιονικαῖς δύο τις ἢ τρεῖς εὖροι τὰς αὐτὰς νενικηκότας ἀνδράσιν καὶ παιδᾶς, διὰ τε νέας ἀσκεύοντας, ἀφαιρεῖσθαι τὴν δύναμιν ὑπὸ τῶν ἀναγκαιῶν γυμνασιῶν.

n) c. 45. Galen. ad Thrasyl.

o) Ad Thrasyl. 37. Gal. ἀμετρίας ἐστὶ δημιουργὸς ἢ τοιαύτη γυμνασικὴ πολλὴν καὶ πυκνὴν αὐξήσασα σὰρκα, καὶ πληθὺς αἵματος — παρασκευάζουσα. βούληται γὰρ ἡ τὴν ἰσχυρὴν αὐξήσασθαι μόνον, ἀλλὰ καὶ τὸν οἶκον τε καὶ τὸ βαρὺς τε σώματος, ὥστε καὶ ταύτῃ χειρὸσθαι τὸν ἀνταγωνιστὴν.

potes non Galeno adstipulari dicenti et repetenti, Athleticum viuendi modum athleticumque habitum contra naturam esse *p*). Pro-
 vocat Galenus ad Hippocratis praeceptum: labores, cibi, potiones,
 somni, Venus, omnia moderata; et statim addit, hanc naturae legem
 ab Athletis quotidie infringi. A venere prorsus abstinebant Athle-
 tae *q*), vt omnes ciborum succi corpori accrescerent, eiusque pin-
 guedinem augerent. Salutaris autem ciborum varietas, quae non
 parum ad sanitatem conseruandam conducit, Athletis non concede-
 batur *r*). Saginabantur bubula atque in primis suilla carne, harumque
 carnum multo maiorem quantitatem, quam stomachus poscebat,
 deuorare ipsos oportebat: quae vescendi necessitas athleticis imposita
αναγκαίοφαγία appellabatur *s*). Ne vero humores, qui ex tanta
 ciborum colluie praeparabantur, vasaque omnia inundabant, totum
 corpus obruerent; compellebantur Athletae ad vehementissima corpo-
 ris exercitia, quae non raro per plures horas, imo per totos dies
 continuabantur *t*). Gymnaestae immodica haec exercitia non inter-
 rumpebant, quando imbres, procellae, turbines ceteraeque tempesta-
 tes ingruerent. Obiciebant contra nuda at sudore madentia athle-
 tarum corpora quibusuis tempestatum iniuriis, et hac quoque artis
 suae regula contra aliud Hippocratis praeceptum peccabant, quo
 valde periculosum declarauerat, corpus multum et subito vel implere,
 vel exinanire, vel calefacere vel refrigerare, vel quouis alio modo
 mouere *u*). Ne in somno quidem, vel quiete, quam Athletis con-
 cedebant, naturae vocem Gymnaestae audiebant. Excitabant enim
 saepe Athletas eadem hora, qua caeteri homines qui secundum
 naturam viuebant, a laboribus suis desistebant, atque cibum vel
 quietem capiebant *x*). Aliis vero temporibus patiebantur, vt Athle-
 tae pecudum more per totos dies et noctes somnum extraherent.
 Tot tantisque machinis, quibus Gymnaestae athletarum corpora tor-
 quebant,

p) ib. atque suaf. ad art. or. p. 8.

q) III. 17. Arr. Diff. Epiet.

r) ib.

s) Galen. l. c. Arrian. l. c. et Fabr. Agonist. p. 437. 477.

t) Galen. de sanit. tuenda III. c. 2. p. 94.

u) p. 8. Gal. l. c.

x) Galen. l. c.

quebant, in paruo tantum alumnorum numero artis suae finem con-
sequebantur: vt nempe athletae illud robur, quo in luctatorum, pu-
gilum ac pancratiastrarum certaminibus opus erat, acquirerent,
membraque adeo pinguedine replerentur, vt aduersariorum ictus sine
magnis doloribus vel incommodis perferre possent *y*).

Ipsi vero illi athletae, qui robore atque obesitate sua corona po-
tiebantur, ad hanc tantam fortunam non nisi corporis atque animi
virtutum iactura peruenire poterant. Immanes vires, quae crudelif-
simis artificiis ex tota insequenti vita quasi collectae atque anticipatae
erant, tam subito deficiebant, vt Galenus affirmet, nullum vnquam
athletam vltra quinquennium pari vigore perdurasse *z*). Antequam
vero plane defetiscerent, vel summa corporis decrementa experiren-
tur; semper in ancipiti atque maxime periculoso corporis statu erant.
Athletae enim, crebris ictibus et nimis virium contentionibus de-
bilitati multo leuioribus causis laedebantur, quam aliorum hominum
corpora, eamque ob causam Galenus athletas cum eiusmodi muris
comparabat, qui bellicis machinis saepe conquassati postea paruis im-
pressionibus collabantur *a*). Galenus magnum infirmitatum atque
morborum multitudinem enumerat, quibus Athletae obnoxii erant,
eosdemque frigus, aestum, aliaque incommoda multo minus, quam
recens natos infantes tolerare posse testatur *b*). Athletae saepe
apoplexia, vel venarum disruptione, vel nervorum conuulsionibus
trucidabantur, siue etiam oculos, dentes, atque loquelam repente
perdebant *c*), haecque mala tunc etiam illos persequiebantur, quando
a studiis suis cessare, athleticamque vitam relinquere volebant *d*).
Quodsi athletae mortem quoque, vel summam virium defectionem
effugerent; non poterant tamen totius corporis, et nobilissimorum
membrorum distortionem euitare. Mirabilis partium consensus, ex
quo corporis venustas oritur, necessario laborum ac ciborum intem-
perantia turbatur, eoque magis Galenus fidem meretur, testans, eos
quoque Athletas, quibus antea satis apta fuisset membrorum compago,
a Gymnastis exceptos saginatosque, et in molem carnis ac sanguinis
auctos,

y) Mercur. p. 150.

z) l. c. et Mercur. p. 108.

a) p. 8. suaf. ad art. or.

b) pag. 9.

c) ib.

d) ib.

auctos, in diuersam formae rationem traductos esse *e*). Quoduis athletarum genus suum ac peculiarem viuendi modum habebat *f*), neque igitur omnes eadem ratione foedabantur, vel distorquebantur. Cursoribus crura vltra modum crescebant, humeri vero extenuabantur. In pugilibus contra sagina humeros ac lacertas replebat, cum crura graciliora ac tenuiora euaderent *g*). Inter omnes athletas ii inprimis, qui caestu ac pancratio decernebant, faciem omni ex parte difformem, visuque horribilem habebant *h*), quod eorum capita immanibus caestuum ponderibus et ictibus perpetuo lacerarentur, et mutilarentur. Quum igitur athletica exercitia corporis sanitatem, robur, ac pulcritudinem penitus destruerent; recte pronuntiabat Galenus, multo melius esse nauigare, fodere, metere, iaculari, currere, saltare, equitare, venari, armis certare, ligna findere, baiulare, agrum colere, omniaque alia secundum naturam facere, quam lucta, vel pugilatu exerceri *i*).

Multa vero et magna detrimenta, quae athleticae exercitationes hominum corporibus inferebant, vix comparari possunt cum vitiis et morbis, quibus ingenia ac animos corrumpebant. Platonis aetate iam peruulgatum erat, immodicas virium contentiones, carniūque ingurgitationes Athletas somnolentos, tardos, atque ad belli pacisque negotia ineptos reddere *k*); quapropter Plato ciuibus suis exercitatio-

e) l. c. pag. 9.

f) Arrian. Diff. III. c. 22.

g) Xenoph. in Symp. p. 512. Edit. Steph. μη ὥσπερ οἱ δολιχωδρομοὶ τὰ σκελὴ μὲν παχυνονται, τὰς τε ὠμὰς λεπτύνονται, μηδὲ ὥσπερ οἱ πυκταὶ τὰς μὲν ὠμὰς παχυνονται, τὰ δὲ σκελὴ λεπτύνονται.

h) Galen. l. c.

i) c. 41. ad Thrasyb. ἐρεσσεῖν ἐν ἀμείνων ἐστὶ, καὶ σκαπτεῖν, καὶ θερίζειν, καὶ ἀκοιτίζειν καὶ τρεχεῖν καὶ πηδᾶν, καὶ ἵππαζεσθαι, καὶ κυνηγεῖν ὀπλομαχεῖν τε, καὶ σχιζεῖν ξύλα, καὶ βατάζειν, καὶ γεωργεῖν, ἅπαντα τὰ τ' ἄλλα κατὰ φύσιν ἐργαζέσθαι κρεττόν ἢ κατὰ παλαιὰν γυμναζεσθαι.

k) De Rep. III. p. 208. Edit. Massey: ἀλλ' ὑπνωδὴς αὕτη γὰρ τις (ἕξις) τῶν ἀθλητῶν, καὶ σφαλερὰ πρὸς ὑγίειαν. ἡ γὰρ ὅρας τὸν βίον, καὶ εἰς σμικρὰ ἐκβῶσι τῆς τεταγμένης διαίτης, μεγάλα τε καὶ σφοδρὰ νοσῶσιν ἔσται οἱ ἀσκηταί. iterumque — ἡ περὶ τὴν αὕτη ἐπιμελεία τὸ σώματος· καὶ γὰρ πρὸς οἰκονομίας, καὶ πρὸς στρατείας, καὶ πρὸς ἐδραίας ἀρχάς ἐν πόλει δυσκόλος. τοῦ δὲ ἡμετέρου, ὅτι καὶ πρὸς μαθήσεις ἀσινάσκειν, καὶ ἐννοήσεις τε καὶ μελέτας πρὸς ἐάν τον χαλεπή, κεφαλῆς τινὰς αἰεὶ διατάσεις, καὶ ἱλιγγὰς ὑποπτέυσαι. &c. quae verba a Galeno adducuntur c. 36. ad Thrasyb.

citationes magis naturales et modicas commendabat. Iam ante Platonem Euripides Atheniensibus caeterisque Graecis dixerat, nullum hominum genus magis ineptum rebusque gerendis magis inhabile esse, quam Athletas. Euripidis versus, quibus Galenus aliique scriptores saepius utebantur, latine versi ita sonant:

*Cum mala innumera per Graeciam serpant,
nullum deterius athletarum studio est.*

*quis lucta praestans, quis pedibus celer,
quis bene vel discum extollens, vel maxillam
percutiens patriam seruaui coronam.*

*An cum hoste pugnabant, dum manibus
discos habent? an clypeis, cum e patria
expellent, pedes dum cursu fatigant?*

Nullus. Haec fatua sunt, si ferro conferas. l)

Secundum Galenum Athletae ne intelligebant quidem, an animum haberent, ne dum rationis participem eum esse scirent. Nam cum et sanguinis, et carnis mole se onerent, animos eorum quasi largo coeno suffocari, ut nihil paulo reconditum intelligere queant, sed amentes perinde ac belluae sint *m*). Omnium harum scriptorum iudicio nihil erat, quo athletae superbire possent, quam quod sutores, aliosque opifices facile in palaestra substernerent, ac totos dies in pulvere vel coeno sese volutarent *n*). Infausta ars ne hoc quidem discipulis suis praestabat, ut facile ditescere, atque summa rerum omnium affluentia sanitatis et virtutum iacturam solari possent. Omnes potius Athletae aere alieno obstricti erat, et Galenus neminem cognouerat, qui oeconomum quamuis ignobilem diuitiis superasset *o*). Athletae belluina intemperantia dissipabant, quidquid belluinis laboribus acquisiuerant, eamque ob causam Euripides illos hoc quoque modo vituperabat:

*Qui primum sibi nec parare diuitias
patiuntur, dum possunt. Quo enim modo,
quisquis est gulae deditus, ventrique indulget,
diuitias parabit, ut alat familiam?*

*Deinde nec se egenos, parareue rebus
aduersis. Nam in malis diu versati
moribus, res duras pro desperatis habent.*

Athletae

l) Galen. suaf. ad art. or. c. 6.

m) ib. et c. 37. ad Thrasyb.

n) ll. cc.

o) c. 6. suaf. ad art. or. in fine.

Athletae foeneratoribus non ea tantum praemia, quae victoriis iam adepti erant, verum etiam futuras praemiorum spes pignorabant; hancque igitur rei familiaris dissipationem Romanorum imperatores feueris legibus coercere studebant *p*).

Non facile quemquam arbitror obiecturum esse, Graecorum scriptores in athletas quasi conspirasse, eorumque studia et certamina iniuste reprehendisse. Si quis hanc nulla ex parte probabilem obiectionem proferret; eum facili negotio summorum imperatorum de re athletica iudiciis repellere possemus. Et primum quidem Alexander athleticis exercitiis minime fauebat *q*). Quum enim musica, poetica, ac scenica certamina saepe institueret, et victoribus regia liberalitate praemia tribueret; nunquam tamen gymnicos ludos celebravit, quibus regis huius tempore tota Graecia dedita erat. Inter alios malarum artium doctores atque alumnos athletae quoque Alexandrum in Asiam sequebantur. Cum vnum ex his Dioxippum Atheniensem ob eximiam virium virtutem conuiujs adhiberet; increpabant Macedones, saginati corporis sequi inutilem belluam, quumque ipsi praelium inirent, oleo madentem praeparare ventrem epulis: quibus ex conuitijs singulare certamen inter Horratham Macedonem, atque Dioxippum oriebatur, quo pugil victor discedebat *r*). Alexander athleticam artem eo inprimis vituperabat, quod illam nullo honore, praemioque adficeret. Philopoemen vero eam summo odio persequabatur, quod pulcherrima et fortissima corpora necessariis certaminibus inepta redderet *s*). Quum enim iuuenis ad omnia exercitia, quae militi ac duci vtilia esse possent, summo ardore sese adplicaret, atque etiam bene luctari videretur; plures amici ipsi suadebant, vt se ad athleticam conferret. Hos amicos Philopoemen interrogabat: **■**■ athletica exercitatio militaria exercitia adiutura siue impeditura esset; quumque amici responderent, athleticam et militarem viuendi rationem toto coelo diuersam esse, non tantum ipse athletica studia relinquebat, verum etiam omnes alios iuuenes ac viros

ab

p) vid. Fabr. Agonist. p. 302. 303.

q) IV. II p. Plut. Edit. Reiskii.

r) Lib. IX. Curt. c. 7.

s) Plutarch. in eius vita Vol. II. Op. p. 622. 623. Edit. Reisk: *ε μονον αιτος εφυγετο πραγμα και κατεγελασεν, αλλα και στρατηγων υπερον, ατιμiais και προπηλακισμοις, οσον ην επ' αυτω, πασαν αθλησιν εξεβαλλεν, ωστα χρησιμωτατα των σωμάτων εις τας αναγκαις αγωνας αχρησα ποιεσαν.*

ab illis reuocabat, quod multus somnus, perpetua satietas, statae motiones, et anceps corporis habitus athletas inediae, vigilarum, et caeterarum militaris vitae vicissitudinum plane impatientes facerent *t*).

Quum igitur dubitari non possit, athletica studia tam hominibus, qui illa exercebant, quam ciuitatibus, quae illa tolerabant, atque excitabant, maxime damnosa, atque haec damna iam a Platonis atque Aristotelis aetate omnibus cognita fuisse; non mihi superuacanea quaestio videtur, quomodo Lucianus, qui omnes malas artes, earumque doctores acerbè castigabat, palaestrica studia tam curiose defendere, tantisque laudibus extollere potuerit *u*). *¶* Canit quodammodo virtutes virorum, pulcritudines corporum, admirabiles habitus et peritias, robur inuictum, audaciam, honoris cupiditatem, insuperabiles animos, et nunquam deficiens victoriae studium, quae gymnasticis exercitationibus gignantur. Multis verbis praedicat, libertatem vniuscuiusque et communiter patriae, gloriam, diuitias, et in vniuersum pulcherrima quaeque, quae a diis contingere sibi aliquis optauerit, illa coronae implexa esse, quae gymnasticis laboribus comparetur *x*). Statuit denique, iuuenes et viros in gymnasiis exercitatos bellorum pericula et incommoda multo melius suscipere posse, quam illos, quorum corpora eiusmodi laboribus subacta non sint. Praeterea refellere studet, quaecunque aliis in Gymnasiis reprehendenda videbantur, vel videri poterant. Maxima vero illa detrimenta, quae Plato, Aristoteles, alique artibus athleticis obiecerant, silentio praetermittit, tanquam illorum nunquam mentio facta esset.

Haec iudicii peruersitas vnica tantum ratione in Luciano excusari potest: quod nempe sententiam de gymnasiis non suo nomine, sed Solonis ore pronuntiauerit, Solonis vero aetate Athleticae artes vel non existerint, vel tam parua initia habuerint, vt ne perspicacissimus quidem seriores earum effectus praeuidere potuerit. Quodsi vero etiam ponimus, Lucianum non de athleticis sui temporis exercitationibus, verum de salutaribus priscae aetatis exercitiis loqui voluisse; in eo tamen non satis secum ipse consentire dicendus est, quod philosophos et Sophistas *y*), quorum nomina Solonis aetate nondum audiebantur, tanquam iuuentutis doctores adduxerit, et non solum cursum, luctum, et disci iactum, verum etiam pugilatum atque pancratium laudauerit, quibus exercitiis, vti ipse fatetur, athletae saepius trucidabantur, vel mutilabantur *z*). Quum Solonem loquentem introduceret, neque philosophos meminisse, neque etiam pugilum et multo minus pancratiastarum iugulationes ornare debuisset.

t) ib.

u) II. 891.

x) II. 894.

y) p. 903.

z) p. 887 et sq.

MEMORIA FERDINANDI

SER. DVCIS BRVNSVICO-LVNEBVRGENSIS

PRAESIDIS SVI HONORARII

PIE CELEBRATA

A SOCIETATE REGIA SCIENT. GOTTING.

DIE XX. OCTOB. MDCCCXCII.

INTERPRETE

CHR. G. HEYNE.

Quod decreto vestro, Sodales, collegis, qui ad meliores abierunt, persolui solet officium, ut eorum memoria publico confesso habito recolatur: eo quidem cum consilio, ut eorum virtutes et merita de nostra rep. litteraria, diligenti recensu facto, altius animis ad sempiternam memoriam insigantur: id multo magis decernendum esse iudicastis in honorem eius, qui suscepto ante hos tredecim annos Societatis instauratae praesidio res nostras, tenues eo tempore et imbecillas, recreavit et fouit, firmatisque per tot annos decori et ornamento fuit. Est enim ea litterarum conditio ac fortuna, ut se ipsis contentae, etsi hoc ad sapientiae laudem praeclarum sit, illae nec praesidii satis ad celebritatem habeant, nec virium ad tutelam sui et incolumitatem: quandoquidem ea, quae ab hominum iudiciis profiscuntur, non ex nostra veri rectique perspicientia, verum ex illorum opinione apta et nexa sunt; neque adeo ad laudis et honoris praemia consequenda satis est, rem praeclare gerere, multa et magna meditari, meritis litterariis antecellere; nisi alios, inprimisque eos, in quorum manu ista praemia habentur, eo adduxerimus, ut et ipsi de nobis ita statuunt: ad multitudinem autem, ut litteris aliquid tribuat, hoc ipsum est potentissimum, si apud viros principes
eas

eas aliquo in loco esse, illosque earum studiosos esse viderit. Verendum itaque est, ne, si potentium virorum suffragia eleuando nobis placemus, fastus potius et arrogantiae reprehensionem, quam modestiae aut constantiae laudem consequamur, idque non minus merito nostro, quam illi merito suo vanitatis aut stolidae iactantiae accusantur, qui omnem virtutis laudem a potentibus expectant, iisque assentando et affectando seruiliter obsequuntur. Ipsa enim rerum humanarum conditione et natura ita comparatum est, vt litterae secessus et studia priuata requirant, nominis autem fama et celebritas a multitudinis iudicio proficiscatur, quod non facile ab ipsis litteris aut viris litteratis, verum ab iis regitur, qui principe loco habentur. Bene autem nobiscum actum esse putabimus, si modo inter viros principes sunt, qui aliquam laudem et amplitudinem ex hoc ipso parare sibi velint, vt praesidium ac tutelam litterarum suscipiant. De quorum paucitate cum per omnia tempora magna facta sit conquestio, iusta interdum, saepe iniqua: tanto vtique insignior habenda tantoque magis debita laude ornanda est virtus eorum principum, qui ex literis tuendis et fouendis laudem aliquam in se deriuare voluerint; multo autem magis exultandum nobis erit, si litterarum honorem curae cordique habeant principes illi, qui, rebus praeclare gestis ipsi famam et gloriam consequuti, non habent quod a virorum doctorum laudibus seu veris seu eumentis, saltem emendicatis, claritatem expectent. Etsi summi et pacis bellicue artibus excellentes viri semper ita iudicarunt, vt rerum gestarum memoriam nec satis inter homines propagari, nec ad posteritatem diu superstitem esse putarent, nisi ab hominibus litteratis hoc consequuti essent, vt ii litteris eam consignarent; amplitudini itaque suae laudis ita consulere maluerunt, vt litterarum decora et ornamenta ipsi inspicerent ac curarent. Verum nec minus tulit omnis aetas viros genere, loco, dignitate, meritis illustres, qui, cum excellens ingenium a natura et bonarum litterarum sensum praestanti institutione accepissent, non tam vanae laudis cupiditate, quam ipso litterarum amore et vtilitatum decorumque, quae ab illis proficiscuntur, intelligentia, litterarum studia ipsi sunt prosequuti hominesque doctos et litteratos beneuolentia amplexi: quorum se suffragium tulisse, studium ac fauorem sibi conciliaisse si senserint viri docti, habere vtique putandi sunt, cur fortunae aliquid se debere existiment; dummodo dignitatem suam ipsi satis tueantur, vt, quae a potentium consortio profi-

proficisci possunt, vtilitates nec fastidiose spernant nec nimis cupide appetant, quae autem litterarum disciplinis praesidia et ornamenta per eam societatem parari possint, diligenter circumspiciant ac provideant.

Quae cum ita sint, Auditores, non sane erat, quod Societas nostra aut vanitatis et ostentationis crimen incurrere, aut suis rebus male consulere videri posset, cum Ferdinandum, Principem omni virtutis laude clarissimum, qui litterarum studium insigne, Georgiae autem nostrae, cuius conseruator ille inter perniciosissimi belli furores habebatur et erat, amorem eximium prae se ferebat, Praesidem sibi adscisceret. Verum referendus est animus ad ista tempora et res, quibus magna vestrum, Sodales et Auditores, pars interfuit, quorumque adeo recordatio et vobis esse potest iucunda et aliis haud molesta auditu, ad ea autem, in quibus declarandis versamur, necessaria. Ante hos XXV. annos, erat is saeculi sexagesimus octauus, cum recens adhuc esset calamitatum belli per septem annos exitiosissimi, simulque virtutum et laudum immortalis Principis Ducis Ferdinandi, et sensus et memoria, id, quod diu in votis habueramus, obtigit, ut eum cupiditas incesset visendi academiam nostram. Quare nuntiata, incredibile est dictu, quam erecti et recreati sint omnium animi. Liberator ille patriae salutatus, quacunque incederet, heros rerum gestarum magnitudine et felicitate per omnem Europam spectatissimus, conuertebat omnium ora in se non minus corporis dignitate ac venustate, quam oris suauitate, sermonis comitate et affabilitate. Nunquam alias tanta viri magni admiratione percussos vidimus hominum animos aut ita defixos oculos. Fuerunt hi dies inter maxime festos ac sollennes, quos Georgia Augusta vidit; habitae sunt recitationes coram Principe publicae ac priuatae, delati in candidatos honores academici, et curatum omne genus sollennium, quae academiarum fortunae conuenire possunt. Fuit inter ea et hoc, ut confesso habito ac recitatione facta Societatis Scientiarum Sodalis honorarius adscribi haud dedignaretur. Mansit ab hoc inde tempore inter nos, incredibili comitate et humanitate Principis recreatos, insignis eius caritas; cumque aliquot annis post (sub exitum anni LXXVII) Hallerus rebus humanis esset ereptus, et circumspiceretur, qui in Praesidis locum succederet, nec tamen in litterario ordine is

a 2

reperi-

reperiretur, visum est Sodalibus Praesidem honorarium cōoptare, qui nominis splendore, loci ac dignitatis fortunaeque amplitudine, res nostras ornare ac sustentare posset. Ita facile conuersi sunt omnium animi et vota tacita in Ferdinandum: tentataque eius voluntate, consulto Consilio Regis sanctiore, et impetrata per illud Regia sanctione, annuit votis nostris summa cum facilitate Princeps indulgentissimus, et Praesidis honorarii locum in Societate nostra occupauit, quod euentum habuit ineunte anno LXXX a). Nostis, Sodales, qui his rebus interfuisitis, quanta tum fuerint congratulationes, cum ita prouisum esset Societatis incolumitati, dignitati et splendori. Habuimus quoque anno inde altero (erat is LXXXII.) Praesidem nostrum in hoc ipso loco ac confessu praesentem nostrisque studiis propitium; b) et curam suam amoremque Societati testatus ille est verbis honorificentissimis, quoties ei aut rerum nostrarum rationes redderemus, aut noua commentationum volumina mitteremus; nec nisi preces nostrae defuere, quo minus ampliora in nos conferret. Erat enim in eo cum facilitate summa coniuncta liberalitas et munificentia, magnanimitas et magnificentiae splendorisque amor, qualis inesse solet animis ad magna natis; c) sed, quod raro eiusmodi ingeniis ingentum esse solet, ad haec accesserat in eo mollis humanitatis sensus, pronus ad miserationem affectus, et procliuis ad opem miseris ferendam voluntas: itaque ille habitus communis eorum, qui fortunam aduersam experti erant, portus et perfugium. Qua eius liberalitate, quae cum tanta comitate coniuncta erat erga omnes, qui aut adirent optimum principem aut litteris compellarent, adeo sibi hominum animos adiunxerat, tantum animis sui amorem et caritatem instillauerat, ut vix vllum alium commemorari posse putem principem, qui tam late per terras ac gentes tantos sui amores excitaue- rit, tantam hominum nec vnus populi multitudinem sui tanquam illecebris delinierit, alios beneficiis, officiis alios ac benemeritis, omnes

volun-

a) v. *Gel. Anz.* 1780. p. 497. *Commentationes* Vol. III. Praefat. p. iv. et p. xvii sqq.

b) v. *Gel. Anz.* 1782. p. 993 sq. *Commentat.* Vol. V. Praef. p. iv. et *Comment. hist.* p. I.

c) Conuenit in eum, quod de Stefichoro dictum legimus, animam ἐπιφανε-
στέραν neminem habuisse: Phalaridis Epp. 98.

voluntate et humanitate sibi deuinxerit; amabatur quia alios amabat, beneuolentiamque, si fieri poterat, re, sin minus, comitate sermonis affectusque veritate testabatur.

His ipsis virtutibus factum est, vt tum quoque, cum a rerum actu recessisset, vita eius magna ex parte illustraretur. Ita enim praeter spem et expectationem, atque etiam praeter vota publica euenit, vt rebus magnifice gestis quod reliquum fuit vitae otio et vita priuata exigeret. Multos itaque audiuius fortunam accusare, quod heroi rebus gerendis nato in otio fuit consensendum. Apparuit fane et in hoc viro, quam iniqua sint hominum iudicia, quam leues ac mutabiles voluntates. Recentibus enim eius meritis quantum fuisse admirationem meminimus! at eidem cum singulis annis aliquid vidimus detractum; quatenus saltem de vulgi sensu et affectu quaeritur. Scilicet haec est illa de ingratis ciuibus ac popularibus per omnes aetates magnorum virorum conquestio; languescit cum ipsis annis meritorum sensus, obtunditur tandemque exolescit memoria. Quae quidem fortuna multis tam acerba et intolerabilis visa est, vt ingrata patria excederent, aut cum Achille Homericō vitae breuitatem gloriosam praeferrent longae vitae obscuritati. Occurrit quoque in scriptoribus simile iudicium, cum eorum, qui rebus gestis claruerant, postquam ad vitam priuatam redierunt, otium obscuritatis nomine dehonestarent, aut eorum infortunium lamentarentur, qui, cum antea in ore omnium versarentur, postea non nisi familiaribus noti viuerent. Videntur adeo illi clarorum hominum vitam similem esse velle tragoediis, quae non facile vulgo probantur, nisi caedibus et vulneribus scena perstrepat. Quo quidem iudicio vel hac de causa vti nolim, quia sic statuere necesse est, quicquid praeclarae rei geritur, vanae gloriae causa geri vulgique voces pro summo virtutis praemio habendas esse; a quo iudicii errore longe absunt ingenia erecta et generosa, quibus ipsa virtus merces est pulcherrima, et pulchre factorum conscientia omni potior est rumore, fama et plausu multitudinis, quae tantum abest, vt de laudis veritate iudicare possit, vt eam pari temeritate bene meritis modo impertiat, modo deneget et in immeritos cumulet, aliis inuideat, aut, quos modo laudibus in caelum extulerat, contumeliis oneret. Est fane aliqua felicitas, si cui contigit mors matura in medio rerum se-

cundarum cursu, quatenus desiderio tenemur illius, a quo plura beneficia expectaueramus. At enim aliis fortuna hoc dedit, ut praeclare de patria meriti vitae priuatae commodis et otii dulcedine tanquam mercede fruantur: qua quid esse potest praeclarius, si virtutes publicas priuatis virtutibus cumulent? si, quotquot virum adierint, magnarum rerum gestarum recordati, admiratione eius ac reuerentia teneantur? Nec vero, ubi materies, locus ac tempus magnarum rerum gerendarum deest, iis gerendis claritas parari potest, neque histrioni peragere licet fabulam, ut velit, atque per omnes fabulae actus mirabiles rerum euentus interponere, quando ipsae partes, quae mandatae sunt, leniorem actionem requirunt. Multos nouimus ex omnibus aetatibus viros, rebus gestis claros et insignes, qui vitam priuatam inter ciues suos, aut in agro et opere rustico exegerunt, quorum nomina ad posteritatem ita peruenerunt, ut famae et claritati nihil per hoc ipsum detractum sit. Inprimis in ciuitatibus et populis liberis hoc euenire necesse fuit, ut summis imperiis gestis ad vitae priuatae conditionem redirent viri summi; et fuit illa Romanae reipublicae iamiam riturae prima praesensio, quod ii, qui imperia per multos annos continuauerant, non intelligebant, esse quoque vitae priuatae virtutibus et studiis illustrandae vias et rationes. Quid? quod omnino nemo facile inter clarissimos viros fuit, qui totam vitam rebus magnis bello ac pace gerendis exigeret; summi heroes famam immortalem non factorum et annorum longa enumeratione, sed vnius aut paucarum strenue aut sapienter gestarum rerum claritati debent. Omnino vniuscuiusque vita certa tantum sui parte, in quam tempora rerum gerendarum inciderant, inclaruit; nisi aliquis, fortuna Alexandri usus, in ipso rerum secundarum cursu morte fuit praereptus. Nec ipsi viri docti, qui aliquam nominis sui famam reliquerunt, per totius vitae decursum noua famae alimenta aut fomenta subdiderunt. Neque adeo recte viri magni notio institui videtur sic, ut illum per totam vitam non nisi factis magnificis, illustribus et gloriosis vacasse velimus. Denique etiam in vita priuata res magnae, si non inter vulgus clarae, at consilio, prudentia, vtilitate, etiam clariores geri et curari possunt. Quae si ita se habent, non videntur recte sensisse, qui Ferdinandi Ducis vitam priuatam et ab armorum strepitu remotam obscuritatis nota insignirent. Etiam in otio suo clarus ille et insignis fuit, sed aliis virtu-

virtutibus, aliis studiis, aliis curis, in quibus fuit, quod per litteras ille a summis omnium populorum viris, rei militaris ac ciuilibus studiis ac peritis, de rebus grauissimis consultus est, quodque nonnullarum grauissimarum rerum euentus ab eius consiliis narrantur esse profecti. Atque vtinam nostrae aetati contingeret aliquis, qui vitam tanti viri, et ipsum eius otium, accurate et cum veritatis fide describeret; id quod tanto magis votis nostris expetendum esse ducimus, quo his ipsis diebus vir praestantissimus, a quo rerum a Ferdinando per bellum cum Francis gestarum candide et cum fide perscriptam expositionem expectabamus, fatis iniquis ante opus publice exhibitum nobis est ereptus.

Ceterum nouissimum vitae spatium Ferdinandus omnium sapientium exemplo sapientiae pietatisque studiis exegit; si enim Pythagorei totam vitam mortis meditationem esse voluere, extremis saltem vitae humanae annis conueniens hoc studium putamus omnes, vt mortem meditemur. Etenim etsi, diutissima quamuis, mortis contemplatione ipsa mortis necessitas non mutatur, nec tollitur; nec vita, quae virtutibus et factis nullis fuit expleta aut ornata, vllum nouum decus et ornamentum inde consequitur; atque omnino vitae, virtutis famaeque aestimatio non ex morientis, sed ex viuientis actu instituitur: non tamen alienum esse videtur, vt is, qui iam iter sibi ex hac vita ineundum esse videt, ad illud se accingat et vasa colligat, aut, quod multo melius est, ex vita ante acta viatica, quae virtute publica ac priuata, consilio, fortitudine in ferendis rebus aduersis, humanitate et sedulitate in minuendis aliorum aerumnis, sibi parauit, in promptu habeat et ante oculos ponat. Ita Ferdinandus abdicauit se rebus humanis easque valere iussit; vitamque rebus bellicis, postea studiis vitae priuatae gloriosam et illustrem ita finiit, vt immortalem sui famam ad omnem posteritatem superstitem relinqueret; conuenitque in eum hoc, quod sepulcro Atilii Calatini inscriptum narrat Cato apud Ciceronem: *plurimae consentiunt gentes, populi primarium fuisse virum.*

Nobis autem, Sodales et Auditores, si quidem eo, quo nos dignatus est, honorifico iudicio et amore digni videri volumus, nomen Principis optimi per omne tempus carum et sacrum habebitur,
nec

nec nisi cum sensu pietatis et caritatis recordatio eius vnquam animos subibit; et saepe, quando rerum ab eo gestarum memoratio inciderit, infixae erit mentibus ista cogitatio, hunc virum herois loco aliquando a popularibus habitum hanc Societatem litteratam Praefidis nomine ornasse, eaque ipsa cogitatione vellicati excitabimur ad munia nostra cum fide et industria obeunda, vt digni habeamur Sodalitio, cui aliquando Praeses fuit immortalis heros Ferdinandus.

